

NAZIONALE

8

21-H

8

ROMA

VITT. EMANUELE

V. H. 128







# FONS VITAE ET SAPIENTIAE,

Vel

AD VERAM SAPIENTIAM  
acquirendam Hortatio :

In qua diuinæ scripturæ & sapientiæ, sacræq; Theologię natura, vtilitas, necessitas, ac dignitas explicatur, & a calumnijs defenditur; atque homines ab inutilium librorum lectione, nimioq; humanarum artium studio, ad rerum diuinarum cognitionem, ex sacris literis, & sanctorum Patrum sententijs, reuocantur.

AVCTORE LVDOVICO CARBONE  
A COSTACIARO,

Academico Parthenio, & Sacræ Theologiæ in almo  
Gymnasio Perusino olim publico Professore.

CVM DVPLICI INDICE, QVORVM  
*alter operis capita, alter res notabiles continet.*



VENETIIS, MDLXXXVIII.

Apud Damianum Zenarum.

# FOURTH EDITION

BY

ADAM SMITH

OF THE

IN THE FIRST VOLUME OF THE

THEORY OF MORALS

AND THE SCIENCE OF POLITICS

BY



PERILLVSTRI  
AC REVERENDISS.

D O M I N O,

D. M A R I A N O  
PERBENEDICTO

Marturanensium Episcopo, & Almæ Urbis  
Gubernatori, ac Vicecamerario  
dignissimo,

*Ludovicus Carbo S. D.*



Q<sup>U</sup>M his diebus, Præ-  
sul optime, sacrum di-  
uinæ legis codicem in  
manus sumpsissem; at-  
que inter legendum in  
eum locum, vbi Salo-  
mon omnium hominum sapientissimus,  
diuino afflatus spiritu, omnes mortales  
ad veram sapientiam acquirendam ora-

tionem, ad cuiusvis animum tantæ rei amore inflammandum, maxime idonea, hortatus est, incidissem; in eam cogitationem veni; quid causæ esset, cur tam pauci sint, & qui sunt, tam frigide in rebus diuinis cognoscendis versentur: cum tamen, hac vna re, omnium bonorum genera, veras nimirum voluptates, veras opes, veros honores, verasque virtutes, eodem Sapiente auctore, consequi facillime quisque possit. Rem ergo maxima admiratione dignam, cum mecum ipse tacitus cogitarem, non nullæ mihi in mentem venerunt causæ, ob quas homines diuinæ legi, qua nemo est qui non indigeat, cum in eius cognitione nostra vita, nostraque salus sita atque collocata sit, non ita libenter, ac diligenter operam darent: quas, si quis, mecum dicebam, e medio auferret, fidelesque ad diuina studia colenda excitaret, prouinciam Deo opt. max. non ingratam, & reip. Christianæ non inutilem, susciperet. Cum hæc itaque animo tractarem, quodam iuandæ reip. cui omnes nati sumus, desiderio incensus, statim calamus arripui, & quæ ex ea oratione, & quæ ex alijs scripturæ diuinæ

diuinæ locis, quæque alias antiquos Patres legendo, de vtilitate, voluptate, necessitate, præstantiaque diuinæ legis, sacræque Theologiæ studij collegeram, copiosius explicare, simulque rationes, propter quas multi a veræ sapientiæ studijs abhorrent, aut certe ea leuiter attingunt, exponere cœpi: & paucorum dierum spatium, & si varijs distinerer curis, de re suscepta opusculum confeci. Et quanuis principio, huius lucubrationis editionem ad illud vsq; tempus, quo, fauente Deo, viginti quinque diuinarum institutionum libros foras dabo, in quibus, quæ volenti in lectione sacræ scripturæ versari, necessaria sunt, ea omnia diligenter copioseque tractaui, differre statuissem; postea tamen, iustis de causis, mutato consilio, & prius, & seorsim, hoc opusculum in hominum lucem mihi edendum esse existimaui. Et cum ipse mecum reputarem, sub cuius potissimum tutela ederem; tu vnus, Reuerendiss. Præsul, ex multis, mihi occurrebas, cui hoc, quidquid est operis, dicare iure possem, ac multis honestisque de causis deberem. Primum quidem, quod quanti veram sapientiam,

pietiam, cuius laudes priuatim hac nostra lucubratione celebrantur, ad cuius studium singulari quadam Dei cura, aliquando vocatus fuisti, semper feceris, optime noui. Etenim, ut te olim mihi narrasse memini, cum prius arma tractares, postea priuato Beatæ Virginis, quam semper summa religione coluisti, & collis, auxilio, quodam vitæ amittendæ periculo declinato, in adulta iam ætate, carnalibus positis armis, arma sumpsisti spiritalia, sacram nimirum togam, eamque scientiam, quæ susceptum vitæ genus maxime decebat: quam tanto animi ardore amplexus fuisti; ut, & si antea vix prima literarum elementa teneres, paruo tamen temporis spatio, humanarum atque diuinarum scientiarum cursu peracto, summa cum laude, me præsentem, Romæ, sacræ Theologiæ Doctor fueris creatus. Quo tuo singulari exemplo, sæpe meos discipulos, iam ætate maturos, & de studiorum progressionem desperantes, vera narro, ad optimarum artium studia, christianamq; philosophiam perdiscendam, me excitasse, & animasse memini. Tibi igitur, qui præcipua quadam ratione, ve-

ram

ram sapientiam, semper coluisti, de laudibus verè sapientiæ liber nuncupandus fuit. Ea deinde ad hanc lucubrationem tibi dicandam me honesta adduxit ratio, quod hætenus, vt quod sentio, & omnes qui te norunt, mecum sentiunt, dicam, qui magis bonarum literarum studiosis faueat, prodesseque percipiat, cognoui neminem. Norunt id Academici Parthenij, vt de alijs nunc taceam, quos tu multis & maximis, tum communibus, tum priuatis officijs, in re præsertim literaria, semper ornasti: quæ si recensere, ac ea, quæ narro, verissima esse, pluribus exemplis cõprobare vellem, nuncupatoriæ epistolæ limites transilirem. Quo etiam loco, quæ de tua in me benefica voluntate narrare possem, silentio inuoluam; ne hoc munusculum, magis pro acceptis abs te beneficijs, quam pro tuarum virtutum meritis, tibi offerre velle, ac debere videar: Id tamen vnum dixerim, ex quo, quantum tibi debeam, facile quiuis intelliget, te magis de meis commodis & ornamentis sollicitum sæpe fuisse, quam ego ipse fuerim: vt tantum me tibi debere sentiam, quãtum, etiam, si quidquid possum,

tibi tribuerem, nullam tuorum in me me-  
ritorum partem videar affecutus. Iure igitur  
optimo sub eius nomine hæc nostra de  
vera sapientia comparanda prodibit co-  
hortatio, qui verę sapientię studiosis, in  
quorum numero Academici Parthenij;  
quippe qui potissimum diuinis literis in-  
cumbunt, ponendi sunt, quibuscunq; re-  
bus potuit, prompto animo semper fauit.  
Accedit præterea, quod, cum Congre-  
gationem Academiamq; Beatę virginis  
Annuntiatę in Collegio Romano Socie-  
tatis Iesu, varijs beneficijs affeceris, tuoq;  
nomine illustraueris, multum tibi debe-  
re sciam, meque eidem Congregationi,  
tanquam de me optime meritę nutri-  
ci, ac matri, multum me deuinctum ef-  
se intelligam, cui, si quid in me est, vel  
doctrinæ, vel religionis acceptum refer-  
re debeo, ac refero; existimaui, non so-  
lum tibi, sed etiam toti Congregatio-  
ni, aliqua ex parte, vno eodemque tem-  
pore, me satisfacere posse; si, tanquam  
eius Alumnus, pro tuis in eam & in me  
meritis, aliquid tibi offerrem. Et deni-  
que, ne plures causas percenseam, ea e-  
tiam me excitauit ratio, quod fortasse  
hac



hac mea nuncupatione efficiam, vt ij, qui  
eam legent, quantum in te sit uirtutis &  
sapientię facile intelligant: cum te unum  
ex multis grauissimis uiris, qui sese mihi  
offerebant, quibus hanc meam ad sapien-  
tiam acquirendam paręnesim dicarem,  
dignum potissimum iudicauerim. Quod  
si meum de tuis meritis, tuaque doctri-  
na iudicium aliquibus fortasse imbecil-  
lum uideretur, facile, quod ad me atti-  
net, patiar: sed, qui meam de te opinio-  
nem parui putaret faciendam, is caueat,  
ne simul etiam Gregorij x i i l. & Sixti V.  
grauissimorum Pontificum iudicium im-  
prudenter parui pendendum putet: cum  
uterque Pontifex tantum tibi tribuen-  
dum esse existimauerit, ut alter, nullis  
humanis fauoribus, & officijs, sed tuis  
solummodo maximis meritis motus, gra-  
uissimam Episcopi personam, uniuerso  
purpuratorum approbante senatu, cum  
tu id, non modo, ut fieri solet, non cura-  
res, sed nec cogitares quidem, tibi impo-  
suerit. Alter uero, tanquam optimus  
meritorum ęstimator, honorumque di-  
spensator, statim atque totius Ecclesię gu-  
bernacula accepit, a tuo Episcopatu te

accerfuit, ac præter omnium opinionem, sed non præter tua merita; Alme Urbis Governatorem creavit. Latiffimus hic mihi ad meam opinionem de tua uirtute, religione, atque fapientia confirmandam, daretur campus, in quo fufe lateque excurreret oratio; fi quæ in Epifcopatu, & in prætura gerenda, uigilanter, fapienter, religiofeque gefifti, exponere fufius uellem: quod certe facerem, ni huius epiftolæ nuncupatoriæ anguftijs, quæ ampliffimas tuarum uirtutum laudes capere minime poffent, impedirer. Alias igitur, locum oportuniorem naçtus, quid de te fentiam, quantum in te probitatis, quantumque meriti fit, plenius teftatum relinquam. Nec etiam uelim, ut a me, qui non generi, non alienis meritis, fed folis proprijs uirtutibus laudem deberi femper exiftimaui, aliquid laudis a tuis maioribus nobili genere natis, repetitæ, requiras; cum præfertim non minorem fplēdorem familiæ tuæ, tuis ornamentis, attuleris, quam ab ea acceperis. Illud etiam me a longa tuarum uirtutum prædicatione retrahit, quod non tantum in me eloquentiæ effe uideam, quantum ad eas,  
non

non dicam explicandas, & exornandas,  
sed etiam recensendas, esset opus. Quis  
enim explicet quantam in bonis hone-  
stisque studijs colendis diligentiam sem-  
per adhibueris? quanta cum moderatio-  
ne, & pietate multos annos in ea Con-  
gregatione, de qua paulo supra scripsi,  
versatus fueris? quantum pijs sermoni-  
bus, christianis consilijs, & vitæ genere,  
eum optimorum Iuuenum cœtum iuue-  
ris? quanta vigilantia, prudentia, cari-  
tateque tibi commissum gregem paue-  
ris? quanta dexteritate, constantia, in-  
tegritate, & iustitia, Urbem totius orbis  
caput, gubernes? ac proinde quanta sis  
laude & gloria dignus? cum in vtroque  
procuracionis genere, spiritali nimirum,  
atque politico, quod in paucis reperire  
licet, tantum excellas, quantum pauci in  
âltro solummodo præstant. Ea itaque es  
natura, atq; ingenio præditus, vt quocun-  
que te applicueris, in eo tuæ virtutis cla-  
ram significationem præbeas. Mirati sunt  
non nulli, quod sæpius obseruavi, eum ad  
humanum regimen a summo Pontifice  
fuisse vocatum, qui non humanarum le-  
gum, quarum tamen non es ignarus (in

eas

eis enim tecum olim aliquam operam  
me posuisse memini) sed sacrae Theolo-  
giæ esset doctor : quorum profecto om-  
nis cessabit admiratio , si quæ nos capite  
vigesimo nostri opusculi, scripsimus, dili-  
genter considerauerint : vbi, quam iuste,  
quam pacate, quamque pie rep. admi-  
nistrare possint, qui fuerint diuinæ legis  
periti, perspicue demonstrauius. Qua-  
re, si vere, vir sapientissimus Plato, cuius  
sententiam sapientes approbarunt om-  
nes, tunc fore beatas resp. affirmavit,  
quando, vel Philosophi eas administra-  
rent, vel, qui administrant, philosopha-  
rentur; quanto magis ego his tempori-  
bus Romanam Urbem beatam esse asse-  
uerare potero, cum non solum a Philo-  
sopho, sed etiam a christianæ sapientiæ  
pererudito, & legum humanarum non  
ignaro homine gubernetur? Quamo-  
brem, vt in cæteris rebus sapientissimus  
Pontifex, qui sua singulari sapientia ad  
supremum in rep. Christiana dignitatis  
gradum peruenit, sapienter se gessit; ita  
& in hac, quod te eodem sapientiæ ge-  
nere ornatum, ad partem sui oneris su-  
scipiendam adsciuerit: vt is, qui, quæ  
paulo

paulo ante dicebam, verissima esse optime intelligit. Grauius itaque errant ij, qui existimant, non esse eorum qui philosophari solent, rempub. administrare, quasi philosophia non sit ea, quæ optime resp. constituit, & ad eas optime gubernandas rationem præscribit, atq; hominum vires ita angustas & contractas esse arbitrantur, vt idem, & in negocijs gerendis, & in rerum humanarum diuinarumque causis cognoscendis, excellere non queat: in quo dispari studio, tu, sapientissime Prætor, & Pastor, pari cum laude versaris. Quod dum facis, & eorum, qui sola rerum cogitatione delectati, actionem, in qua omnis virtutis laus sita est, & eorum, qui veri inuestigatione neglecta, sine qua nihil prudenter geritur, culpam fugis, & vtriusque vitæ præmium, gloriamque promereris. Summa itaque laude summus Pontifex dignus profecto est, quod istam honoratam, atque grauem tibi commiserit præturam: cum nullus sit honor tantus, qui in te collatus, non videatur ei qui contulerit, magnam, & iudicij, & sapientiæ laudem allaturus. Et quoniam ad eos dignitatis gradus, quibus

bus duo te summi Pontifices ornarunt,  
ea uitæ ratione, quam in Congregatione  
& Academia Parthenia iniuisti, te præci-  
pue idoneum ac dignum reddidisti; nunc,  
si opus esse existimarem, te contentione,  
quanta maxima possem, orarem, atque  
obsecrarem, ut quemadmodum antehac  
fecisti, ita posthac Fratres & Academi-  
cos tuos, quibuscunque rebus posses, iuua-  
res: ut qui optime nosti quantum utilita-  
tis ex nostra Academia capiat Ecclesia:  
cum ex ea paucorum annorum spatio,  
plures Cardinales, plures Episcopi, plu-  
res Prælati, Doctores, Canonici, Curati,  
& Sacerdotes plures, & Religiosi pene in-  
numeri, christiana pietate imbuti, & sa-  
cris literis ornati prodijerint. Et sane,  
quid potest Vir ecclesiasticus, & Ecclesiæ  
Prælatus efficere, quod maiorem ei glo-  
riam apud omnem posteritatem, & apud  
Deum maius meritum pariat, quam si  
eorum foueat conatus, qui omnes suos  
labores, omnes uigilias, & studia omnia  
eo referunt, ut aliquando in Dei gloriam,  
& fidelium utilitatem cedant; quod Aca-  
demici Parthenij, Beatæ Virginis auxilio,  
& Religiosorum Patrum Societatis Iesu  
cura,

cura, atque diligentia, faciunt. Hac una  
præcipue re, Reuerendis. Præsul, eam, quæ  
in te est sapientia, illustriorem facies, teq;  
maioribus gradibus adhuc digniorem red  
des, si honestis, pijs, ueræque sapientiæ  
cupidis adolescentibus faueris. Neque  
hæc a me in eum finem scribuntur, ut te  
ad tam præclarum opus excitem, cum  
te satis incitatum esse sciam; sed, ut ea  
dem erga Academicos nostros uolunta  
te, qua tu, me affectum esse, tibi patefa  
ciam. Ardeo enim cupiditate incredibili,  
neque, ut arbitror, reprehendenda, ut A  
cademia nostra in dies magis, magisque  
floreat, & uniuersæ Ecclesiæ uberiores  
fructus afferat. Sed iam faciam huic meę  
nuncupationi finem, si te prius orauero,  
ut hoc opusculum meę erga te perpetuæ  
obseruantia signum, eo animo accipias,  
quo offertur: quod si feceris, nihil ve  
reor, quin munus tua, amplitudine dignif  
simum, a me tibi tributum fuisse existima  
turus sis; cum tanto animi studio offeram,  
quanto pro tuis maximis meritis, & tua  
in me summa voluntate, debeo, ac pos  
sum: id quod te facturum spero. Neque  
enim illa animi tui, qua es præditus ma  
gnitudo,



gnitudo, a me, vel re, vel studio se superari, aut equari vnquam patietur. Quo nouo beneficio, si abs te me affectum fuisse intellexero, operam dabo, vt aliqua maiore significatione, te multo maiore munere, eo, quod nunc a me tibi offertur, perdignum esse alias demonstrem. Interim, Deum opt. max. vt haectenus semper feci, orabo, ut te Ecclesie suae, & bonarum artium studiosis, corpore & animo diu incolumem conseruet. Vale.  
Venetijs, Kal. Mar. 1588.






# VARIA, IN DIVINAM SCRIPTURAM,

Sacramq; Theologiam, & in huius operis  
Inscriptionem, carmina :

*QVIBVS LECTORES AD VERAE  
sapientiæ studium inuitantur.*



VINCENTII GILIANI.

*• Cui Musæ parent omnes, Pallasque ministrat,  
Et Peitho sandi grata lepore subest;  
Illa ego sum, quæ pando fores, atq; atria cæli,  
Tergeminumq; vno numine pando Deum.  
Si me posthabita, harum hospes capiaris amor,  
Non tuus iste omni luce carebit amor?*

EIVSDEM.

*Quã bene Carbo tuos, Dea magna, extollit honores?  
Et quam iure homines ad tua sacra vocat?  
Carbo ardens sancto Chaos atrum discutit igne:  
Et tu atrum sancto discutis igne Chaos.  
Et nil te melius videt alto Phæbus ab axe:  
Et nil hoc melius Phæbus ab axe videt.*

††

EIVS.

E I V S D E M.

O' Dea, quæ summo dilaberis Aetheris axe,  
 Et nobis certam pandis ad astram viam.  
 Non tot purpureis noctu micat ignibus aether,  
 Quot tu sidereo lumina ab ore iacis.  
 Quisquis te primis mirari discet ab annis,  
 Atque tuos monitus, & tua facta sequi:  
 Inter hic aethereas æuum se degere Nymphas,  
 Et se inter summos sentiet esse Deos.

E I V S D E M.

Qui fons hanc lato percurrit murmure vallem,  
 Canaque liquenti lilia nutrit aqua;  
 A rutilis cæli missus delabitur astris,  
 Atq; eadem, vnde venit, rursus ad astra redit.  
 Hinc hauri, arentemq; sitim solare viator,  
 Et perfunde sacris sordida membra vadis.  
 Nam, nunquam posthac sities, fiesque nigrante  
 Et rauco ex coruo, dulcis & albus olor.



FABII PETRONII  
ACADEMIAE PARTHE-  
NIÆ RECTORIS,

EIVSDEM ACADEMIÆ, ET CON-  
gregationis Beatæ Mariæ Virginis Annun-  
tiatæ, In Collegio Romano Socie-  
tatis Iesu nomine,

*De Carbone suo.*

*Hic olim nostrum Carbo cumulauerat ignem,  
Quem Christi nobis iunxerat vnus amor.  
Nec tamen auulsus flammæ pia semina perdit:  
Accensas spargunt scripta fouentq, faces.*

LVDOVICI CARBONIS,

De Fratribus & Academicis suis.

*Hic vos extinctus Carbo cumulauerit igne?  
Quin vobis iunctus canduit igne pio:  
Flammæque auulsus conseruat semina, nanque  
Inde habet vt spargat charta pusilla faces.*

EIVSDEM.

*Non dedit, accepit, quæ seruat semina Carbo.  
Vestra ergo hæc spargit pagina luce faces.*

ASCANII SANSEVERINI  
Neapolitani Academici Parthenij.

*Carbo in fronte libri fonti cur proximus hæret ?  
An quia cælestes hæc parit unda faces ?  
An quia cui dederit diuinus spiritus ignem ,  
De ventre hic viuæ flumina fundet aquæ ?*

BERNARDINI BRIGANTII  
Romani Academici Parthenij.

*Ignis hic Carbo est; hic Carbo est Gêmeus: at quos  
Siue rogus latices, siue pyropus habet ?  
An quia, congestis doctrinæ floribus, ignis  
Huius odoriferas exprimit ardor aquas ?  
An quia gemmanti spatiantur lapsa lapillo  
Flumina, ab Empyria qualia sede cadunt ?*

FABII SERGARDII ROMANI  
Academici Parthenij.

Isaïæ  
cap.6.

*Incendere faces pectus, facundia linguam  
Dum superus tetigit carbo labella senis :  
Ecce alius Carbo cælesti accensus ab igne ,  
Aetheriam in scriptis spirat, alitque facem .  
Hæc tu siue legis, fida siue accipis aure ,  
Et linguam, & pectus dius aduret amor .*

IOAN. PETRI SIGNORINI  
Academici Parthenij.

*Si quis amat vitam, si quem sapientia tangit ,  
Hoc de fonte sacros ebibat ille sales .*

*His*

*His etenim scriptis veræ sapientia vitæ  
Occulto quondam cortice clausa patet .  
Aemulus antiquo nimirum poma parenti ,  
Securus nostro fonte rigata leget .*

E I V S D E M .

*Esse quid utilius possit, quid honestius omnes  
Scire homines toto pectore semper audent .  
Utilis ecce tibi liber, & profertur honestus ,  
Hoc magis utile , te quo magis urget opus .  
Quippe necessaria repetit compendia vitæ,  
Qua sine, lector, honos utilitasq, perit .*

IACOBI FIANII DVBLINENSIS

Hyberni Academici Parthenij .

*Arbor in Elysio quondam sata dicitur horto ,  
Vim cui mirandam conditor indiderat .  
Illa daret viridem senibus reuocare iuventam ,  
Perpetuo vitam ducere & illa daret .  
Arboris in morem sælix sapientia surgit ,  
Vis mirabilior , fructus amabilior ,  
Nempe malum, senuit quo mens, fugat, atq, perennem  
Dat vitam , ætatis flore dat usq, frui :  
Illa potis terris, potis hæc dare viuere cælo ,  
Hæc animo vitam, corpori ut illa, dabit .  
Poma legas, senium ponens, iuuenescere qui vis :  
Qui cupis æternum viuere, poma legas .*

E I V S D E M.

*Quisquis aues ubi vera fluit sapientia, nosse,  
Eius & exoptas sumere fontis aquam;  
Huc ades, euoluas quæ Carbo volumina condit,  
Carbo corruscanti lumine munit iter.  
Hoc duce vitales latices haurire licebit,  
Et subito sapiens, hoc duce, verus eris.*

N I C O L A I C A M A N I  
Academici Parthenij.

*Si inuat optatos nimium perquirere fontes,  
Ut sicco liceat pellere ab ore sitim.  
Lubrica quid prodest humiles per gramina fontes  
Viscere? mortalis non leuat unda sitim.  
Huc veniat sitiens, gressus huc dirigat, hic fons  
Vertice vitales fundit amœnus aquas.*

LECTORIS, ET AVCTORIS  
dialogismus,

De suis Academicis Parthenijs.

*Parthenij tam casta canunt cur carmina vates?  
Casta mente colunt Virginis imperia.  
Hæc eadem, lector, casto tu pectore serua;  
Atque eadem, credas, carmina casta canes.*

# IOANNIS BAPTISTÆ

Bellauerij .

*Qui in tenebris erras trepidans formidine mortis ;  
Ad vitam lucem si cupis , atque viam ;  
Candida peruoluas Carbonis scripta diserti,  
Hinc iter ad cæli lucida regna patet .*

## M V T I I S F O R T I Æ .

*Cur ceu Penelopes sponſi vos, turba ſophorum ,  
Quæritis ancillas, nec petitis Dominam ?  
Arce ſedet celfa ſapientia dia, domoq̃,  
Quæ ſeptem fulcris ſulta ſuperba micat .  
Huius ſi cupitis penetralia ſacra ſubire ,  
Sacrumq; aſpectum cernere , & eius opes  
Accipere, & paucis manifeſta arcana docentem  
Myſtica, & ars etiam quanta ſub hiſce latet ,  
Vos introducet Ludouicus, fidus amansq̃,  
Illius editurus , ianua cuique patet .  
Veſtra per anfractus tutum veſtigia ſilum ,  
Ac ceu fida manus vos reget huius opus .*

## E I V S D E M .

*Quid vobis foditis cisternas undique fractas ?  
Unda quibus deſit ; nam ſubito inde fluit .  
Nec petitis fontem, a quo manat vita perennis,  
Qui potis eſt veſtro pellere ab ore ſitim ?  
Quantas hic habeat vires, quid conferat, & quid  
Intus agat, morbos quot fuget ex animo :*

*En libro docet hoc Ludonicus, aquasq, resignans ,  
Haurit, & innuat, qui sitit hasce bibat .  
Porrigit hos vobis sapientia dia, venite ,  
Qui bibere has refugit, certa tenet rabies .*

B O R G A R V T I I

a Borgarutijs.

*Fons vitæ Deus est, Fons est sapientiæ & idem :  
Viue Deo , & viues : viue Deo, & sapies .  
Cætera sunt meræ nugæ , merique iocique :  
Post obitum restat nil , nisi facta probe .*

M. ANTONII IO. BONI.

*Sole sub ardenti quisquis requiescere quæris ,  
Molliter ad ripam prætereuntis aquæ :  
Huc ades , atque hunc ex Paradisi flumine fontem  
Libatum irrorâ vestibulis, & capiti .  
Hinc bibe : pelle sitim hinc, sities non amplius , atq;  
Sic tibi iam cæptum latus iter perage .*

I A C O B I R O S S E T T I .

*Vt decori fons est platano ; platanusque vicissim  
Fonti, altoque procul vertice monstrat eum :  
Fontè libellus erit spectabilis , ipse libello  
Fons simul, & mutua carus uterque vice .  
Fons sacer est, cælique sacra sapientia inundat ;  
Et sacer est, ad eum qui vocat, iste liber .  
Ergo mortales , Sophiæ qui fontis egetis ,  
En vobis index iste libellus erit .*

MARCI



## M A R C I Z E N I.

*Vt sitiens quærit fontes per devia ceruus ,  
 Vt longam sicco pellat ab ore sitim.  
 Sic vos, quos ingens tenet ardor magna sciendi ,  
 Ad fontes sacros currite dulcis aquæ .  
 Huc properate citi , nam vos Deus aduocat ipse ,  
 Ipseque dat vobis pocula sacra manu .  
 Post hac non sitietis,eritque in pectore vestro  
 In cælum viua fons salientis aquæ .*

## P A L M E R I I S C A R D A N T I S.

*Sacræ exoptarem Scripturæ dicere laudes ,  
 Si daret ipsa mihi scandere laudis iter .  
 Carminis ornatu nostri non indiget ullo ,  
 Quod natura parens ingeniosa dedit .  
 Funderet omne decus cantu Sulmonis Alumnus ,  
 Si laudum miris cresceret illa modis .  
 Si tentaret idem sublimis Musa Maronis ,  
 AEquareis undis addere vellet aquam .  
 Sed laudis quicquid cantari posse videtur ,  
 Docti Carbonis pagina culta canit .*

## G R A T I Æ M A R I Æ G R A T I I

Extenuati Philomathi .

*Terrenis quiquunque epulis assuetus , & undis ,  
 Non nisi terrenas aduena quæris opes ;  
 Aethereas scrutare plagas , cælique recessus ,  
 Et nihil aethereo te magis orbe iuuat :*

*Ecce*

Ecce per insolitos calles, perque inuia CARBO  
Lucidus effuso lumine monstrat iter;  
Adspicies primo labentia flumina fonte,  
Et stabili aternas conditione dapes:  
Mox ubi gustaris; non te fortasse pigebit  
Protinus insuetos edere voce modos.  
Terrenæ procul este epulæ, procul este profana  
Flumina, neglecto sordidiora fimo;  
Ambrosiæ, sacrique tenent me neclaris haustus;  
Hic satur esse volo, si satur esse queo.

EIVSDEM.

Qua tortuoso fons vagus ambitu  
Errans, strepentes ad nemorum comas,  
Poscat fatigatos susurro  
Per lapides salientis undæ,  
Fessus latentem visceribus premens  
Ignem grauato Ceruus anhelitu  
Fertur, salutari furentem  
Vt reprimat fluuiò calorem:  
Nos æstuosas deterioribus  
Flammis gerentes pectoribus faces,  
Ductu perenni prodeuntes  
Vertice sidereo liquores  
Vitemus? Ipsos & sapientiæ  
Cælestis amnes, unde animis vigor,  
Et vita nostris, luctuosus.  
Vnde venit medicina morbis,  
Temnamus agræ soll. citudinis  
Errore capti? Sit resipiscere,

Sit

1 *Sit cura tandem, mollibusque*  
*Pellere funereos medullis*  
*Ardoris æstus: En sacra rinulis*  
*Diducta sacris flumina: Currite,*  
*Haurite quisquis, feruidasque*  
*Ad latices cohibete flammæ.*

E I V S D E M.

*Vreris insano scelerum furiosus ab igne?*  
*En tibi fidereæ, quo recreeris, aquæ:*  
*Errorum gelidis torpes quoque frigidus undis?*  
*En tibi fidereæ, quo foueare, faces:*  
*Temperat ignis aquas, & aquis extinguitur ignis;*  
*Auxiliumque ferunt ignis, & vnda tibi.*

S A L L V S T I I G R A T I I.

*Congerat extremo gemmas Oriente petitas,*  
*Qui cupit, atque Arabum vincat auarus opes;*  
*His ego cælesti natos Oriente lapillos*  
*Anteferam, veras & pietatis opes.*  
*Qui caret his Iri mihi semper egentis imago,*  
*Qui fruitur, Croesi diuitis instar erit.*

E I V S D E M.

*Quid iunat impuris haurire e fontibus undas,*  
*Si quo plus potæ, plus sitiuntur aquæ?*  
*Hoc latices bibite æternos de flumine, poti*  
*Qui semel, extinguunt tempus in omne sitim.*

A N.

ANDREÆ VICTORELLI  
Bassanensis Seminarij Gregoriani Eccle-  
siæ D. Marci Venetiarum Clerici.

*Concipere aeterno solis miramur ab igne  
Semina perpetuæ fertilitatis agros ;  
Atque hic ridenti frondesce germine silvas ,  
Hic patulis campos luxuriare comis :  
Cumque animi ad sacræ radiantia lumina legis ,  
Ornatu pingi nobiliore queant ;  
Et dare centuplici promissos senore fructus ,  
Sat bene regales queis superentur opes ;  
Negligimus : Da tu, sol ò clarissime , lucem,  
Excipiant tandem pectora nostra tuam .*

EIVSDEM.

*Mercator properet, frigus patiat, & æstum,  
Ut fluxas avido pectore quærat opes ;  
Ante oculos positos, nulloq, labore parandos  
Sacrarum cumulos nos renuamus opum ?*

VITI VIVOLI EIVSDEM.  
Seminarij Clerici.

*Ut primum abrasus liquit Sansona capillus,  
Hostibus occurrit præda cupita suis :  
Sic quos æthereæ sapientia liquerit oræ ,  
Hostibus occurrent obuia præda suis ;  
Nec laqueos manibus rumpent ; sed lumine capti,  
Pro stolidi pœnas credulitate luent .*

# OCTAVII FERRI EIVSDEM


Seminarij Clerici.

*Ifacidum simul omne inter spelæa ferarum  
Errasset miserum nocte, dieque genus;  
Melle nec Hyblæo riuos, & lacte fluentes,  
Promissam toties nec tetigisset humum:  
Sed Deus igniuomam iussit præcedere nubem,  
Ignotasque data prodere luce vias:  
Nec minus obscura tenebræ noctis in umbra  
Deuius ignotum tendere perget iter,  
Quem nubes, quem nata alto sapientia celo  
Non iuuet, ac nitido lumine flamma regat.*

# ANDREÆ RABAGNII EIVSDEM

Seminarij Clerici.

*Dum Iuuenis funda, plectroque insignis eburno  
Tangeret argutæ fila canora lyra;  
Infrænes posuisse iras mens cæca Saulis  
Creditur, ad sacros & requiescere modos;  
Nos furijs tamen, atque oestro grauiore subacta  
Pectora, Tartarea sollicitata face;  
Ad numeros, ad nulla sacri modulamina iuris,  
Exsuere hos animos, hæc fera corda iuuet?*



HIERONYMI NOVELLI  
Congregationis Somaſchæ, Satyra.

*Quem mihi Ariſtotelē? quæ digna volumina cedro  
Socratis? & turpes Epicuri attollere libros  
Mendax eloquio fallaci Græcia geſſit?  
An non illi hominum mentes caligine ceca,  
Et varijs animos erroribus implicuerunt?  
Nonne illi ingreſſi caulæ de more latronum,  
Diripuerè gregem Domini crudeliter omnem?  
En miſero hic pecori pro viuo, ac diuite puri  
Fonte boni arentes latices, & noxia miſcet  
Pocula damnosa Veneris perſuſa venenis.  
Ille autē in loca ſenta rubis, iugaq; horrida dumis  
Raptat oues; lanæ immeritis lacerantur, & artus.  
Quandoquidem non iam celeſtis paſcua campi  
Annuit, aut colles ſuperum, ſedesque piorum:  
Fidere humo, gemma bibere, inuigilare repoſtis  
Theſauris, oſtroque tegi, byſſoque nitenti,  
Hunc ſtatuit vitæ finem, metamque beatæ.  
Ecce alius iuſtis proponit præmia factis  
Faſtoſas lauros populi, regumque coronas:  
Neſcius, heu, regna occidere, atq; areſcere lauros.  
Eſt & qui ſeſe virtutis ſemina veræ,  
Atque iter inueniſſe tumentis codice iactet;  
Incautosque diu patriæ dulcedine linguæ  
Leſtores tenet, & vacuis eludit ariſtis.  
Quid tibi nunc Cynicoſq; feros, & dogmata duri  
Zenonis cantu memorem? immitesque Catones?  
Inſeuit natura parens, ſator ipſe parenti  
Naturæ varios humano in peſtores motus:*

*At*

At Zeno egregium sapientis fallere nomen  
Hirsuta doctus barba, incomptoque capillo:  
Diductisq; oculis, ad frontem, & sydera dextro  
Sublato, presso ad terram, mentumq; sinistro,  
Naturamque, Deumque insano corrigit ore.  
Nusquam letitiam, nusquam gemitumq; metumq;  
Spemq; feret, quem iam virtus in sede locarit.  
Hæc plebem, stultumq; tenent contagia vulgus.  
Aut flebit paruus, genitrix cui dura negarit  
Vbera, vel crudo natorum in funcre mater.  
Ut te pulchra suo sistat sapientia cliuo,  
Exue mansuetos animos, & mitia corda;  
Et silice, aut duro firmes præcordia ferro.  
Ne te confectus senio, morboq; fameque  
Tangat inops, dum labenti suprema senectæ  
Auxilia implorat lacrymis, & poplite curuo.  
Dat pater indignas fido pro crimine penas,  
Tu raptis catulis Getula sæuior vrsa  
Spectabis sicco morientem lumine patrem.  
Barbarus incendit patriam, atq; altaria Diuum;  
Impia tranquillo cernes incendia vultu.  
Zeno quid insanis? Hominem quem tollere ad astra  
Fas erat, & superis pietate æquare docendo,  
Informi trunco similem, brutisque minorem  
Efficis? atque tibi fidentem inuoluis Auerno?  
Infelix genus ò pecoris, cui contigit horum  
Stulta magisteria, & voces haurire vocentes.  
At nos felices, Genitor quibus aurea quondam  
Decreta, & Natum claro demisit olympo.  
Quam gratus dux? quamq; bonus fuit ille magister?  
Ille ouium pastor facilis, tutela, salusque  
Vera

*Vera gregis, medicusq; animæ fidissimus ægræ:  
Qui postquam ingenti descendit ab æthere cursu,  
Explicuitque Patris diuina oracula terris,  
Nubila nox, crassæque animis fugere tenebrę.  
Quin & vulneribus, rabies quæ sæua luporum  
Intulerat pecori, frustra balantibus agnis,  
Ipse manu medica, cælique potentibus herbis  
Attulit auxilium: desertos deinde per agros  
Dispersas reuocauit oues, tectoque reduxit.  
Tum primum obstructi patefacta est semita veri,  
Fraudesque, insidiæque, et opertę Dæmonis artes.  
Tum demum puteos veterum, scdæque lacunas  
Fugimus, & latices haurire e flumine sancto  
Cepimus, & Christi vitali assuescere fonti.  
Hic verò Fontis titulo, vitæque libellus  
Insignis, nomen merito deduxit ab illo:  
Cuius inexhausta erumpens hoc tempore vena,  
Leniet indomitòs ardentis pectoris æstus:  
Imo aditus primi signantem ad gurgitis urnam  
Si sequeris, grato primi te margine sistet.*





DE ÆTERNA DEI SAPIENTIA

Iosephi Phadij Seminarij Veneti Pa-  
triarchalis alumni,

Ode.

Constantis heros ille animi, & fide  
Fratres benignæ notus in asperos,  
Penuria accisis ubi escis  
Egit atrox Pharios auitis  
Mutare fines, blanditias heræ  
Dum peruicaces negligit abstinens  
Suadentis incestos amores,  
Atque manus fugit insolentes,  
Damnatus atri carceris, integer  
Quamuis & insons, cruraque compede  
Dura reuinctus forte vitam  
In tenebris poterat per omnes  
Traxisse menses, ni sapientiæ  
Consultus almæ temporis anxio  
Arcana regi vnus futuri  
Consilio facili expedisset.  
Ipsa & profundi pertinet ætheris  
Traetus in omnes, & trucis æquora  
Ponti, pigræque terram, & orbis  
Cuncta regit stabili usque lege,  
Æterna, summoque assimilis patri  
Fecundæ imago mentis, & ipsius  
Naturæ origo, vique, & instar  
Principio sine, terminoque.  
Lux grata terris, aurea lux nigris  
Clarum refulgens in tenebris diem,

†††

Pu.

*Purusque inexhausti nitōris*  
*Lumine fons oriens perenni.*  
*Cunctis ut albus Lucifer ignibus*  
*Micat sereno splendidius polo*  
*Per sudum, ut ipse Solis infra*  
*Auricomum iubar est rubentis;*  
*Lux cætera omnis sic sapientia*  
*Decedit (æquum est si peritura mox*  
*Componere æternis) supremæ*  
*Lumine, principio quod orbes*  
*Cæli nitentes ex nihilo extudit,*  
*Et clara puræ cornua Cynthiæ,*  
*Vitasque diuersas ferarum,*  
*Atque hominum genus, & volantum.*  
*Quid ergo certis pro studijs magis*  
*Insanientis falsa scientiæ*  
*Decreta seclāmur nefasti?*  
*Materiam scelerisque summi*  
*Gemmas, & aurum quærimus? Omnia hæc*  
*Labuntur eheu, quam cito mobiles*  
*Deperdit arbor ante frondes,*  
*Prataque purpureos colores.*

ALEXANDRI GATTI  
 eiusdem Seminarij Alumni.

*O satum miserabile, atque acerbum,*  
*Dignum fletibus, heu nimis solutis,*  
*Dignum cui lacrymæ fluant perennes,*  
*Fusa mæsta per ora, perque pectus.*  
*Humanum genus omne peruicaci*

*Astu,*

*Astu, blanditijs, iocis, rapinis,  
Fictionibus impijs, pudendis  
Illectum rapit ad profunda regna  
Infernæ stygis, atria, & paludes,  
Orci bellua dira monstruosi:  
Illa, inquam, miseri orbis inquinatrix  
Serpens, quæ auricomæ arboris Parentes  
Primos carpere poma suavit audax;  
Has mortalibus attulit ruinas,  
Dum cæcos labefactat, & Deorum  
Fictis lusibus inquinat, venenum  
Tetrum melle linendo fabularum.*

*Quæ dementia vos agit misellos?*

*Quisnam vos sopor urget? An videtis*

*Quibus vorticibus, quibus procellis*

*Vos tantæ implicuere fictiones?*

*Cæci progenies nefanda Patris.*

*O tandem laqueos refringite istos,*

*O tandem pedicas videte tantas.*

*En vobis modus vnus, his reiectis,*

*Aquis ora rigate de Sophiæ*

*Hauistis fontibus, & periculosas*

*Vitetis, stygiæ dolum Tyranni,*

*Fabellas, miseri. O probrosa dictu,*

*O vastrum scelus, o dolosa verba.*

*Pactoli haud nitido beabit auro*

*Vos pellucida lympa fontis huius,*

*Aut gemmis vitreo sub amne celat,*

*Quas flauis Tagus exiens arenis*

*In vastum pelagus, sonante fluctu.*

*Isthæc vnus æstimantur assis.*

†††

2

*Aquæ*

*Aqua flumen amabile, & beatum  
Sed fiet salientis aurea ad astra,  
Vbi perpetuo fruamur auro,  
Vbi continuis iocis vacemus,  
Vnde nos trahere ardet, his repertis.  
Fictionibus impijs, pudendis.  
Orci bellua dira monstrosi.  
O scdissima, & indecora dictu,  
O vafrum scelus, o dolosa verba,  
O fatum miserabile, atque acerbum.*

E I V S D E M.

*Haecenus impuras miseri libasse paludes,  
Et tinxisse graui sit satis ora lacu.  
Quem portentificis serpens perfusa venenis  
Inficit, & stygijs impia miscet aquis,  
Huc vero, huc: istis haurite e fontibus, hausta  
Haec quoniam aeternum viuere lympa dabit.*

I A C O B I V V L T O L I N I  
eiusdem Seminarij Alumni.

*Subduclum nitido fraudibus aethere  
Ignem, cum rudibus gentibus intulit  
Audax ardua quaeque  
Tentare Iapeto satus,  
Vitæ mox homines carpere lumina  
Capere, & varijs febribus opprimi,  
Cunctis deinde tulere  
Quæ tantum ob facinus necem;*

*At*

*At cum flammigeris prodijt hic liber  
Astris, perpetuo lumine perfrui  
Mortali dedit omni  
Cura, & tristitia procul,  
Hoc ergo potius munus amet, mala  
Quam terris varij furta Promethei,  
Quisquis ducere longos  
Optat cum superis dies.*

IOANNIS MARIE SPADONI  
eiusdem Seminarij Alumni.

*Lucida quæ a lætis Paradisi labitur aruis,  
Quattuor inque sinus vnda reducta fluit,  
Obscura hic reseat diuinæ arcana Sophiæ,  
Quæ ceu lymphâ alti manat ab arce Poli:  
Prouidâq; in toto terrarum se inserit orbe;  
Ex quo vitalis omnibus humor inest.  
Anxius ergo animo quisquis sitit abdita rerum  
Huc petat, & latices hauriat ore sacros.*

VINCENTII CONTARENI  
eiusdem Seminarij Alumni.

*Quid iuuat ignotas, optantem discere, gentes,  
Quæq; inimicus habet barbara regna sequi?  
Quid iuuat agricolam vano indulgere labori,  
Actardos stimulo sollicitare boues?  
Quid iuuat incertas per aperta pericula vitæ  
Si queras partis non fruiturus opes?  
Hæc lege doctus eris, pastus, diuesq; docebit  
Pascet, ditabit te, studium, esca, labor.*

††† 3 IOAN-

IOANNIS BAPTISTÆ FOLLI

eiusdem Seminarij Alumnus.

*Ne viridi exornet quisquam mihi tempora lauro,  
Neue mea Aonio proluat ora lacu,  
Hermus ne auratam voluat sub gurgite arenam  
Ne mihi Pætolus diuitis unda fluat.  
Dum, quæ sollicitat mentem vesana sciendi,  
Hoc possim vitæ pellere fonte sitim.  
Ditior hic Hermo, Aonioq, potentior amne,  
Hæc una Hybleis dulcior unda fauis.*

DOMINICI BERTACCII

eiusdem Seminarij Alumnus.

*Huc propera quicumque sitis, quicumque perennem  
Exoptas vitam, Nestoreosq, dies.  
Hic etenim celsus fons est, qui manat ab astris,  
Cuius sola potest Lympha leuare sitim,  
Et dare quo longum ducas feliciter ævum,  
Quod tibi nulla dabit diuitis unda Tagi.  
Dum potes, hunc igitur celsum consule fontem,  
Dulcior hoc rutilus non erit Hærmus aquis.*

AVRELII AVGVSTINI SCOTI

eiusdem Seminarij Alumnus.

*Quo properas? hic siste gradum, si te igneus ardor  
Vrit, & infractum torret anhelata sitis;  
Alliciat ne te mendax Permeßidos unda:  
Consiliis fauces non satiantur aquis.*

Fons

*Fons fluit hic Vitæ, tali ne pectora Lympha  
Proluis, æterna morte peremptus obis.  
Vera tibi hic puris manat Sapientia riuis,  
Hanc quoque si fugias, nil (mibi crede) sapis.*

E I V S D E M.

*Heus homo, si audaci decerptum ex arbore malum  
Fauce vorans moreris; hic bibe vinus eris.*

A N D R E Æ S T E L L Æ  
eiusdem Seminarij Alumni.

*Cedite melliflui iam fœli cedite fontes,  
Verior hoc nullus, dulcior atque viget.  
Exiguus vobis liquor est, & turbida Lympha,  
Ast vitreis, magnus fons hic abundat aquis  
Ille iterum sitiet, vestra qui proluet unda  
Ora, sed is nunquam, qui bibet huius aquas.  
Huc igitur properans, hinc dulcia pocula sumat,  
Qui cupit ardentem pellere ab ore sitim.*

G A S P A R I S F A R I N A T I  
eiusdem Seminarij Alumni.

*Mortales quæ cura nefas quæ tanta cupido  
In vetitum contra iusq; piûmq; fuit?  
Aut quenam vestras egit dementia mentes  
Arboris auricomæ carpere poma manu?  
Scilicet æternam secura per otia vitam  
Omniaq; aspectu clara futura suo.*

*Falsidico mendax promisit pectore serpens*  
*Omnia fallaci peruigil arte tegens.*  
*O fortunatam nisi mens tunc læua fuisset*  
*Progeniem, o tanto gens labefacta dolo.*  
*Forsitan & lucis etiam fruerere beatis*  
*Nec tam sollicitis anxia vita foret.*  
*At vos si qua mouet vera pietatis imago*  
*O tanto assueti crimine dura pati.*  
*Huc properate p̄ veteris contagia culpæ*  
*Abluite, atque nouo fonte piate nefas.*  
*Horrificis hic nōn serpens imbuta venenis,*  
*Lethalisq; cibus insidiæq; procul.*  
*Hic dabit adiunctam Sophiæ traducere vitam,*  
*Hic non polliciti pignora falsa feret.*

# **SANCTI MACCAFERRI.**

*eiusdem Seminarij Alumni.*

*Certum mundanam quod si gustaueris undam,*  
*Sæuiet indomitis in te iterata sitis*  
*Viribus, at non arescentes premet arida fauces,*  
*Vt semel hic dulcis tinxerit ora liquor.*  
*Ergo, utcunque cauum sitis aspera guttur adurit,*  
*Ebibe celestes, protinus ebibe aquas.*

# **BARTHOLOMEI NARDI.**

*Conciperet tellus ut semina, fontis Eoi*  
*Quadrifido fluxit vitreus amne liquor.*  
*At quo concipiat celestia semina pectus,*  
*Fons fluuios rursus quattuor vnus habet.*  
Nectareo



*Nectareo primi qui tinxerit ora liquore ,  
Hic sapiens alta sydera mente petet .  
Viuus alter aquis ubi quem perfuderit , illi  
Cœlicolas inter vita perennis erit .  
Tertius est albus , liquidis argenteus undis ;  
Cana fides huius sacra fluenta tenet .  
Igneus est quartus , feruentem temperat amnem  
Pectora qui sanctis ignibus urit amor .  
Qui cupit æternum celestis viuere , viuas  
Hæc properet vini sumere fontis aquas .*

E I V S D E M .

*Quid iuuat ardentem dulci restinguere riuo ,  
Et nitido tristem sistere fonte sitim ?  
Nam redit hæc iterum miseris mortalibus , atque  
Faucibus ut primum defuit humor , adest .  
Ne sitiant umquam rapidis feruoribus ora ,  
Hoc madeant sacro fonte perennis aquæ .*

IOANNIS PETRI FERRARI

Clerici regularis sancti Maioli  
Papiæ .

*Qui res , & varias rerum perquirere causas ,  
Lenibus & studijs , innigilare cupis .  
Huc ades , hoc plenis manat sapientia riuus  
Fonte , cito hæc animi temperat vnda sitim .  
Quæ nec Socraticis sunt vnquam prodita chartis ,  
Nec magnus potuit noscere Aristoteles .  
Impiger admoris si lymphæ , huic protinus ora ,  
Percipies votis non minor ipse tuis .*

E I V S D E M.

*Fons erit hic liber & dulcis Sapientia potus ,  
Quæ tibi perpetuo fonte ministret aquas .  
Fons erit hic summa , tibi quo se lucis origo ,  
Ostendet tandem secula longa frui .*

PHILIPPI TINELLI.

*Ut viridans arbor plantata ad fluminis undas  
Dulcia producit tempore poma suo .  
Sic tu si ad sacri fontis requicueris undam  
Cælestes fructus undique, & usque feres .*

E I V S D E M.

*Mortales miseri, quæ vos dementia cepit,  
Ut fontem viua desereretis aqua ?  
Iam sapite , & reuocate pedes , & linquite tandem ,  
Flumina deſpecto sordidiora limo .*



VINCENTII GILIANI  
in sacram Theologiam.

Οἱμοι τίπτε ἐπισπερχῶς πλανώμεθα πῶροι  
Φρέδων ἀτρυγέτω ἐν ἀλὶ φραδομοτυμῶν;  
Ἦνι θεηγορία ἡμεῖν ἐὰ πάντα δίδωσι.  
Εἴσεται μειόφρονες τίπτε χρονιζόμεθα;  
Τίπτε φρεναβλαβέες τόσον περιόπιοι ἐν δολόν;  
Τίπτε θεῶν στυμνὴ ἐπεριδραπτόμεθα;  
Θ' εἴς τας ναυκληροῦ, ὅς ἀγίστα τὰς φοβερότοις,  
Εἴ τας χειμαδίης χοιράσιν ὠλυγίοις,  
Οὐ πλέει, ὡς ἐνόν, ὡς τάχος ἐς τὸν ἐνώπιον ὄντα  
Καγγύδι ἐυδίοδον λιμένα ἀμφίδυμον.

EIVSDEM.

- Ὅσον τοῖς ὀφλομέναις, ὅτι πότνια μήτηρ  
Δῶσι σε θνητοῖσιν διὰ θεηγορία.  
• Ἦ γὰρ γῆ μιὰρὸν κοκκύτου γίγνεται κλίμα,  
Σοῖο χάριν, γίνεται χωρίον ἐράνιον.

EIVSDEM.

Τοῖσι βροτοῖσι θεῶν βασιλεὺς χαρίσματα δῶκε  
Νήριτα ἀλλοίων ἢ δὲ μέγιστα χρόνων.  
Ἀλλ' ὅτε δῶκε θεηγορίαν, τότε δῶκεν ἔαων  
Πάντων ὑψιστον. δῶκε γὰρ αὐτὸν ὅλον,  
Τοῦ δ' ἐδὲν μείζον δοῦναι θεὸς ἐστὶν οἴοσε·  
Οὐδὲν μείζον ἀγνέειν ἐστὶν οἴοσε βροτός.

IOANNIS DOMINICI  
Traiani Neapolitani.

Κευθόμενος θησαυρὸς ἀχρήσιος, ἐδὲν ὄνειαρ  
Γνώστος ἀγνώστου, χαλπερ ἐρικτεάνου.  
Πολλή σοι πυκνὸν βίβλου χάρις ἐμπυρε Κάρων,  
Λαίμψας ἐπεὶ σοφίης πίδακα ζωνάου.

L V D O V I C I C A R B O N I S

in suos amicos, qui veram sapientiam  
suis carminibus laudarunt.

*Hi veri vates, sacroq; hi numine tacti,  
Veræ qui Sophiæ carmine sacra canunt.  
Non fidos Diuos, cæcosve cupidinis ignes  
Dicunt, nec mentis somnia vana suæ.  
Ut faciunt vulgo impuri, vaniq; poetæ,  
Quorum sunt dignis carmina danda focis.  
Hi veri vates, nam vatium regna priorum  
Conseruant, verum qui cecinere Deum.  
Vos etenim canitis ter sancti oracula Régis,  
Dicitis & studijs esse colenda pijs.  
Vos hominum pectus diuino incenditis igne,  
Et cæcas nubes pellitis ex animis.  
Vos ergo Sophia ornabit sanctissima lauro,  
Atque inter ponet sidera clara poli.*

E I V S D E M I N S V O S A M I C O S,  
qui contra ipsius voluntatem, eius nomen  
in suis carminibus posuerunt.

*Nomine cur tetro chartam nigrastis amici?  
An quod nulla ardens lege tenetur amor?  
Quas amor hic pœnas: sua, quid sit, carmina nigrat?  
Cum fuerint semper candidiora niue?*

E I V S D E M I N E O S D E M.

*Carbonis nomen dum albi cantastis olores,  
Fœdauit tactu corpora vestra suo.  
Qua culpa dignus? nulla: namq; ipse negauit;  
Et placuit vobis iungere disparia.*

E I V S.

## EIVSDEM IN EOSDEM.

*Quid carmen nequeat? dictu mirabile; nanque,  
Quod natura nequit, versibus efficitur.  
Nunquam colluxit Carbo: atqui carmine vestro,  
Nigro Carboni lumina clara datis.*

## EIVSDEM LECTORI.

*Hunc verum, viuum, sapidumq, accedite fontem,  
Et sapere, & vere viuere qui cupitis.  
Hic etenim vera est vita, & sapientia Christus;  
Quo sine non poteris viuere, nec sapere.*

## EIVSDEM.

*Quisquis es enecl'us longa esurieq, sitique,  
Dum patria pulsus per loca sicca petis:  
Huc propera ad petram, prædulceq; collige manna;  
Nanque famem hoc tollit, sedat & illa sitim,  
Ergo, si satur esse cupis, sit semper ubique  
Diuinus codex panis & vnda tibi.*

## EIVSDEM.

*Si dirum semper cupis hostem vincere, semper  
Dauidis in promptu sit lyra, funda tibi.  
Nanq; sono, & saxo cito palma acquiritur illa,  
Quam solum sacra his charta notata dabit.*

EIVS.

E I V S D E M.

*Lēitia cor nostrum vinum & musica complent :  
At Sophia ambobus gaudia plura creat.  
Id sapiens docet . ergo, ni vis flultus haberi,  
Hoc unum quæras , cætera lata fuge .*

E I V S D E M.

*Qui sitiunt properent : huc, huc accurrite cunclī:  
Cella patet cæli, dat Deus hic bibere .*

E I V S D E M.

*Qui vult dux, lux, & sal terræ euadere, sacram  
Is capiat legem pro duce, luce, sale .*

E I V S D E M.

*Quem petis & Deus offert panem perpetuo, & quo  
Semper eges, sume, & contere perpetuo .*

E I V S D E M.

*Qui bibit terræ latices, is æstus  
Comprimit nunquam ; veluti marinos  
Si bibat fluctus, quibus ardor ingens  
Pectore crescit .*

*Ergo nos cæli latices bibamus :  
His enim nosler reprimetur æstus  
Omnis, & nostris resluet perennis  
Cordibus unda .*

F I N I S.

# INDEX CAPITVM.



<b>Q</b> UAE sit huius operis subiecta materia, & qui scopus. Cap. 1.	pag. 1
Quam male a non nullis sacra scriptura studium acceptum fuerit, & qua de laudibus diuina sapientia Salomon scripserit. Cap. 2.	8
Sapientia diuina est veluti lux, sol, & lucerna, qua nobis in tenebris versantibus lumen prabet. Cap. 3.	14
Sacra doctrina est veluti quidam limpidissimus fons, & celestis pluuia, fluiusq; perennis. Cap. 4.	21
Diuina sapientia se tanquam vinum, & lac nobis gustandam proponit. Cap. 5.	30
Diuiinarum rerum studium, est spiritalis panis, & mensa. Cap. 6.	39
Exponentur varia sacra doctrina nomina, figura, & similitudines, ex quibus eius praestantia demonstratur. Cap. 7.	50
Quanta sit sacra doctrina praestantia a materia ei subiecta demonstratur. Cap. 8.	54
Quanta sit sacra doctrina praestantia a multarum rerum, ac artium cognitione, quam requirit, & ab eius certitudine ostenditur. Cap. 9.	62
De sacra doctrina amplitudine, antiquitate, perpetuitate, & integritate. Cap. 10.	70
Sacram Theologiam esse veram sapientiam, eiq; omnes sapientia proprietates conuenire demonstratur. Cap. 11.	84
Laudatur sacra doctrina ab eius auctoribus. Cap. 12.	93
Quanta sit christiana Philosophia dignitas, ex eius fine ostenditur. Cap. 13.	103
Varijs modis diuina sapientia describitur. Cap. 14.	111
Commendatur diuina scriptura studium ab eius varijs, & maximis effectis. Cap. 15.	116
Varij, & mirifici numerantur fructus, qui ex rerum diuinarum	

<i>narum studio colliguntur. Cap. 16.</i>	123
<i>Diuina sapientia studium omnia, tum animi, tum corporis bona suis cultoribus affert. Cap. 17.</i>	135
<i>Demonstratur quantopere Theologia sit Reip. Christiana, &amp; singulis fidelibus necessaria. Cap. 18.</i>	142
<i>Christianam Philosophiam omnium hominum ingenijs ac- commodatam esse, &amp; quantum cuiq; ex ea cognoscendum sit, docetur. Cap. 19.</i>	151
<i>Sacra Theologia studium nobilibus, ac principibus hominibus dignissimum esse demonstratur. Cap. 20.</i>	162
<i>Viris ecclesiasticis rerum diuinarum ignorantiam esse fugien- dam, &amp; in humanis studijs non multum opera ponendum esse docetur. Cap. 21.</i>	175
<i>Paucis Philosophandum, &amp; diuina adepta sapientia, ad hu- manam redeundum non esse, docetur. Cap. 22.</i>	189
<i>Qua detrimenta ex librorum inutilium lectione capiuntur. Cap. 23.</i>	204
<i>Afferuntur nonnulla sanctorum patrum sententia quibus diui- narum rerum studiū maxime cōmendatur. Cap. 24.</i>	210
<i>Varijs sacra scriptura sententijs fideles ad rerum diuinarum studia excitantur. Cap. 25.</i>	127
<i>Multorum, &amp; grauissimorum virorum exemplis ad veram sapientiā acquirēdam homines inuitantur. Cap. 26.</i>	226
<i>Diuinam sapientiam facile acquiri posse, &amp; qua ad eam ac- quirendam conferant. Cap. 27.</i>	240
<i>Refelluntur non nulla rationes, quibus de diuina scriptura, &amp; sacra Theologia studio non multum curandum esse pro- batur. Cap. 28.</i>	248
<i>Diluuntur nonnulla alia rationes, quibus, tutius esse a rebus diuinis cognoscendis abstinere, quam eas cognoscere velle, probat. Cap. 29.</i>	263
<i>Totius operis peroratio. Cap. 30.</i>	276

## Finis Indicis Capitum.





FONS VITÆ,  
ET SAPIENTIAE,

Vel

AD VERAM SAPIENTIAM  
ACQVIRENDAM  
HORTATIO.



*Quæ sit huius operis subiecta materia,  
& qui scopus. Cap. I.*



T si multis maximisq; de cau-  
sis optimus ille Pater, a quo *Iacob. 1.*  
omnia proficiscuntur bona,  
de hominum genere ab ipso  
vsq; mundi exordio multum,  
& sæpe conqueri iure potuit, *Deut. 32.*  
ac etiam conquestus est; nun-

quam tamen vlla alia de re magis, ac sæpius,  
quam de animi ingrati vitio: idq; ea de causa, *Tertul. cō*  
quod munificentissimo parenti hæc turpissima *tra gētes.*

A labes,

- labes, ut quæ eius largissimas manus impedit, ne sua in nos copiosius effundat bona, magnopere displiceat. Inter cætera autem beneficia ingrata naturæ in obscura inscientiæ noctæ versanti, & in tenebris ignorantia iacenti a summo benignoq; Principe concessa, illud multo maximum fuit, quod occulta suæ sapientiæ mysteria, quæ non Angeli, non Archangeli, non Potestates, nullus denique humanus, aut cælestis spiritus unquam cognouerat, scripturis a se inspiratis, immo sua etiam manu exaratis, reuelare voluerit. Quarum scripturarum studium, cum beneficentissimus Pater ab improbis, & ingratis filiis non tanti fieri, quanti profecto deberet, immo a non nullis etiam negligi videat; hinc est, quod apud quendam Prophetam hisce verbis, grauissime conqueritur: Obstupefcite cæli, & portæ eius desolamini vehementer. Duo enim mala fecit populus meus: Me dereliquerunt fontem aquæ viuæ, & foderunt sibi cisternas; cisternas dissipatas, quæ continere non valent aquas. Ac si dixisset, me, meamq; scientiam, in cuius notitia eorum vita sita atque collocata est, abiecerunt, & quasdam doctrinas, quæ nihil veræ ac perfectæ sapientiæ continent, quæ nihil, aut certe parum utilitatis afferunt, sibi inuenerunt. Res itaque admiratione & maximo stupore digna est, quod homines ipsum viuum æternæ vitæ fontem, ipsamque beatæ vitæ effectricem sapientiam relinquant, & solum turbidos & exiguos humanæ doctrinæ consecretur riuulos. At ve-

ro alio in loco, cum mirum in modum amantissimus Pater cupiat, ut aquis e cœlo fluentibus sitientem expleamus animum, his amantissimis grauissimisque; verbis ad ipsas etiam aspides excantandas idoneis, ad purissimos & perennes suæ sapientiæ fontes nos ingratos filios efficacissime inuitat: Omnes sitientes venite ad aquas, & qui non habetis argentum properate: emite, & comedite: venite, emite absque argento, & absque vlla commutatione vinum, & lac. Verum, etsi tanta sit in studio diuinæ scripturæ, sacræque Theologiæ voluptas, & vtilitas, cum summa dignitate coniuncta, quantam nulla dicendi vis oratione exprimere, aut humana mens cogitatione complecti vnquam posset: tamen, ita multorum ingenia, & præsertim quorundam, qui dies noctesque christianam philosophiam tractare deberent, erga hoc diuinum studium parum sunt affecta, ut cuique potius arti, etiam infimæ, quam huic cœlesti sapientiæ operam sibi dandam esse arbitrentur. Ut interim eos miseros faciam, qui otio vitiorum omnium teterri-  
mo perpetuo hebescent, & marcescunt; eos inquam, qui, ut cum Bernardo loquar, accipiunt curas, ut viuant sine curis. Qui omnes, ut arbitror, obturatis auribus illud quotidie legendo percurrunt, quod initio summæ totius sacræ doctrinæ legitur; Eum esse beatum, qui improborum ac corruptorum hominum consortio relicto, vitisque; declinatis, erga diuinam legem propenso est semper animo, eamque diu noctuque me-

Isa. 55.

Eccl. 51.

Bernar.

Psal. 1.

ditatur, & colit. Mirum itaque est, & penè incredibile, quod ij, qui integros annos hunc locum legunt, quo, vel vno quivis ad rerum diuinarum cognitionem vehementer inflammari posset, ac deberet, sacrarum literarum intelligentiam acquirere non studeant; ne quod toties non intelligenter repetunt, tacita quadam ratione negligere videantur. Id autem ex eo fieri existimo, quod hi omnes aliqua fortasse spiritali ægritudine affecti, spiritalem gustum habent deprauatum; ac proinde suauissimi cibi, quem quotidie ore & lingua tractant, summam suauitatem minime percipiunt. Quam profecto percipiebat is, qui huius dulcissimi mannae suauitate gustata, in hanc admirationem prorupit: .

Quam dulcía faucibus meis eloquia tua ! super mel ori meo : hoc est, vere ori meo sunt dulciora melle. Vel certe, quia cæcutientibus vtuntur oculis, immensam huius studij vtilitatem, necessitatemq; non vident : quæ, is sane vidit, qui dixit, Infinitus thesaurus est hominibus, quo qui vsi sunt, participes facti sunt amicitia Dei : & alio loco, Venerunt autem mihi omnia bona pariter cum illa. Neque etiam eius dignitatem percipiunt, cum tamen omne aurum in comparatione ipsius arena sit exigua : sit speciosior sole, & super omnem dispositionem stellarum, & luci comparata inueniatur prior. Vel denique, quasi profundo somno sopiti, grauissimam illam æternæ sapientiæ vocem non exaudiunt : Vsq̃ue quo paruuli diligetis infantiam, & stulti ea quæ sibi

Psal. 118.

Sap. 7.

Prou. 1.

sibi sunt noxia cupient, & imprudentes odibunt scientiam? Conuertimini ad correctionem meam: en proferam vobis spiritum meum, & ostendam vobis verba mea: & quæ sequuntur. Qui ergo hanc diuinam sapientiam non ampleantur, infantes, stulti, & imprudentes a Sapiente nominantur: quod eius vtilitatem, suauitatem, dignitatemq; tanquam cæci non videant, In psal. 106. tanquam stupidi non gustent, & tanquam hebetes & ignari non percipiant. Grauis morbus, & execranda calamitas, ait Cassiodorus, diuinę legis appetentiam non habere. Nos ergo, æternę sapientiæ auxilio, in cuius gloriam hunc laborem suscepisse volumus, ijs qui erga hanc sacram doctrinam male sunt affecti, medicamentis quibusdam, non nostra imperitia factis, aut ex quauis vnguentaria taberna, sed ex diuina officina sumptis, remedium hoc opusculo adhibere conabimur: atque eorum gustum sapidissimis sententijs excitare, oculos aliquo artificioso collyrio purgare, grauissimisq; sacrarum literarum, ac patrum vocibus eos expergefacerere nitemur: vt tandem aliquando appetentia, quæ iacebat excitata, reuocatoq; aspectu, melius iam affecti, suauitatem, vtilitatem, dignitatemq; huius diuini stū dii percipiant, & in eo ad Dei gloriam, ad suam fideliumq; vtilitatem perpetuo, ij saltem versentur, a quibus Deus magis scientiam, quam holocausta se requirere per quendam prophetam testatus est. Et quamuis multi, doctiq; viri hæctenus extiterint, qui hoc argumentum di-

Sap. 6.

ligenter tractarunt; ac etiam ipsamet diuina sapientia hanc suam causam copiose aliquando egerit, & omnes homines grauissimis sententijs in maximisq; pollicitationibus, ac etiam aduersus inobedientes minis, ad se cognoscendam prouocauerit: tamen, cum hisce nostris temporibus pauci sint, qui, vel patrum monita sequantur, vel diuinæ sapientiæ præceptis obediunt, operæ pretium me facturum putauit, si quæ ab alijs, alias, hac de re dicta fuere, rursus fidelium auri- bus inculcarem. Quosdam itaque locos in hoc opere breuiter (nec enim omnes, nec copiosius tractare volumus) attingemus; quibus, quanta sit studij diuinarum literarum sacræq; Theologiæ dignitas, utilitas, atque voluptas demonstrare tentabimus; vt homines a turbidis, inspidis, & lutulentis humanæ doctrinæ riuulis, ad liquidos, dulces, & salutes diuinæ sapientiæ fontes gustandos, reuocemus: vt inde salutare cum lætitia hauriant aquam. Salutares autem fontes, exponente Cyrillo, sunt sancti Prophetæ, Euangelistæ, & Apostoli, qui superne de cælo, mundo effundunt aquam. Et quoniam nostram orationem sacræ paginæ sententijs, & sanctorum patrum testimonijs, quantum fieri per nos poterit, contexere volumus, magis de rebus ipsis, quam de verborum elegantia, atque lepore erimus solliciti, cum potius prodesse, quam delectare cupiamus. An autem hanc disputationem aliqua ratione illustrauerim, & ad eam persuadendam firma, atque certa rationum momenta adhi-

Isa. 12.

Lib. ad  
Regin.

adhibuerim, viderint alij. Mihi quidem id satis erit, si, vel vnum hominem hac mea lucubrationuncula, ad veram solidamque sapientiam amplexandam excitauero: vel etiam, quod omnino spero, meæ operæ, qualis qualis fuerit, ab æterna sapientia mercedem aliquam accepero. Antequam autem ad rem ipsam tractandam aggredior, id vnum pium lectorem monuerim, nimirum, ea quæ de re suscepta dicentur, aliquando de doctrina diuinitus reuelata, quæ in sacris scripturis continetur, aliquando de ea quæ diuina oracula explicat, defendit, & amplificat, interdum vero de utraque, intelligenda esse; cum ex ambabus vna perfecta, & summa conflatur, scientia, quæ grauissimo & illustri nomine, Theologia, vocatur: quæ nihil aliud est, quam rerum diuinarum ex ijs, quæ a Deo reuelata sunt doctrina. Nunc, quoniam labijs impurum, sermone præpeditum, lingua ineruditum, viribusq; ad rem susceptam, pro dignitate tractandam, imbecillum me esse sentio, æternam sapientiam, cuius præconia, studio quidem magno, quod eius est donum, facultate tamen dicendi parua, & oratione inculta, non dignis laudibus, sed pro viribus elaturus sum, oro, atque obsecro, vt aliquem mittat angelum, qui carbone ex altari accepto, labia mea purget, linguam disertam & eruditam reddat, viresq; ad susceptum onus ferendum necessarias suppeditet. Quod si ex hac nostra lucubratione aliquid vtilitatis candidus lector ceperit, si quid in hac pauperis in-

Isa. 6.

genij nostri mensa inuenerit, quo nutrirī possit, id totum diuinæ sapientiæ omnium bonorum effectrici acceptum referat: si vero nostris legendis frustra laborauerit, si quid inconditum gustauerit, id omne nostræ imperitiæ adscribat, & veniam tribuat.

*Quam male a non nullis sacræ scripturæ studium acceptum fuerit, & quæ de laudibus diuinæ sapientiæ Salomon scripserit. Cap. II.*

Lucian.



**N**E mihi Christianæ philosophiæ studium suadere ac laudare conanti, illud obijcere quispiam possit, quod Rhetori cuidam Herculem celebra-  
re volenti a Lacedemonijs obiectum fuisse legimus, Quis vnquam eum vituperauit? demonstrabo initio, non defuisse impudentissimos, & maxime impios homines, qui christianam sapientiam vituperare, aut certe parui facere non dubitauerint: quod vtinam demonstrare non possem. Et quamuis hac de re longus posset haberi sermo: tamen vniuerse dicam, & pluribus omiſſis, multa in pauca conferam. Omitto igitur eos, qui sacros codices, vel igne, vel alijs rationibus funditus perdere sunt conati: omitto eos, qui vniuersam christianæ reip. disciplinam sacris literis contentam, non modo voce, sed etiam scriptis damnarunt: omitto eos, qui, etiam si se Christianos esse profiterentur, tamen ~~vel~~ vtriusque legis libros, vel alterius singulos,  
vel



vel aliquem reiiciunt, vel alicuius particulam aliquam corrodunt, vel addendo, uel detrahendo, aut mutando deprauant: quo impietatis genere omnes fere huius temporis hæretici vehementer laborant. Quare, de ijs solum dicam, qui, vel hoc studium non esse necessarium, & vtile existimant, uel aliqua ratione vituperant, aut certe minoris faciunt, & potius humanis scientijs, quam diuinis, operam dandam esse persuasum habent. Quidam ergo hæretici eo stultitiæ deuenerunt, vt sacras scripturas, non esse legendas, & solum Deum ipsum audire oportere, dicant: & speciatim Libertini, ab ea, pessima qua vtuntur libertate, sic nominati, scripturam diuinam irrident, & solum priuatum spiritum sequendum esse putant. Quidam non minori impudentia & impietate infecti sacram paginam tanquam inutilem, & ad salutem consequendam minus idoneam, floccifaciunt, vt Dauidici. Quidam, vt fideles ad ignauiam & otium prouocent, vel potius, ut hoc diuinum studium conculcent, & sacros codices corrumpant, ita faciles eos esse dicunt, vt nullo sit opus ad eorum intelligentiam studio. Quo fit, vt diuinas literas omnibus tractandas subijciant, doctis videlicet & indoctis, artificibus omnibus, lanijs, coquis, fartoribus, agasonibus, spurcissimis denique, ac improbis quibuscunque ex orbis fœderibus & foeminis: non considerantes illud, Nolite dare sanctum canibus, neque mittatis margaritas vestras ante porcos. Quidam vero, ideo  
diuina

Hofius li.  
de hære.

Matt. 7.

diuina eloquia non magni faciunt, quod non sint artificiose eleganterque conscripta, & congruenti aptaq; methodo, vt ipsi arbitrantur, tradita. Et denique, ne plures errores & impietates referendo, piorum aures offendam, an non permulti reperiuntur, qui Theologiæ studium vituperant, & parui faciunt? qui turpissimis verbis eius professores impetunt, maledictis onerant, & nefarijs contumelijs insectantur? qui sanam solidamq; doctrinam adeo nihil pendunt, vt sacrorum Theologorum libros, etiam publica pompa exurant? Mitto hoc loco quosdam, qui licet in schola christianæ religionis uersentur, atque eius doctrinam inuiolatam sibi seruandam putent: ita tamen seruant, vt eam, nescio quibusdam leuibus de causis, quas in postrema huius operis parte afferam, attingere nolint, nec attingendam iudicent. En igitur vt nobis nimis iusta, nimis magna, nimis oportuna ad scribendum de re proposita præbetur occasio. Ad demonstrandam inquam, huius sacri studij utilitatem, cum non desint, qui inutile esse dicant: ad necessitatem ostendendam, cum multi parum necessarium esse velint: ad eius laudes celebrandas, cum a multis vituperetur: ad inflammandos illius colendi cupiditate, fidelium animos, cum multi sint qui multos ab eo reuocent; aut de eo colendo parum curandum, atque ad alia potius studia, quasi cognitu digniora, & magis utilia, atque secura, labores & vigilias conuertendas esse arbitrentur. Horum hominum er-

rores

rores atque nefarias sententias, quibus piorum aures non possunt non grauitè offendi, cum tam exaudiant hominum impietatem erga Dei opt. max. doctrinam, quantam vnquam excogitari posse existimasset nemo, in medium non attulisset; nisi pro certo habuisset, vel hac vna ratione me posse bonorum animos ad hæc studia excitare, vt a tot iniurijs, tantisq; blasphemijs christianam philosophiam valeant vindicare. Vt, cum videant eam doctrinam, a qua ipsum forum pax, consolatio, institutio, salus, ac æterna felicitas pendet, ita male acceptam, ita despectam, ac conculcatam, iustæ vindictæ ardore, pioq; odio contra nefarios homines incensi, se totos rebus diuinis cognoscendis tradant, & suæ aliorumq; salutis, atq; honori diuino consulant: quod facere nemo profecto potest, nisi is, qui in hoc studiorum genere fuerit versatus, & Christianæ philosophiæ vim atque naturam penitus pernouerit: ne boni Christi discipuli minus diligentes in conseruanda, ac defendenda sui præceptoris doctrina, quam pseudochristiani in eadem oppugnanda, & deprimenda esse videantur. Et sane, quis esset ita ignauus, ita stupidus, ac bardus, qui videret aliquem deiicientem, ac euerterentem mensam sibi ad famem explendam magnifice paratam, & pateretur? quis ita iners & stolidus, qui cerneret aliquem turbantem ac inficientem aquam sibi ad sitim extinguendam appositam, & taceret? quis ita vecors, ac effœminatus, qui hortos sibi ad delicias plantatos demo-

liri

- Cant.2.** liri conantein, non prahiberet? quis ita timidus, ac sibi parum prospiciens, qui vulpeculas suam vineam deuastantes non eijceret? quis denique lumen sibi ad iter in obscura nocte lubricoq; loco faciendum, datum, extinguere tentantein, non repelleret? Et christiani homines, & ij præsertim, qui aliorum docendorum curam susceperunt, aut suscipere volunt, huius vitæ lumen extinguentes, vineam & hortos Dei demolientes, aquam sapientiæ conturbantes, & mensam in conspectu nostro a Deo paratam euercentes
- Psal.22.** hæreticos, & improbos homines vituperantes ferent? Sed ne posthac ferant, & quam sibi ferendum non sit, & si tulerint, quantam perniciem id sibi, & toti reip. christianæ sit allaturum aperte intelligant, varijs rationibus, huius studij dignitatem, vtilitatem, necessitatemq; eis demonstrare conabor, si prius summam huius causæ a diuino spiritu olim tractatæ, ex libro sapientiæ ob legentium oculos posuero. Cum itaque temporibus Salomonis diuina maiestas videret, ac præuideret quantopere humanum genus cœlesti sapientia indigeret, non solum Regi illi eam largissime communicauit, sed etiam per eum cæteros mortales ad eius studium varijs in locis mirifice excitauit: & priuatim in eo sacro libro, qui sapientia, ab ea quæ ibi laudatur, Sapientia, nominatur: Vbi a sexto capite ad duodecimum vsque, Rex ille omnium sapientissimus, diuino tactus spiritu, disputationem a nobis susceptam sapienter copioseq; tractauit: ex cuius fontibus,

fontibus, quæ dicturi sumus, fere omnia, in nostras areolas deriuabimus: ac propterea illius disputationis summam hic ponendam esse existimauimus. Primum igitur, proposito huius disputationis scopo, qui est homines ad studia diuinæ sapientiæ traducere, in sexto capite, omnes mortales ad eam perdiscendam, ac speciatim Magnates, & Reges inuitat: partim incutiendo timorem, ac detrimenta recensendo, si sapientia fuerint orbat, cum sine ea suo munere recte fungi minime possint: partim maximis pollicitationibus, ac præmijs alliciendo: partim uero eius dignitatem vtilitatemque demonstrando. Deinde in septimo capite, primum docet qualis ipse fuerit antequam sapientiam fuisset adeptus, nimirum sicuti ceteri homines: qui autem post acceptam sapientiam extiterit, ex ijs liquido apparet, quæ sacra historia de eius sapientia narrat: quam tantam fuisse ait, vt vniuersus orbis eam audire desiderauerit: ad quam audiendam Regina Austri à finibus terræ venit. Deinde, ostendit quanto desiderio sapientiam concupuerit, quantoq; amore eam prosecutus fuerit. Postea, exponit quanti eam fecerit: cum omnes humanas opes eius acquirendæ causa, contempserit. Ad hæc, declarat quot quantaq; bona per sapientiam fuerit adeptus: ita vt omnia bona sibi cum illa venisse dicat. Postremo, non nullas sapientiæ notas, & illustria epitheta recenset. In octauo capite summatim hanc vnā sapientiam ad quodcunq; vitæ genus degendum,

siue

3. Reg. 10.  
Matt. 12.

siue politicum, siue domesticum, siue solitarium vtilem esse docet, eiusq; mirificos fructus per-  
 censet. In nono, eam orationem proponit, qua  
 a Deo totius sapientiæ fonte, omni animi studio  
 hanc sapientiam petiuit: eiusq; necessitatem ex  
 nostra imbecillitate demonstrat. Denique, in  
 reliquis capitibus copiose enumerat quot quan-  
 tasq; vtilitates homines ab ipso mundi exordio  
 ex hac doctrina perceperint, & quot quantaq;  
 mala qui ea caruerunt perpeffi fuerint: & in sum-  
 ma, in quo sunt omnia, neminem unquam sine  
 hac sapientia Deo placere potuisse demonstrat.  
 Nos igitur paulo fusius, & quæ hoc in loco, &  
 quæ alibi a diuinis scriptoribus, & a sanctis pa-  
 tribus in sacræ doctrinæ commendationem di-  
 cta fuere, explicaturi, primum eius præstantiam,  
 celsitudinem, vtilitatemq; ex ipsis etiam nomi-  
 nibus, quibus nuncupari solet, demonstrare  
 nitemur.

*Sapientia diuina est veluti lux, sol, & lucerna, quæ  
 nobis in tenebris versantibus lumen  
 præbet. Cap. III.*

Grego.  
 Naz.



REGORIVS ille, qui ob singu-  
 larem diuinarum rerum sacræque  
 Theologiæ eruditionem iure opti-  
 mo, Theologus, cognomento est  
 appellatus, oratione in sanctum lauacrum, de  
 baptismo disputationem habiturus, hanc senten-  
 tiam nobis scriptam reliquit: Delectantur, qui  
 alicuius

alicuius rei magno tenentur amore, iucunde circa illius nomina versari. Cum ergo Christi fideles sapientiæ diuinæ desiderio teneri debeant, libenter priore loco de ipsius præclarissimis appellationibus disputationem audient: ex quarum cognitione eius vim, proprietates, fructus, celsitudinemque, bona ex parte cognoscent, atque ad eam conquiendam non mediocriter commovebuntur. Nec tamen omnia prosequemur nomina, sed quæ frequentiora & illustriora nobis visa fuerint, ea percensebimus. Appellatur itaque in primis hæc cælestis disciplina, lux, lumen, & lucerna. Dicitur lux, quod hominibus in hac rerum caligine & obscurissima nocte versantibus lumen præbeat, & viam commonstret; atque cæcas eorum mentes illuminet, & ignorantix tenebras ab eorum oculis dispellat. Hæc est lux illa, quam primum in spiritali mundo creauit Deus, sine qua nihil rerum diuinarum humanarumue bene cernitur: hæc est lux illa, quæ illuminat omnem hominem venientem in hunc mundum; qua qui carent, huius lucis auctorem cognoscere non queunt: hæc est lux illa a qua filij nominamur & sumus lucis: hæc denique est lux illa, qua illuminantur omnes, qui nocte peccati relictæ, ad claram Ecclesiæ lucem per baptismi ianuam veniunt. Quo fit, ut hoc sacramentum a patribus Græcis, sacramentum photismaton, hoc est, illuminationum luculenter nominetur: cuius lucis figura, fuit lux illa, quæ populo Hebræo ex Ægypto egredienti de nocte

Gen. 1.

Ioan. 1.

2. Thes. 5.

Exod. 10.



- nocte præibat. Hac luce, siue hoc sole in mundo spiritali exorto, ferè syluestres, & catuli leonum, improbi videlicet heretici, demonum filij in sua se lustra recipiunt: & homo, vir nimirum fidelis ad opera sua peragenda egreditur. Hanc lucem, is, qui se dulci oculorum lumine orbatum esse cognoscebat, his verbis ab huius lucis auctore postulabat. Illumina oculos meos, & considerabo mirabilia de lege tua: est enim præceptum Domini lucidum, illuminans oculos, & intellectum dans paruulis. Nos quoque hanc lucem, tanquam cæci, cum cæco illo euangelico petamus, & Christo domino quid velimus petenti, dicamus: Domine, ut videamus: hoc est, ut sapientiæ tuæ lumen cæcis mentibus infundas, ut te Patremq; cognoscere possimus: in qua cognitione nostram beatitudinem positam esse, tu qui es lumen de lumine, & sapientia ipsa, nos aliquando docuisti. Remoue igitur a nobis, o Domine, innatam cæcitatem, illumina tenebras nostras, ut tuæ lucis auxilio, te tuaq; percipere, nosq; ipsos cognoscere possimus. Etenim, qui tua luce est præditus ex ipsarum creaturarum magnitudine, motu, dispositione, constantia, vtilitate, ornatu, & temperatione, aliquam vim diuinam ab omni concretione mortali semotam reperiri certissime cognoscit; a qua omnia admirabili consilio, non aliqua minorum seminum conglobatione fortuita, facta, neque ex ullis asperis, & hamatis, vncinatisq; corpusculis concreta, esse intelligit, & summa sapientia gubernari



bernari videt. Qui est hac luce illustratus, lustrat omnia, circumspicit vniuersa: animaduertit hanc omnem rerum multitudinem, ac pulchritudinem in suam vtilitatem esse factam, in suumque vsum conseruari: cœlestes inquam orbes, sempiternos ignes, quæ sydera & stellas vocamus, elementa omnia, animantes cunctas: quicquid in aquis natat, in terra ambulat, in aëre volitat, & in cœlo rutilat: ac proinde, quod est, quod sapit, quod potest, quod habet, totum summæ illi potestati omnium rerum creatrici, & gubernatrici adscribit. Et hæc est summa omnium quæ facta sunt beatitudo, vt tandem omnia ad laudem eius referantur, a quo habent omnia; eius videlicet, qui tam mirifica opera sapientia sua excogitauit, potestate constituit, ratione perfecit, & prouidentia moderatur. Qui est hac luce repletus, cognoscit se in hoc amplissimo terrarum orbe tanquam in quodam maximo templo, veluti quendam sacerdotem ad diuinum numen cognoscendum colendumque esse constitutum, ac proinde mentem humi defixam non habet, cogitationem a sensibus abducit, animo foras eminet, cœlestia semper spectat, & ad æternam donum ex corporis vinculis, tanquam e carcere euolare percipit; vbi plene diuinam vim cognoscere, ac collaudare queat. Qui est hac luce fultus altissimas rerum causas intelligit, occulta mysteria penetrat, in tertium vsque cœlum rapitur, diuinitatem ipsam intuetur, & denique, quæ in terris, quæque

in cœlis aguntur, spectat, ac rerum humanarum diuinarumq; cognitionem assequitur. Qui hac luce est præditus, tuto & recta incedit, sibi & alijs videt, præcipitia vitat, & errantes ad viam reuocat. Qui vero hac luce caret, in obscura nocte versatur, tenebras palpat, sæpe illidit, sæpissime labitur, quid attrectet, non discernit, nec alios, nec se videt: qui hac luce caret in inimicos imprudens incurrit, leuissimo quoque rumore perterretur, & in nocte peccati dormit. Quæ a nobis dicta sunt vera, immo verissima is esse cognosceret, qui mentis oculis cerneret, quanta in caligine, tenebrisq; homines iacerent, antequam eis hæc diuina lux, hic supramundanus sol illuxisset: & quanta in luce, sole hoc exort, fuerint. Quam rem longa oratione explanarem, ni breuitati consulerem. Lectorem itaq; ad ipsam sapientiam, quæ latius eorum cœcitate, & miseram, profligatamque conditionem exponit, reijcio: & ea speciatim, quæ capite decimo septimo sub principium scribuntur legat. Solis itaque illis, vt cum scriptura concludam, superposita erat grauis nox, imago tenebrarum, quæ superuentura illis erat: ipsi vero sibi erant grauioribus tenebris. Hæc quæ diximus omnia intelligebat is, qui hac illustratus luce, suæ vitæ splendore, lumen vniuerso terrarum orbi præbuit; Iobus inquam, qui aliquando de hoc lumine, siue lucerna dixit: Quando splendebat lucerna eius, diuina scilicet scriptura, vt diuus exponit Gregorius, super caput meum, & ad lumen.

Cap. 12. &  
sequent.

Lib. 19.  
Mor. c. 9.

men eius ambulabam in tenebris. Et alius, qui cecinit: Lucerna pedibus meis verbum tuum, Psal. 118.

& lumen semitis meis. Vide, vt hac lucerna in hac tenebrarum valle incedens, vtebatur Dauid. Et princeps apostolorum ac coryphæus Petrus maximum huius lucernæ candelabrum, 2. Pet. 1.

Habemus, ait, firmiorem propheticum sermonem, cui benefacitis attendentes, quasi lucernæ lucenti in caliginoso loco, donec dies illucescat, & lucifer oriatur in cordibus vestris. At, qua obsecro ratione, ijs qui hac lucerna non vtuntur, lux veritatis poterit illucescere, aut claræ doctrinæ lucifer exoriri? Nunquid de his beatus apostolus diceret, Bene facitis attendentes:

an potius, male facitis non attendentes? Attendamus igitur nos miseri, & cæci in hoc caliginoso loco, huic luci, huic lucernæ, quam misericordiarum Pater, nostram miseratus cæcitatem, misericorditer nobis tribuit. Ipse enim parauit lucernam Christo suo, idest diuum Ioannem, seu doctrinam, quam Ioannes docuit, Messix: quæ lucerna huius lucis fontem, & orientem præeundo, suo digito nobis commonstrauit. Ipse nanque primum nos, qui in vmbra mortis sedebamus, hoc est in maximis ignorantix tenebris versabamur, illuminauit: cum nobis scientiam ad peccatorum remissionem, per viscera misericordiæ Dei nostri, in quibus visitauit nos Oriens ex alto, ad dirigendos pedes nostros in viam pacis, dedit. Si hac lucerna vtemur, viam qua ad beatitudinem itur, inuenie-

Psal. 131.

Luc. 1.

- mus, foucas, & fures vitabimus, demonis illusiones non timebimus. Etenim, vt præclare Theophilaetus scripsit, eis qui scripturas scrutantur, nihil potest illudere; quia sunt lucerna & lumen, quo lucente fur deprehenditur. O igitur suauissimam, gratissimam, ac iucundissimam lucem! quæ tot commoda humano generi affers: quæ mortalium mentes summa iucunditate complens: quæ incerta & occulta sapientiæ diuinæ nobis manifestas. Te sine nihil est clarum, nihil peruium, nihil iucundum, sed omnia cæca, ingrata, & funesta. Vere, vere, qui te non desiderat, est infans: qui te frui non cupit, est amens: qui te non videt, est cæcus. In hanc igitur lucem, o vos, qui lux mundi esse debetis; immo omnes, cum nemo sit, qui filium lucis se esse non profiteatur, ingrediamur: in hac luce versemur, vt per eam ad æternam lucem perfruendam admitti aliquando mereamur. Etenim scriptum est: In lumine tuo videbimus lumen; hoc est, per diuinæ sapientiæ lumen, ad Patrem luminum, & totius lucis fontem videndum perueniemus. Nam, sicuti sol sine sole non cernitur, ita æternum lumen, sine hoc participato lumine videri nequit. Ergo cum Sapiente dicamus: Et proposui pro luce habere illam: quoniam inextinguibile est lumen illius: eamque vna cum regio propheta his verbis a Deo petamus: Emitte lucem tuam & veritatem tuam: ipsa me deduxerunt, & adduxerunt, in montem sanctum tuum, & in tabernacula tua. Sed quo-

quoniam Pater luminum, iam suam lucem oculis nostris offudit, illud vnum restat, vt ignorantie nubem excutiamus, oculosque aperiāmus, atque aquilino obtutu, acieque, in eam accuratius inspiciamus: vt hac ratione probati, inter filios lucis connumerari possimus. Possēt aliquis hoc loco de lucis huius mundi laudibus, communem tractando locum, agere; & quæ de ea dici solent, huic spiritali luci accommodare: sed nos, cum breuitati consulamus, ista libenter silentio præterimus, & ad ea quæ restant properamus.

Apollon.  
lib. de mirab.


*Sacra doctrina est ueluti quidam limpidissimus  
fons, & cælestis pluuiæ, fluminisque  
perennis. Cap. IIII.*



A est sacrarum literarum consuetudo, vt res præstantissimas, nominibus a rebus præstantissimis translatis, appellent: vt earum, quas nominant rerum dignitatem, vel ipsa appellatione demonstrent. Præstantissimum quid in hac rerum pulchritudine est lux; sed aqua etiam inter cæteras creaturas suam nobilitatem habet: vt merito quidam antiqui Patres eius laudes eleganter copioseque sint profecuti. Propterea ad demonstrandam huius cælestis sapientiæ præstantiam, atque illustres effectus, sapissime, in diuinis oraculis, aqua, appellari solet. Huc profecto facit illud Sapientis dictum, & aqua sa-

Tertul.  
Ambr.

Eccl. 15.



Ioan. 4.

scientiæ salutaris potabit illum : aqua nimirum cœlestis doctrinæ : quam aquam qui bibunt, non sitiunt iterum . Neque enim humanæ scientiæ riuuli, etiam si quis omnes exhauserit ingentem illam ac propemodum infinitam sitim ex ardore sciendi natam restinguere possunt, sed sola cœlestis doctrina, quæ ex illo perenni, & æterno æternæ sapientiæ fonte emanat . Est itaque rerum diuinarum scientia, aqua, quia sordes ignorantie lauat, mentem fecundat, spiritum vegetat, sitim extinguit, conscientiam ab erroribus purgat, & totum hominem refrigerat . Hinc est quod ij homines, quia hac aqua delectati sunt, doctrina, moribus, vitæ puritate, & sanctitatis fecunditate fuerunt illustres : quorum mentes. his aquis fecundatæ, vberimos fructus omni posteritati ediderunt . Dionysij inquam, Clementes, Athanasij, Cyrilli, Basilij, Hieronymi, Augustini, Ambrosij, Gregorij, Bernardi, & nostra etiam memoria non nulli; qui tanquam frugiferæ arbores ad harum aquarum riuulos plantatæ, virent, florent, tempestiuos fructus ferunt, folia non proijciunt, & denique quæ faciunt omnia, eis prospere succedunt . Hac enim illustri metaphora diuinus vates eum, qui in hoc diuinæ legis studio dies noctesq; versatur, psalmo primo luculenter descripsit. Et erit tanquam lignum, quod plantatum est secus decursus aquarum, quod fructum suum dabit in tempore suo : & folium eius non defluet; & omnia quæcunque faciet prosperabuntur. Verum, cum

Psal. 1.

omnes

omnes simus arbores in domo Domini, quæ est Ecclesia, plantatæ; quid potest nobis accidere optatius, quam secus hos cœlestis doctrinæ riuulos a sede Dei & agni fluentes, hærere? Quid fructuosius, quam hoc cœlesti humore sæcundari, ac suaues fructus ferre? Quid felicius, quam ex nostris operibus, dum ad hos riuulos hæremus, nullum folium decidere? Quid denique honestius, quam nullos immaturos, aut corruptos fructus edere? Da, obsecro, sensum alicui arbori, exempli gratia, palmæ, atque ex ea quære, ubi nam vellet esse plantata: nunquid responderet, apud mortuas & putidas aquas, ad rapida flumina, & ad siccas ac spinosas ripas? an potius apud aquæ viuæ riuulos leniter clareque fluentes? Nos vero, quasi omni sensu carentes, apud emortuas humanæ sapientiæ aquas, & siccis mundanarum scientiarum torrentes, tanquam infœcundæ & steriles plantæ altius radices agemus? Et hinc est quod exiguos fructus, & interdum parum maturos, parumque integros a quibusdam hominibus in agro Christiano efferri cernimus: libros nimirum de rebus inanibus, ludicris, & inhonestis: qui & ciuiles mores, & politicas uirtutes, & quod multo pessimum est, ipsam etiam religionem multo magis, quam ethnicorum libri, corrumpunt: libros, inquam, aqua & igne dignissimos; ex quibus catholicæ fidei hostes latrandi occasionem sumunt. Non est, non est hæc aqua illa ad quam nos Dominus inuitat, ad quam diuinus ille uates se a Deo du-

Psal. 91.

Apoc. 12.

Isa. 55.

Psal. 122.

etum fuisse letabatur, cum cecinit. Super aquam refectiois, hoc est, ad aquam reficientem, & sitim extumque sedantem educauit, hoc est, deduxit me. Hac aqua idem vates aliquando refrigeratus, cum profugus a sancta ciuitate, per inuios, & siccis montes vagabatur, in has proru-

Psal. 118.

pit voces: Cantabiles, siue cantica mihi erant iustificationes tuę in loco peregrinationis meę: ac si dixisset, cum profugus inimici Regis insidias & vim per solitarios montes fugiebam, solum lex tua, o Domine, tanquam dulcissima & alidissima aqua, me recreabat. Ad hanc igitur aquam tanquam sitibundi cerui curramus, hac aqua sitim extinguamus, in hac nos ipsos totos lauamus, & in hac tanquam in puro, claro, ac pellucido liquore faciem nostram intueamur. Quoniam alię, quotquot sunt aquę, luculentę fluunt, aliquid amaritudinis habent, male sępissime olent; vel certe tanquam marini fluctus sitim non restinguunt. Et tamen in hoc aquarum genere, o bone Deus, quam multi, tanquam lunaticus ille, de quo in euangelio legitur, toto vitę tempore sese inuoluunt! nec timent reprehensionem illam: Et nunc quid tibi vis in via Aegypti, vt bibas aquam turbidam? & quid tibi vis cum via Assyriorum, vt bibas aquam fluminis? Cur potius ad aquas Iordanis, hoc est fluij iudicantis, vna cum Christo, a quo iudicandi sunt, non se conferunt? vbi peccata abluuntur, cęli aperiuntur, arcana diuina referantur, Spiritus sanctus descendit, & vox illa iucundissima

exau-



exauditur, qua adoptionis gratia tribuitur: ex quibus aquis, qui in mari natant, pisces, & quæ Gen. 1.  
in cælo volant aues, procreantur. Inuito igitur fideles omnes, ut relictis ægyptijs aquis, dum in deserto huius vitæ versamur, ad aquam de petra, hoc est, e Christi doctrina, tactu virgæ, idest labore & studio educendam, confluant, ut populus & iumenta, omnes videlicet docti & indocti bibant: ne, dum ad terram promissam tendimus, in itinere siti pereamus. Ad huius doctrinæ vim atque abundantiam explicandam, non solum sacri scriptores, aquam, simpliciter appellant, sed etiam flumen, & fluuium. Et ostendit mihi, ait Ioannes, fluuium aquæ viuæ, Apoc. 12.  
splendidum tanquam crystallum, procedentem de sede Dei, & Agni. Procedit ergo hæc cælestis sapientia a sede Dei & Agni, qua nihil est eminentius: & tanquam fluuius, quia nihil est ea vberius & affluentius: & quidem veluti fluuius aquæ viuæ, quia nihil est ea purius, ac suauius: & veluti crystallus, quoniam nihil est hac doctrina nitidius, atque lucidius. Hic ergo est fluuius ille, cuius impetus lætificat ciuitatem, Psal. 45.  
Dei, ipsam nimirum Ecclesiam: hic est fluuius ille, qui egreditur de loco voluptatis ad irrigandum paradysum fidelis animæ; qui in quattuor diuiditur capita, quæ sunt quattuor diuinarum scripturarum sensus, quibus tota irrigatur, & fecundatur Ecclesiâ. Litteralis intellectum docet, tropologicus mores format, allegoricus fidem confirmat, & anagogicus spem corroborat.

Eccl. 24.

rat. Quare, merito hæc doctrina sub Sapiētis personam dicere potuit. Ego sapientia effudi flumina: ego quasi trames aquæ immensæ de fluuio: ego quasi fluuius Dorix, & sicut aqueductus exiui de paradiso. Dixi, rigabo hortum meum, plantationum, & inebriabo partus mei fructum: Et ecce factus est mihi trames abundans, & fluuius meus appropinquauit ad mare. Quoniam doctrinam quasi antelucanum illumino omnibus, & enarrabo illam vsque ad longinquum. Penetrabo omnes inferiores partes terræ & inspiciam omnes dormientes, & illuminabo omnes sperantes in domino. Hæc, si quis voluerit copiose amplificare, poterit. Ego fateor in me non esse tantam vim spiritus, tantamque dicendi copiam, vt id efficere queam: satis mihi fuerit ob legentium oculos illustrem ad contemplandum, ac tractandum proposuisse locum. At vero de humanæ scientiæ fluuijs, quid Seraphicus doctor diceret? id videlicet, eos esse torridos, quia gratiarum flumina exiccant: turbidos, quia intellectum offuscant: tepidos, quia affectum tepefaciunt: ac denique turgidos, quia scientia humana inflat. Sunt ergo humanæ doctrinæ fluuij, torridi, turbidi, tepidi, ac turgidi. De scripturæ vero fluuio cum ipsamet scriptura affirmaret, esse fluuium voluptatis, veritatis, & caritatis, in quo omnium generum procreantur lapilli. Hæc item doctrina, cum de cælo descendat, & montes vallesque fecundet, non raro nomine pluuiæ designatur: quæ cum a Deo pro  
sua

Princ. sacre script.

Dan. 7.  
Gen. 2.

sua voluntate detur, pluuiæ voluntaria nomi- Psal. 67.  
 nantur. Quæ pluuiæ solet Deus, in pœnam, suam  
 vineam, suum videlicet populum, priuare: Ideo Isa. 5.  
 apud Isaiam legimus: Et nubibus, idest meis  
 doctoribus mandabo, ne pluant super eam im-  
 brem: vbi de hac doctrina ab Hebræis auferen-  
 da vaticinatur propheta. Huc facit, quod in  
 Deuteronomio vndecimo capite narratur. Deut. 11.  
 Quando Deus promisit populo Hebræo terram,  
 dixit eam non esse sicuti est terra Aegypti, quæ  
 irrigatur per riuulos; sed montuosam & cam-  
 pestrem, de cœlo pluuias expectantem: quam  
 terram semper Deus inuisit: & oculi eius in ea  
 sunt a principio anni, vsque ad finem eius. Hæc  
 terra est fidelium Ecclesia, cuius fundamenta Psal. 86.  
 sunt in montibus sanctis: quæ non riuulis hu-  
 manæ sapientiæ, sed pluuiæ cœlitus demissa, ir-  
 rigatur. Nubes ergo, quæ hanc pluuiam conti-  
 nent, sunt verbi diuini concionatores, & Eccle-  
 siæ veri & catholici doctores, vt sancti expo-  
 nunt patres: non autem ij, quos nunc hære-  
 ticorum conuenticula habent; ignari scilicet Nicol.  
Sand.  
 grammatici, instabiles adolescentes, impudici  
 poetæ, & impurissimi apostatæ, virginum vio-  
 latores, monialium corruptores, ac diuinorum  
 librorum deprauatores, voluptatibus pellekti,  
 mercede empti, & honoribus corrupti. Quos  
 Apostolorum princeps Petrus, in altera sua ca- 2. Pet. 2.  
 nonica, his verbis graphice descripsit. Hi sunt  
 fontes sine aqua, & nebulæ turbinibus agitatae,  
 quibus caligo tenebrarum reseruatur. Illustri-  
 bus

bus itaque metaphoris, canonicus scriptor, hæreticorum pingit naturam, dum eos vocat fontes sine aqua, & agitatae nubes, cum omni vento ferantur doctrinæ, cum diuinorum oraculorum puram intelligentiam amiserint: ideoque quas promittunt aquarum scaturigines, eas nec præstant, nec præstare possunt: quos ob eorum nefanda scelera, æterna manent supplicia. Superbia enim vanitatis, idest superba & vana loquentes, pelliciunt, in desiderijs carnis luxuriæ, in luxuriosas nimirum carnis appetitiones, eos qui paululum effugiunt; hoc est, eos qui ipsorum doctrinam vitare conantur: qui in errore versantur, libertatem illis promittentes, cum ipsi serui sint corruptionis. Belle, vt diximus, hæreticorum, nostri præsertim temporis, naturam beatus descripsit Apostolus: quam descriptionem, cum ferre nequeant, ex librorum canonicorum albo, hanc canonicam epistolam impij homines, impie expungere conantur. Caueant igitur Christi fideles cum sitiunt, cum pure & suauiter bibere volunt, ne ad has cisternas dissipatas non valentes continere aquas accedant: sed ad fluuium illum se conferant, qui e loco voluptatis, & a sede Dei & Agni fluens, totam irrigat Ecclesiam; ad fontes, quos emittit Deus in conuallibus, in hominibus uidelicet humilibus; ad fontem hortorum, & ad puteum aquarum uiuentium, quæ fluunt impetu de Libano, ad doctrinam nimirum puram & liquidam, quæ fluit ab ecclesia. Tunc enim haurient aquas in gaudio

Jerem. 2.

Psal. 103.

Cant. 4.

Isa. 12.

gaudio de fontibus saluatoris. Audiamus ergo Lege Ber.  
ser. 66.  
 omnes, qui in deserto huius uitæ ambulamus,  
 æstu iam fere consumpti, sitique enecti, uocem  
 illam suauissimam: Omnes sitientes uenite ad Isa. 55.  
 aquas: ac etiam fontem aquæ uiuæ dicentem:  
 Venite ad me omnes, qui laboratis, & onerati Matt. 11.  
 estis, & ego reficiam uos: qui nobis eam dabit  
 aquam, quæ e cælo defluxit, quæ tñere sitim ex-  
 tinguit, mentem fœcundat, conscientiam læti-  
 ficat, & ignorantie sordes mundat: & ita in no- Ioan. 4.  
 bis fiet fons aquæ uiuæ salientis in uitam æter-  
 nam. Oremus Deum opt. max. ut nubibus man-  
 det, ut super nos, qui sumus ueluti terra sine a-  
 qua, pluant, ut cœlesti aqua fœcundati fructus  
 æternæ uitæ dignos in Ecclesiæ agro possimus  
 efferre. Nam, si a Deo carnali populo sitiēti, Exo. 17.  
 & ipsum inuocanti, data est terrestris aqua de  
 petra altissima, & requies sitis de lapide duro,  
 cur etiam spiritalibus filiis, si petiuerint, cœle-  
 stem aquam cœlestis non dabit pater? Elias ho- 3. Reg. 17.  
 mo erat similis nobis, passibilis; & oratione  
 orauit ut non pluerent super terram, & non pluit  
 annos tres, & menses sex. Et rursus orauit, &  
 cœlum dedit pluuiam, & terra dedit fructum  
 suum. Cur ergo, si nos quoque orauerimus cœ- Iac. 5.  
 lum super nos cœlestem non instillabit plu-  
 uiam? Sed sit huic loco finis.

*Diuina sapientia se tanquam vinum & lac nobis  
gustandam proponit. Cap. V.*



Isa. 55.

Matt. 19.

**N** I H I L diuina sapientia non fecit, nullam non adhibuit artem, nullum non mouit lapidem; vt varios, delicatos, & fastidiosos hominum gustus, ad se gustandam alliceret. Ideo nominibus earum rerum, a quibus homines vehementer trahuntur, quarum etiam perfectiones ac proprietates continet, se nominauit, ac nominari voluit. Quo fit, vt non solum tanquam lucem & aquam, sed etiam tanquam vinum & lac, quibus rebus homines valde oblectantur, ac nutriuntur, vino adulti, lacte infantes, vt neminem a se excluderet, sed omnibus sese maxime accomodatam demonstraret, se gustandam proponit, dum ait: Venite, & emite absque argento, & absque vlla commutatione vinum & lac. Est itaque rerum diuinarum cognitio, vinum, quod exhaustos vehementer nutrit, imbecilles roborat, mæstos exhilarat, & semimortuos, dum vitales spiritus in eis excitat, vel gignit, ad vitam reuocat. De hoc vino loquebatur Dominus apud Matthæum, cum dicebat: Neque mittunt vinum nouum in vtres veteres: alioquin rumpuntur vtres, & vinum effunditur, & vtres pereunt. Sapientia videlicet Christiana, atq; perfecta, non in veteribus & imperfectis, sed in nouis & robustis, atque ab omni fæce expurgatis homi-

hominibus infundenda est . Hoc est illud vinum, quod, ædificata domo, & mensa propofita, æterna fapientia mifcuit, vinum fcilicet cognitionis diuinæ fcripturæ, facræq; Theologiæ, quod varijs fenfibus, varijsq; loquendi modis, vt fefe nobis attemperaret, permifcuit . Parata itaque mensa, vinoq; permixto, quid nam fapientia diuina fecit? o immenfam Dei erga hominum genus in fe ingratiffimum mifericordiam! mifit ancillas fuas, vt vocarent ad arcem, & ad mœnia ciuitatis . Si quis eft paruulus, veniat ad me: & infipientibus locuta eft: Venite comedite panem meum, & bibite vinum, quod mifcui vobis . Relinquitte infantiam, & venite, & ambulate per vias prudentiæ . Paruulos primum, omnium fcientiarum domina per fuas ancillas vocat, antequam ad infuaues, & parum vtiles rerum humanarum fcientias fefe totos conuertant: antequam mulier ftulta & clamofa, plenaq; illecebris, & nihil omnino fcienf, cuiufmodi eft humana fapientia, fi a chriſtiana philofophia fuerit diflociata, paruulos vocet, vt ad fe declinent . Quod non fine magna animi mei moleſtia fæpe accidiſſe vidi, non ſolum in fæcularibus hominibus, ſed etiam in ijs, qui facris initiati ſunt, & religionem ipſam proſitentur: & hiſce diebus priuatim quofdam meos diſcipulos, quos ad hæc ſacra ſtudia fæpe inflammaueram, ſtulta & clamofa mulier, vel lucri, vel honorum fucata ſpe, reuocauit . Quæ potiffimum ſane cauſa, me ad hoc opufculum confi-

ciendum

Prou.9.

Prou.9.

Lege Dio.  
Alecop. e-  
piſt. ad Ti-  
tum.

ciendum, & edendum incitavit. Semper enim ab eo vsque tempore, quo sapere cœpi, maximo desiderio flagraui videndi sacræ Theologiæ studia florere. Vocat deinde insipientes, eos videlicet, qui tanquam amentes, vera sapientia relicta, rerum diuinarum tractatione neglecta, liberos, non modo lectu, sed etiam cogitatione, auditu, & uisu indignos legunt: aniles, inquam, fabulas, pueriles facetias, nugas nugacissimas, impudica dicteria, cœnoscas comœdias, venereas odas, Romanzorum, quos vocant, inania insomnia: planius dicam, hominum fictorum arma, amores, ferocias, indignationes, & scæminarum sæpe corruptarum pulchritudines: quas, parum christiane, suas delicias, suos paradisos, & suas deas vocant. O male impenso labores! o pessime collocatas operas! eorum hominum, qui hoc librorum genus, post multos sudores, hominibus legendos præbuerunt, & de suis moribus ob huiuscemodi librorum confectioem, non laudabilem opinionem omni posteritati reliquerunt. De quibus, cum Sapiente dicerēs: Sapientiam prætereuntes, non tantum in hoc lapsi sunt, ut ignorarent bona, sed & insipientiæ suæ reliquerunt hominibus memoriam. Sed istos misso faciamus, cum non ea de causa stylum sumpserimus, ut quempiam acrius pungamus: & aliorum potius leuitatem admirandam deploremus; eorum nimirum, qui vera, solida, & diuina studia postponunt, & humanas fabellas, fictas & leues leuium hominum cogitationes, quotidie

Sap. 10.



quotidie lætitant, memoriæ mandant, & ne memoria excidant, passim cantillant, atque adeo commentarijs exponunt, & amplificant. Non sic, non sic erat affectus ille, qui hunc in modum cecinit: Narrauerunt mihi iniqui fabulationes, sed non vt lex tua. Et quidam vir nostra ætate vitæ integritate, & doctrinæ copia celebris, cum scripta quorundam minus pudica, ac digna, quæ lucem videant, damnasset, hæc verba ad aliorum exemplum scripta nobis reliquit. Væ mihi misero, qui olim puer imprudens suxi dulcia hæc venena. Et quid obsecro, vos, vos appello, qui Christianam religionem profitentes, Christianam philosophiam solam, & desertam esse finitis, potest excogitari infantius? quid stultius fingi, quam ancillas, id est humanas artes, quas omnium scientiarum domina, ac regina Theologia vos accersendos misit, sequi & amplecti, & de domina cogitare nihil? Animaduertite infantiam, considerate stultitiam. Vtra enim tandem poterit vos ueris diuitijs magis ditare, uerisq; uoluptatibus copiosius explere, postquam diuitias, & uoluptates quæritis ancilla, an Domina? Cum, ut ea scriptura docet, quæ mentiri nequit, Domina omnes opes, & delectationes omnes secum afferat? Vtra pluribus, & maioribus honoribus ornare, Regina an famula? Ministerio igitur ancillarum utamur, ut ad Regine aulam peruenire, & ad regalem mensam accumbere, & uinum quod nobis permiscuit gustare, eodemq; nos inebriare possimus. Hoc est ui-

Psal. 118.

Ambros.  
Cathar.

Sap. 7.

A&amp;. 2.

Cant. 5.

Sap. 7.

Cardin.  
Serip.

num, siue mustum illud, quo Apostoli repleti, magnifica, ac mirabilia de Deo dicebant, & tanto ardore, tantaq; dicendi efficacia loquebantur, ut auditores in maximam admirationem raperent. Si vos, qui parui Christianam philosophiam facitis, & quasi indignam præteritis videre vultis quam diuina sapientia desideret, ut vosipso hoc suauissimo potentissimoque vino inebrietur, quibus ipsa verbis vobis det bibere, quæso animaduertite: Comedite amici, & bibite, & inebriamini carissimi. Quis hic erit tam durus, tam inhumanus, qui his suauissimis, & amantissimis vocibus exauditis, ad hoc vinum gustandum, non accedat? quod bene multi, non sine maxima huius dulcissimi liquoris iniuria, & suæ stultitię significatione, antequam gustent; tanquam inlipidum & in salubre respuunt, ac stomachantur: quod, si gustarent, nihil dubito, quin probarent, eoq; se inebriare vellent. Gustate igitur, & videte, quam sit hoc vinum suaue, & tunc cum Salomone dicetis, Et ignorabam: nesciebam videlicet, aut non putabam tantam esse vini huius dulcedinem, tantamque potentiam. Dies me deficeret, si percensere vellem exempla eorum, qui, hoc vino vix dum gustato, ebrij facti sunt: qui hac sancta ebrietate affecti, ea fecerunt, quæ stultus in hac re, ut in alijs omnibus, ijs qui proprie ebrij dicuntur, tribuere mundus solet. Huc pertinet factum cuiusdam doctrina & honoribus illustris viri, ut nunc multos mittamus alios,

lios, qui cum esset cuiusdam amplissimę religionis summus Magister, quem, Generalem, vocant, & quidem perpetuus, cum & studiorum laboribus, & varijs suscepti officij curis aduersa esset valetudine affectus, monitus a medicis, si vellet suę vitę consulere, vt vel studia abijceret, vel dignitati renunciaret; maluit, hoc mystico vino iam factus ebrius, ab eo, in quo constitutus erat amplissimo gradu descendere, quam dininarum rerum studia deferere. O ebrietatem admirandam! quę non stultitiam, sed sapientiam affert: quę rationis vsum non minuit, sed auget: quę non ebrium, sed sobrium facit: quę non carnem libidine accendit, sed diuino amore spiritum inflamat. At vero, de vino humanę sapientię, quid mellifluus Bernardus diceret? Vinum secularis scientię inebriat quidem, sed curiositate, non caritate: implens, non nutriens: inflans, non ædificans: ingurgitans; non confortans. Diximus de vino, nunc pauca de lacte dicamus. Ne itaque diuina sapientia, vt supra scripsimus, a sui cognitione quępiam videretur repellere, non solum se adultis tanquam vinum, sed etiam infantibus, tanquam lac, gustandam proposuit. De hoc mystico lacte, quo suos filios bona illa nutrix, quę facta erat omnia omnibus, lactauerat, verba faciens, dicebat: Lac vobis potum dedi, non solidum 1. Cor. 3.  
cibum, simplicem nimirum, ac facilem de rebus humilioribus doctrinam. Habet enim hęc diuina sapientia, quod eius est proprium, vt &

1. Pet. 2.

paruulis & adultis, & doctis atque indoctis, vt alio dicetur loco, sit maxime accommodata. Diuus quoq; Petrus de hoc lacte aliquando sermonem habuit, atque ad illud desiderandum, his verbis nos suos filios excitauit: Sicuti modo geniti infantes rationales, sine dolo lac concupiscite, vt in eo crescatis in salutem: si tamen gustatis quam suauis est Dominus. Quem huius beatissimi Apostoli, & parentis suauissima, & mellita verba ad hoc lac gustandum non commouerent? immo, quem non impellerent? cum tanta suauitate alliciat infantes, eos videlicet, qui etiam de primis Christianæ philosophiæ elementis nil fari sciunt. Verum, cur non commoueamur, id esse in causa puto, quod infantes rationales non sumus, sed vere rationis vsu infantes; ac proinde non seria, sed ludicra, nō vtilia, sed infantilia diligimus: nec mirū, quia dolo nō caremus, & malitia vacui non sumus, & non dum gustauimus, quam suauis sit Dominus. Vel si cum Græcis legas, rationale, sine dolo lac concupiscite; ideo hæc sapientia rationale lac vocatur, quod congruenter cum ratione viuere nos doceat, doliq; expertes reddat: quod nunquam profecto; humana sapientia efficiet. Vel, uocat lac rationale; quia non est humanū, non animale, non terrenum, sed diuinum, spiritale; & cœleste immortalis animi alimentum: cum hoc lac ab vberibus diuinæ sapientiæ sit expressum, ideoque ab omni dolo, fraude, & corruptela prorsus alienum. Si ergo tanta est huius

lactis

Nicol.  
Zeger.

lactis præstantia, si tanta vis atque facultas, si tanta dulcitus, usque quo paruuli diligenter infantiam, & stulti ea, quæ sibi noxia sunt cupient, & imprudentes odio habebunt scientiam? Prou. 1.

Conuertimini, ait, sapientia, ad correctionem meam: en proferam vobis spiritum meum, & ostendam vobis verba mea. Sed, quam pauci sunt, qui conuerti velint? quam pauci, qui hunc spiritum excipere cupiant? Contra vero, quam multi sunt, bone Deus, in domo tua, qui se tanquam parentes & nutrices ad alios lactandos instituendosque præbuerunt, & tamen cum ipsi sint infantes, fari nesciunt, & lac in os infantium instillare non queunt. Denique, de hoc etiam lacte intelligitur illud: Qui premit fortiter vbera ad eliciendum lac, exprimit butyrum. Verba, ait quidam pater, fortiter premimus, cum verba sacri eloquij subtiliter intellectu pensamus: quia, dum nutrirî, vel tenui intellectu quærîmus, vbertate internæ pinguedinis inungimur. Ex quibus intelligi licet, cur apud Isaiâ, Isa. 55.

loco initio huius capituli citato, hæc verba adiecta fuerint: Et delectabitur in crassitudine anima vestra. Et ut hunc concludamus locum, appellatur hæc rerum diuinarum notitia, lac, & vbera; quia ut infantes, qui lac gustare cœperunt, non facile ab uberibus depelluntur, ita nec qui diuinæ sapientiæ suauitatem semel, uel primoribus labris attigerunt, se ab ea depelli facile patiuntur: & ut nulla re facilius placantur infantes, quam lacte, & uberibus; ita nulla iucundiore

Prou. 30.  
Greg.

Cant. 1.  
Lege lib.  
de inter.  
homine.

Cant. i.

cundiore ratione poterit quis hanc turbulentam uitam degere, quam si ad sacræ Theologiæ ubera ore semper adhæserit, cum sint dulciora uino: denique, ut matres ad aures puerorum tunc loqui solent, eisque delicias facere, cum ubera sugunt, ita & diuinus spiritus, tunc nos alloquitur, nobisque blanditur, cum ad diuinæ sapientiæ ubera adhærescimus. Possem susceptum locum copiosius ac neruosius urgere, nisi propositæ breuitati studerem, ac hominibus ingenuis, ex ipsa sacra pagina rerum diuinarum cognitionem esse adultis uinum, & infantibus lac demonstrasse, satis esse arbitrarer. Et sane, qui ad simplicem harum duarum uocum sonum, Vinum, & Lac, cœlestis doctrinæ studio non commouetur, non accenditur, is mihi, non dicam infans, & stultus, sed brutum prorsus animal, uel potius immobilis & omni sensu carens lapis, esse uidetur. Sugamus igitur, o amici, hoc lac, bibamus, o carissimi, hoc uinum, cum nihil sit hoc lacte alentius, nihil hoc uino potentius, & nihil infantibus, lacte, & adultis, uino, magis opportunum; ut inebriemur, pinguior esq; fiamus. Hoc, ni fecerimus, si inuitantem sapientiam non audiuerimus, uerendum nobis est, ne si despexerimus, hanc infaustam, & horribilem eiusdem sapientiæ sententiam audiamus. Ego quoque in interitu uestro ridebo, & subsannabo, cum uobis id, quod timebatis aduenerit. Cum irruerit repentina calamitas, & interitus quasi tempestas ingruerit: quando uenerit super

Prou. i.

vos

vos tribulatio & angustia. Tu igitur quisquis es uoluptatum uerarum cupidus, & cœlestium suauitatum auidus, in hanc cellam uinariam ingredi, & si opus fuerit, etiam importunitate euangelica, irrumpe; & propinatum uinum bibe; quod cum gustaueris, simul cum Propheta Psal. 22. in hanc admirationem profecto prorumpes, & calix meus inebrians, quam præclarus est!

*Diuiinarum rerum studium, est spiritalis panis,  
& mensa. Cap. VI.*



**V**T nomine panis sacrae literæ omne ciborum genus, & quicquid in mensa ponitur, immo quicquid ad uitam degendam est necessarium, significare solent; ita appellatione mensæ maximam quandam lætitiā, omnem consolationis vim, ac omnium rerum felicissimum statum designare consueuere. Cum ergo inter omnes, quibus uescimur cibos, nullus sit pane alentior, atque oportunior, & inter omnes, quas perfrui-  
mur uoluptates nulla maior, quam quæ ad mensam capitur; ideo diuina sapientia, cum nihil intentatum reliquerit, ut nos ad se alliceret, & pertraheret, se tanquam panem, quo nemo est mortalium, qui non uescatur, quo sine uita tradi-  
duci nequit, & tanquam mensam omnium ciborum genere magnifice instructam, nobis proponit. Diuiinarum itaque rerum notitia uocatur panis, cuius, et si multæ sint utilitates & com-

Lege lib.  
de interio-  
riore ho-  
mine.



Mat. 6.

Prou. 1.

Psal. 58.

moditates: tamen multo plures & maiores sunt huius sapientiæ, ad quam perdiscendam fideles incitare conamur, vsus & emolumenta. Hic est panis ille quôtidianus, siue supersubstantialis, qui de cœlo descendit, quem quotidie a præpotente Deo petimus, & ipse ad dandum semper est paratus; ad quem petendum nos inuitat, & vt congruenter petamus, petitionis formam ipse præscribit. Et tamen nos stulti, & stupidi, Deo non modo ad petendum inuitante, sed etiã vltro offerente, manus ad accipiendum extendere negligimus: quo fit, vt iure optimo de nobis conqueratur, & dicat: Quia vocaui & renuistis: extendi manu meam, & non fuit qui aspiceret: despexistis omne consilium meum, & increpationes meas neglexistis. Quid igitur multi quotidie eum panem petunt, quem expositum accipere nolunt, & dare volentem non aspiciunt? Quid quotidie clamant, Panem nostrum quôtidianum da nobis hodie, quem, non dicam singulis diebus, aut mensibus, aut annis, sed ne tora quidem vita sumere volunt, aut curant? An fortasse petitis, quia velitis, nolitis naturæ propensione sciendi famem sentitis; & tamen, tanquam vobis ipsis inimici, & erga vos ipsos crudeles, gratis oblatum panem, & quem panem? angelorum nimirum cœlo delapsum, sine quo, nec ipsi beati viuere possunt, sumere non curatis? Vt de vobis vere pronunciatum fuerit: Et famem patientur vt canes. Finge, obsecro christiane lector, sapientiam æternam cœlo dela-



delabentem, tibi que ab ea panem hunc petenti  
 seseque tibi obijcientem, panemq; a te petitum  
 præbentem, atque ad manducandum inuitan-  
 tem; ait enim, venite, & comedite panem meum;  
 quid tunc faceres? manum contraheres, an ex-  
 plicares? panem illum despiceres, an auide attri-  
 peres? terga uerteres, an potius obuiam ires?  
 Vel, qui tunc tibi esset animus? qui vultus? que  
 frons? Nonne te puderet tam grande munus,  
 tibi tam necessarium, tot a te precibus toties ef-  
 flagitatum, & a diuina sapientia tibi oblatum,  
 non accipere? Atqui, ut vides, quotidie petis;  
 quotidie tibi offertur, & quotidie despicias, aut  
 certe parui facis. Panis noster, ait Augustinus,  
 est verbum Dei, sacra nimirum scriptura, quam  
 quando audis, aut quando legis manducas:  
 quando iam recogitas ruminas: ut sis animal  
 mundum, & non immundum. Sed hic dice-  
 rent multi, se hunc panem quotidie sumere,  
 dum canonicas horas recitant, & sacros hym-  
 nos cantant. Quibus facile concederem, eos  
 hunc panem deglutire, dum cursim sacra verba  
 pertranseunt, & versiculos aceruatim pronun-  
 tiant. Verum, id non est panem manducare,  
 quem ij manducant, qui dentibus cogitationis  
 terunt, & recogitando ruminant. Huc pertinet  
 illa sapientis sententia: Thesaurus desiderabilis  
 requieuit in ore sapientis: uir autem stultus glu-  
 tit illum: hoc est, prudentes ea quæ legunt, dili-  
 genter perpendunt; stulti vero non item. Vi-  
 deant igitur isti quo pacto tantum panem man-  
 ducent;

Prou. 9.

Ser. 3. in  
Psal. 36.Prou. 21.  
Lege lib.  
de inter.  
homine.

Tren. 4. ducent; & manducandi rationem, a diuo Ambrosio discant. Toto, ait hic sanctus pater, animo, ac corde diuinæ sententiæ versandæ, vt succus spiritualis cibi in omnes se venas animæ diffundat. Oportet itaque diligentem sacræ scripturæ Lectorem spiritalem cibum de utero memoriæ, tanquam mundum animal reuocare, eumque accuratæ retractationis gutture ruminare: cum quæ non ruminant animalia, pro immundis habeantur, & a sacrificio reijciantur. Hic est panis ille, quem pauperes petierunt, & non erat qui frangeret eis, idest, qui eis daret, aut exponeret: qui si non frangitur, turbæ non satiantur, & famelici pereunt: cuius panis micæ & fragmenta, sunt diuina mysteria. Atqui, quoniam pacto multi, qui huius panis dispensatores se esse profitentur, panem petentibus frangere poterunt, cum nihil huius panis domi habeant, nec habere curent: cum in curis esse velint sine curis: cum solos redditus procurent, & tantum de codicibus accepti & expensi suscipiant curas: cum tamen, vt quidam sapienter scripsit, Hominis naturæ sit, vt omnium hominum curam gerat; & nulla sint maiora lucra, quam animarum. Pretiosior, ait Simon de Cassia, est ista negociatio, quam auri & argenti primi, & purissimi. Non sic, non sic bonus ille animarum curator, & rerum diuinarum studiosus Gregorius Theologus, qui, vt se, & suos hoc cœlesti pane nutrirer, nullam reddituam curam habere, aut rationem requirere voluit: idque ad instructores,

Franc.  
Abbas.

Mat. 25.  
Lege lib.  
de inter.  
homine.

Anton.  
Imp. lib.  
2. suæ ui-  
tæ.  
Lib. 9.  
Ser. 44.  
Grego.  
presb. in  
eius uita.

stitores potius, quam ad pastores pertinere dicebat. Quid? quod interdum, utinam mentirer, ij qui alios ad hunc panem sumendum, & verbo, & exemplo prouocare deberent, eos, qui sumere, & se pascere hoc pane volunt, non minus stulte derident, quam crudeliter impediunt. Sed, ne in eos, quos vellem omni studio, & christiana caritate ad hunc panem edendum, & ruminandum commouere, aliquid seuerius scribam, eo, vnde digressa est, redeat oratio. Qui vero hoc pane abundant, sicut ipsi quotidie a Deo pascuntur, ita sibi commissos pauperes pascant: ni aliquando horrendam illam sententiam exaudire volunt: Discedite a me maledicti in ignem æternum, qui paratus est diabolo, & angelis eius. Esuriui enim, & non dedistis mihi manducare. Audiant ipsam scripturam ipsis dicentem: Qui habitatis in terra austri, cum panibus occurrите fugienti: Hoc est, qui habitatis in Ecclesia superni spiritus caritate perflati, qui panibus diuinæ eruditionis abundatis, occurrите fugientibus terrena, & æternam mortem, & eos cibus diuini verbi reficite. O ter, quaterque beatum eum, quem Deus hoc panē vitæ, & intellectus cibauit! pane inquam suæ sapientiæ, pane angelorum: pane, qui instaurat, qui nutrit, qui corroborat, atque sustentat hominis spiritalem vitam. Nosti, ait Hieronymus Florentio, hoc esse animæ pabulum, in lege Dei meditari die, ac nocte. Propterea regius Propheta nihil sibi deesse cecinit, quod Deus eum

Mat. 25.

Isa. 33.

Greg.

Eccles. 15.

Epist. 2.

Psal. 22.

regeret,

- regeret, hoc est pasceret, & in loco pascuæ, in sacrarum videlicet literarum pabulis, eum collocasset. Ecquid aliud est hominis vita, vt docte sapienterque Tullius scripsit, nisi contemplari? cum homo sit animal ad contemplationem natum? Si igitur eum a rerum cognitione, cogitationeque retraxeris, eum suo pane, atque vita priuabis. Quo fit, vt hæc cœlestis doctrina merito, panis vitæ, & intellectus dicatur: quo pane qui vescitur, vsq; ad montem Dei Oreb, hoc est, vsque ad cœlestem patriam peruenit. Hunc igitur panem omnes fideles sibi a diuina sapientia oblatum, sumant: hoc pane suum cor confirment; vt aliquando impleatur vaticinium illud: Et mane saturabimini panibus. Atque de pane hætenus; nunc pauca de mensa. Inuitant ergo nos diuina oracula ad cœlestem philosophiam perdiscendam, dum nobis eam tanquam lautissimam mensam proponunt: de qua longum texerem sermonem, si accuratius expone-  
re vellem, quibus sit instructa cibus. Vniuersæ igitur nunc dicam, quod particulatim postea explicabitur, huius mensæ instructorem fuisse Spiritum sanctum, qui sapienter, suauiterq; omnia disponit, qui est spiritus veritatis, spiritus consolationis, & dulcis hospes animæ: qui in hac mensa eos gustandos proposuit cibos, quibus una cum Patre & Filio, ut ita dixerim, vescitur ipse. Ea enim manifestauit nobis, quæ nec ipsi cœlestes spiritus olim nouerant. Cogita tu instructorem, cogita appositos cibos, occulta, scilicet
- Tullius .  
Epiet.
- 3.Reg.19.
- Exod. 16.
- Psal.22.
- Lege lib.  
de inte-  
riori ho-  
mine.  
Sap.7.
- Ephes. 4.

scilicet & nobis prius incerta diuinæ sapientiæ mysteria; & quanta sit mensæ dignitas, quantus splendor, quantusque apparatus, aliqua ratione intelliges. Omnis ergo scriptura, inquit Origenes, mensa est sapientiæ: quia varios habet cibos, quia est exposita omnibus; quia secum maximam utilitatem, ac voluptatem affert. De eadem mensa hæc luculenter scripta reliquit Hugo. In refectorio sacræ scripturæ tres mensæ, idest, tres intellectus diuinæ sapientiæ ponuntur, videlicet historialis, mysticus, & moralis. Primā mensa simplicibus, secundā doctoribus, tertiā communis vtrisque. In prima cibus grossior, in secunda subtilior, in tertia dulcior. Prima continet saporem exemplorum, secunda vim mysteriorum, tertia dulcedinem morum. Prima pascit miraculis, secunda figuris, tertia verbis. Parauit itaque diuina sapientia nobis accommodatam mensam, ad omnes reficiendos, nutriendos, & exhilarandos. Id, cum regius propheta optime intelligeret, hunc in modum Deo huius mensæ instructori cecinit. Paraasti in conspectu meo mensam aduersus eos, qui tribulant me. Nihil enim, ut suo loco latius dicetur, est, vnde maiorem capere consolationem possimus, cum varijs angustijs premimur, cum tristitia nos inuadit, cum curæ nos conficiunt, quam si ad hanc mensam accubuerimus, quam si positos in ea cibos sumpserimus. Quoniam, ut ait Apostolus, quæcunque

Hug. li. 3.  
de anima.

Psal. 22.

Rom. 15.

Eccl. 40.

vt per patientiam, & consolationem scripturarum, spem habeamus. Huc pertinet etiam illa luculenta sapientis sententia sepe cogitatione, & sermone tractanda. Vinum & musica letificant cor: & super vtrunque dilectio sapientiae.

Hieron. i  
epist. ad  
Ephes. 1.

Sap. 8.

Si quidquam est, dixit is, qui totam aetatem in his studijs contriuit, quod in hac vita virum sapientem teneat, & inter pressuras & turbines mundi æquo animo manere persuadeat, id esse primum reor, meditationem, & scientiam scripturarum. Non enim, vt inquit Salomon, sapientiae consuetudo amaritudinem habet, nec tedium conuictus illius, sed lætitiā, & gaudium. Parata itaque est in conspectu nostro mensa, cibus optimis, conditissimis, exquisitissimisq; instructa: sed quoniam nec ciborum præstantiam, nec instructoris artem atque industriam percipimus, ad eam animi nostri nauseant. Quo fit, vt alij cibos non esse ad alendum idoneos dicant: alij non recte conditos fuisse affirmant: alij magnificentius, atque elegantius positos esse vellent: vt eorum impietatem taceam, qui vel cibos corrumpere, vel totam mensam in suam aliorumque perniciem euertere nituntur. O peruersitatem, immanitatem, & stultitiam inauditam! velle mensam ad nostram vtilitatem a Deo opt. max. instructam, & in conspectu nostro positam, coram ipso instructore euertere, & viuificos, ac salutiferos cibos corrumpere, infinite sapientiae dispositionem, & ordinem vituperare! De quo ne-

fando

fando scelere, his verbis, quidam conquestus est propheta. Mens Domini despecta est. Sed in hos consceleratos homines illa Dauidis imprecatio cecidit: Fiat mensa eorum coram ipsis in laqueum, & in retributionem, & scandalum: cum inde mortis occasionem sumant, vnde vitæ conseruandæ sumere debuissent: & id quod erat in vtilitatem datum, in suam aliorumq; perniciem vertant. Nos vero istorum hominum deprauatos mores relinquamus, & consuetudinem negligamus, & dies noctesq; ad hanc cœlestem mensam, quam diuina sapientia domi suæ, hoc est in Ecclesia, nobis parauit, accumbamus; cibos in ea positos bene conditos, optimeq; instructos esse existimemus, quod, ni percipimus, ignorantia nostræ tribuamus: atque hoc præcipuum aduersus nostros inimicos, nos angustijs opprimere uolentes, a præpotenti Deo præsidium nobis paratum fuisse, vna cum Dauide existimemus, & fateamur. Tu vero, o prodige fili, qui paterna relicta domo, in longinquam regionem profectus es, & tuis dissipatis substantijs, tua amissa libertate, misera homine indigna seruitute oppressus, porcorum siliquis vesceris, paternam domum repete, ut eo abundes pane, qui vitam tribuit. Cæcos ergo relinque errores, veram amplexare sapientiam, quæ te in viam reuocet, ab impijs liberet, a seductoribus custodiat, & tranquillum, ac tutum reddat, salutemque tibi tribuat. Dic mihi, o dilecte, dilecte, te voco, quoniam neminem odi, nisi

falsas

Psal. 68.

Orig. lib.  
8. in epist.  
ad Rom.

Psal. 22.

Luc. 15.



Epiphan. falsas opiniones, & in pios doctores, & Deum  
 ipsum teterrimas blasphemias, pro te autem pre  
 ces fundo, vt veritatem agnoscas, vt oculos  
 aperias, ut lucem uideas, vt ad salutares doctri-  
 næ fontes conuales, & in domum sapientiæ te  
 recipias: dic, inquam, cur corruptum panem a  
 corruptis hominibus sumis? & lutulentam a-  
 quam, a cœnosis riuulis hauris? ab hominibus  
 videlicet ex cœno, & omnium scelerum colluio  
 ne natis: qui recens ex latebris & tenebris, tan-  
 quam Ecclesiæ pestes, & reip. Christianæ furæ,  
 eruperunt, ad omnia humana atque diuina con-  
 uellenda, & conquassanda; ad extinguenda om-  
 nia iura, & instituta maiorum; ad communem  
 pacem perturbandam, & ciuitates, ac populos  
 euertendos: qui suis facibus tot aras, tot sacella,  
 tot templa, tot loca sacra, pietatis monumen-  
 ta maiorum, tot laboribus impensisque exædi-  
 ficata, incenderunt, & solo æquarunt: qui se  
 omnibus corporis voluptatibus dederunt, ea-  
 rumque se quasi magistros alijs præbuerunt:  
 qui quasi gurgites & voragines Christi patrimo-  
 nium, suo sanguine emptum, deuorarunt; illi-  
 batasque Ecclesiæ opes in profundissimum sua-  
 rum libidinum abdomen profuderunt: qui eos  
 doctores damnant, qui diuina oracula elucidât,  
 obscura mysteria explicant, & eam doctrinam,  
 vnde nostra salus, Ecclesiæ status, & Christiana  
 religio pendet, confirmant, defendunt, ampli-  
 cant: qui concionatores instituunt, animarum  
 curatores informant, pastores ad pascendum  
 idoneos



idoneos reddunt, vt sciant docere ignorantes, instruere simplices, redarguere improbos, & erigere lapos: qui obscura illuminate, confusa distincte, perplexa explicate, dispersa concludere, & omnia ad intelligendum accommodare, tradunt; eos inquam, quorum doctrina tot annos vsa est Ecclesia. Et quæ tandem noua lux istis nouis hominibus de nouo, illuxit, vt ea viderint, quæ per tot ætates in istis locis viri pietate & doctrina præstantes non uiderunt? O cæca & stulta olim Germania! si cæca & stulta tunc appellari poterat, ea prouincia, quæ illustria & sapientiæ, & religionis protulit exempla, & clarissima virtutum lumina, si vnus Lutherus ex incubo, vt quidam scribunt, natus, ab eodemque, vt ipse aliquando de se scripsit, edoctus, ex qua vna bellua tot enata sunt monstra, plus paruo temporis spatio vidit, si quid tamen videre potuit is, cuius oculos, ira, furor, avaritia, libido, & superbia magnopere præstrinxerunt, quam per tot sæcula, tot insignes genere, pietate, & doctrina viri, non viderunt. Sed ne longius, contra nostrum institutum, hoc in loco nostra euagetur oratio, ad te reuertor, o dilecte, teque oro, atque obsecro, vt ad teipsum reuertare, & eos reijcias magistros, quos Deus non misit, quos nulla auctoritas approbavit, quos omnium oculi fugiunt, aures respuunt, animi aspernantur, & recordatione ipsa perhorrescunt; quorum falsæ opiniones quotidie extinguuntur, & nefarij conatus comprimuntur: atq; ijs

D                      pascare,

pascare, ijs delecteris, ijs perfruare probatis, integris, salutiferisque cibis, quos tibi sapientia diuina domi suæ, quæ est catholica Ecclesia, per suos doctores proponit.

*Exponuntur varia sacræ doctrinæ nomina, figuræ, ac similitudines, ex quibus eius præstantia demonstratur. Cap. VII.*

**M**ULTO plures sunt, quam quæ a nobis hæcenus explicatæ fuerunt huius cœlestis doctrinæ insignes appellationes; quas, si sigillatim percurrere, ac exponere vellem, integrum profecto conficerem volumen. Sed quoniam, ut iam supra scripsi, in huius opusculi confectione, potius aliquot locos, quasi digito longe indicare, quam singulos pluribus verbis exponere mihi propositum est; ideo hoc capite non nulla alia nomina, & quasdam figuras, siue allegorias, ac etiam aliquot similitudines, quibus hæc theosophia explicari solet, breuiter perstringam. Quæ omnia, si quis vberius, ac ornatius tractare voluerit, habebit ex ijs, quæ nos proponemus, campum latissimum, in quo fuisse lateq; eius excurrat oratio. Vocatur ergo ob mysteriorum vim, rerumque in ea contentarum præstantiam, margarita. Neq; mittatis, dixit Dominus suis Apostolis, margaritas vestras ante porcos, hoc est rerum diuinarum notitiam indignis nolitis tradere. Gladius, quia omnia superflua rescat,

eat, & vsque ad ipsas medullas penetrat; quo  
 qui sunt accincti, bella spiritualia gerunt. Ignis, Ephes. 6.  
 quia suo calore tepida corda inflamat, & a  
 mundanis sceleribus expurgat. Ideo discipuli Em- Luc. ult.  
 maus proficiscentes, hoc igne calefacti, inter se  
 dixerunt: Nonne cor nostrum ardens erat in no-  
 bis, dum loqueretur in via, & aperirer nobis  
 scripturas? Onus & virga, ob prophetias com- Isa. 11.  
 minatorias, quibus grauissimas pœnas contra  
 scelestos homines minatur. Mare, & quidem Psal. 103.  
 magnum & spatiosum manibus, hoc est sinibus,  
 varijs videlicet mysteriorum, & sensuum  
 recessibus, in quo omne genus piscium natat.  
 Cœlum, siue cœli, qui enarrant gloriam Dei, Phil.  
 quorum loquelæ iam ad omnes peruenerunt na- Presb.  
 tiones. Lignum vitæ, quia spiritalem uitam  
 conseruat. Et ne plura nomina referam, ob va-  
 rios mirificosque effectus, ac perfectiones, re-  
 gius Propheta psalmo centesimo decimo octa-  
 uo, in quo latissime & ornatissime huius cœle-  
 stis doctrinæ laudes prosequitur, viam, testimo-  
 nia, mandata, iustificationes, timorem, legem,  
 præceptum, eloquium, iudicium, lumen, & ver-  
 bum eam appellat: quarum appellationum ra-  
 tiones, nihil est cur hoc loco atferam. Atque de  
 nominibus hæc dixisse sufficiat. Nunc aliquot  
 illustriores figuras, siue allegorias attingamus.  
 Hic est paradysus voluptatis, quem Deus plan- Gen. 1.  
 tauit a principio, in quo hominem posuit, vt in  
 eo operaretur, & custodiret illum. Hic est flu-  
 uius, qui egreditur de loco voluptatis ad irrigan-

- dum paradisum, qui inde diuiditur in quattuor capita . Hic est lectulus Salomonis, quem sexaginta fortes ambiunt ex fortissimis Israël: omnes tenentes gladios ad bella fortissimi, & unusquisque ensis super femur suum propter timores nocturnos . Hęc est terra germinans omnem herbam virentem & facientem semen suum .
- Canr. 3.** Hęc est columna ignis , quę populo in deserto iter facienti , ignotam de nocte commonstrabat viam : dum eius inimici tenebrarum patiebantur
- Gen. 1.** Hęc est Satra, quę tanquam domina Agar , idest humanam scientiam affligere, hoc est , vt pie eleganterq; Clemens Alexandrinus exposuit, corrigere & admonere debet. Hęc est illa virgo , quę quęsitā fuit Dauidi ob senectutem iam frigescenti, qua cum dormiens , posset calefieri . Hęc est illa Regina Esther , quam pedisequę comitantur ; quarum alię ad latus adsistunt, quibus innititur : alię vero retro sequentes , procidentia in humum indumenta gestant. Hęc est turris Dauidis, quę ædificata est cum propugnaculis : eiusdem cythara, cuius sono pellitur Dēmon: eiusdem funda, qua Goliath prosternitur: & Sansonis maxilla, qua maxima inimicorum editur strages. Hoc est illud manna cœlo delapsū , quod in se omnem saporem & suauitatem habet; quo Dei populus in huius mundi deserto nutriri debet . Hoc est illud labrum æneum in quo lauantur Aaron & filij eius, cum ingrediuntur sancta sanctorum . Hoc denique, vt eleganter Isychius scripsit, est sacrificium
- Exod. 14.**
- Gen. 16.**
- Lib. 3.**  
**Strom.**  
**Hieron.**  
**ad Nepo.**
- Canr. 4.**
- 1. Reg. 23.**
- Lud. 15.**
- Aug. ser. 38. ad Frat.**  
**In Leuit.**

cium similæ sine fermento, cuius pars apud altare comedenda est. Ex multis autem similitudinibus, quibus sancti patres & diuina oracula huius sapientiæ vim atq; naturam exponunt, non nullas hic breuiter recensebimus, vt pio lectori occasionem adnotandi alias præbeamus. Est ergo sacra doctrina veluti quoddam pelagus & mare, mysteriorum altitudine profundum, vnde fluunt, & quo refluunt omnes omnium scientiarum fluuij: quod nunquam exhausti potest: in quo margaritæ latent preciosissimæ. More ergo natantium, ait Chrysostomus, nos ipsos pelagi profundo committamus, vt latentes margaritas perquiramus. Est cælum quoddam, quod aspectum periucundum præbet, varijs stellis cœlatum, & luminibus sculptum, quibus omnes in partes vim suam alticem diffundit. Est floridum pratum, in quo sunt flores varij, bene olentes, visu pulcherriimi, & ad corporum curam necessarij. Est aromataria taberna, in qua idonea pharmaca, tum ad sanitatem præseruandam, tum ad omnes morbos curandos, sunt parata. Est veluti quoddam speculum, pellucidum & immaculatum, quod omnia, tam integra & pulchra, quam vitiosa & turpia demonstrat: quia scilicet laudanda & vituperanda, sine vlla personarum consideratione, laudat, & vituperat, & non solum externa, sed etiam interna repræsentat. Est gladius anceps, utrinque acutus, qui ad ipsas vsq; medullas penetrat: ad quam efficacitatem de-

Hom. 33.

Hom. 2.  
de orat.Chrysost.  
hom. x. de  
diuite &  
paupere.Hieron.  
epist. ad  
Demet.Hebr. 12.  
Ierc. 23.

Orig.  
Mat. 13.

Sedul. in  
c. 9. epist.  
ad Rom.

signandam, etiam malleo conterenti petram comparari solet. Est veluti ager, in quo latet thesaurus, quem qui inuenit, vendit vniuersa, quæ habet, & emit agrum illum. Est panoplia quædam, in qua omne genus armorum spiritualium ad bella contra nostræ salutis hostes gerenda asseruatur. Est similis pulcherrimo palatio, in quo sunt aditus amplissimi, aulæ ornatissimæ, cubicula affabre extructa, & uarijs signis, tabulis, auleis, omnique domestico cultu exornata, horti denique ad omnes delicias capiendas mirifice culti. His itaque & alijs similibus, eius doctrinæ naturam, quæ nulli rei creatæ ob suam maximam excellentiam idonee comparari potest, sacri scriptores explicare conantur. Et cum de eius nominibus satis pro instituto nostro dixerimus, ad causas effectusque explicandos, unde quantum sit in ea splendoris & dignitatis magis perspicuum fiet, stylum conuertamus.

*Quanta sit sacræ doctrinæ præstantia a materia ei subiecta demonstratur. Cap. VIII.*

Aristo. 1.  
de anima.  
c. 1.

**I**NTER ea, quæ doctrinam aliquam laudibus, & cognitione dignam esse demonstrant, principem locum, ut omnes sapientes docent, subiecta obtinet materia. Id, si spectemus, sine controuersia, scientiarum præstantissima, & cognitione dignissima sacra Theologia censenda erit: quod etiam stultissimus quisque fateretur. Verum,

Verum, & si id luce meridiana clarius, manifestiusque sit: tamen, cum sint non nulli, qui tantam lucem non uident, eas tenebras, quas oculis offusas habent, dispellere nitentur: ut omni remoto impedimento, quantis in tenebris versentur ij, quibus diuinæ sapientiæ lumen, nondum illuxit, apertissime uideant. Ac quidem certe homini ingenuo liberaliterq; educato, seq; rerum cognitione perficere cupienti satis esset, illud generatim intelligere, Christianæ philosophiæ subiectam materiam, esse Deum ipsum, non quocunque modo cognitum, sed supernaturali reuelatione manifestatum: qua ratione, multo plura, multoque certius, quam humana inuestigatione, de Deo cognoscuntur: cum quidquid naturæ viribus de diuina vi attingitur, sit quiddam exiguum, atque non omni ex parte certum. Quod facile intelligeres, si animaduertes quam pauca, & quam dubie in sua Theologia de rebus diuinis philosophorum princeps dixerit Aristoteles. Hæc materia, nulla dignior, nulla præstantior; nulla illustrior homini ad cognoscendum nato, proponi potuit: cuiusmodi est ipsa diuina vis, summa immensaque maiestas, æternum numen, per se bonum, per se verum, per se existens, per se sapiens, rerumque omnium fons & origo: a quo tantum perfectione & præstantia aliæ res distant, quantum umbra a perfectione corporis, unde proficiscitur, abest: ita ut omnes creaturæ Deo comparatæ, vere, umbræ, ne dicam, nihil, existimentur. Hu-



manæ igitur scientiæ, quæ solum in creaturarum cognitione consistunt, in umbra versantur: at vero Theologia ipsum, ut ita dicam, corpus, ipsamque veritatem contemplatur. Deus est ipsum esse, ipsa bonitas, ipsa veritas, ipsaque perfectio: creaturæ autem sunt similitudines quædam obscurissimæ bonitatis, veritatis, essentiæque diuinæ. Quid igitur magis similitudinum, quam rei ipsius cognitione oblectamur? Cunctæ res creatæ, ut ipsis solis consideratis aliquid tribuamus, sunt quasi vestimenta quædam Dei; ideoque psalmographus de Deo loquens, cecinit: Confessionem & decorem induisti, amictus lumine, tanquam vestimento: Deus vero est veluti res ipsa vestibus induta. Vtrum ergo melius & dignius esse putabimus, in sola vestium inspectione versari, an in ipsum veritatis corpus cogitatione penetrare? Cætera omnia sicut vestimentum veterascent: at vero Deus semper idem est, & in perpetuum permanet. Si ergo harum rerum caducarum, & infimarum cognitione humana mens aliqua ratione perficitur: si earum notitiam nemo est, qui non affectet: si omnes aliqua parte eam adipiscuntur: si interdum maximo ardemus desiderio cognoscendi rerum etiam minimarum causas & proprietates: si, cum quidvis, etiam leuissimum, de nouo didicerimus, multum lætamur; cur magis rerum sublimium, & æternarum notitiâ mentem nostram perfectiorem reddere non curamus? Cur rerum præstantissimarum cognitionem



tionem vehementius non concupiscimus, & ut eam consequamur, non studiosius contendimus, ut ea adepta longe maiori delectatione afficiamur? Si tantam voluptatem, ut Philosophus scripsit, capimus, cum per demonstrationem diametrum constet asymetrum esse intelligimus, quanto maiorem caperemus, si cœlestium spirituum naturam, & ipsam vim diuinam immensam & perfectissimam specularemur? Quam profecto voluptatem & lætitiā capiebat is, qui hunc in modum cecinit: *Psal. 118.* Lætabor in mandatis tuis, sicut qui inuenit spolia multa: Narrauerunt mihi iniqui fabulationes, sed non ut lex tua. Siquidem, ut supra etiam scripsimus, & ut non sine vtilitate repetamus, quod est perpetua memoria dignum, omnes humanæ disciplinæ, si ab hac diuina sapientia sint dissociatæ, si huic reginæ tanquam ancillæ non inseruiant, vanæ sunt, fabulationes sunt insipidæ & insuaues sunt. Ad quas fabulationes ij profecto se conuertunt, qui veræ sapientiæ perdiscendæ, commentitijs rebus occupati, nullam suscipiunt curam: Vt merito dixerit sapiens, vanos esse homines in quibus non est scientia *Psal. 118.* Dei. Auerte igitur, o Domine, oculos nostros, ne istam videant vanitatem. Non agitur itaque, ut rem hanc planius exponam, in hac disciplina de agrorum satione, stercoratione, arborum insitione, animalium pastione, apiumue cura: quibus de rebus agricultura agit: quæ tamen semper ita honesta, atque ingenuo homine ita

M. Cato  
Cice. de  
sen.  
Pro S.  
Ros.

Cic. lib. 1.  
de leg.

ne ita digna habita est, vt Romani, quorum gesta & mores, nulli vnquam populi sunt affecuti, quorum virtutibus, quasi quibusdam stellis, omnes micant historiæ, apud quos non solum in vrbe, sed etiam in agro, Senatores, Imperatores & Dictatores erant, cum quempiam, laudare volebant, dicerent, Bonus vir, bonusque colonus: quæ ars multas & maximas humano generi vtilitates affert. Non de humanorum corporum curatione; & vt planius loquar, non de pharmacorum varietate, non de venenis, non de yrinis, & de excrementis, de quibus agit medicina, quam opes afferre dicunt. Non de iure personarum, rerum diuisione, & acquisitione, personarumq; successionem, atque actionum, quibus homines inter se altercari solent, varietate: & vt priuatim loquar, non de alluuiionibus, stillicidijs, torturis, stipulationum formulis, & cloacis, de quibus agit iurisprudentia, quam honores secum afferre aiunt: Non de castrametandi ratione, acierum ordinatione, machinarum structura, vrbium expugnatione, & populorum oppressione, de quibus rebus ars militaris agit, quæ gloriam, vt dicitur, gignit. Non item de corporum dimensionibus, linearum concursu, & efficientia, numerorum affectionibus, vocum symphonia, cœlorum conuersione, syderum accessu, & recessu, de quibus disputant mathematicæ disciplinæ, quæ Principibus dignæ esse putantur. Non denique ullis de rebus, quas humanæ scientiæ humano modo considerant. Sed  
agitur

agitur de Deo supernaturali lumine cognito, de diuinis attributis, & operibus: de bonitate, veritate, unitate, scientia, prouidentia & predestinatione diuina: de Sanctissima Trinitate: de omnium rerum molitione: de angelorum & hominum natura, & facultatibus: de omnium virtutum, tum acquisitarum, tum infusarum, principijs, causis, partibus, & effectis: ut de libero hominis arbitrio, de legibus, de gratia, & merito: deq; omnium hominum statibus: & deniq; de Verbo diuino carni vnito, omnibusq; sacramentis diuinitus institutis. Habes itaque, Christiane lector, quo egregie te oblectes, vbi prudenter operam ponas, vnde felicitatem tuam optime intelligas. Hic enim de baptismo, quo es renatus, de confirmatione qua perficeris, de eucharistia qua nutriris, de pœnitentia qua sanaris, de matrimonio tibi in remedium concupiscentiæ dato, de ordine quo sacris initiaris, ut perpetuo Deo sacrificia & orationes offeras, ac postremo de tua æterna felicitate agitur: vt interim omittam ea omnia, quæ in singulis scripturæ sacræ libris explicandis copiose tractantur. Sunt ne ista fortasse humilia, friuola, & inutilia? an potius sublimia, seria, & maxime fructuosa, ac proinde omni studio, omni cura, atq; cogitatione dignissima? Quid? quod omnia, quæ in alijs scientijs considerantur, uel ad hanc unam referuntur, uel nobiliore quadam ratione, in ea tractantur. Hic nanque de animorum cultura, de morborum spiritalium curatione,

de

de diuinis personis, de bonorum cœlestium diuisione, de æternæ hæreditatis acquisitione, de humanis actionibus, quibus bene beateque uiuitur: de spiritali militia, cœli expugnatione, & æternæ victoriæ acquisitione: de Dei, æternorumque bonorum magnitudine, de cœlo empyreo, de beatorum numero, ac denique de virtutum omnium concentu & proprietatibus disputatur. In hac itaque vnica doctrina, cum sit participatio quædam sapientiæ diuinæ, eminenti quadam ratione, quidquid est in alijs reperitur: sicuti in Deo opt. max. res omnes reperiuntur. Hic enim Metaphysicæ, Mathematicæ, Physiologiæ, Ethicæ, Iurisprudentiæ, Dialecticæ, Rhetoricæ, Poeticæ, & Historiæ materia continetur, vt paulo post a nobis planius demonstrabitur. In hac vnica scientia, christiane lector, vt semel intelligas, quanta cura a te colenda sit, de Deo parente tuo, de Christo instauratore tuo, de vita, & moribus tuis, de salute & incolumitate tua, de honore, fama, & gloria tua, & vt semel dicam, de omnium tuorum bonorum acquisitione & conseruatione agitur. Huius itaque doctrinæ materia, si eam tractaueris, te sapiētem, religiosum, & hilarem reddet: nunquam in ea versatum fuisse te pœnitebit: vt multos qui in alijs disciplinis cognoscendis insudarunt, sœpissime pœnituit. Metaphysica, vt vir doctus & sanctus scripsit, cum nudas intelligentias consideret, est insipida, & nullum saporem affectui affert. Mathematica, quia a materia &

Bonau.

a motu

a motu abstrahit, nec deuotionis sensum, nec bonorum operum motum efficit : Physica, quæ res materiæ coniunctas tractat, sua obscuritate intellectum offuscat, & propter dubitationem, & causarum incertitudinem, animum contristat : ob quam rem Aristoteles rerum naturalium alias peritissimus, cum causam fluxus & refluxus euripi ignoraret, se in profundum mare deiecit. Denique, moralis scientiæ finis, cum sit quædam finita & inchoata felicitas, non est status omnium bonorum aggregatione perfectus, & quod necessario sequitur, nec vera beatitudo. Quæ igitur scientia, vt hunc concludamus locum, a materia subiecta sumptum, est, aut esse potest christiana philosophia præstantior, & illustrior? cum ipsum omnium aliarum rerum fontem & finem supernaturali lumine illustrata, sibi cognoscendum proponat, & de eo ea cognoscat, quæ nulla uis creata vnquam attigit : quæ præterea dignior, vt toto pectore, omnibus animi neruis per totum vitæ tempus tractetur, & perdiscatur? quæ deniq; mortalibus delectabilior, fructuosior, ac magis necessaria? cum nemo sine hac scientia, ( spiritum diuinum testor ) Deo placere possit : & per eam sanati sint, quicunq; placuerint Domino a principio?

Iustin. in  
apolog.  
Bonau.

Sap. 9.

*Quanta*

*Quanta sit sacræ doctrinæ præstantia a multarum  
artium ac rerum cognitione, quam requi-  
rit, & ab eius certitudine osten-  
ditur. Cap. IX.*

Cic. lib. I.  
de orat.

**L**Æ potissimum disciplinæ & artes  
pluris ab hominibus fiunt; illisq; ab  
optimis ingenijs opera libentius da-  
tur, ad quarum consecutionem plurimarum re-  
rum notitia est necessaria. Ex quo loco orato-  
rum princeps M. Tullius, eloquentiam, quam  
sine maximarum artium doctrina, vt doctè a-  
pud eundem disputauit Crassus, acquisiuit ne-  
mo, summopere commendauit. Id, si spectare  
voueris, nullam profecto inuenies facultatem,  
quæ pluribus scientijs, & artibus instructum au-  
ditorem & professorem requirat, quam hæc sa-  
pientia, quam laudare conamur: quod hoc ca-  
pite demonstrare nitemur: vt hac veritate co-  
gnita, nemo sit præclaro, egregioque ingenio or-  
natus, qui eius perdiscendæ desiderio non fla-  
gret, eamque assequi non studeat: & vt nihil,  
aut certe parum se scire existimet quisquis hanc  
vnam, quæ suo sinu omnes constringit scientias  
& artes, ignorauerit. Demonstrata itaq; huius  
doctrinæ præstantia, ex obiecto, siue materia,  
in qua versatur; rursus idem ex subiecto in quo  
reperitur, hoc est ex parte intellectus eius, qui  
hanc facultatem sit adepturus, qui debet esse  
plurimarum rerum cognitione informatus, pau-

cis

cis demonstrabo. Ad hanc itaque disciplinam perdiscendam, primum requiritur ingenium viuidum, acutum, perspicax: ad comprehendendum velox, ad excogitandum subtile, & ad ratiocinandum expeditum. Id significasse videtur ille, qui diuinitus a Deo sapientiam accepit, cum dixit: Puer autem eram ingeniosus, & fortitus sum animam bonam. Hac naturæ bonitate supposita, requiruntur deinde humanæ artes, & initio, trium saltem linguarum, latinæ, græcæ, & hebraicæ non mediocris notitia, si quis pro dignitate in quauis huius doctrinæ parte uoluerit uersari. Quam sit trium linguarum cognitio ei, qui bonus Theologus sit fururus, utilis, ne dicam necessaria, late demonstrare possem, innumeras fere commoditates, quæ ex ea referuntur, recensendo, quod alio oportuno re loco, Deo fauente, faciam. Deinde, in explicatione sacræ paginæ nunquam, meo quidem iudicio, omni ex parte suum explebit munus, maxime in quorundam librorum expositione, qui oratoriam facultatem non percalluerit: qua diuini spiritus artem in sacris libris conficiendis, animaduertat. Siquidem, in canonicis scripturis sunt omnia dicendi artificia, omnes inuentionis loci, omnes elocutionis tropi, omnia schemata, ac lumina orationis omnia: Exordia, narrationes, confirmationes, amplificationes, expositiones, epilogi, & omnis generis suis numeris absolutæ orationes. Huc pertinet etiam aliqua poetiæ artis notitia; cum in ijsdem libris mul-

Sap. 8.



ta sint carmine conscripta, & multa poemata artificiosissime conflata. Ad hæc, inutiliter multos sacros libros leget, & male explanabit, qui in profanis, & ecclesiasticis historijs non fuerit valde versatus. Postea, qui Dialecticam ignorat, difficultates, quæ in diuinis oraculis exponendis nascuntur, quo nam modo enucleabit? quo modo ea ab aduersariorum calumnijs defendet? quo modo sententiarum vim percipiet? quo modo earundem ordinem & consequentiam videbit? vt merito quidam vir doctus dixerit, ignorantiam Dialecticæ perturbare puritatem ecclesiasticæ disciplinæ. Ideo non sine causa Augustinus, & Clemens Alexandrinus hanc facultatem laudarunt, & christianæ philosophiæ professori maxime necessariam esse docuerunt. Præterea, qui per physiologiam cælorum, syderum, elementorum, lapidum, herbarum, & animalium naturam non cognouerit, innumera fere diuinæ scripturæ loca, in quibus his de rebus fit mentio, quonam modo explicabit? Qui hac scientia caruerit, quo pacto de rerum creatione, dispositione, procuratione, de æternitatis æuique natura, de diuinarum personarum processione poterit aliquid disputare? De morali vero Philosophia nihil est quod dicam? quæ Theologiæ candidato adeo est necessaria, vt de humanis actionis, vt ad Theologum pertinet, sine ea statuere nihil queat. Quid postea de humana Theologia, quam Metaphysicam appellant, existimandum esse censes? cum ipsa quoque

Pet.  
Dam.  
Contra  
Academ.  
li. 3. c. 12.  
Lib. vlt.  
Strom.



que sit quædam diuina sapientia? sine qua æterni numinis cœlestiumque spirituum natura, attributa, proprietates, bene percipiet, aut explicabit nemo. Multa sunt insuper in sacro codice loca, quæ sine aliqua Astrologiæ notitia, nec recte intelligi, nec clare explanari possunt: vt cum de cœlorum motibus, de vario tyderum cursu, deque temporum varietate habetur sermo. Sine Geometria, sub qua etiam Architecturam, comprehendo, neque arcæ Noe fabricam, nec tabernaculi artificium, nec templi Salomonis structuram, nec terræ promissæ diuisionem & descriptionem quispiam recte intelliget, aut alijs exponat. Quantum etiam Arithmeticæ cognitio huic scientiarum Reginæ inseruiat, ij norunt patres, qui numeros in scriptura positos diligenter perpendendos, & in eis occulta mysteria quærenda esse existimarunt. Et vt hunc locum tandem concludamus, nulla est fere ars, nulla doctrina, cuius cognitio in sacrarum literarum studio interdum non desideretur: veluti agriculturæ, medicinæ, artis militaris, & quod pene exciderat, vtriusque iuris, imperatorij scilicet & pontificij scientia: qua qui carent, non video, qua ratione theologi munus in multis huius theosophiæ partibus, queant sustinere. Vt cum de legibus, de iudicijs, de contractibus, de matrimonio, de pœnitentia, atque de censuris habendus est sermo. Itaque Theologo & sacræ scripturæ interpreti, nunc Agricola, nunc Medici, nunc Militis, nunc Poetæ, nunc Rhetoris,

Augu.  
Clem.  
Alex.

ris, nunc Arithmetici, nunc Geometræ, nunc Astrologi, nunc Philosophi, nunc Iurisconsulti persona sumenda est. Nec quispiam hic in eam opinionem eat, ut existimet hanc scientiarum reginam, ita his artibus egere, quasi sine eis consistere, seque tueri nequeat, cum ex se suaque natura aliena non egeat ope, sibi que sit sufficiens: sed nos ijs artibus fulti esse debemus, cum ob nostram imbecillitatem, tantam amplitudinem complecti, tantumque splendorem intueri minime possimus, ni per humanas scientias nostrę augeantur vires, acutioresque reddantur oculi. Quare, ut omnes creaturæ sunt veluti præpotentis Dei famuli, per quos hunc lucentem mundum, ad maiorem suæ maiestatis, potestatisque significationem gubernat, cum tamen se solo, id efficere queat; ita omnes humanæ artes sunt huius reginæ ministræ, quas ad nos vocandos mittit, quas in suos fines dirigit, quas si quid peccauerint emendat, quas ad sua munera obeunda, hoc est ad res diuinas explicandas, suo iure adhibet. Et hinc est, quod non nulli de ratione, quæ omnes humanæ artes ad Theologiam, referri queant, libros conscripserunt. Omnes itaque humanæ disciplinæ hanc suam, quasi ancillæ, comitantur dominam: quarum aliæ, ad eius maiestatem nobis magis manifestandam, eam incedentem sustentant: aliæ vero pone sequentes, procidentia in humum vestimenta, gestant. Quamobrem, si eloquentia summis laudibus digna semper existimata fuit, quod omnium bonarum

Bas.

Bonauér.

narum maximarumq; artium cognitionem requirat, ut viri docti & mea quidem sententia vere existimarunt; quanto magis hæc doctrina omni laudum genere digna iudicanda erit? cum is, qui ea debet esse ornatus, de rebus omnibus, non solum probabiliter, & populariter, ut Orator, sed etiam scienter, & sapienter disputare debeat. Immo, ut ipse romanæ eloquentiæ pater testatum reliquit, præcipua eloquentiæ pars est sapientia, cuius, ut idem scripsit, quasi comes & ancilla est eloquentia, quæ sine sapientia, est infantia & stultitia quædam. Ex quo nascitur, ut qui verborum copia abundant, si sint sententiarum, quas ipsa suppeditat sapientia, inopes, non diserti, sed loquaces: non eloquentes, sed infantes: non oratores, sed clamatores & rabulæ nominentur. Quare, potest quidem sapientia sine eloquentia consistere, tanquam domina absque ancilla: at vero eloquentia sine sapientia non item: cum composite & apte sine sententijs dicere, de optimi oratoris & sententia, sit infania. Et quoniam paulo ante hanc scientiam omnes alias dirigere, & corrigere diximus, quod eius est, quæ sit omnium scientiarum certissima, placet hoc loco de huius sapientiæ certitudine, ne integrum caput hac de re cōficere cogamur, aliquid breuiter interserere. Eam igitur laudem, quam a certitudine ex omnium sapientum sententia, scientiæ sibi vendicant, in hac nostra, sapiens desiderabit nemo. Quoniam, si ea, quæ a rebus ipsis sumitur certitudo, spectetur,

In part.  
In orat.

Cic. in  
orat.

Arist. lib.  
1. de ani-  
ma. c. 1.

tur, quæ firmior & certior doctrina esse potest? cum sit de rebus æternis, nulli mutationi & vicissitudini obnoxijis: cum ea tractet, quæ partim sunt ex se necessaria, partim vero diuinæ prædictioni, cui non potest subesse falsum, subiecta: vt potius vniuersæ creaturæ, quam quæ in hac doctrina traduntur, deficere queant. Ex hac itaque parte, ita est certa, vt nulli alij cedat, immo quam longissime omnes alias antecellat. Est præterea omnibus alijs multo certior, quod cæteræ scientiæ lumini innitantur finito, errorique subiecto; humanæ videlicet rationi: quam qui errori expositam non esse affirmaret, is profecto in grauissimo versaretur errore. At vero hæc nostra, vnicam habet firmissimam, minimeque fallacem rationem, per quam omnia cognoscit, & omnibus veritatibus assentitur, auctoritatem nimirum Dei dicentis, & in nobis loquentis: qua nihil firmitus, nihil stabilius est. Etenim solus Deus verax, & immutabilis, & omnis homo mendax. Et denique, ne in re certissima demonstranda longior sim, si certitudinem ex parte eius, qui veritatem tenet, spectare voluerimus, qui sunt hac disciplina imbuti, ita ad cognitatas veritates adhærescunt, vt potius omnem humanam demonstrationem, & id etiam ipsum, quod sensu ipso percipitur, negare sint parati, quam quod per hanc doctrinam didicerunt; atque adeo, potius vitam cum sanguine profunderet, quam semel cognitam veritatem deferere. Quæ res innumeris constantissimorum Marty-

rum,

Leo serm.  
7. de nat.  
Martial.  
epist. 2.  
ad Tolos.

rum posset confirmari exemplis: quos non carceres, non fustes, non lapides, non catenæ, non laminæ, non præcipitia, non bestię, non ignes, non gladij, nulla denique tormentorum, & suppliciorum genera ab hac doctrina, cuius etiã causa omnem humanam sapientiam pro stultitia habuerunt, diuellere potuerunt. Hac igitur laude a certitudine sumpta, hæc scientiarum domina cohonestanda est. Quod autem supra, de comitatu omnium bonarum artium, quibus stipata incedit, dicebamus, fortasse in causa est, cur rari sint, qui ad eam se conferant, cum pauci istam scientiarum encyclopædiam se consequi posse sperent. Et sane magnum est nomen, magna species, magna dignitas, magna huius sapientię maiestas: quam omni ex parte humani pectoris angustię non capiunt, animi egestas non recipit, & ingenij infirmitas non sustinet. Verum, ne quis vlllo prætextu suam ignauiam & negligentiam contegere queat, infra, idoneo loco, & omnibus ingenijs esse accommodatam, & facile acquiri posse demonstrabo. Quod est in hac doctrina admirabile; cum ad humilia ingenia se deprimat, & nihil de sua maiestate amittat; & sit simul parua & magna; nec paruitas magnitudinem, nec magnitudo paruitatem tollat; immo vtraque mirum in modum vtrunque demonstret. Quare, sicuti Deus in altis habitat, & tamen humilia respicit in cœlo & in terra; ita hæc ab ipso participata sapientia. Et ut diuinum Verbum serui formam accipiens, Psal. 114. Phil. 6.

diuinitatem non amisit; ita hæc regina, licet omnibus sese quasi ancillam accommodet, de sua maiestate amittit nihil. Quamobrem, ut hunc concludamus locum, cum in hac rerum pulchritudine nihil sit homine præstantius, & in homine nihil sit ipsa mente dignius, & inter omnes hominum mentes, nulla sit illustrior, & celsior, quam quæ omnium præclarissimarum artium fuerit cognitione exornata; nihil erit profecto Sacra Theologia magnificentius, nihil admirabilius, quæ humanam mentem tot artibus & scientijs excultam, tanquam sibi propriam, & accommodatam sedem requirit. Vbi, veluti Regina in vestitu deaurato, idest rerum diuinarum cognitione induta, & humanarum disciplinarum varietate circumdata, sedet. Propterea Academici mei Parthenij, ut ij qui potissimum sacra studia colunt, in suum insigne, Theologiam regali habitu in throno sedentem & humanis scientijs & artibus sibi subiectis leges imponentem, pie, ingeniose, sapienterque, sumiserunt.

Psal.44.

*De sacra doctrinæ amplitudine, antiquitate, perpetuitate, & integritate. Cap. X.*



N T E R. alia præclara encomia, quibus regius vates, psalmo illo centesimo decimo octauo nunquam satis laudato, ac pro dignitate explicato, diuinam legem commendauit, illud mihi  
semper

semper maximum, atque consideratione dignissimum visum fuit, quo eius immensam amplitudinem, aliarum vero rerum, & scientiarum angustiam, explicauit, cum hunc in modum cecinit. Omnis consummationis vidi finem, latum mandatum tuum nimis: ac si dixisset, quantumuis omnes aliæ res, siue disciplinæ consummatæ ac perfectæ videantur: tamen certos habent limites, certis sunt inclusæ cancellis, finem habent: at vero lex tua, o Domine, nullis est circumscripta terminis, latissime patet, in omnes sese diffundit partes. Quam spatiosum sit huius reginæ regnum, primum ex eo facile perspicui potest, quod multorum librorum in quibus continetur cognitionem & explicationem complectitur: quorum librorum singuli, in singulorum librorum singula capita, & singulorum capitum, singuli versus, & singulorum versuum singulæ particulæ, & verba singula, ampliorem continent doctrinam, quam omnes omnium artium & scientiarum, qui scripti iam sunt, aut scribi excogitariue possunt libri. Quod, & si ijs, quibus, nec de facie quidem, cognita est Theologia, paradoxum videretur: tamen id verissimum esse, ij facile concederent, qui animaduertent hanc doctrinam dictatam fuisse ab eo, cuius intelligentia est infinita, & arcana sunt immensa. Huc referres ea omnia; quæ non scriptura, sed apostolica traditione, tenentur: vt sunt multa & maxima nostræ religionis mysteria, quorum tractatio & explicatio quam la-

Psal. 119.



tissime patet. Extenditur deinde huius Regi-  
 næ dominium ad omnia dogmata, quæ fide te-  
 nenda, vel a Pontifice maximo, vel a quouis  
 Concilio, ab eodem Pontifice approbato, ali-  
 quando sancita fuere, aut sanciri possunt. Cum  
 hæc omnia ab vno eodemque diuino spiritu re-  
 uelata sint. At, hæc quæ diximus cuncta solum  
 ad huius doctrinæ principia pertinent: quod si  
 initia ita ampla sunt, si fons vnde riuuli ema-  
 nant, est ita spatiosus, quanta erit, non dicam  
 riuulorum, sed fluminum inde profluentium  
 amplitudo? Qui tantam animo suo magnitu-  
 dinem complecti potest, complectatur: ego ve-  
 ro sicuti nec oratione, ita nec cogitatione id me  
 præstare posse libentissime fateor. Accedat ter-  
 tio loco ad eandem rem demonstrandam, tota  
 illa doctrina, quæ ex isto vastissimo mare, nec  
 enim fontem, quanuis eius rationem suscipiat,  
 amplius appellare possum, emanauit; quæ in  
 Scholasticorum, & sacræ scripturæ interpretum  
 libris continetur: quam amplitudinem, innu-  
 meræ fere his de rebus scribendi formæ, mirum  
 in modum augent. Diuinorum librorum tran-  
 slatores, fuerunt circiter quadraginta: exposi-  
 tores vero nullo certo continentur numero: &  
 vt de vnus tantum libelli expositoribus men-  
 tionem faciamus, in psalterium circiter centum  
 & quinquaginta scriptores commentaria in lu-  
 cem dederunt. Quorum alij Hebræi, alij Chal-  
 dæi, alij Arabes, alij Græci, alij Latini fuerunt:  
 vt nulla doctrina tot linguarum, ac scriptorum  
 varie-



vatietate, vt hæc nostra gloriari possit. Scholasti-  
 corum etiam maior est numerus, quam quiuís  
 Theologus existimaret. Nam, si de ijs loqua-  
 mur, qui in aliqua certa religione floruerunt,  
 quorum aliqua uiget memoria, licet non om-  
 nium scripta extent, aut in lucem edita sint,  
 Franciscana familia vltra triginta protulit, Do-  
 minicana paulo pauciores, Carmelitana fere to-  
 tidem, Augustiniana multos, & ne longum hic  
 cãtalogum texam, Benedictina, Cisterciensis,  
 Carthusiana, & non nullæ aliæ multos alios.  
 Inter quos non percenseo eos, qui extra religio-  
 nem hæc studia coluerunt, & scholastico more  
 rem theologicam tractarunt. Quamobrem, &  
 scriptorum & librorum copia hoc studium ma-  
 gis abundat, quam quidam, nihil, aut parum  
 in eo versati, existimare solent. Horum omnium  
 scriptorum, alij fecerunt versiones, alij inter-  
 pretationes, alij paraphrases, alij scholia, alij  
 glossas, alij commentaria, alij sermones, alij ho-  
 melias, alij conciliationes, alij dubitationes, alij  
 quæstiones, alij articulos, alij centurias, alij con-  
 trouersias, alij tractatus, alij annotationes, alij  
 meditationes, alij poemata, alij regulas, alij isa-  
 goges, alij rapsodias, alij epitomas, alij opuscu-  
 la, alij compendia, alij denique summas, quo-  
 rum omnium operum maximus est numerus.  
 Quid? si haberemus omnes libros auctorum  
 omnium, qui de hac amplissima disciplina ali-  
 quando, hebraicę caldaicę arabicę, græcę, &  
 latine scripserunt? qui vel temporum, vel ad-  
 uersa-

uersariorum iniuria periere, & vt vnus tantum Origenis mentionem faciam, is, tot opera scripsisse dicitur, quot vix vnus homo per totam ætatem legeret. Et ne longius in hoc amplissimo de sacræ doctrinæ amplitudine campo progrediamur, hæc breuiter insinuasse sufficiat: nunc de eiusdem profunditate aliquid dicamus.

August.  
ad Volus.

Non minus profundum, quam spatiosum est sacræ doctrinæ pelagus, cuius profunditatem in eo positam esse censemus, quod in ea tot lateant sensus, tot mysteria, tot uariæ & profundæ expositiones, ut nulla vi humana, nulla angelica facultate exhauriri queant. Propterea sancti patres, ad hanc prærogatiuam explicandam, nunc grano sinapis, nunc thesauro, nunc puteo altissimo & perenni fonti comparare solent.

Cyril.  
In Gen.  
hom.3.

Merito, ait Chrysostomus, thesauro cuiuspiam confertur diuinarum scripturarum lectio. Nam, sicut ex illo quisquis, vel paruum fructum capere valet, multas sibi parat diuitias; ita & in sancta scriptura etiam in breui dictione variarum sententiarum vim, & indicibiles diuitias inuenire licet. Et non solum thesauro sunt similia, diuina eloquia, sed fonti quoque largis petennibusque scaturienti fluentis. Vnde etiam, qui ante nos fuerunt pro viribus suis aquas hauserunt, & similiter qui post nos futuri sunt, idem attentabunt, neque sic totum euacuare poterunt, sed magis sic augescunt flumina, & crescunt. Diuinarum literarum profunditas, ac sensuum multitudo inde primum enata est, quod eius auctori,

auctori, tam facile est vno verbo innumeras sententias significare, quam multis multas: vt sicuti vno verbo omnes creaturas fabricauit, ita vnico verbo, ni ad nostrā imbecillitatē sese accommodare voluisset, scripturas condere potuisset. Itaque, vt arbitror, nec singuli, nec omnes expositores simul, qui hactenus extiterunt, aut existere possent, etiam si mundus perpetuo duraret, omnes sensus attingerent & exhaurirent, quos nō dicam in omnibus scripturę libris, sed etiam vno in loco intelligentia illa infinita diuini spiritus significare voluit, aut potuit. Quare, nemo sit tam audax, vt immensam Spiritus sancti intelligentiam sua cogitatione se metiri posse præsumat: vt si forte nos, qui tardi & hebetes ad excogitandum sumus, aliquem locum considerantes, vnicum tantum sensuum inde colligimus, nullum præterea alium ibi contineri existimemus: vt suspicemur diuini spiritus intelligentiam ita sermonis inopia aliquando arctatam esse, vt vnico penitus sensu astringatur. Oritur præterea tanta sensuum vbertas, tantaq; copia, ex ea prærogatiua, qua hæc vnica scriptura gaudet, quod in ea, non solum verba, & verborum apices, sed etiam res, gesta, & personæ varios nobis subministrant sensus; quod & ipsæ sacræ literæ docent, & omnes grauissimi scriptores confirmant. Verba quidem non solum proprie, sed etiam translate accepta, & quidem secundum omnes translationis modos, varias nobis literales, seu grammaticas expositiones pariunt.

Res

Res vero & gesta, varias sensuum species, & v-  
 nius speciei plures sententias gignunt; morales  
 scilicet allegoricas, & anagogicas: quam vber-  
 tatem, & fecunditatem nulla alia habet scriptu-  
 ra. Nascitur præterea sententiarum multitudo  
 ex varijs vtilitatibus, quas ex quouis scripturæ  
 loco colligere nobis licet: quas vtilitates mani-  
 festauit Apostolus, cum dixit, omnem scriptu-  
 ram diuinitus inspiratam vtilem esse ad doctri-  
 nam, hoc est ad vera dogmata cognoscenda: ad  
 redargutionem, hoc est ad euertenda & confu-  
 tanda falsa dogmata: quæ duæ vtilitates ad co-  
 gnitionem referuntur. Quod vero ad actionem  
 attinet, dixit vtilem esse ad correctionem, quia  
 per eam, quæ corrupta & deprauata sunt emen-  
 dantur, ac restituuntur, & ad hominem re-  
 cte instituendum, vt sit perfectus in iustitia ad  
 omne bonum opus paratus. Et quoniam in hac  
 vita varijs molestijs & curis quotidie agitamus,  
 ac proinde consolatione egemus, quæ diuinis  
 scripturis commendata sunt, ad nostram conso-  
 lationem scripta sunt. Itaque nullus occurret  
 in sacra pagina locus ita salebrosus, ita infæcun-  
 dus, aut sterilis, ex quo sensum aliquem, vel ad  
 doctrinam, vel ad redargutionem, vel ad institu-  
 tionem, vel ad correctionem, vel ad consolatio-  
 nem pertinentem, colligere non liceat. Immo  
 pauca inuenies loca, aut fortasse nulla, vnde has  
 omnes vtilitates, & eiusdem rationis multas ha-  
 urire non queas. Quod facile demonstrarem,  
 sed in re certa, absque necessitate diutius immo-  
 rari

2. Tim. 3.

Rom. 15.

rari nolo. Et quod de aliquo verborum ambitu diximus, idem de re, & de historia, siue de aliquo facto dicas. Quare, de diuinis literis ita existimandum censeo, vt in eis nullum dictum, factumue tam nudum, tam simplex, tam tenue, atq; aridum inueniatur, quin aliquid designet, vel aliquod ad salutem nostram emolumentum afferat; vt merito apostolicus vir Dionysius Areopagita, hæc quæ subijciam verba scripserit. Non enim historiam nudam, sed spiritalem perfectionem continet, & omnis, & vbique oratio. Quod tanta sit diuinorum oraculorū profunditas, tantaq; vbertas, quantam nos explicuimus, & longe maiorem, quam nec lingua fortasse angelica explicaret, colligere licet ex numero, & varietate expositionum etiam in vnum & eundem locum: quem ita diuersi scriptores tractarunt, vt semper aliquid noui attulerint: ad quod confirmandum hæc luculenta extat Originis sententia. Tentemus & iam facere illud, quod sapientia commonet dicens, Bibe aquas de tuis fontibus, & de tuis puteis, & sit tibi fons tuus proprius. Tenta ergo & tu, auditor, habere proprium puteum, & proprium fontem; vt & tu, cum apprehenderis librum scripturarum, incipias etiam ex proprio sensu proferre aliquem intellectum, & secundum ea, quæ in Ecclesia didicisti. Quod ergo dabis aliud doctrinæ & disciplinæ genus, quod tot sensibus, tot vtilitatibus, & quidem tam abundanter scaturiat? vnde semper aliquid de nouo in perpetuum.

Epist. ad  
Titum.

Hom. 17.  
in Gen.

Cant. 4.

Gileb.  
ser. 35. in  
cant.

rum tibi haurire liceat, quod vel ad doctrinam, vel ad redargutionem, vel ad institutionem, vel ad correctionem, & consolationem conferant? Sunt itaque nobis diuina eloquia ob doctrinæ amplitudinem, & copiam, & fons, & puteus: in illo sapientiæ abundantia, in hoc profunda mysteria designantur: in illo sensuum profusio, in hoc sententiarum occultatio: ibi aquæ extra terram prorumpunt, hic terra penetratur, ut aquam pertingas: ibi aqua gratis fluit, hic labore inuenitur: ibi gratia diuini spiritus mentem irrigantis, hic industria laborantis ostenditur. Sed quoniam iam eiusdem doctrinæ altitudo nos ad sese vocat, ad eam veniamus, de qua cum ingenij nostri humilitatem longissime superet, pauca dicemus. Quanta ergo sit huius theosophiæ altitudo, vel ex eo cognoscere licet, quod, ut supra diximus, ipsam Diuinitatem sibi cognoscendam proponit, non solum ut sub rationis lumen cadit, non solum secundum eam notitiam, quam creaturæ, quæ sunt diuinæ naturæ umbræ quædam, nobis subministrant, non solum secundum vnā subsistentiæ rationem, non solum secundum ea attributa, quæ ex rerum molitione & procuratione, aut etiam instauratione cognoscuntur; sed etiam secundum supernaturale lumen nobis diuinitus communicatum, secundum eam nimirum notitiam, quam per seipsum Deus nobis impertiuuit, secundum essentiæ fecunditatem, & personarum trinitatem, & denique secundum omnes eius proprietates,

prietates, & attributa omnia, quæ infinita sunt : cum hæc præcella scientia Deum consideret, nō solum vt est primum exemplar, primum efficiens, primus finis, vt prouisor, vt conseruator, vt bonus, vt sapiens, vt iustus, vt redemptor, vt iustificator, vt glorificator, sed secundum omnes infinitas eius rationes, ita vt nihil altius, nihil sublimius, nihil eminentius, nihil celsius humanæ menti cognoscendum proponi possit, cum Deum vt Deum, hoc est Deum secundum omnem rationem, quam infinita illa vis immensaque maiestas continet, & sub eandem, considerationem, sub quam a beatis in cælo cognoscitur, sibi cognoscendum proponat. Tanta itaque est huius doctrinæ celsitudo, tantaque sublimitas, quantam nulla creata mens enarrare, aut capere vnquam posset : cum in vno eius mysterio explicando plus ingenij, plus operis, plus doctrinæ opus sit, quam in omni alia arte omni ex parte tractanda. Quantam denique eius sit longitudo, ex eo cognosci haud obscure licet, quod ea tractet, quæ non solum omnium temporum varietate & duratione, sed etiam æternitate ipsa continentur : In hac enim doctrina ea explicantur, quæ ab omni æternitate in mente fuere diuina, quæ in ipsa orbis molitione fecit Deus, & quæ in eius conseruatione facit, & quæ in eiusdem interitu, & in omne sæculum, factururus est. Huc etiam referres eam laudem, quam aliqua doctrina ab antiquitate sortitur. Hanc enim non inuenerunt Chaldei, non excogitarunt.

D. Tho 1.  
par. q 1.  
art. 8.



- gitarunt Ægyptij, non finxerunt Græci, non extraxit Democritus ex puteo, nec Socrates e cœlo euocauit, aut vlla schola, siue Cynica, siue Stoica, siue Academica, siue Aristotelea introduxit.
- Eccl. 1.** Omnis etenim sapientia a Domino Deo est, & cum illo fuit semper, & est ante æuum. Quam Deus effudit super omnia opera sua, & super omnem carnem secundum datum suum, & præbuit illam diligentibus se.
- Prou. 8.** Quare hæc sapientia dicere de se potest, se fuisse ante abyssos, ante omnes colles, & Deo adfuisse cum cœlos præparabat, quando circundabat mari terminum suum, quando appendebat fundamenta terræ: diceret etiam, cum eo eram cuncta componens, & delectabar per singulos dies, ludens cum eo in omni opere, ludens in orbe terrarum, & delictiæ meæ esse cum filiis hominum. Ex quibus fit, ut eam etiam promereatur laudem, quod sit in perpetuum duratura: quia & si cœlum transibit: tamen quæ in hac doctrina continentur, nunquam præteribunt. Omnes aliæ disciplinæ initium aliquod habuerunt, & vel iam defecerunt, vel aliquando deficient: at vero, o Domine, in æternum verbum tuum permanet in cœlo. Et ab eo usque tempore, quo hæc doctrina literis consignata fuit, semper permansit intacta, immaculata, integra; & in eadem integritate & puritate perpetuo est permansura: quibus priuilegijs nulla alia gaudet disciplina. Quo circa, longe feliciores hac in parte sunt Theologi, quam aliarum scientiarum professores, & maxi-
- me



me Iurisperiti. Quia, quandiu ad integros co-  
dices, & ad ipsos fontes adire non licet, tandiu  
cogimur de scriptorum voluntate, & germana  
sententia dubitare. Nam principum placita;  
magistratuum edicta, responsa prudentum, ex  
quibus leges ciuiles carptim, & quasi frustula-  
tim euulsæ sunt, vel nullibi extant, vel sunt ca-  
rie consumpta: quo fit, vt sæpe velint, nolint,  
hallucinentur, cum ex illis recisis particulis scri-  
ptoris mentem plene percipere haud facile  
queant. Et licet, vt paulo ante dicebam, hæc  
sacrosancta doctrina a nulla humana schola, in-  
uenta, sed diuinitus a Deo data fuerit; tamen  
omni ætate, apud omnes populos, in omni be-  
ne instituta ciuitate a sapientioribus hominibus  
cultæ, & in honore, vt infra latius docebo, habita  
semper fuit. Huc ea etiam laus pertinet, quod  
omnes nationes, suis relictis disciplinis, a se in-  
uentis, quibus institutæ & iam imbutæ erant,  
hanc vnâ, tanquam veram & firmam, aliquan-  
do susceperunt, & per eam se beatitudinem as-  
sequi posse existimarunt; per hanc enim solam  
salui facti sunt quicunq; placuerunt Deo a prin-  
cipio. Quod si quid in alijs disciplinis, quod  
ad humanam felicitatem & veram sapientiam  
consequendam pertineat, inuenire licet, ab hac  
acceptum fuit: in quo etiam gloriari potest,  
cum ab ipsa omnes aliæ aliquid acceperint, ip-  
sa vero ab vlla alia nihil. Quis ergo eam scien-  
tiam omni prædicatione dignam non existimet,  
quæ est omnium amplissima, profundissima,

Li. i. inst.  
tit. i.

Sap. 8.

Euseb. de  
præpar.  
Cyril.  
cont.  
Iul.

latissima, & altissima? quæ firmitudine, constantia, integritate, antiquitate, & certitudine omnes alias superat: quæ rerum varietate, scriptorum, & librorum multitudine, doctrinæ copia, cæteras omnes longissime antecellit. Quis eam sapientiam sibi omni studio & contentione acquirendam non statuatur, quam apud omnes nationes viri sapientes coluerunt, ac prædicarunt? Valeant igitur mordaces Zoili, petulantes Mommi, morosi, & intollerandi Censores, qui nulla iusta de causa, vel sacram scripturam, vel scholasticam disciplinam, & scholasticos scriptores damnant: quos dum vituperant, ipsam sapientiam cui incumbunt, ipsam Ecclesiam, cuius sunt Magistri, ipsum Deum cuius sunt Doctores, quos qui audit Deum audit, quos quo spernit, Deum spernit, quos qui tangit, pupillam oculorum Dei tangit, vilipendunt. Ec quis sanæ mentis eos, qui doctrinam diuinitus datam, dies noctesque tractant, tuentur, exponunt, amplificant, & dilucidant, ac proinde ab ipsa sapientia beati vocantur, laceret? Eos inquam, qui lectulum Salomonis custodiunt, contra lupos latrant, vulpeculas capiunt, panem petentibus frangunt, cæcis se duces præbent, terram saliunt: in vinea laborant, in area triturant, & sibi commissum cælorum regnum tuentur? Valeant isti, qui dum alijs sapere volunt, sibi ipsis nihil sapiunt, & sua insipientia diuina atq; humana violant, vexant, perturbant, euertunt: qui tanquam serpentes e latibulis, oculis eminentibus,

bus, inflato collo, tumidis ceruicibus prodierunt, & hominum veram sapientiam colentium sanguinem, si possent, exorberent: immo ipsam vitæ parentem sapientiam euerterent, nec tanto parricidio sese inquinare timerent. Sed, ut opinor, hic error, & hæc indoctorum animis offusa caligo est, quod tam longe retro respicere non possunt, ut eam doctrinam recens ab hominibus ociosis inuentam imputent, quæ re, & nomine, ab ipso etiam mundi exordio extitit. Nam, qui concesserint doctrinam aliquam hominibus ab orbe condito diuinitus datam fuisse, ijdem necessario concedant oportet, ab eo etiam usque tempore aliam fuisse disciplinam, quæ illam exponeret, defenderet, amplificaret, & ne erroribus deprauaretur, caueret: quod antiquissimus omnium Theologorum Iobus, cum suis amicis de diuina providentia disferendo, fecit. Quid igitur eam doctrinam contemnendam, & irridendam putant, quam Iudæi, quam Chaldæi, quam Arabes, quam Aegyptij, quam Græci, quam Latini, quam omnes apud omnes populos sapientes viri coluerunt, & colendam esse docuerunt, & diuini scriptores diuino spiritu acti celebrarunt? Verum, ea demum magna uoluptas est, æquali ac pari vitæ generi oratione uti, ut omnis oratio moribus respondeat. Neque enim qui ita viuunt, ut isti faciunt, aliter ac ipsi loqui possunt; neque qui tam illoto sermone utuntur, vita honestiore sunt. Sed ut moderate agam, & ne eos remor-

Sap. 3.

dere videat, qui nos tam acriter, iniuste mordent, eos omni christiano affectu moneo, atque fraterne obsecro, ut eam amplexentur disciplinam, quam qui abijciunt, ut sapiens ait, infelices sunt.

*Sacram Theologiam esse veram sapientiam, eique omnes sapientiæ proprietates convenire demonstratur. Cap. XI.*



VM dictum a nobis paulo supra fuerit, sacram Theologiam tanquam reginam in humana mente omnium scientiarum genere ornatam, in suo quasi solio sedere, ac cæteris scientijs uti, eisque tanquam suis ancillis imperare, quod est sapientiæ propriū: propterea necesse est, ut nūc videamus, quasi de huius discipline forma agentes, an vere hoc magnificum & illustre sapientiæ nomen, quod semper plurimi factum, & ab omnibus hominibus semper ambitiose affectatum fuit, huic doctrinæ conveniat: ut vel hac ratione hominum voluntatem ad eam consequendam inflectamus. Quod ergo sacræ Theologiæ hoc præclarum, atque egregium sapientiæ nomen congruat, tunc candidus lector cognoscet, cum omnes sapientiæ proprietates, ei convenire a nobis demonstratum fuerit. Primum igitur, si eam spectemus sapientiæ notam, quæ est, ut omnia, quantum fieri potest, sciatur, nullam aliam profecto inuenies doctrinam, cui hoc attributum æque

æque recte, atque huic nostræ tribuas: cum hæc sola, vt iam diximus, suo amplissimo sinu omnium rerum cognitionem contineat. Hæc enim per omnes rerum naturas peruadit: humana & diuina cognoscit: ab altissima dei maiestate, per creaturas omnes descendens, vsque ad inferni intima penetrat, & inde rursus in Deum ipsum, quasi quodam circulo, reuertitur: cum sit Sap. 7. participatio quædam illius sapientiæ, quæ attingit a fine vsque ad finem fortiter, & disponit omnia suauiter. Est itaque scientia quædam a Deo, de Deo, & ad Deum. Propterea de Salomone qui eam diuinitus accepit, a cedro, quæ est in Libano, vsque ad hyssopum quæ egreditur de 3. Reg. 4. pariete, hoc est, a maximis rebus ad minimas vsque, disputasse legimus. Et libro, quem in laudem huius sapientiæ composuit, his verbis, quod hoc loco docemus, luculenter expressit. Ipse Sap. 7. enim dedit mihi horum quæ sunt scientiam veram: vt sciam dispositionem orbis terrarum, & virtutes elementorum, initium, & consummationem, & medietatem temporum, vicissitudinum permutationes, & mutationes omnium morum, & diuisiones temporum: anni cursus & stellarum dispositiones: naturas animalium, & iras bestiarum, vim ventorum & cogitationes hominum, differentias virgultorum, & virtutes radicum, & quæcunque sunt absconsa, & improuisa didici: omnium enim artifex docuit me sapientiæ. Illa deinde nota sapientiæ tribuitur, vt quæ sunt difficiliora cognitu, & a

sensibus nostris remotiora cognoscat. At quæ  
 vnquam fuit disciplina, cui hæc proprietas ma-  
 gis, quam christianæ doctrinæ, conueniat? Hęc  
 immensam Dei maiestatem supernaturali lumi-  
 ne scrutatur, abditissimum ac difficillimum  
 Trinitatis mysterium considerat, dum diuina-  
 rum personarum processionem, numerum,  
 æqualitatem, proprietatesque exponit: hæc æ-  
 ternarum mentium vim, functiones & ordines  
 declarat: hæc incarnationis mysterium, quod  
 etiam Angelis, aliqua parte, erat ignotum, ex-  
 ponit. Omitto præscientiæ, prouidentiæ, præ-  
 destinationisque diuinæ tractationem: omitto  
 liberi arbitrij, naturæ & gratiæ, ac septem my-  
 steriorum, & præsertim Eucharistiæ, disputatio-  
 nem. Quarum rerum singulæ, maiores ac diffici-  
 liores sunt, quam quæ solis naturæ viribus perci-  
 pi potuerint: Vere itaq; regius psaltes cecinit:  
 Incerta & occulta sapientiæ tuæ manifestasti mi-  
 hi. Et alibi, Mirabilis facta est scientia tua ex  
 me, & non potero ad eam, hoc est, mirabilior  
 est, quam ut illa a me capi possit: ac sublimior,  
 quam ut intelligere queam. Multa deniq; in  
 hac doctrina tractantur, quæ nec oculus uidit,  
 nec auris audiuit, nec mens humana vnquam  
 cogitauit, aut cogitare potuit. Cum itaque sit  
 de rebus difficillimis, ualde abstrusis, & ab hu-  
 mano sensu maxime remotis, iure optimo sa-  
 pientia nominanda erit. Id etiam priuatim sa-  
 pientiæ tribuitur, ut sit cognitio certa, & earum  
 rerum quas nouit, causas non ignoret. Quod  
 ad

Psal. 50.

Psal. 138.

1. Cor. 2.

ad certitudinem attinet, nulla est inter humanas doctrinas, quæ huic comparari queat: quod tam est certum, quam quod certissimum. Nam maiori ex parte, ut supra scripsimus, de his rebus agit, quæ nulli sunt interitui, aut mutationi subiectæ: & de corruptibilibus, ut diuinæ subiiciuntur cognitioni, quæ nulli est exposita errori. Diuino lumine nititur, quod est certissimum; cum Deus nulla ratione decipi, aut decipere queat. Qui vero hanc doctrinam sunt adepti, ita sunt certi, ut ad eius veritates retinendas parati sint omnem humanam rationem despicere, & omnes demonstrationes existimare sophismata. Cæli ergo transibunt, & huius doctrinæ veritas non deficiet: sol obscurabitur, & huius veritatis lumen nunquam extinguetur: illi enim succedit nox, sapientiam autem non vincit malitia. De humanis vero disciplinis, quid existimare liceat, ex hac Sapientis sententia, (ut eos omittam, qui de earum incertitudine multa scripserunt) facile cognosceres: Cogitationes mortalium timidæ, & incertæ providentiæ nostræ. Sunt ergo humanæ disciplinæ ita incertæ, ut quidam, eas omnino vanas esse putauerint: & alij dixerint, nostrum scire, esse pulchrum opinari. Quod ad causas attinet, hæc sola primas & veras rerum maximarum causas potest inuestigare: cum primas rerum rationes in mente diuina existentes contempletur; primam cunctarum rerum exemplarem, effectricem, & finalem causam consideret; & sit scien-

Luc. 11.

Sap. 7.

Sap. 9.



Lib. 1.  
Met. c. 2.

Plin.  
Cic.  
Horat.  
Plut.  
Porphy.

tiæ diuinæ participatio quædam. Propterea Aristoteles sapienter scriptum reliquit, huiusmodi sapientiam, vel a solo Deo, vel præcipue possideri. Et ut locum notatione dignum, clarius explicemus, quæ nam obsecro sapientia, præter hanc, quam nos prædicamus, diuinæ providentiæ causas reddet? cur improbi homines in hac vita feliciter viuant, boni vero malis afficiantur omnibus? cur permittantur mala? cur transferantur regna? cur creaturæ in utilitatem, hominum factæ, hominem lædant? cur corpus aggrauet animam? cur sensus cum ratione pugnet? cur homo, qui naturali propensione immortalitatem vehementer affectat, sit morti obnoxius? cur hominis vita, sit multorum animalium vita breuior? quarum rerum causas, cum quidam ignorauerint, dixerunt naturam erga hominem fuisse nouercam: cur denique, ne longum faciam, idolorum cultus cessauerit, & idola ab hinc tot annos obticuerint? Cuius rei causam sapientes huius mundi diligenter peruestigarunt; sed, cum non essent hac perfecta sapientia illuminati, inuenire minime potuerunt. Postremo, illud sapientiæ tribui solet, ut sit maxime libera, & gratia sui: ut quæ alijs præcipiat, aliasque omnes tanquam princeps, & regina dirigat: quæ omnia in hac doctrina reperiri, ex iam dictis, facile cognosceres. Nam, cum de Deo, qui est omnium rerum principium & finis, agat; omnes profecto scientiæ, & artes, quæ de rebus a Deo creatis disputant, ad hanc vnam



vnam referentur, & huic vni subiectæ erunt. Hæc igitur sola est libera, & gratia sui. Ipsa nanque sola de omnibus alijs non modo secundum humanas, sed etiam secundum diuinas & æternas rationes iudicat: ipsa sola cæteras in suos fines dirigit: ipsa sola cunctis alij leges imponit: ipsa sola reliquarum errata notat, & corrigit: ipsa sola, cum non solum speculetur, sed etiam agat, cuiuscunque scientiæ, siue sit actionis, siue cogitationis perfectionem continet. Concludamus igitur nõ solum esse sapientiam, sed etiam maximam quandam sapientiam, cum sit rerum difficillimarum maximarumque certa, gratiaque sui adepta cognitio: concludamus item esse possessionem quandam diuinam: concludamus rursus esse nobilissimam, & omni honore dignissimam, cum sit maxime diuina. Vapor est enim virtutis Dei, & emanatio quædam claritatis omnipotentis Dei sincera: concludamus etiam cum Aristotele, indignum esse, hominem non quærere illam, quæ sibi conuenit, scientiam: id non inuestigare, quo homo sit Deo valde similis: illud non concupiscere, quod omnes naturæ impulsu affectare videntur; illud videlicet præclarum, insigne, atque illustre sapientis nomen: quod tale est, vt Socrates, apud Platonem, soli Deo conuenire dixerit: quod ij, qui olim sapientiam profitebantur, tanti faciendum esse existimant, vt non sapientes, sed sapientiæ cupidi, quod tanto nomine se indignos esse censerent, voluerint appellari. Affectent alij Domini,

Sap. 7.

Arist. 1.

Met. c. 2.

In Phædro,

Domini, Marchionis, Principis, Ducis, Regis, & Imperatoris nomina, quę quid secum afferant, difficile est inuenire: nos vero solidam, ac magnificam, atque maxime illustrem Sapientis appellationem, quę omnium bonarum artium, humanarum diuinarumq; rerum, notitiam, diuinę sapientię participationem quandam, perfectionem denique tantam complectitur, quantam nulla dicendi vis, nullum eloquentię flumen vnquam dicendo exprimeret, nobis acquiramus. Ex his ergo iam facies quędam, & quasi effigies huius pulcherrimę disciplinę, quę est præcella quędam scientia, & sapientia apparet. Quam, vt adhuc melius internoscas, verba, quibus a Sapiente descripta fuit, subiiciam. Est enim in illa spiritus intelligentię, sanctus, vnicus, multiplex, subtilis, disertus, mobilis, in coinquinatus, certus, suauis, amans bonum, acutus, qui nihil vetat benefacere, humanus, benignus, stabilis, certus, securus, omnem habens virtutem, omnia prospiciens, & qui capiat omnes spiritus, intelligibilis, mundus, subtilis. Omnibus enim mobilibus mobilior est sapientia: attingit autem vbiq; propter suam munditiam. Vapor est enim virtutis Dei, & emanatio quędam est claritatis omnipotentis Dei syncera: & ideo nihil inquinatum in eam incurrit: candor est enim, lucis æternę, & speculum sine macula Dei maiestatis, & imago bonitatis illius. Et cum sit vna, omnia potest: & in se permanens omnia innoquat, & per nationes in animas sanctas se transfert,

fert, amicos Dei, & prophetas constituit. Si ij qui erga hanc sapientiam parum sunt affecti horum verborum energiam diligenter animo tractarēt, quanto in errore sint facile perspicerent. Cum ergo tanta sit huius sapientiæ uis, atq; efficacia, merito a sanctis patribus varijs finitionibus ex eius effectis conglobatis, latissime describi solet. Hæc est, ait Augustinus, quæ præcipue in Deum prouocat, & Deum diligere inuitat, corda illuminat, linguam purificat, conscientiam probat, animam sanctificat, fidem confortat, diabolum reijcit, peccatum spernit, animas frigidas calefacit, lumen scientiæ ostendit, renebras ignorantie expellit, tristitiam sæculi extinguit, lætitiā spiritus sancti accendit, sitiēti potum tribuit. Hæc est scriptura sancta, lex nostra immaculata, quæ de insipientibus sapientes facit, primos de nouissimis ponit, magnos de minimis efficit, nobiles de ignobilibus commutat: naturam frenat, prohibet leuitatem, temperat dolorem, confert spem: coronat senem, docet iuuenem, mitigat dedignantes, instruit errantes, sanat ægrotos, roborat infirmos, brutos facit sensatos, mentis stabilitatem donat, excitat somnolentos, ociosos increpat, pigros incitat: credentibus gratiam dat, reges humiliat, humiles exaltat, rectas vias indicat, eleemosynam imperat. Si qui ergo sunt (omnes esse deberent) qui sapientiæ amore flagrent, qui eius magnificum, excelsum, atq; gloriosum nomen desiderent, quod nemo est qui

mimice

Ser. 38. ad  
Fratres in  
heremo.

Lactan.  
Ferm.lib.  
4.c.4.

Trismeg.  
in Ascle-  
pio.

Rom.2.

mimice non affectet, hanc vnā verā, solam-  
que sapientiam, cui soli vere omnes sapientiæ  
notæ conueniunt, sibi sequendam putent. Si-  
quidem omnis alia sapientia, sine hac, est stupi-  
da, & insipida: cum hæc sola, & nulla alia veri  
Dei cognitionem, cum vera religione coniun-  
gat: quæ duæ virtutes ita sunt inter se copula-  
tæ, vt vna ab altera separari nequeat: quia idem  
est Deus, qui cognosci & honorari debet; illud  
sapientiæ, hoc religionis est. Deus itaque per  
sapientiam, tanquam pater, cognoscendus, &  
per religionem, tanquam Dominus, colendus  
est. Quo fit, vt tam philosophi, quam falso-  
rum Deorum cultores vera sapientia caruerint:  
quia illi cognouerunt quidem, sed non colue-  
runt, & ita euāuerunt in cognitione sua: hi  
vero coluerunt, sed non eum, quem ignorarunt,  
& cognoscere debuerunt. Vani igitur sunt om-  
nes homines in quibus non est scientia Dei, qua-  
lis est hæc, quam nos colendam dicimus. Quan-  
ta itaque voce possum testificor, proclamo, de-  
nuncio, hanc esse illam veram sapientiam, quam  
omnes philosophi, sic ab eius quærendæ studio  
nominati, quæsiuerunt, quam tamen nunquam  
consequi potuerunt. Quo fit, vt non tam mo-  
destiæ ostendendæ, quam veritatis manifestan-  
dæ causa, se non sapientes, sed sapientiæ studio-  
sos appellare debuerint. Nos vero, si hanc re-  
rum diuinarum cognitionem adepti fuerimus,  
non vt illi in sua, sed in Dei sapientia gloriari, &  
hoc illustre nomen nobis tribuere poterimus.

Dicitur

Dicit enim Dominus, Non gloriatur sapiens in sapientia sua, neque gloriatur fortis in fortitudine sua, neque gloriatur diues in diuitijs suis: sed in hoc gloriatur, qui gloriatur, vt intelligat & cognoscat me: quem is solum cognoscit, qui hanc ipsius disciplinam didicit. Ier. 9.

*Laudatur sacra doctrina ab eius auctoribus.*

*Cap. XII.*



**L**O s libros studiose inquirere, diligenterque legere, & ea opera libenter homines spectare consueuere, quorum auctores illustres, & celebres extitere. Propterea Polycleti signa, Apellis tabulas, Homeri poemata, Ciceronis orationes, & Aristotelis philosophiam cupide inspicimus, ac legimus; quod hi homines in suis artibus insignes & sapientes fuerint. Ob auctoris itaque sui præstantiam vnaqueq; res commẽdari alijsque præferri solet. Quo fit, vt sæpenumero libri quorum minor est vtilitas, & doctrina, vel vulgaris, vel parum elaborata, quod nomine alicuius eruditi viri sint inscripti, pluris fiant, ac studiosius legantur, quam fieri legiq; deberent. Id, si spectare voluerimus, nullus vnquam extitit, aut existere liber potest, qui ita grato animo legi, manibus teri, dies noctesque volutari deberet, vt is, in quo hæc sapientia, quam nos laudamus, & amplectendam proponimus, continetur: cum omnia, quæ in eo scripta sunt, per homines

mines auctoritate, & sanctitate conspicuos, sint afflatu diuino conscripti. Quod verum esse latius demonstrarem, nisi cum ijs sermonem nunc haberem, quibus id persuasum esse certo scio. Habet itaque christiana doctrina Deum, cuius sapientia est infinita, auctorem: a quo nihil non bonum, nihil non perfectum, nihil non optimum; & omni ex parte absolutum potest proficisci. Propterea Salomon de ea loquens, aiebat, esse candorem lucis æternæ, & imaginem bonitatis illius: ac proinde maximis precibus, artificiosa oratione, eam ab eius auctore Deo petebat. Quæ igitur doctrina potest esse hac nostra melior, cum sit ab eo, cuius opera sunt valde bona? quæ magis necessaria, cum sit ab eo data, qui nihil operatur frustra? quæ congruentius digesta, cum sit ab eo, qui disponit omnia suauiter? quæ magis absoluta, cum sit ab eo, cuius opera sunt perfecta? quæ denique humanæ menti magis accommodata, cum sit ab eo præceptore, qui docet hominem scientiam? O vere beatum illum, quem tu, Domine, erudiueris de lege tua! Qua ergo fronte nos christiani in Dei schola versamur, cum eius doctrinam, quam per alios, & per seipsum nos peramanter docet, negligamus? qua facie coram Dei maiestate stamus, cum eam, quam ipse profert sapientiam parui faciamus? & quod deplores, ea posthabita, hominum insomnia & fabellas, ad tempus inutiliter terendum excogitatas, quodam inani verborum lepore, & fictarum rerum.

Sap.8.

Sap.9.

Gen.1.

Sap.7.

Psal.93.

rerum nouitate pelli, studiose lectitamus. A quo inani & pernicioso studio, hac grauissima sententia, sanctus, ac rerum diuinarum studiosissimus pater Isidorus nos reuocat: Quid prodest mundanis proficere doctrinis, & inanescere in diuinis? caduca sequi figmenta, & celestia fastidire mysteria? Cauendi igitur sunt tales libri, & propter amorem sanctarum scripturarum vitandi, qui exterius eloquentia verborum nitent, & interius uacui virtutis sapientia manent. Eloquia autem sacra exterius corrupta verbis apparent, interius autem mysteriorum sapientia fulgent. Soleo sæpe mecum, christiane lector, ita cogitare: contemplanus hominem ob immoderatam sciendi appetitionem a Deo in hanc rerum cecitatem fuisse detrusum, eumque in obscurissima ignorantia nocte versari, & in hac exilij valle sine vero lumine per inuia & salebrosa loca iter habere, quid sit, & unde veniat, ubi sit, quo vadat, & per quam denique viam, penitus ignorare; ut ni ei aliquod maius lumen, quam rationis, appareat, quod vix vspiciam apparet, nunquam ad patriam, unde eiectus fuit, remeare queat. Video deinde Patrem illum misericordiarum, ac Deum totius consolationis, a quo omnia in nos proficiscuntur bona, misericordia motum, prouidentia suæ oculos ad hunc infelicem & calamitosum hominem adijcere, atque ad eum consolandum, literas, in quibus de eius instauratione, reconciliatione, reuersione, ac beatitudinis adeptione agit,

Lib.3. de  
summo  
bono.

Gen.2.

c.2. Cor.  
1.

Iac.1.



Exod. 31. agit, digito suo scriptas, ei mittere. At vero cum animaduerto hominis ignauiam, stultitiam, & ingratitudinem, dum has literas hilari animo non accipit, aut si accipit, non legit, aut si legit, non intelligit; nec intelligere curat, vel si curat, non multum, vel non perpetuo curat, maxima admiratione afficior, atque stupore defixus, hæreo. Dic, per Deum immortalem te oro, christiane lector, si aliquis illustris Princeps, si Cæsarea maiestas, si summus Pontifex ad te epistolam beneuolentiæ & amoris plenam mitteret, in qua quanto te amore prosequeretur, quid de te cogitaret, quibus te bonis ditare, & honoribus insignire vellet te certiores redderet, quo eam acciperes animo? quoties eam legeres, & alijs legendam traderes? quacura, qua diligentia, quo studio singula eius verba perpenderes? quanta sollicitudine eam conseruares? quantum denique ob eam te efferres? Et miserit diuina maiestas, Deus opt. max. Pater, Filius, & Spiritus sanctus, tibi non dicam vnâ vel alterâ epistolam, sed plures, & plures libros manu sua conscriptos, in quibus, quid de te cogitet, te docet: qua ratione ei te conciliare, eique placere possis, vt beatitudinem consequaris, instruit: in quibus mentem suam, occulta secreta, sacrosancta mysteria tibi manifestat, & eos non legis? non vides? & de tanto munere a tanto largitore accepto, non gloriaris? Non sic, non sic ille, qui dicebat: In iustificationibus tuis meditabor, non obliuiscar sermones tuos!



tuos : Benedictus es Domine, doce me iustificationes tuas : In labijs meis pronunciaui omnia iudicia oris tui : concupiuit anima mea desiderare iustificationes tuas omni tempore . Leguntur leges Platonis & Iustiniani , cur non leges Moylis, & Dei ? Leguntur libri de profanis, & iniustis bellis , cur non libri de bellis diuino iussu, & pro religione tuenda gestis ? Leguntur historia profana, cur non diuina ? Leguntur, & quidem perlibenter prædictiones vanæ & incertæ Astrologorum, cur non vaticinia vtilia, & certissima Prophetarum ? Leguntur spurcissima multorum hominum carmina , cur non castissima & diuina poemata Dauidis ? Leguntur Ethici Aristotelis libri, cur non ea, quæ de moribus scripta reliquit Salomon ? in cuius scriptis, quot sunt versiculi, tot sunt saluberrimæ sententiæ, & quasi lapilli cælo delapsi . Leguntur, perleguntur, & releguntur epistolæ familiares M. Tullij , cur non epistolæ canonicæ Apostolorum ? An id fortasse accidit, quia hi auctores nō sunt ita illustres ? an quia, quæ ab his tractantur, non sunt ita vtilia & necessaria, & non multū ad nos pertinent ? An, quod verum existimo, quia nos mente capti sumus ? Animaduerte hic, obsecro, amice lector, si semel intelligere vis quanta sit nostræ naturæ peruersitas . Creauerat Deus, Psal. 118.  
cuius opera sunt omni ex parte perfecta, in illo florentissimo innocentia statu, hominem rectum, atque absolutum ; ita vt ei ad beatitudinem consequendam, cum omni scientiarum, ac Eccī 3. 9.  
Eccī. 17.

Gen. 3.

virtutum genere diuinitus fuisset ornatus, nihil aliud esset necessarium: & tamen callidissimi hostis astutia deceptus, & nimia boni & mali sciendi cupiditate incensus, per quam cognitionem se Dei similem euasurum existimauit, vetitum pomum gustare voluit, & gustando in maximas ignorantiae tenebras se, & totam posteritatem coniecit. Cum itaque in honore esset, cum omnia sibi necessaria sciret, cum in loco sibi congruenti maneret, dum plus, quam par erat, voluit intelligere, non intellexit; &

Psal. 48.

ideo comparatus est iumentis insipientibus & similis factus est illis: & veluti quoddam pecus, pellicea veste indutus, qui Dei similem esse voluit, in hanc rerum omnium colluuiem iusta Dei punitione, fuit detrusus. Nunc vero in tanta rerum cecitate constitutus, ignorantiae tenebris vndique circumseptus, cum nulla re magis indigeat, quam vera scientia, & vero legis diuinæ lumine, insuitatus, vocatus, præmijs illectus, & pœnarum terrore impulsus, ad veram scientiam, verumque lumèn recipiendum, se commoueri non sinit: in ignorantiae nocte libenter versatur, & lucem odit: & quauis ei a Deo opt. max. ob singularem in eum curam, caritatemq; dulcis aqua, suaue vinum, candidum lac, cœlestis panis, & angelicum manna proponatur; tamen manus non porrigit, & tãquam surda aspis se deliniri, & excantari a sapiente incantatore, non patitur. O duritiam inauditam! O stultitiam immensam! Is, aquam, quæ refrigerat,

Psal. 17.

vinum.

vinum quod lætificat, lac quod nutrit, panis qui corroborat, manna quod delectat, Deo dante, porrigente, & vt accipiat orante, & obsecrante, non accipit, qui vnicum mortiferum pomum, sub falsa boni specie propositum a Dæmone etiam leuiter suadente, accepit. Sed placet hoc loco ad hunc hominem in tam miserum, ac æruinosum statum delapsum, aliquantisper sermonem conuertere, atque ex eo vbi nam sit quærere: vt videamus, an eo ignorantia deuenierit, vt etiam vbinam versetur ignoret. Vbi igitur nunc es, o Adam, & Adæ fili? Effare, si non te puduit superbiæ, qua es transgressus, non te pudeat confessionis pœnæ, qua iuste puniris. Dic libere, te non esse in patria, sed in exilio: non in illa clara luce in qua fuisti creatus, sed in tenebris, in quas fuisti reiectus: non in aula regia, sed in istabulo: non cum Deo, Deus factus in cœlo, sed cum bestiis quibus ab ignorantiam es comparatus, in terra. Hiccine ergo est ille homo, qui in tanto honore erat, quem nunc vanissimos honores per vanas scientias aucupari cernimus? Hiccine est ille homo rectus, quem nunc ad turpe lucrum videmus esse curuatum? Hiccine est ille homo, ad cœlestia contemplanda creatus, qui nunc in fabulis, & spurcissimis libris legendis est occupatus? Hęcine est miser, ac miserande illa beatitudo tua, ab improbo seductore tibi promissa? Hæccine est illa diuinitatis tuę gloria? Innanis erat serpentis sibilus, cui aurem tuam, stulte, accommodasti; ideoq;

Psal. 48.

Franc.  
Abbas.

Pfal. 147.

Pfal. 18.

tu inania captando, miser illus, nec quod sperabas obtinuisti, nec quod possidebas retinere potuisti. At, non est inanis, non fraudolenta vox Dei, te ab exilio reuocantis, quam tamen audire nō curas. Si itaque, vt eo reuertamur, vnde aberrauimus, primum ac præcipuum huius sapientiæ auctorem, qui est Deus opt. max. spectaueris, nullam profecto disciplinā cui homines, & maxime fideles, se totos magis tradere, & de qua magis gloriari deberēt, quam de hac nostra, unquam inuenies. Quoniam, amantissimus ille Pater non fecit taliter omni nationi: & iudicia sua non manifestauit eis. Si deinde eos consideres, per quos Deus proxime nobis hanc sapientiam tradidit, viri fuerunt, vt vniuerse dicamus, suis temporibus non obscuri, integerrimi, doctissimi, pietate insignes, & rebus gestis illustres. Moyse, inquam, Dauide, Salomone, Esdræ, Isaia, Daniele, Ioanne, Pauli, & ij quorum in omnem terram sonus exiuit. In quorum scriptis, non solum humana diuinaque sapientia, sed etiam omnis eloquentiæ vis, atque natura, continetur. Quis enim Moyse sapientior, Iobo grandior, Dauide ornatior, Salomone suauior, Isaia purior, Ezechiele plenior, Luca faciliior, Ioanne sublimior, & Paulo neruosior? At vero de auctoribus, ac magistris humanæ sapientiæ, missis multis alijs rebus quæ in ipsorum scriptis damnaret quispiam; si eorum mores diligentius inquirere voluerimus, inueniemus fuisse homines non satis bonos, ne dicam valde malos.

malos. Democritus, excœcauit se, quod mulieres sine concupiscentia videre non posset, & doleret, ni potitus esset: Pythagoras, & Zeno tyrannidem affectarunt: Plato, vt antiqui patres scribunt, gulositate sicula venditus, & Socrati mortem pro veritate subire volenti, fugam suadere non dubitauit: Aristoteles impurus, avarus maledicus, & in magistrum ingratus: Homerus, licet multa sciuerit, ignorantia tamen, sicuti Speusippus adulterio, periit: Hippias occisus, quod ciuitati insidias parauerit: Cimon Iouem imitatus, sororem vxorem habuit: Aristides de sublatiis pecunijs pœnas luit: Isocrates ita libidinosus, vt in senectute vna vxore non fuerit contentus: Epictetus in Christianos non bene, sua culpa, affectus: Aristophanes septuagies accusatus, Cato quadragies, quanuis vterque ob corruptam fortasse iustitiam, nunquam causa ceciderit: Socrates, omiſſa eius ira & libidine, vxorem suam, quod etiam M. Cato fecit, cum amicis communicauit. Exclamat hic, & merito, Tertulianus, O sapientiæ Atticæ, & romanæ grauitatis exemplum! Leno, philosophus, & censor. Vbi etiam contra eum, qui suo responſo Socratem sapientem esse cõfirmavit, exclamare licet; O stultum Apollinem! qui eum sapientis nomine dignum putasti, qui nihil vnquam sapientius dixit, quam cum se nihil ſcire pronuntiauit? Et, vt aliquando concludamus, omnes fures fuerunt, cum quidquid boni dixerunt, a nostris acceperint, & acceptum non tulerint.

Grego.  
Naz. ora.  
cont. Iul.  
Tertul.  
Theodor.  
Cyril. lib.  
9. cont. Iulian.

Plutar.

Cyril.  
Alex.

Serm. 38.  
ad Frat. in  
here.

2. Pet. 1.

2. Cor. 2.

Osc. 2.

Psal. 118.

tulerint. Sed istis omisſis, ad rem noſtram reuertamur, & cum Auguſtino dicamus. Hæc itaque eſt illa doctrina ſuper omnia diligenda, quam Prophetæ prædixerunt, quam Patriarchæ diuinitus hauſerunt, quam Dei filius poſtquam in terris viſus & cum hominibus conuerſatus eſt, aperuit, & declarauit, & quid tenendum, & quid vitandum eſſet apertiffime demonſtrauit, & per ſuos Apoſtolos, nos ipſam docendo, illuminauit. Hæc itaque eſt vera ſapientia, quam non uoluntas humana attulit, ſed quam diuini homines diuino ſpiritu afflati, tradiderunt: quam non principes huius ſæculi, qui abolentur, ſed Deus per ſpiritum ſuum nobis reuelauit. Et, ne rem perſpicuam & luce meridiana clariorem, plura dicendo, obſcurare uelle videar, ea eſt huius doctrinæ ex hoc loco dignitas, ut nulla poſſit eſſe, aut excogitari maior: tantumque ex hac conſideratione ad eius ſtudium homines inflā-mari deberent, cum Deum ipſum hic præceptorē habeant, quantum fortasſe ex nulla alia. Valeant igitur quot quot ſunt minus vtilēs, & parum pudici ſcriptores: taceant Deo docente omnes alij præceptores; atque in chriſtiana ſchola Chriſti diſcipuli diurna atque nocturna manu ſacros auctores uoluant; ſequē, humanis relictis curis, ad ſolitudinem, ubi Deus animam alloquitur conferant. Deo itaque pius lector, vna cum Dauide dicat: Legem impone mihi Domine, viam iuſtificationum tuarum, & exquiram eam ſemper: Da mihi intellectum & ſcru-

scrutabor legem tuam. Nam alij doctores vocant, tu uero inspiras: alij librum tenent, tu illum aperis: alij legem proponunt, tu illam exponis: alij foris aures personant; tu intus corda pulsas. Loquere igitur Domine, quoniam seruus tuus audit. 1. Reg. 1.

*Quanta sit christiana philosophiæ dignitas, ex eius fine ostenditur. Cap. XIII.*

**N**ihil est quod magis ad aliquam artem consequendam, ac profitemdam homines alliciat, quam præstantia eius finis, quem ars propositum habet. Ex quo etiam loco singulæ artes suam nobilitatem, ac dignitatem sumunt: ut ea dicatur dignior atque nobilior, quæ ad nobiliorem ac digniorem est ordinata finem: & ea, ad cuius finem aliarum fines referuntur attrium. Id, si spectare uoluerimus, nullam profecto artem, siue scientiam, quæ hominem magis ad se pertrahere deberet, & quæ præstantior censenda sit, quam istam, quam nos laudamus, disciplinam, inueniemus; cum finem habeat omnium præstantissimum, ad quem omnes cæterarum artium fines referuntur: ac propterea, is est, qui hominum animos maxime afficere possit, ac debeat. Huius ergo sapientiæ finis, est perfectâ Dei cognitio, cum perfecto amore coniuncta: suprema uidelicet contemplatio cum supremæ virtutis actione sociata. Quem finem, cum humana Rom. 2



philosophia non attigerit, merito diuus Paulus de eius sectatoribus scripsit, euanuisse in cogitationibus suis. Et olim initio nascentis Ecclesiæ, cum humanæ sapientiæ professores viderent nostros, non solum verbis philosophari, quod proprium fuisse philosophiæ Græcorum non vno in loco testatum reliquit Tullius, vehementer admirabantur, ac dicebant: Qui sunt isti, qui ea faciunt, quæ dicunt? Ipsi enim alia dicebant, alia faciebant: & quod ore docebant, moribus destruebant: & ita de Deo extra Deum, verbis, barba, baculo, pallioque tenus, philosophabantur: cum tamen omnis virtutis laus, ut præclare scripsit Cicero, in actione consistat. Dixit Aristoteles, & vere dixit, hominis beatitudinem positam esse in actione secundum virtutem, in vita perfectâ, & in altissimarum rerum contemplatione: sed neutrum humana philosophia omni ex parte, & quantum oportuit, potuit attingere; ut schola christiana facit. Quod ad contemplationem attinet, pauca quædam & incerta, & non sine errore de diuino numine, & cœlestibus spiritibus philosophi dixerunt: & quendam Deum sine generatione infecundum, sine pluralitate personarum solitarium, sine libertate necessario agentem, & egentem, & sine prouidentia improuidum posuerunt: & si quid veri & boni dixerunt, a nostris furto acceperunt. Hunc locum, si quis voluerit philosophorum circa rerum diuinarum tractationem errata percensere, ampliter tractare poterit. De actione

Rom. 2.

Orat. pro  
M. Cœl.Nilus ab-  
bas.Lib. de of-  
fic.Lib. 1.  
Eth. c. 7.Leges Frã.  
Pic.



actione atque officio, certissimum est humanam sapientiam, quidquid eius professores dixerint, non potuisse omnes officij partes explere: quod in schola christiana est certa fide tenendum. Neque enim humana philosophia, ad id efficiendum quod honestum esse videbat, vires suppeditabat: idque cum Moyſis lege, quæ neminem perfectum fecit, ei fuit commune. At verò hæc nostra disciplina omnes officij partes docet, omnem turpitudinem damnat, & ad id quod turpe est fugiendum, & ad omnes honesti partes explendas vires necessarias præbet: & tandem omnia quæ dicit, & docet, ad vnum optimum, & acquisitu facillimum reducit finem, nimirum ad vnum præceptum amoris Dei, & proximi: quod Gal. 3. qui obseruauit, totam legem adimpleuit, ac verum & summum hominis finem est consecutus. In amore autem cognitio quoque includitur, cum nemo operetur ignorans, & voluntas non nisi in rem feratur cognitam. Inter alias autem humanæ felicitatis condiciones, eam numerauit Aristoteles, vt eiusmodi esse debeat, quâ Mat. 22. facile quisque adipisci queat: ac propterea optime damnauit eos, qui ijs in rebus posuerunt, quarum non omnes facile potiuntur. At quid facilius est, quam amare? ad quod omnes homines quodâ naturæ ductu sunt propensi: quod est per se maxime delectabile & honestum: quod semper & vbique fieri potest. Etenim quid magis in promptu est, quam Deum & proximum diligere? Cum ad amandum Deum Lib. 1. Eth. innumeræ

1. Ioan. 4.

innumere nos cause moueant, & ad diligendum proximum naturæ similitudo impellat? Amore autem, quid est præstantius? cum sit virtutum omnium, & cunctarum legum finis? Amor omnia creauit, omnia conseruat, omnia conglutinat, omnia instaurat, omnia regit: ac denique hominem cum Deo ipso vnit. Deus enim caritas est, & qui manet in caritate in Deo manet, & Deus est in eo. Si hic ab hominibus attingeretur finis; si in consociatione humana vigeret amor, nulla essent inter mortales bella, nullæ rixæ, nullæ discordiæ, nullæ iniustitiæ, & turbæ nullæ: non tortoribus, non carceribus, non iudicibus, non supplicijs esset opus: sed in summa consensione, caritate, tranquillitate, domi forisque, in toto terrarum orbe hoc transfigeretur æuum. Huc omnes curæ, cogitationes & labores principum referuntur: huc omnium magistratuum vigilia: huc omnes disciplinæ & artes tendunt, vt cuncti mortales primum Deum, & deinde inter se ament. Hic igitur solus verus, vltimus, ac perfectissimus humani generis finis, quem hæc diuina sapientia, cuius præstantiam prædicamus, & omni prædicatione dignam censemus, ad quam amandam & colendam fideles excitare conamur, docet, & propositum habet. Valeant igitur omnes humanæ disciplinæ, quæ alias falsas, & homine indignas beatitudines hominibus proponunt. Aliæ namque pro fine statuunt diuitias, quas etiam facinorosi homines consequuntur: aliæ corporis ro-  
bur

bur & pulchritudinem, quæ non sunt hominis, sed naturæ bona : aliæ famam & honorem, quæ in aliorum sunt voluntate posita : aliæ potestatem & opes, quem finem non omnes attingere possunt : aliæ voluptatem, quæ etiam bruta animalia perfruuntur : aliæ humanam sapientiam, quæ huic nostræ comparata est stultitia; vel etiã nudam rerum cõtemplationem, quæ sine actione vana est, & hominem, qui ratione & voluntate constat, non omni ex parte perficit, quod tamen beatitudini est maxime proprium, cum debeat hominem, omni ex parte perficere. Et, vt quod sentio dicam, qui solis cognitionis artibus, quæ solam intelligendi vim exornant, est imbutus, & virtutibus, quibus perficitur voluntas, caret, is mihi monstrum quoddam in humano genere esse videtur, inchoatum nimirum, quiddam, mancum, atque imperfectum. Aliæ denique disciplinæ felicitatem in virtutis actione, vt ad honestum refertur, ponendam esse existimarunt : cæterum, qui omnes suæ vitæ actiones in Deum non refert, non dum peruenit, quo homini ad beatitudinem tendenti, perueniendum est. Aberrarunt igitur disciplinæ omnes, hac vna nostra excepta, a vero scopo, quem qui ob oculos sibi non proponit, omnia cogitat, agit, & operatur frustra, & quo vadat, ignorat. Omnes itaque huius mundi sapientes, vt cum scriptura concludam, viã disciplinæ ignorauerunt, neque intellexerunt semitas eius: neque filij eorum susceperunt eam, a facie ipsorum longe facta.

Bar. 3.

cta est: non est audita in terra Chanaan, neque  
 visa est in Theman. Filij quoque Agar, qui ex-  
 quirunt prudentiam quæ de terra est, negocia-  
 tores terræ & Theman, & fabulatores, & exqui-  
 sitores prudentiæ & intelligentiæ: viam autem  
 sapientiæ nescierunt, neque commemorati sunt  
 semitas eius. Et quoniam non habuerunt sa-  
 pientiam interierunt propter suam insipientiam.  
 Sui itaque finis cognitione amissa, in tantum  
 humanum genus ignorationem venit, ut & ve-  
 ram sapientiam, & religionem amiserit: & crea-  
 turas etiam infimas, non sine magna creatoris  
 iniuria, pro Dijs, qui ad Dei similitudinem crea-  
 tus fuerat, adorare cœpit; veluti solem, lunam,  
 ignem, feles, ranas, & manuum etiam suarum  
 opera, idola videlicet a se ficta, dolata, fusa, &  
 sculpta; a quibus visum auditum, tactum, lo-  
 quelam, motum, aliasque sentiendi facultates,  
 & valetudinem, ac vitam, stulte petebat. Cum  
 tamen Dij isti oculos haberent & non viderent,  
 aures, & non audirent, manus, & nō palparent,  
 linguam, & dari nequirent, pedes, & ambulare  
 non possent, qui denique omni sensu carebant,  
 cum essent infirmi, & mortui. Et cum iam om-  
 ni ex parte homines insipientes facti essent, sa-  
 pientiæ nomen, ut aliam suæ insipientiæ signifi-  
 cationem darent, sibi vindicare cœperunt: & ex  
 tanta hominum multitudine, septem solummo-  
 do haberi, & nominari sapientes meruerunt.  
 O miserum, calamitosumque sæculum! quo  
 per orbem totum septem soli fuerunt, qui ho-  
 minum

Psal. 113.

Sap. 15.

Lañ. lib.  
4. c. 1.

minum vocabulo cierentur: nemo enim potest dici homo, nisi qui sapiens est. Sed si ceteri omnes, præter illos, stulti fuerunt, ne illi quidem sapientes: quia nemo sapiens vere esse iudicio stultorum potest. Itaque, ut cum Lactantio concludam, nunquam tam veridici fuerunt, quam cum de sua ignoratione, qui sapientiores habiti sunt, sententiam pronuntiarunt. Omnes ergo fuerunt insipientes & infelices, cum tantum desipuerint, & a vero fine veraque beatitudine tantum aberrauerint. Cum ergo regius ille vates optime nosceret in philosophorum scholis de finibus bonorum & malorum esse altercationem & dissensionem maximam, eosque multum ab ianua aberrare uideret, initio sui operis hanc maximi ponderis questionem breuiter, vere, sapienterque diremit, cum hominis beatitudinem in iugi legis diuinæ meditatione, hoc est in contemplatione cum actione coniuncta, positam esse dixit, idque nos hoc loco docemus. Quid? quod hæc sapientia omnia illa bona secum affert, quæ aliæ disciplinæ hominibus proponunt, diuitias videlicet, honores, famam, voluptatem, potestatem, vires, decorem, & honestatem. Propterea vno vero, simplici, ac perfecto fine, quidquid est perfectionis in alijs aliarum disciplinarum finibus, suo completitur sinu. Sine quo fine, omnes aliarum artium fines, humiles, leues, & hominē indigni censendi sunt. Dicunt enim Galenum dare opes, Iustinianum, si leges spectemus, honores, si arma,

Psal. 1.

Lib. de of-  
fic.

Seneca  
præfat. in  
lib. mete.

Baruch.  
4.

Baruch.  
3.

arma, gloriam. Sed quid abiectius & humilius esse potest, quam pro fine habere pecunias? cum Cicero vere dixerit, nihil esse magis angustum & parui animi, quam amare diuitias. Quid indignius, quam vanos affectare honores? cum ambitio, quæ honores quærit, ut sapienter Seneca scripsit, ad digna non nisi per indigna deducat? Quid leuius, quam leues rumusculos aucupari famæ, quæ nihil est aliud, quam virtutis umbra? Cum itaque, ut multa paucis perstringam, nihil sit opulentius, nihil honoratius, nihil gloriosius, quam cognoscere & amare Deum, in quo vera ac perfecta consistit hominis beatitudo, nulla alia profecto disciplina erit, hac nostra, utilior, honoratior, atque illustrior, ac proinde nulla dignior, quam magis concupiscere, & amplecti homines deberent: quoniam, ea adempta, cum quodam propheta dicere vere possent: Beati sumus Israel, quia, quæ Deo placent, manifesta sunt nobis. Hanc igitur sequamur sapientiam, si nobis propositum finem assequi desideramus, si esse beati volumus, quod omnes velint, nolint volunt. Discamus, ut quidam propheta nos monet, ubi sit virtus, ubi sit prudentia, ubi sit longiturnitas vitæ, & victus, ubi denique sit lumen oculorum & pax: ne nobis illud dici possit, Dereliquistis fontem sapientiæ.

*Varijs modis diuina sapientia describitur.*

Cap. XIII.

**S**A CRÆ doctrinæ, dignitatem utilitatem, necessitatemque ex quatuor causis ipsam conficientibus, vtut potuimus, hucusque demonstrauimus, atque ad eius studium fidelium animos inflammare contendimus: nunc eius effigiem per quasdam proprietates, & definitiones clarius ob oculos ponendo, idem efficere conabimur. Faxit æterna sapientia, vt hic noster conatus pijs lectoribus profit: & quod nos, nostri spiritus imbecillitate, rudi stylo, & oratione parum ad persuadendum idonea, præstare non possumus, ipsa intus in lectorum animis efficiat. Et quoniam nos non possemus ita bene huius cœlestis sapientiæ formam ob oculos legentium ponere, vt ipsa seipsam laudando fecit, lectorem ad ea, quæ in Ecclesiastico, de se prædicauit, reijcio: ex quo loco, & alijs quibusdam, nos idem varias eius proprietates in quasdam descriptiones conglobando, efficere tentabimus. Hæc igitur sapientia, quæ tanquam primogenita ante omnem creaturam ex ore altissimi prodiit, est veluti quædam pulcherrima, candida, pura, casta, & immaculata Regina, quæ ad dexteram regis in vestitu deaurato, circumdata varietate sedet; nullo erroris neuo signata; nulla labe maculata, nulla vllius partis prauitate, aut

Cap. 24.

Eccî. 24.

Psal. 44.



- te, aut membrorum distorsione vitiata, nullis deniq; deformata rugis, sed omni ex parte perfecta, & suavi cœlestique colore depicta. Nec enim alia esse potest, cum sit candor lucis æternæ, & emanatio claritatis Dei. Hæc regina in altissimis habitat, thronum suum habet in columna nubis: gyrum cœli circuit, sola profundam abyssi penetrat, in fluctibus maris ambulat, & in omni loco versatur. Habet in omni populo & in omni gente primatum, omnium excellentium & humilium corda calcatur, & in omnibus requiem quærit, & in hæreditate domini moratur. Hæc est quasi cedrus in Libano, cipressus in Sion, palma in Cades, plantatio rosæ in Ierico, oliua speciosa in campis, platanus iuxta aquas, & vinea in Engaddi: olet ut balsamum, suauitatem præbet ut myrrha, vaporat ut storax, ramos suos ramos honoris, & gratiæ quasi terebintus, extendit, & denique quasi vitis suauitatem odoris fructificat, & flores eius fructus honoris, & honestatis. Est hæc doctrina, ut regius vates scripsit, argentum igne examinatum, purgatum terræ, purgatum septuplum: ac si dixisset. Ita diuina eloquia sunt casta & syncera, ut est argentum sæpius excoctum, & in vaso præstantissimo depuratum. Aliæ vero doctrinæ non sunt absque scorijs, neque ab omni erroris rubigine intactæ: quo fit, ut hæc sapientia cum alijs comparata, sit veluti lydius, siue heraclius lapis; quæ attritu, quid aliæ valeant disciplinæ, indicat. Omnes aliæ aliquid uitij,

Theoph.  
lib. de na-  
tura lapi-  
dum.



ac prauitatis habent; hæc vero est ab omni parte quadrata & rotundata, omni inquam ex parte absoluta, atque perfecta, in qua nihil abundat; nihil desideratur, cui addi, aut detrahi nihil potest, cum ab eo sit dictata, qui facit omnia in numero, pondere, & mensura. Hæc est illa sapientia, quam hunc in modum in sua canonica descripsit Iacobus. Quæ autem desursum est sapientia, primum quidem pudica est: deinde pacifica, modesta, suadibilis, bonis consentiens, plena misericordia, & fructibus bonis, non iudicans, sine simulatione. In qua descriptione, ut docte, & pie seraphicus doctor adnotauit, septem ponuntur columnæ, quibus sapientia suam ædificauit domum. Septem itaque virtutibus veræ sapientiæ confurgit ædificium. Nam sapientia est pudica in carne, quia castitatem amat: simplex in mente, quia tranquille uiuit: modesta in sermone, quia nemini detrahit, cum verba oris sapientis sint grata: suadibilis in affectu, quia benignus est spiritus sapientiæ: liberalis in effectû, qui aperit manum suam inopi: matura in iudicio, quia os iusti meditatur sapientiam, & lingua eius loquitur iudiciû: sancta denique in intentione, quia oculi sapientis in capite eius. Sed iam Augustinum eandem describentem audiamus. Hæc est scientia scientiarum, angelorum ferculum, archangelorum pulmentum, apostolorum gloria, patriarcharum fiducia, prophetarum spes, martyrum corona, virginum fortitudo, monachorum resectio, epi-

Plin. lib.  
33-c.8.

Sap. 11.

Iacobi. 3.

Ser. 2.  
Sum. ecc.

Sap. 1.

Iac. 3.

Pro. 17.

Sap. 1.

Pro. 30.

Psal. 15.

Serm. 38.  
ad fratres.

Sap. 7.

scoporum vacatio, sacerdotum cellarium, puerorum principium, viduarum doctrina, coniugatorum pulchritudo, mortuorum resurrectio, viuentium sempiterna protectio. At quid frustra connitor rem verbis humanis, ne dicam angelicis inexplicabilem, verborum ambitu exprimere? cum nulla descriptione pingi, nulla hypotiposi demonstrari, nulla expolitione explicari, & nulla cōformatione ob oculos poni queat? Quis enim eius doctrinæ vim atque effigiem, exponeret, quæ omnium partium consensione, constantia, atque integritate, est vniformis: quæ sensuum varietate & doctrinæ copia, cum doceat credenda, proponat speranda, commostret agenda, est multiformis: quæ cum sit facta omnia omnibus, & cognoscat omnia, est omniformis: quæ denique, cum sit diuina, & idcirco nullam aliam sibi similem habeat, omnemque creatam mentem excedat, est nulliformis. Itaque, cum perdifficile sit huius cœlestis reginæ formam aliorum oculis subijcere, si quis eius effigiem, pulchritudinemque cognoscere, ac intueri cupit, ad eam propius accedat. Ea est enim sacræ Theologiæ vis atque natura, vt quo propius ad eam accedis, diligentiusque eius formam contemplaris, eo formosior atque augustior appareat: ita vt, & si inter mortales in terris versetur, non mortalis, sed æterna, non humana, sed diuina, non terrestris, sed cœlestis videatur. At vero humana scientia, si procul eam prospexeris, formosa atque venusta videri poterit; si ve-

ro proprius intueare, ita tandem displicebit vt inspexisse pigeat, & pudeat. At vero hæc scientiarum domina procul spectanti, aut in exiguo lumine eam contemplanti poterit fortasse non admodum pulchra videri: quæ cum luce, & frequentia gaudeat, ad lucem spectari vult. Neque enim quisquam eius diuinam pulchritudinem, immortalemque suauitatem cognoscere poterit, qui non ad eam propius accesserit, qui non singulas eius pulcherrimi & castissimi corporis partes, membraque omnia inspexerit: qui eam in clarissima luce, in oculis omnium consilia principum moderantem, populorum effrenatos motus compescentem, iudicibus in grauiissimis & maximis causis præeuntem, omnes homines docentem, & per omnium rerum naturas variegatis vestibus indutam, & omnium scientiarum comitatu stipatam, permeantem nō viderit. Tunc enim eius gratia, pulchritudo, venustas, vis maiestas, & diuinitas elucet: tunc quanta qualisque sit cognoscitur: tunc denique spectantium oculos afficit, & ad sui amorem animos rapit, atque transformat. Ad hanc ergo omnium sapientiarum & doctrinarum magistram, ac dominam accedamus, hanc cognoscamus, hanc amemus, & ea quæ nos docet audiamus, legamus, relegamus, perdiscamus, doceamus, atque ex eis vinamus, vt aliquando maximi in regno cælorum simus.

Mat. 5.

*Commendatur diuinæ scripturæ studium ab eius varijs & maximis effectis. Cap. XV.*

**N** plures fortasse susceptam disputationem diduco locos, quam res ipsa, quæ per se clara est, exposcere videtur. Verum, in re utili, honesta, & necessaria suadenda, nulla oratio longa, aut tautologia fastidiosa videri deberet: præsertim, cum res de qua agitur, ob suam dignitatem & amplitudinem, latissimum præbeat ad dicendum campum. Quare, & ut breuitati studeam, & ne hanc diuinam sapientiam ad cuius studiū omnium fidelium animos inflammare vellem, suis laudibus priuem, plures locos, non tamen omnes, quos potuissẽ, leui brachio, mihi tractandos esse iudicaui. Possumus ergo huius doctrinæ vim ac dignitatem ex mirificis, & pene innumerabilibus, quos producit effectibus perspicere: sed cum eorum bonam partem, alios locos explicãdo, hætenus attulerimus, ac etiam posthac allaturi simus, in præsentia, solum eos, quos regius propheta, hanc disputationem pertractando, luculenter atque artificiose psalmo decimo octauo attigit, prosequemur: ex quorum cognitione, qui ad hanc doctrinam perdiscendam non excitabitur, is certe stultus, ut leuiter dicam, iure censendus erit. In citato itaque psalmo, cum primum, tanquam artificiosus orator, diuinus ille vates cœlorum, ac syderum mirificos

rificos numerasset effectus, eosque pulcherrime amplificasset: postea legis diuinæ excellentiam ex suis effectis illis multo maioribus, & sublimioribus, cælorum ac syderum dignitati & potestati longissime præfert. Ait ergo cælos sua pulchritudine, ordine, conuersione, atque certa vicissitudine vim diuinam, æternique numinis gloriam ac maiestatem prædicare: idemq; singulos dies, & noctes certa accretione, diminutione, & vniformi varietate efficere: & hæc omnia ita Dei prouidentiam potestatem, & sapientiam manifestare, vt ad omnes terrarum oras eorum voces perueniant; vt nulla sit natio, quæ eorum loquelam non intelligat. Inter alia autem omnia, quæ aspectu sentiuntur, sol, qui est veluti omnium syderum moderator & dux, omniumque rerum caducarum conseruatio, & salus, cuius sedes in cælis posita est, tanquam ornatissimus sponsus e thalamo, ab oriente, ad suū cursum summa cum celeritate conficiendum, veluti velocissimus gigas, egreditur; & suis fulgentibus radijs omnes terras, tenebris fugatis, illustrat, ac omnium animantium oculos maxima lætitia complet; atque ita in omnes partes suam vim lumenque diffundit, vt nullus sit locus, quo eius fulgor & altrix virtus non penetret: cum omnia gignat, augeat, & aucta conseruet. Verum, licet pulcherrimus sit cælorum, ac syderum prospectus, licet mirabiles operationes in hæc res sublunares cœlestes orbes producant, sine quorum tactu interirent omnia;

Arist. 1.  
meteor.  
c. 2.

Sap. 7.

Psal. 118.

Psal. 18.

ideoque necesse sit, vt hæc inferiora motibus superiorum corporum sint subiecta, vt inde omnis eorum vis atque natura gubernetur: tamen diuinæ legis species multo est pulchrior, & facultas multo maior, per quam mirificos & humana lingua inexplicabiles effectus in hominum animis producit: ut multis partibus, & pulchritudine, & efficientia, hic spiritalis sol cælos & sydera omnia antecellat. Etenim sapientia, vt scriptura docet, est speciosior sole, & super omnem dispositionem stellarum, luci comparata inuenitur prior: illi enim succedit nox, sapientiam autem non vincit malitia: quoniam inextinguibile est lumen illius. Vi itaque & efficacia sua lex diuina animas conuertit, sapientiam præstat paruulis, corda lætificat, & oculos illuminat. O quam desiderarem ut hic cæcorum hominum aperirètur oculi, & stupidorum excitarentur gustus! ut has mirificas diuinæ sapientiæ operationes, & vtilitates cernerent, & suauitates gustarent: quas sane uidit, & gustauit is, qui Domini iudicia auro & lapide precioso desiderabilia, & melle ac fauo dulciora esse asseuerauit. Quid enim potest esse salubrius, quam animas conuertere? quid vtilius, quam sapientiam paruulis præstare? quid dulcius, quàm corda lætitia perfundere? Quid gratius, quam oculos illuminare? quæ omnia hæc cælestis doctrina sua ui efficit. Hic mundanus sol est quidem solus, si cum stellis comparetur, cum cætera sydera eius utantur lumine; sed, si cum hac diuina

diuina luce conferatur, nō erit censendus solus, cū sit hoc spiritali sole, & splendore & potestate inferior. Sol enim illuminat terras, lex hominū mentes luce complet: sol fœcundat agros, lex humanos animos feraces reddit: sol dat colorem rebus, lex sapientiam paruulis: sol fructus in arboribus ingenerat, lex virtutes in hominum animis inserit: sol est veluti omnium syderum dux, quibus cum lumen suum communicat, lex alias doctrinas veluti regina, regit, suumque candorem illis impertit: sol solus inter sydera, lex lux sola inter disciplinas. Nulla itaque species pulchrior, nulla iucundior sese oculis spiritalibus potest offerre, quam huius solis in animo orientis aspectus: qui suo maximo fulgore erroris tenebras fugat, mentem exhilarat, lætitiaque omnes spirituales sensus replet, & in singulas animi partes vim suam altricem diffundit. Cedo mihi iuuenem asotum, prodigum, impurum, inconstantem, iracundum, superbum, ignarum, immanem, religionis euerforem, omnibus denique vitijs infectum, atque refertum; & fac vt huic diuinæ sapientiæ operam nauet, & vt huius solis splendorem in animum excipiat, & foueat: & statim eum tibi frugi, castum, placabilem, humilem, eruditum, māsuetum, diuini cultus propugnatorem, & omnibus virtutibus ornatum, restituam. Et hoc admirabantur gentes, & id stupebant olim philosophi, cum viderent homines breui temporis spatio in nostra schola, & doctos, & studiosos fieri, & hanc doctrinam vere



- Pfal. 18.** cæcorum oculos illuminare, & sapientiam dare paruulis. O igitur verum solem, & vere solam, ac singularem sapientiam! Tu vitiorum expultrix, virtutum magistra, & vitæ dux. Tu vere omni auro, & lapide precioso es desiderabilior, melle & fauo dulcior: aurum tibi comparatum
- Sap. 7. 8. & 9. & 10.** arena est exigua, & argentum lutum. Tu omnia innouas, prophetas constituis, amicos Dei facis, homines saluas, & infantium linguas disertas reddis. Hæc, hæc, o amice lector, primum hominem a delicto eduxit: hæc iustum.
- Gen. 28. 37.** Noe ab aquis diluuij conseruauit: hæc Loth a pereuntibus impijs liberauit: hæc profugum ab ira fratris deduxit per vias rectas: hæc venditum iustum non dereliquit, sed a peccatoribus eripuit: hæc denique intrauit in animam serui
- Exod. 5.** Dei, & stetit contra reges horrendos in portentis & signis. Consulat hic candidus lector decimum libri sapientiæ caput, & quid hæc diuina sapientia possit, & hic supramundanus sol efficiat, plenius intelliget. Nunquam ergo hunc solem a filijs tenebrarum, & cæcis hominibus nos cecare volentibus e mundo tolli, & ab oculis nostris remoueri patiamur: quo sole nihil maius, nihil melius, nihil iucundius ab immortali Deo nobis miseris cæcisque mortalibus tributum fuit. Hac enim sapientia ab humanis mentibus sublata, quid inter hominem & pecudem intersit, non uideo: nisi quod pecus commoditates multas humano generi affert, homo vero ignarus, & insipidus, aut detrimenti mul-
- tum,

tum, aut certe utilitatis nihil: qui cum nec sibi, nec alijs proffit, a consociatione humana eiiciens, & luce indignus, cum lucem fugiat, iudicandus esset. Nos itaque, quibus sol iustitiæ exortus est, eos abijciamus, qui iustitiam damnant, qui lucem oderunt, qui hunc solem extinguere conantur: eos inquam, qui suis vanis opinionibus pertinaciter inhærentes obdurant se contra manifestam veritatem, non tam de suis sectis, quas prave introducunt, benemeriti, quàm de se male: qui cum habeant iter rectum, & clarum, devios & obscuros sequuntur anfractus, planum deferunt, ut per præcipitium labantur: lucem relinquunt, ut in tenebris cæci, ac debiles iaceant. Quibus consulendum est, ne contra se pugnent, nec sibi nec alijs oculos effodiant: velintque se tandem a suis erroribus liberari: quod utrique facient, si quæ sit vera sapientia, vera Ecclesia, extra quam nulla est salus, perviderint, & in ipsum iustitiæ solem, iuste viuendo, inspexerint. Et quoniam nullæ eloquentiæ vires huius supernaturalis solis mirificas operationes, non dicam verbis exornare, sed ne enumerare quidem dicendo, posset; ideo rei magnitudine una cum Dauide victus, cum admiratione, aliter tamen, quam ille, concludam. Ille enim cum insignes huius sacrosanctæ doctrinæ numerasset effectus, in hæc verba affectus plena, prorupit: Delicta quis intelliget? Hoc est, cum hæc cœlestis sapientia mentis aciem illustret, pietatem doceat, animos exhilaret, sollicitudines pellat,

Laet. lib.  
1. cap. 1.

Psal. 18.

lat, & amplissima præmia suis cultoribus tribuat, quis erit, non dicam qui re ipsa contra hanc sanctissimam legem peccet, sed nec animo quidem concipere vllum peccatum audeat? Ego vero ita concludam, si hæc sapientia est ita digna, ita fructuosa, ita suavis, quis erit ita durus, & animo ita obstinato, ac sibi ipsi ita inimicus, vt talem ac tantam, tamque salutiferam doctrinam sibi comparare nolit? si talis ac tanta est, quis contra eam quicquam cogitare poterit? Hic ego piorum mentibus cogitandum relinquo, quid cæli omnes, stellæ & sydera omnia, in hoc inferiore mundo tactu suo efficiant, quantumque, quæ hic sunt, ab illorum efficientia pendeant: id, cum viderint, mentis aciem in hanc cælestem lucem, in hunc lucentem solem conuertant, & diligenter inspiciant, quid hic sol, hæc stella, hoc mysticum cælum, quod verè enarrat gloriam Dei, in humanis mentibus, & in spiritali mundo, a mundi exordio effecerit, & ad mundi finem vsque sit effecturum, & quæ sit huius doctrinæ vis atq; celsitudo, aliqua ex parte intelligent. Ex hac itaque lege, veluti a quodam sole, maioreque lumine, Ecclesia, veluti quædam luna, & omnes Ecclesiæ doctores, quasi quædam stellæ suum lumen splendoremq; recipiunt. Verum, ut quod considerandum alijs relinquimus, percipiatur melius, de fructibus, qui ex diuinæ legis studio capiuntur, sequenti capite, breuius tamen, quam res tanta dici non modo posset, verum etiam deberet, aliquid scribemus.

*Varij*

**Psal. 18.**

**Gen. 1.**

*Varij & mirifici numerantur fructus, qui ex re-  
rum diuinarum studio colliguntur.*

*Cap.*

*XVI.*



**L**X mirificis ac pene innumeris effectibus, quos hæc cœlestis doctrina producit, suauissimi, ac fere innumera- biles oriuntur fructus: quorum non nullos legentibus gustandos proponam, vt, vbi quam sit lex diuina suavis senserint, in ea die ac nocte meditari velint. Primus ergo huius sacri studij fructus, quo nemo est mortalium, qui vesci non percupiat, est indicium quoddam prædestinationis, hoc est beatitudinis assequen- dæ, nota quædam. Id, aliqui sancti patres, & aperte docent, & ex sacris literis non obscure demonstrant. Huc pertinet hæc Seruatoris no- stri sententia: Qui ex Deo est, verba Dei audit: propterea vos non auditis, quia ex Deo nõ estis. Alibi respondens Pilato, dixit: Omnis qui est ex veritate, audit vocem meam. Et regius pro- pheta eum vocauit beatum, qui in hac doctrina die nocteque meditatur. Et si beati vocantur qui audiunt verbum Dei, & custodiunt illud, cur non etiã illi, qui in eo intelligendo, explican- do, ac defendendo, modo ex eo viuant, perpe- tuo laborant? cum scriptum sit, Qui elucidant me, æternam vitam habebunt. Secundus fru- ctus optimus, ac suauissimus, est maximum quoddam robur, quo firmiores, & munitiores spiritu

Aug. de  
prædest.  
sanct.

Greg. in  
c. 4. lib. 4.

Reg.

Ioan. 8.

Ioan. 18.

Psal. 1.

Luc. 11.

Eccî. 24.

Iob. 7.

Iſa. 48.

2. Cor. 10.

Eph. 6.

ſpiritu redduntur, qui his diuinis ſtudijs delectantur: quo fructu qui non indigeat inuenies neminem. Sumus enim, dum hoc degimus æuū, in agone & militia conſtituti, varijs inimicorum inſultibus expoſiti, & hoſtibus potentiſſimis vndique obſeſſi: & qui non exiſtimat ſe eſſe in militia, is certe vel in ſtultitia, vel in malitia verſatur: & qui pax, pax dicunt, ij non habent pacem, vt impij omnes. Egemus itaque & auxilio, & armis. Arma autem militiæ noſtræ non ſunt carnalia, ſed ſpiritualia, vt prudentiſſimus ille miles Paulus Apoſtolus nos ſapienter docuit. Officina, in qua hæc arma fabricantur, & aſſeruantur, eſt ſcriptura diuina. Hortatur ergo nos Paulus ad arma ſpiritualia ſumenda, his verbis: De cætero fratres confortamini in Domino, & in potentia virtutis eius, Induite vos armaturam Dei: vt poſſitis ſtare aduerſus inſidias diaboli. Quoniam non eſt nobis colluctatio aduerſus carnem, & ſanguinem; ſed aduerſus principes, & poteſtates, aduerſus mundi rectores tenebrarum harum, contra ſpiritualia nequitia, in cœleſtibus, ideſt contra nequiſſimos ſpiritus in hoc caliginoso aere habitantes. Propterea accipite armaturam Dei, vt poſſitis reſiſtere in die malo, id eſt, in difficili tempore, & in omnibus perfecti, ideſt omni ex parte armati, ſeu adhibitis omnibus, ad hoc bellum neceſſarijs, ſtare, & ſuſſistere poſſitis. Quo etiam loco monet, vt ſimus lumbis ſuccincti, ideſt expediti veritate: & vt lorica iuſtitia, ſcutum fi-

dei,

dei, galeam salutis, & gladium spiritus, quod est verbum Dei, sumamus: Ecce igitur ut omnia arma ex hac vna panoplia nobis promenda sunt: ex qua Imperator noster Christus, quando singulari certamine, cum Diabolo pugnavit, arma cepit, & capienda esse docuit: quibus omnes callidissimi hostis petitiones & ictus vanos reddidit: Hanc utilitatem ex diuinarum scripturarum lectione nos haurire posse, sancti patres sepe numero nos monuerunt; & speciatim beatus Chrysostomus diuinarum literarum studiosissimus, scripturarum exercitationem ad omnes Demonis insidias excludendas conferre, dixit. Et Theophylactus tractans illud, Non tentabis Dominum, animaduerte, ait, quanta sit utilitas scire scripturas: scripturis enim Dominus Satanam repellit. Tanta est vis amorum ex scriptura sumptorum, ut nunquam ita neruose Ecclesiam & fidelis omnes Dæmon oppugnet, sicuti, cum arma, male tamen accommodata, ex hac officina sumit: quorum armorum vis, armis in eadem officina fabricatis, retundenda est. Si itaque inimicus hostis insurgat, teque hoc telo petat: esto superbus, tu ictum vitabis, si dixeris; Deus superbis resistit: si suggerat ut auaritiam sequaris, refelles, si dixeris, auaritia est idolorum seruitus: si suadeat ut desperes; vanum hunc ictum reddes, si Filium Dei in hunc mundum ad saluandos peccatores venisse dixeris: & denique nullo armorum genere aggredi te poterit, quin tu, armis ex hac panoplia acceptis,

Mat. 4.

Ignat.

Hom. 36.  
in cap. 15.  
Genes.In Luc. c.  
4.

1. Pet. 5.

Ephes. 5.

1. Tim. 1.

acceptis, te defendere queas. Quare, si his nostris calamitosis temporibus bellicosissima alias Germania his armis fuisset armata, callidus aduersarius, armis ex scriptura pessime conflatis, non tantam in ea fecisset stragem. Vtinam hæc saperent, & intelligerent ij, qui sese alij duces præbent, qui Ecclesiæ defensionem contra oppugnatores se suscipere profitentur: ij inquam, qui lectulum Salomonis, Fidelium nimirum congregationem in qua Christus conquiescit, tanquam fortissimi ex Israel, & doctissimi ad bella propter timores nocturnos, ambire deberent. Qui ergo hoc sacro studio non delectantur, qui hæc arma non tractant, de sua spiritali salute parum solliciti esse videntur: & in ea grauiissima pugna in qua de summa rerum, de cœlesti regno, de perpetua felicitate agitur, volunt esse inermes. Sed ad reliquos fructus recensendos, iam nostra redeat oratio, cum magis fideles fraterne ad hoc studium excitare, quam aliquorum negligentiam damnare velimus: atque cum propheta concludamus: Nisi quod lex tua meditatio mea est, vel, vt alij vertunt, consiliarij mei sunt, forte, hoc est certissime perijssem, in humilitate mea. Tertius fructus, qui, si non est eo, quem proxime protulimus salubrior, certe, non est insuauior. Qui in agro sacre scripturæ laborant, eum suauissimum fructum gustant; quod voluptatem quandam, & quoddam spiritale gaudium verbis inexplicabile, sentiunt, maximamq; consolationem capiunt, etiam si quid



eis molestiarum acciderit, & in eos graues calamitates incurfauerint. Hunc fructum si homines gustarent, vitam quandam beatam, & memoris vacuam in hoc mundo traducerent, & vna cum propheta canerent: Cantabiles erant mihi iustificationes tuæ in loco peregrinationis meæ. Hunc fructum nobis indicauit Apostolus, cum quæcunque scripta sunt, ad nostram doctrinam scripta fuisse dixit: vt per patientiam & consolationem scripturarum, spem habeamus. Si, ait Gregorius, ad consolationem nostram scriptura parata est, tanto magis debemus legere, quanto ardentius nos concupiscimus sub tribulationum fasce lassari. Regius item vates, egregia quadam similitudine, huius fructus suauitatem expressit, cum hunc in modum cecinit: Lætabor ego super eloquia tua, sicuti qui inuenit spolia multa. Quibus sane verbis, tanquam optimus orator, luculenter militis, vt erat, loquentis, decorum seruauit, & rem, vt volebat, vehementer amplificauit. Etenim, nihil potest forti, & glorioso duci accidere iucundius, quam vt de inimicis opima spolia referat: quæ si retulerit, lætitia gestit, & exultat. Tantam ergo ex diuinis eloquijs voluptatem, tantumque gaudium ille diuinæ legis studiosissimus Rex capiebat, quantum ex maximis inimicorum spolijs, percepisset. Ideo paulo post, hæc alia adiecit verba: Pax multa diligentibus legem tuam: & non est illis scandalum: Ac si dixisset; maxima o Domine, animi tranquillitate perfruuntur, qui amant legem.

Psal. 118.

Rom. 15.

Psal. 118.

gem tuam : qui in nullum scandalum illidunt :  
nec vnquam ita offenduntur, vt a lege tua disce-  
dant . Huius itaque fructus suauitate p̄cepta ,  
in hæc uerba dulcitudinis pleha prorumpere

211 potuit : Quam dulcia faucibus meis eloquia  
tua ! super mel ori meo . Hunc eundem fructū

his verbis, eleganter nobis exposuit Hugo . Ni-

Psal. 118. hil in hac vita dulcius sentitur, nihil ita mentem  
lib. 1. de ab amore mundi separat, nihil sic animum con-  
anima. tra tentationes roborat, nihil ita hominem exci-  
tat, & iuuat ad omne opus , & ad omnem labo-  
rem, sicut studium sacræ scripturæ . Sed quam  
sit hic fructus suauis, nemo percipiet vnquam ,  
nisi qui ex arbore huius scientiæ ex se decerpse-  
rit, & in os suum iniecerit, dentibusque cogita-  
tionis contriuerit . Hæc vitæ arbor, huiusmodi  
fructum, vt id obiter dicamus , duplici de causa  
producit : altera quidem , quia sacra pagina no-  
bis manifestat , ac certissime promittit maxima  
illa gaudia & præmia, quæ ob eas, quas hic pati-  
mur molestias, adepturi sumus ; cum Deus tor-  
rente voluptatis suæ potum dabit nobis . Altera  
vero , quod ipsamet diuinæ scripturæ lectio  
quoddam gaudium in cor legentium ingerit ;  
quod est huius doctrinæ proprium . Nanque ,  
per hos sacros libros, is nobiscum loquitur, qui  
est totius consolationis auctor : cuius loquelæ  
non potest non esse suauissima & iucundissima .  
Ideo legis huius studiosissimus vates , aiebat :  
Psal. 84. Audiam quid loquatur in me dominus Deus ;  
quoniam loquetur pacem in plebem suam .

Aliorum

Aliorum enim librorum auctores extrinsecus loquuntur: at vero huius doctrinæ auctor, intus in nobis loquitur. Quandocunque igitur scripturam legimus, dicere cum sponsa possumus: En dilectus meus loquitur mihi. Propterea quidam sanctus vir, sapienter dicebat, cum oras, tu cum Deo loqueris; cum vero scripturam legis, Deus tecum loquitur. Quartus fructus, quem diuinorum oraculorum studiosus percipit, est quædam quotidiana hominis interioris innouatio. Etenim cum quotidie ob calorem concupiscentiæ aliquid de spiritali humore diminuat, quo fit vt languidiores & imbecilliores euadamus, quotidiana instauratione indigemus, quæ a diuina scriptura, tanquam ab arbore vitæ, in Ecclesiæ paradiso plātata sumitur. Siquidem, vt arbor illa in terrestri paradiso ad vitam corporis instaurandam plantata fuit, ita in Ecclesia, arborem vitæ, quæ est scriptura, plantauit Deus, vt eius esu spiritalem vitam, vt aquila solet, innouemus; ne in ætatem senilem, imbecillem, & ociosam deueniamus. Propterea scriptum est, eos qui sapientiam diligunt, vitam diligere, & hæreditare, ipsamque suis filiis vitam inspirare. Qui igitur volunt spiritu innouari ex hoc vitæ ligno in medio plateæ omnibus exposito, vitales decerpant fructus. Quintus, qui ex hac fecundissima arbore colligitur fructus, est quædam mentis illuminatio qua ij, qui quotidie magis magisque in hoc studio versantur, plura & clarius, quam alij vident: quia, vt supra scri-

Cant. 2.

Dionys.  
Carth.

Gen. 2.

Psal. 102.  
Plin. lib.  
10. c. 3.

Eccī. 4.

Apo. 22.

- plimus, christiana doctrina est participatio quædam diuini luminis, & idcirco, vt regius propheta scripsit, oculos & tenebras nostras illuminat : ideoq; lux, lumen sol, & lucerna vocatur: quam in caliginoso loco lucere, donec dies illucescat, & oriatur lucifer, affirmavit Petrus. Hic caliginosus locus nihil est aliud, quam naturalis cognitio, siue humanus intellectus, qui est veluti tabula rasa: lucerna vero, est ea notitia, quæ habetur per euangelium in statu gratiæ; quæ nobis lucet, donec oriatur lucifer, & clara dies, cognitio videlicet manifesta rerum diuinarum.
- Psal. 118.** in vita beata. Vere itaque propheta canit: Declaratio sermonum tuorum illuminat, & intellectum dat paruulis. Quantam vtilitatem, quantumque emolumentum hic fructus afferat, is intelligeret, qui oculis mentis videret, quantum sancti patres clarissima nostræ religionis lumina, & sibi & alijs hoc illustrati lumine, viderint: qui tanquam ingentes faces in altissima specula, & quasi lucernæ super candelabrum positæ omnibus, quia in via, & domo Domini sunt, lumen præbent. Est itaque mens eius, cui hoc clarum lumen illuxit, veluti clarissima quædam dies, in qua quidquid oculis obijcitur, clare cernitur. Poterit igitur diuinæ legis meditator, pie cum propheta dicere. Super omnes docentes me intellexi, quia testimonia tua meditatio mea est: super senes intellexi, quia mandata tua quæsiui. Sextus fructus est, quod diuinarum literarum tractatione, ac meditatione omnis mentis frigiditas,

ditas, ac tepor erga res diuinas expellitur, atque in rerum cœlestium contemplatione incalescit animus. Nemo fere est, qui aliquo bono desiderio non sit affectus, qui aliquam honestam viuendi rationem inire non cupiat: sed frigide volumus, tepor executionem impedit. Si quis Deut. 33. ergo cupit calidus fieri, ad hanc igneam legem accedat, hanc sapientiam vxorem ducat, cum ea dies noctesque versetur, & cor suum ardere sentiet. Hinc est quod regius vates cecinit: Igni- Psal. 118. tum eloquium tuum vehemēter, & seruus tuus dilexit illud: Et alio loco: In meditatione mea Psal. 38. exardescet ignis. Si ergo hoc volumen, quod Zacharias vidit, ad domum furis & iurantis venerit, eum, & eius ligna ac lapides, idest omnia Cap. 5. ipsius peccata, suo ardore consumet. Greg. Septimus fructus, qui in hæc christiana studia operam suam collocant, vnum peccatum certissime subterfugiunt, in quod bene multi, & mali hac in parte christiani, labuntur: quia, dum hæc studia tractantur, id saltem discitur, quod homini salutem consequi volenti, discere est necessarium. Omnes enim Christi fideles, vt apertius postea dicetur, cum de huius doctrinæ necessitate disputabitur, aliqua ex parte ad hanc doctrinam discendam sunt obligati. Quoniam, qui non Mar. 16. crediderit, salutem consequi non poterit: credere autem nequit, qui, quid credendum sit, ignorat. Idem de ijs, quæ agenda sunt, intelligendum est: quoniam si absque operibus sit iustus nemo; proculdubio eorum quæ agenda & Iac. 3.

fugienda sunt, aliqua erit cunctis fidelibus necessaria cognitio. Labem igitur illam turpissimam affectatæ ignorantiae fugiunt, qui hoc delectantur studio, & ea scire student, quæ ad christiane viuendum, & ad beatitudinem acquirendam sunt necessaria: nec eis turpis illa nota poterit inuri, quod noluerint intelligere, vt bene

*Psal. 35.*

agerent. Namque, vt sapienter quidam philo-

*Auicen.*

sophus affirmavit, solum de illis vere dicitur, Omnis ignorans malus, qui ea ignorant, quæ ad recte vitam instituendam, artemque suam bene exercendam, scitu sunt necessaria. Ego quosdam noui homines doctoris dignitate insignitos, si tamen hoc nomine digni sunt doctores ij, qui prima christianæ philosophiæ elementa, nondum didicerunt, qui multa ignorabant, quæ etiam ipsos pueros scire oportet, & in multis errabant, in quibus paruulos & infantes errare puderet. O tempora! o mores! Iudæi & hæretici, maxima cum diligentia se, suosque suis erroribus imbuunt, & apud nos sæpenumero etiam homines ætate maturi, & senio confecti, ea, sine quorum cognitione salutem cōsequi nequeunt, ignorant. Et quidem multi pseudo-

*Luc. 16.*

apostoli, & cacodidascali diligentiores sunt in vertendis, & euertendis diuinis scripturis, quam multi ex ijs, quorum esset sacras scripturas, non solum exponere, sed etiam contra antichristianos, & Ecclesiæ aduersarios tueri: vt iam nimis

verum sit illud: Prudentiores sunt filij sæculi, quam filij lucis. Varie nanque pseudologi scri-

pturas

pturas exponunt, & exponendo peruertunt, ac corrumpunt, & corruptas varijs modis legendas proponunt; dum scribunt catechismos, centurias, locos communes, postillas, agendas, institutiones, & apologias, quibus rudiorē plebem nouitatis studiosam, suis istis circeis poculis, demutant. Sed non est hic locus deplorandi latius secordiam, & negligentiam nostram. Octauus fructus, quem sola hæc arbor, & nulla alia producit, est, quod hæc doctrina, vt supra etiam scripsimus, non solum, quid faciendum sit, docet, sed etiam ad id, quod docuit faciendum vires subministrat: propterea priuata christianorum nota, hæc est, quod bonis operibus suam ostendant fidem, & in hoc demonstrent se esse christianos, quia inter se amant. Et hinc est quod psalmographus eum, qui in lege diuina dies noctesque meditatur, ait esse tanquam arborem plantatam apud aquarum riuulos, quæ fructum suum dat in tempore suo, cui nullum decidit folium, sed omnia feliciter succedunt. Nonus fructus, ac vltimus, vt cæteros alijs colligendos relinquamus, est ille, quem gustabunt perpetuo in cœlesti patria, qui sacræ scripturæ operam nauarunt, quod ibi magni vocabuntur, & priuata quadam gloria fulgebunt, & aureola ornabuntur. Qui fecerit, & docuerit, ait Dominus, hic magnus vocabitur, id est erit in regno cœlorum: & Daniel, Qui autem docti fuerint, fulgebunt quasi splendor firmamenti: & qui ad iustitiam erudiunt multos, quasi stellæ in perpe-

Ioan.  
Grop.

Ioan. 13.

Psal. 1.

Mat. 13.

Cap. 12.  
Hiero-  
nym. ad  
Paulin.



tuas æternitates. Tandem, ut hunc de fructibus concludam locum, qui nam sint illi duodecim fructus, quos beatus Ioannes lignum vitæ produxisse narrauit, paucis explicabo. Flu-

Apoc. 22. uius ergo, quem vidit Ioannes, est Spiritus sanctus, qui procedit a sede Dei Patris, & Agni, idest Filij, qui agnus Dei dicitur. Ad vtranque huius fluminis partem, idest ad vtrunque testamentum, quorum auctor est Spiritus sanctus, est lignum vitæ, sacra nimirum scriptura: quod lignum producit duodecim fructus, per singulos menses, idest perpetuo. Qui vero sint isti

Gal. 5. duodecim fructus, docet Apostolus, cum ait: Fructus autem spiritus, est caritas, gaudium, pax, patientia, benignitas, bonitas, longanimitas, mansuetudo, fides, modestia, continentia, castitas. Huius etiam arboris folia sunt ad sanitatem gentium, idest minima quæque, apices etiam ipsi, sunt salutare. Qui hos suauissimos Spiritus sancti fructus gustare noluerit, fructus

Gal. 5. gustabit carnis, qui sunt, Fornicatio, immunditia, impudicitia, & multi alij, quos recenset Paulus.

Rom. 9. Nos itaque fideles, qui non sumus filij carnis, sed spiritus, spiritalibus fructibus ex hac arbore uitæ decerptis spiritum nostrum pascamus: & ita multas alias utilitates, quas Sapiens in ecclesiastico numerat, ex hoc studio percipiemus; quas huc afferre potuissem, sed dulcius, & plenius lector in ipso vberissimo & plenissimo fonte bibet, cuius haustu atque potu conceptam uisceribus sitim sedabit, ardoremque restinguet.

Eccī. 4.  
& 15.

Eo igitur eum mittimus, & ad ea, quæ nobis explicanda restant, properamus.

*Diuinæ sapientiæ studium omnia, tum animi, tum corporis bona suis cultoribus affert.*

Cap. XVII.



**S**OLENT Cæsarei iuris professores cum ad titulum de pupillari substitutione explicandum aggrediuntur, quod & Perusiæ, & Parauij me obseruasse memini, suos auditores ad eam materiam attente audiendam, ac diligenter cognoscendam excitare, id referendo, quod Baldus sibi accidisse scribit, nimirum, se plusquam quindecim millia ducatorum hac sola substitutionū doctrina lucratum fuisse. Ego vero, me parum liberaliter & honeste cum meis lectoribus agere existimarem, si spe tam vilis boni, cuiusmodi sunt pecuniæ, ad hæc diuina studia colenda eos inflammare vellem: sed hæc, & longe plura maioraque bona vna cum ipsa sapientia diuina, eis proponam: vt tanto bonorum cumulo proposito, nemo sit ita demens, vt vera & certissima sibi proposita præmia adipisci nolit. Nihil ergo æterna sapientia, quæ animos nostros erga se parum affectos esse nouit, intentatum reliquit, vt ad se nos alliceret, atque pertraheret. Et quoniam humana voluntas ad nullam rem appetendam mouetur, nisi sub specie boni proponatur; propterea, vt nulla nobis relinqueretur

Alex.  
Iason,

excusationis via, sese sub omnis boni ratione amplexandam proposuit. Est autem omnis boni vis in tres distributa partes, nimirum in honestatem, utilitatem, & delectationem: quæ etiã in bona animi, corporis ac fortunæ partiti solent. Quæ fortunæ bona vocantur, non sunt in nostra potestate: quorum alia in aliorum animis possidemus, ut gloriam & famam: alia rebus ipsis, ut diuitias, & opes. Si ergo hæc omnia bonorum genera hanc, quam celebramus theosophiam nobis afferre demonstratum fuerit; nemo proculdubio erit, stultos & impios homines excipio, qui ad eam acquirendam insudare nolit. Nam, si minus vno vel altero genere, aliquis se capi fuerit, saltem ui atque cumulo bonorum omnium, quæ hæc vna scientia polliceri ac præbere potest, facile capietur. Sed iam rem, quæ aliquibus paradoxo persimilis videri posset, verissimam esse, ipsa Spiritus sancti auctoritate, demonstramus. Quod ergo ad animi bona, quæ in genere honesto reponuntur attinet, certissimum est hanc doctrinam secum omnes virtutes afferre, & nullam posse esse veram virtutem in eo, qui huius doctrinæ fuerit ignarus. Qui seruiunt ei, ait scriptura, obediunt sancto: & eos, qui diligunt illam, diligit Deus. Deus autem neminem diligit, nisi eum, in quo sunt virtutes omnes, quæ esse non possunt nisi in eo, qui fuerit caritate ornatus: quam sine hac scientia habebit nemo. Et si iustitiam, quis diligit, inquit sapiens, labores huius magnas habent virtutes:

Eccî. 4.

virtutes : sobrietatem enim & prudentiam docet, & iustitiam, & virtutem, quibus nihil est in vita hominis vtilius. Cum ergo secum magnas virtutes huius sapientiæ labores afferant, & vna magna virtus omnes alias, vt communis omnium philosophorum sententia docet, socias habeat, necessario omnes honesti partes, virtutes nimirum omnes, hæc sacra doctrina secum afferet.

Clemens  
Alex. lib.  
2. stro.

Quod ad virtutes cognitionis attinet, Sapiens ipse, quid dicendum sit, aperiat. Et si multitudinem scientiæ desiderat quis : scit præterita, & de futuris æstimat : scit versutias sermonum, & dissolutiones argumentorum : signa & monstra scit, antequam fiant, & euentus temporum & seculorum : & in summa ille qui diuinitus hac sapientia ornatus fuit, disputauit super lignis a cedro, quæ est in Libano, vsque ad hyssopum, quæ egreditur de pariete. In bonis vero corporis nihil est, quod magis a mortalibus desideretur, quam longa vita ; quod autem hoc bonum hæc sapientia suis amatoribus præbeat, certissimis sacrorum librorum testimonijs breuiter confirmabo. Fili mi, ait Sapiens, ne obliuiscaris legis meæ, & præcepta mea cor tuum custodiat : longitudinem enim dierum, & annos vitæ, & pacem apponent tibi : & alibi : Ne recedant ab oculis tuis, custodi ea in medio cordis tui : vita enim sunt inuenientibus ea, & vniuersæ carni sanitas. Immo, si diligenter diuina eloquia perlegeris, non solum sanitatem, & longam vitam, sed etiam incorruptionem, immortalitatem, &

Sap. 8.

3. Reg. 4.

Prou. 3.

Prou. 4.

beati-

- beatitudinem ipsam præbere inuenies ; quod mirum videri non debet, cum ipsa sit immortalis. Nolle enim te, sapiens loquitur, consummata iustitia est, & scire iustitiam & virtutem tuam, radix est immortalitatis. Huc etiam facit illa eiusdem sapientis pulcherrima gradatio.
- Sap. 6. Cura ergo disciplinæ dilectio est : & dilectio custodia legum illius est : custoditio autem legum consummatio incorruptionis est : incorruptio autem facit proximum Deo. Concupiscentia itaque sapientiæ deducit ad regnum perpetuum. Et paulo infra ; Multitudo autem sapientium, sanitas est orbis terrarum : & Rex sapiens stabilimentum populi est. Quod autem sapientia sit quoddam bonum hominibus delectabile, quid est cur pluribus demonstrem, cum ipsa palam dicat, delitias suas, esse cum filiis hominum ? Quod si sapientiæ delitiæ sunt, esse cum hominibus, quanto magis delitiæ hominū esse deberent cum ipsa sapientia versari ? Non enim habet amaritudinem conuersatio illius, nec tædium conuictus illius, sed lætitiā, & gaudium : & amicitia illius conuersatio bona. Merito igitur Sapiens ait : Proposui ergo hanc adducere mihi ad conuiuendum : sciens quoniam me cum communicabit de bonis, & erit allocutio cogitationis & tædij mei. Quod si ad corporis valetudinem conseruandam, atque ad vitam in longum producendam animi tranquillitas, ac lætitia, vt artis medicæ periti docent, & sacra eloquia non vno in loco testantur, maxime con-
- Prou. 17. ferunt;

ferunt; hoc etiam veræ sapientiæ studium, quippe quod multum voluptatis secum afferat, idem efficiet: idque causa eorum dixerim, qui ideo studia abhorrent, quod bonæ valetudini multum obesse videantur. Quid postea de honoribus fama, & gloria dicendum sit, is auctor dicat, qui dicendo mentiri nequit. Ait ergo Salomon: Habebo per hanc claritatem ad turbas & honorem apud seniores iuuenis: & acutus inueniar in iudicio: & in conspectu potentium admirabilis ero: & facies principum mirabuntur me. Tacentem me sustinebunt, & loquentem me respicient: & fermocinante me plura, manus ori suo imponent. Præterea habebō per hanc immortalitatem, & memoriam æternam, in his, qui post me futuri sunt, relinquam. Si ergo delectamini sedibus, & sceptris, o reges populi, diligite sapientiam. Huc etiam pertinet, quod alio loco diuina scriptura dicit: Sapiens in populo hæreditabit honorem, & nomen illius erit viuens in æternum. Possent itaque, qui vera sapientia non sunt ornati, de viro sapiente dicere: Beati sunt, qui te viderunt, & in amicitia tua decorati sunt: nam nos vita viuimus tantum, post mortem autem non erit tale nomen nostrum. Denique, de opibus & diuitijs ausus essem polliceri nihil, cum hanc vnā ob causam hæc diuina sapientia ab ijs, qui opes quærunt, negligi soleat, quod diuitias non pariat: & ut inepti, inepte dicunt, non sit de pane lucrando, nisi quæ afferam, ipsamet diceret. Ipsam igitur loquen-

Sap. 6.

Eccī. 37.

Eccī. 48.

Prou.8.

Sap.6.

Mat.13.

loquentem, & suam causam agentem audiamus. Mecum sunt diuitiæ & gloria, opes superbæ, & iustitiæ. Melior est enim fructus meus auro & lapide precioso, & genimina mea argento electo. In vijs iustitiæ ambulo, in medio semitarum iudicij, vt ditem diligentes me, & thesauros eorum repleam. Et sub Sapientis persona, ita loquitur: Ego præposui illam regnis, & sedibus, & diuitias nihil esse duxi in comparatione illius. Nec comparaui illi lapidem pretiosum: quoniam omne aurum in comparatione illius arena est exigua: & tanquam lutum æstimabitur argentum in cōspectu illius. Venerunt autem mihi omnia bona pariter cum illa: Item, ait esse infinitum thesaurum hominibus; quo qui vsi sunt, participes facti sunt amicitiae Dei: propter disciplinæ dona commendati. Si igitur huiusmodi est hæc doctrina, vt nec argentum, nec aurum, nec regna cum ea comparari queant, si omnia secum bona affert, si infinitus est thesaurus, nescio quas maiores opes expectet, aut se acquirere posse putet, qui alias disciplinas lucris causa discit, & profitentur. Venderent isti, scilicet omnia bona quæ possident, vt eū emerent agrū in quo cælestis latet thesaurus. Aut diuinus spiritus, dum hæc nos docet errat, & falsas diuitias nobis proponit, nosque decipit, quod cogitare impium est, aut certe, quæ sint veræ diuitiæ & opes, homines ignorant, seque ipsos decipiunt, dum veris diuitijs relictis, diuitiarum vmbra, aut pro veris diuitijs

tiji



tijs stercora perquirunt. Assumite ergo disciplinam in multo numero argenti, & copiosum aurum possidete in ea, sapiens loquitur. Possem hoc loco istos falsarum diuitiarum cupidos, pulcherrimo illo, & verissimo M. Tullij paradoxo, quo demonstratur solos sapiētes esse diuites, vrgerē: sed lectorem, ne longior sim, ad ipsum Ciceronem reijcio. Illud tantum dicam, quod aliquando idem Tullius sapientissime dixit: solos sapientes, si distortissimi sint, formosos, si mendicissimi, diuites esse. Existimamus fortasse Dauidem & Salomonem reges ditissimos, & sapientissimos ignorasse quæ nam sint veræ diuitiæ? quas autem Salomon veras diuitias iudicauerit, iam diximus, quas vero eius pater, his verbis exposuit: Bonum mihi lex oris tui super millia auri & argenti. Indefinite loquitur, ait in hunc locum Cassiodorus, vt argenti & auri comparatio in tali adiectione vilesceret: quidquid enim dixeris, super, semper excedit. Facta est ergo comparatio absque similitudine, precium sine modo, amor sine fine. Vbi nunc sunt qui dicunt medicinam asferre opes, legum prudentiam honores, & artem militarem gloriam? cur de hac cœlesti doctrina nullam mentionem faciunt? An quia ipsi tanquam talpæ sub terra iacentes, cœlestes diuitias non vident? an quia quid singulæ afferant, non quid vna sola doctrina secum apportent, exponere voluerūt? Quot Prælatos, quot Antistites, quot Præfules, quot deniq; bonos viros hæc præcella disciplina,

Eccī.vlt.

Pro.M.  
Mur.

Psal.118.

Cassiod.

Eccī.24.

sci-plina illustres, fama, gloria, summis honoribus dignos effecit, & opibus repleuit? Quæ igitur doctrina omnia animi bona suis cultoribus tribuit? nisi ea quæ dicere potest, Ego mater pulchræ dilectionis, & timoris & agnitionis & sanctæ spei. Quæ corporis bona? nisi ea quæ ait, In me gratia omnis viæ & veritatis, in me omnis spes vitæ & virtutis. Quæ lætitiā & voluptatem? nisi ea quæ ait, Spiritus meus super mel dulcis, & hæreditas mea super mel & fauū: Qui edunt me, adhuc esuriunt, & qui bibunt me, adhuc scitiunt. Quæ dignitates gloriam, & honorem? nisi ea de qua dicitur, Si ergo delectamini sedibus & sceptris, o reges populi, diligite sapientiam, vt in perpetuum regnetis. Quæ tandem veram beatitudinem? nisi quæ ait, Qui elucidant me, vitam æternam habebunt. Hac itaque omnia liber vitæ, & testamentum Altissimi, & agnitio veritatis. Erunt igitur ita stulti Christiani homines, vt omnium bonorum vim in vna re sibi propositā, appetere & consequi nolit? & hac vna re posthabita, omnium verorum bonorum genere se priuare?

Sap.6.

Eccī.24.

*Demonstratur quantopere Theologia sit reip. Christianæ, & singulis fidelibus necessaria. C. XVIII.*



UAM QVAM ex ijs, quæ varijs in locis a nobis supra scripta fuerunt, huius cœlestis sapientiæ non modo dignitas, & vtilitas, verum etiam necessi-

tas apparet : tamen , cum non nulli reperiantur , qui non facile ad aliquam rem consequendam commouentur , nisi aperte eius necessitatem viderint : propterea , quanta sit huius doctrinæ necessitas , hoc capite speciatim explicandum suscepimus. Rem igitur hanc , primum vniuersè ratione totius reip. Christianæ , postea priuata ratione ecclesiasticarum personarum , ac etiam reliquorum fidelium demonstrabimus : vt tandem nullum habeant profugium , qui hoc studium facile refugiunt , dum eius vtilitatem concederunt , necessitatem fortasse pernegarent . Est ergo in primis hæc doctrina ita humano generi , vel , vt nominatim loquamur , toti reip. Christianæ necessaria , vt sine ea consistere , conseruari , & ad propositum sibi finem peruenire , quod est certissima fide tenendum , nulla ratione queat . Nam , si hæc doctrina deserta & inculta maneret , si qui eam tractarent non reperirentur , omnia humana , atque diuina permiscerentur , omnia essent erroris & prauitatis plena ; ipsa denique religio , ipsa totius reip. salus & conseruatio laberetur . Testes sint Gallia , Anglia , & Germania , prouinciæ olim huius religionis cultrices , errorumq; expultrices , in quibus , si magis huius disciplinæ studium viguisset , nullis nunc essent infectæ erroribus , sacrae theologiæ studiosos non lacerarent , eorum libros non comburerent , nec gymnasia euertèrent : cum in ijs locis , in quibus viguit , vel malus homo non superfeminauerit zizaniam , vel  
 si semi-

si seminavit, non succreuerit, vel si succreuit, iam eradicata sit. Contra vero apud exteras, barbaras, & ab orbe christiano penitus remotas nationes, quæ nunquam christianum nomen exaudiuerant, postquam hæc doctrina seminari cœpit, omni extirpata barbarie, omni impietate resecta, honesti coluntur mores, viret, ac floret religio. Qui ergo agrestem immanemque vitam traducebant, huius doctrinæ auxilio, sunt ad humanitatem atque religionem exculi. Harum vero gentium horridam barbariem, ferinos mores, exutamque impietatem, ij induerunt, apud quos hæc disciplina, & verus Dei cultus negliguntur. Cum apud eos, ea crudelitatis & feritatis genera quotidie exerceantur, quæ a mundi exordio in nulla Scythia, in nulla Barbaria exaudita fuere. Quare, sicuti si non essent qui legibus, qui medicinæ, qui alijs artibus operam darent, male esset reip. consultum, & hominum consociatio dissolueretur; ita, ac multo magis, si hæc doctrina iaceret, christiana religio deficeret, & omnium hominum salus, quæ ab hac vna disciplina dependet, funditus euerteretur. Namque, sine fide impossibile est placere Deo, quæ cum sit ex auditu, qui eam doceant, reperiri necesse est. Ideo Christus dominus missurus apostolos suos ad prædicandum, eos hac scientia, qua vniuersum terrarum orbem ad verum Dei cultum conuerterent, repleuit;isque, vt Euangelium omni creaturæ prædicarent, imperauit. Ea propter

in

Hebr. 11.

Rom. 8.

Mar. vlt.

in sua ecclesia doctores hac sapientia ornatos esse voluit, quod sine ea consistere non posse optime sciret: & de eis dixit, qui vos audit, me audit, & qui vos spernit, me spernit. Et in antiquis literis quoties Deus ad huius doctrinæ studium, nunc hortationibus; nunc pollicitationibus, nunc minis populum illum excitauit, & quod ab eis fuerit derelictum questus est? Hanc vnam ob causam, vt est apud Baruch, gens Hebræa perijt, quod hanc sapientiam reliquisset. Quid est Israël, quod in terra inimicorum es? inueterasti in terra aliena? coinquinatus es cum mortuis? deputatus es cum descendantibus in infernum? Dereliquisti fontem sapientiæ: nam, si in via Dei ambulasses, habitasses vtique in pace super terram. Disce vbi sit prudentia, vbi sit virtus, vbi sit intellectus; vt scias simul, vbi sit longiturnitas vitæ, & victus, vbi sit lumen oculorum & pax. Hæc eadem verba nunc diceret quispiam multis hominibus, multis ciuitatibus, & populis. Denique, cum Marcus Euangelista optime sciret, quantopere huius doctrinæ studia sint in rep. Christiana necessaria, Alexandriae Euseb. li. 2. hif. eccle. cap. 17. Academiam instituit, in qua huic præcipue disciplinæ a fidelibus daretur opera: vnde, tanquam ex equo troiano, viri fortissimi ad expugnandos errores, & ad veritatem confirmandam, atq; conseruandam prodierunt. In quibus, Pantenus, Clemens, Origenes, Trypho, Heraclas, Dionysius, & Anatolius, numerantur. Est deinde priuatim hæc scientia necessaria Præ-

- latis Ecclesiæ, & præsertim pastoribus, & ijs qui se vtrunque testamentum scire profitentur : ijs, qui commissas sibi oues hac doctrina debent pascere : ijs quorum est paruulis petentibus panem frangere, cæcos ducere, lumen alijs præbere, lectulum Salomonis custodire, vulpeculas vineam demolientes capere : ijs denique, quorum est contra irruentes lupos latrare. Idem ferre diceres de omnibus alijs, quibus animarum cura est commissæ : quorum est inter lepram & lepram discernere : de occultis & implicatis causis iudicium ferre : grauissimis morbis medicinam facere : prima religionis elementa rudes docere, & religionis nostræ sacrosancta mysteria fidelibus ministrare. Ijs nanque omnibus, illud per Oseam a Deo dictum esse arbitror : Quia misericordiam volui, & non sacrificium : & scientiam Dei plus, quam holocausta. Hic
- Cant. 3. *animum aduertant, obsecro, sacerdotes omnes,*  
 Cant. 2. *& ij maxime, qui curam animarum onus etiam*  
*angelicis humeris formidandum, susceperunt,*  
 Cap. 6. *aut suscipere volunt, quorum pectus, ex Orig-*  
*inis sententia, debet esse plenum omni scientia,*  
 Cõc. Tri. *plenum diuina intelligentia, immo plenum*  
 scil. 7. c. 1. *Christo, immo plenum Deo, & veluti quædam*  
 In Leuit. *Christi officina, atque huius diuinæ sententiæ*  
 Hieron. *vim diligenter perpendant. Quid magis ad sa-*  
*cerdotem pertinere existimaret quispiam, quam*  
*sacrificia Deo offerre ? cum in hunc finem sacris*  
*initiatum sit, & inde etiam appellationem sumat,*  
*quod Deo sacra det: & tamen Deus ab eo magis*  
 scien-

scientiam, quam sacrificium, siue holocausta, quæ sunt maiora quædam sacrificia, se require-  
re aperte dicit, ac sacerdotum ignorantiam, ut  
postea docebimus, vehementer detestatur. Nec  
mirum videri debet, cur Deus tantopere in sa-  
cerdotibus scientiam desideret, cum scriptum sit:  
Labia sacerdotis custodiunt scientiam, & legem re-  
quireret de ore eius: quia angelus Domini exer-  
cituum est. Et quamnam legem & scientiam idio-  
tæ ab eo reposcēt? num Platonis & Iustiniani le-  
ges? num scientiam Aristotelis, Ciceronis, Teren-  
tij, Boccacij, & Ariosti? an vero hanc scientiam,  
ad cuius studium sacerdotes priuatim excitare  
conamur? Venire fingamus ad te, te alloquor,  
qui sacerdotis personam sustines, aliquem idio-  
tam, qui legem de ore tuo requirat, & exempli  
gratia, symboli declarationem, rationem confi-  
tendi peccata, doctrinam de quattuor nouissi-  
mis, sacramentorum sumendorum modum:  
requirant coniuges dubia de suo statu, mercato-  
res, iudices, tabelliones, colybiæ, milites, &  
alij pariter de suo: quæ responsa dabit Dei an-  
gelus, nisi Christiana doctrina fuerit imbutus?  
Decebit ne Dei nuntium obmutescere, aut ma-  
le respondendo errare? & eum quem docet in  
eandem foueam, in quam ipse labitur, pertra-  
here? Afferem hoc loco multa insulsa, erro-  
nea, & lacrymis digna, quæ ab ignorantibus sa-  
cerdotibus, idiotis legem requirentibus, aliquan-  
do data fuere responsa, ni pias legentium aures  
offendere timerem. Si peruerteret homo malus

Mal. 2.



- scientiam Dei, quonam pacto indocta labia eam conseruarent? qua voce canis mutus latraret? Videte igitur sacerdotes, quam sustineatis personam, & quantum onus. Angeli Dei estis, cœlitus tanquam Dei internuncij ad homines docendos missi, & ad eius scientiam custodiendam destinati: vobis commissum est regnum cœlorum, sacræ videlicet doctrinæ studium, rerum diuinarum tractatio, & explicatio: cauete, ne a vobis hoc regnum auferatur: cauete, & diligenter quidem, ne in vos cadat illud: Qui ignorat, ignorabitur. Sed iam tempus est, vt etiam singulos Dei fideles ad habendam, aliqua ex parte, huius scientiæ cognitionem obligatos esse demonstremus; idque pro instituto nostro breuiter. Extra catholicam Ecclesiam, siue christianam scholam, nulla est salus: cum nemo possit habere Deum patrem, qui non habeat Ecclesiam matrem. Illi autem de Ecclesia & Christi schola esse censentur, qui Christi fidem susceperunt, quam ij suscipiunt, qui Dei verbum audiunt. Aliqua igitur, quæ ad hanc scientiam pertinent, singulis hominibus cognoscenda sunt, vt credant, & fidem habeant, sine qua impossibile est placere Deo. Est autem hæc doctrina singulis hominibus ita necessaria, vt sancta mater Ecclesia pueros, etiã ante rationis vsum, in ea instituat, & prius eos catechizet, quam sacro fonte lauet: quod est omnino consideratione dignum. Et tamen quam multi sunt, o rem lacrymis dignam! qui hanc lectionem, quam

ab ipsa natiuitate audiuerunt, nunquam recognoscunt, nunquam per totam vitam vident. Quos si interrogares, an sint Christiani & fideles, responderent, maxime: si percontari pergeres, quid nam credant, obmutescerent. Aliquis igitur in hac doctrina a singulis fidelibus faciendus est progressus: aliqua huic disciplinæ danda est opera: aliquod ad eam percipiendam adhibendum est studium, si iure fideles & Christiani nominari volunt. Et quoniam ad iustitiam consequendam, non solum fides, sed etiam bona opera sunt necessaria, aliquid amplius singulis fidelibus ex hac doctrina perdiscendum erit. Quare, non solum credenda, sed etiam agenda ei, qui vult salutem consequi, hinc sumere necesse erit: cum scriptum sit: si vis ad vitam ingredi, serua mandata. Ex quibus, aliam colligeres huius doctrinæ prærogatiuam, quod sine ea nemo fidelis vocari, nemo iustus, & beatus fieri queat: quod de nulla alia doctrina affirmare licet. Ideo Christus dominus, cum dixisset apostolis, Prædicate euangelium omni creaturæ: qui crediderit, & baptizatus fuerit, saluus erit: qui vero non crediderit, condemnabitur; non repetiuit, ut ingeniose adnotauit Bernardus, qui non baptizatus fuerit, ut maiorem huius doctrinæ cognoscendæ, quam baptismi re ipsa suscipiendi, necessitatem ostenderet; cum nemo sine fide possit beatitudine potiri, at sine baptismo re suscepto, maxime. Concludere igitur cum Sapiente licet, per hanc sapientiam sanatos fuis-

Iac. 2.

Marc. 16.

Mat. 19.

Bernar.

Sap. 9.

Sap. 13.

se, quicunque placuerunt Domino a principio : & vanos esse omnes homines in quibus non est scientia Dei . Atque hæc de necessitate satis ; cum omnia quæ in hac tractatione dicuntur , eandem necessitatem manifeste demonstrent .

Deut. 4.

Hoc igitur de necessitate legis cognoscendæ caput, verbis illius maximi legislatoris Moyſis, huc facientibus, concludamus : Et nunc Israël audi præcepta , & iudicia , quæ ego docebo te, vt faciens ea viuas , & ingrediens possideas terram quã Dominus patrum vestrorum daturus est vobis . Hæc est .n. sapientia vestra, & intellectus coram populis, vt audientes vniuersi præcepta hæc dicant , En populus sapiens & intelligens , gens magna . Nec est alia natio tam grandis, quæ habeat deos appropinquantés sibi, sicut Dominus Deus noster adest cunctis obsecrationibus nostris , Quæ est enim alia gens sic inclyta, vt habeat cæremonias , iustaque iudicia , & vniuersam legem, quam ego propono hodie ante oculos vestros ? Custodi igitur te ipsum, & animam tuam solícite . Ne obliuiscaris verborum , quæ viderunt oculi tui , & né excidant de corde tuo cunctis diebus vitæ tuæ . Docebis ea filios ac nepotes tuos . Glorientur itaque Christiani super omnes nationes, quod hac diuina sapientia digni facti sint, eam dies noctesque meditentur , & alios doceant .

*Christianam philosophiam omnium hominum ingenijs accommodatam esse, & quantum cuique ex ea cognoscendum sit, docetur.*

*Cap. XIX.*



VONIAM vero de huius doctrinae necessitate disputantes, non modo generatim vniuersae Ecclesiae, & eius pastoribus, sed etiam singulis fidelibus eam necessariam esse affirmare vili sumus; diceret modo quispiam, quo nam pacto possunt omnes huic scientiae operam nauare, cum, ut nos supra diximus, tot rerum cognitio in eo desideretur, qui in eam operam suam sit collocaturus; & non omnium hominum idem sit ingenium, non eadem vis atque natura, sed ad diuersas artes, diuersi homines sint a natiuitate propensi; neque omnes ad diuinas literas tractandas sint a Deo vocati? Contra sanctorum itaque patrum sententiam, atque sacra oracula, & rationem ipsam omnes homines indiscriminatim ad hanc doctrinam inuitare, & excitare videmur. Verum, dum quodam vehementi desiderio flagramus, ut Christianae philosophiae studium inter Christianos floreat, nihil, vel maiorum decretis, vel diuinis oraculis, vel rationi contrarium affirmare volumus. Ut igitur nostram intelligentiam planius explicemus, duo potissimum hoc capite docebimus. Primum hanc doctrinam omnium hominum ingenijs,

Cap.9.

aliqua parte, accommodatam esse ostendetur: deinde quoadusque cuique eam cognoscere, aut tractare liceat, vniuersè dicetur. Quod igitur ad primum attinet, alia sunt hominum ingenia ad eas res cognoscendas propensa, quæ sola cogitatione attinguntur, in quo genere eæ continentur res, quæ ab omni concrezione materiæ sunt seiunctæ. Multi itaq; sunt, qui eam, quam dico rerum maximarum atque a materia seiunctarum notitiam consequi volentes, animique tranquillitatem expetentes, a negocijs publicis sese abducunt, & ad ocium contemplationis profugiunt. Quibus sane ingenijs nulla scientia potest esse accommodatior, quam hæc nostra: cum in ea de rebus maximis, diuinis, æternis, lumineque supernaturali cognitæ, agatur: vt ex his, quæ iam scripta a nobis sunt, satis aperte constat. Ea propter, animæ, quæ mundanis scientijs & curis relictis, sese totam huic scientiæ tradit, dicitur, Propter hoc ego lætabor eam, & ducam eam in solitudinem, & loquar ad cor eius. Huc faciunt, quæ sapientiæ capite septimo leguntur: Ipse dedit mihi horum, quæ sunt, scientiam veram: vt sciam dispositionem orbis terrarum, & quæ sequuntur. Maneat igitur certum esse accommodatissimam ijs hominibus, qui cognitionis vita delectantur. Alia postea sunt ingenia, quæ non facile cogitationem ab omni materia abducunt, quo fit; vt in ijs rebus cognoscendis libentius occupentur, quæ corpore continentur, & non solum mente, sed etiam

Ose. 2.

phan-

phantasia percipiuntur : vt sunt, quæ in mathematicis disciplinis tractantur . Quod autem ijs etiam hæc doctrina sit accommodata, satis perspicuum fiet, si quæ supra diximus, in memoriam reuocentur : cum in hac scientia de numeris, de regionum descriptionibus & partitionibus, de aliquarum rerum structura, de chronographia, de cœlorum ac syderum motibus, sæpe habeatur sermo . Alia deinde sunt ingenia, quæ magis sensibus afficiuntur, & earum rerum cognitione gaudent, quæ sub aspectum, vel aliquem sensum cadunt : quibus etiam hæc sapientia est accommodata : cum in ea de rerum creatione, gubernatione, ordine proprietatibus, ac de ipso omnium rerum fabricatore agatur : ideoq; sancti patres multa, quæ ad physiologiam pertinent, dum sacram paginam exponunt, tractare consueuerunt . Alij sunt deinde homines, qui politica consociatione, & officijs oblectantur, & propterea vitam communem, & in actione positam potissimum amant : quo fit, vt eos libros, qui de officijs, de moribus, & de rep. agunt, libentissime legant . At profecto, non video qui nam libri ijs possint magis satisfacere, quam sacri codices, in quibus vniuersa morum philosophia perfecte continetur, & de statu optimæ reip. a summo Principe constitutæ, agitur . Admirantur quidam, ac etiam diligenter colligunt nescio quæ moralium philosophorum dicta, bona ex parte a nostris sumpta, & sine vlla admiratione, & notatione vident quosdam sacros libros,

Cap. 9.

bros, vt Salomonis proueria, Ecclesiastici sapientiam, & Dauidis psalmos, in quibus, quot sunt verba, tot sunt diuinæ, & ad omnem vitæ vsum maxime accommodatæ sententiæ. Sunt insuper, alia ingenia, quæ ad facultatem oratoriam libentius sese dedunt: atqui tanta est in sacris literis eloquentia, tantus rerum & verborum ornatu, quantum nullibi reperies, modo scripturarum artem diligenter obserues: quod, qui non fateretur, is mihi prorsus oratoriæ facultatis videretur ignarus. Hunc etiam pertinent ingenia ad pœsim nata & facta, quibus etiam hæc diuina sapientia sese attemperauit. Siquidem inter sacros libros aliquot poetice scribi voluit; vt Iobi librum, quem artificiosissimus poeta, Moyse, vt est communis scriptorum opinio, heroico carmine composuit, & vt multa omittam cantica, quæ sparsim in libris sacris habentur, psalterium, in quo omnes poeticos colores, omnes lepores, omnes sales, omniaque orationis lumina reperires. Vt verum sit, quod vir humanarum ac diuinarum literarum eruditissimus Cassiodorus aliquando scripsit: Omnis splendor rhetoricæ eloquentiæ, omnis modus poeticæ locutionis, quælibet varietas decoræ pronuntiationis, a diuinis scripturis sumpsit exordium. Multi sunt, & bene multi, quibus humanarum legum studium arridet: at quæ vnquam lex antiquior? quæ præstantior? quæ cognitione dignior, quam lex a Moyse tradita? a quo omnium antiquissimo legislatore, posteriores

Grat.d.  
 33.



riores multa sumpserunt: quam lex, inquam, diuina, ad cuius cognitionem omnes fideles hortamur? Fuerunt quidam, qui tantam dignitatem huic humanarum legum studio tribuerunt, ut etiam philosophiæ studijs præferendum esse existimauerint, sed quam recte, viderint alij. Illud ego dixerim, tantum a studio sacrae Theologiæ iuris prudentiæ cognitionem distare, quantum, minima stella a sole, corpus ab anima, ancilla a domina, cælum a terra, creatura a creatore, & tenebræ a luce distant: immo omnis humana sapientia, si cum christiana conferatur, cœnum est, & stultitia. Sed cur tam multi diuinarum legum studio relicto, humanis legibus cognoscendis se totos tradunt? An quia magna est avaritiæ uis, ambitionisque potestas? an quia multi laborem refugiant? an quia videmus meliora, probamusque, sed deteriora sequimur? De ijs vero, qui delectantur historijs, nihil est, quod dicam; cum sacri libri perpetuam fere historiam contineant: cum ab hac diuina historia, humani historici multa desumant: cum ab hac una cæteræ omnes initium capiant historiæ, cum sit omnium antiquissima, & certissima: quo fit, ut in his quæ narrat, sit certa aliarum regula. Vnum restabat quasi neglectum & desperatum hominum genus, quod præteritum fuisse facile existimasses, eorum videlicet hominum, qui rebus amatorijs delectantur, cui etiam sapientia illa, quæ cum filijs hominum versari, suas delicias esse dixit, in canticis canticorum, in supremo

Rober.  
Folict.

Ludou.  
Viu.

Prou. 8.

supremo illo cantico, ac diuino epithalamio, vbi veri & casti amoris vis atque proprietates, affectusque omnes mirifica quadam ratione exprimuntur, sese accommodauit. Concludere ergo licet, eam sapientiam, quæ attingit a fine usque ad finem, & disponit omnia suauiter, in omnes sese insinuare, & neminem a se reijcere, nisi maleuolos, in quorum animam non intrat, nisi homines subiectos peccato, in quibus non habitat, nisi impuros, quia non sunt margaritæ proijciendę porcis. Propterea tanquam mater, ut postea plenius scribetur, omnes tanquam filios, ad se uocat. Placet hoc loco ea quæ diximus illustri diui Augustini confirmare sententia. Hic, ait, loquens de hac sacra doctrina,

Sap. 7.

Sap. 1.

Epist. ad  
Volus.

philosophia; quoniam omnes omnium naturarum causæ in Deo creatore sunt. Hic ethica, quoniam bona uita, & honesta non aliunde formatur, quam cum ea quæ diligenda sunt, & quemadmodum diligenda sunt, diliguntur, hoc est Deus, & proximus. Hic logica, quoniam ueritas, lumenque animę rationalis, non nisi Deus est. Hic etiam laudabilis reip. salus: neque enim conditur & constituitur optime ciuitas, nisi fundamento, & uinculo fidei, firmæque concordie, cum bonum commune diligitur, quod summum, ac uerissimum Deus est. Debit ergo hæc spiritalis mensa omnibus fidelibus proposita, omni ciborum genere esse instructa, ut omnes ijs uescerentur, quibus magis delectarentur cibis: debuit hic quotidianus panis, hæc cœlestis

aqua,

aqua, & hoc mysticum uinum, & uitę lignum omnibus, qui in domo sunt esse accommodatum, ut nemo esset, qui cibari ac refrigerari non posset. Ideo, si idiota legeret, In principio Deus creauit cælum & terram, intelligeret: si eadem uerba aliquis diligētius perscrutaretur, maxima in illis inueniret mysteria. Quare, eadem scriptura est lac paruulo, & panis adulto: ille fugit, hic mandit, & uterque nutritur. Habet enim, ut scribit Gregorius, in publico, unde paruulos nutrit, & seruet in secreto, unde mentes sublimium admiratione suspendat: quasi quidam fluuius, ut ita dixerim, planus & altus: in quo & agnus ambulet, & elephas natet. Mirabilis fluuius est iste, qui est ita planus, quod ibi agnus, idest simplex & illiteratus, potest siccis pedibus transire, & elephas, idest magnus & subtilis potest natare, immo potest se submergere. Et Augustinus, sic loquitur scriptura, ut altitudine superbos irrideat, profunditate attentos terreat, uirtute magnos pascit, affabilitate paruulos nutrit. Hanc vim facultatemq; ea solum doctrina habere potuit, quæ a Spiritu sancto dictata fuit: ob quam rationem, quæ est huic cælesti disciplinæ propria, omnes alias quam longissime antecellit. Et ut illud, quod etiam huic loco congruit, obiter dicamus, cuique in hac disciplina pro suo statu, non modò precepta, sed etiam recte viuendi exempla, quæ imitetur, reperire licet: cum in varijs quæ in ea proponuntur personis, diuersorum statuum demonstr-

Gen. i.

In prologo moral.

Lib. 2. de doct. cap. ult.

monstrentur ideæ. In Moyse optimi legislatoris, in Aaron sacerdotis, in Iosue imperatoris, in Dauide regis, in Abraham patris familias, in Ioseph pastoris, in Iobo principis, in Loth ciuis, in Ionata veri amici, in Esther reginæ, in Iudith viduæ, in Ruth socrus, & vt vno verbo concludam, nemo est, qui ad suam viuendi rationem ex sacris literis, ad bene beateq; viuendum idonea exempla, promere non queat. Mirabili itaque Dei sapientia atque prouidentia, ita sacræ literæ exaratae fuerunt, vt omnium hominum ingenijs essent accommodatae: atque tanta rerum vbertate ac varietate refertæ, vt cuiuscunque conditionis homines aliquid ex eis capere utilitatis queant: vt nemo excusationem prætendat, ni fructum aliquem ex earum lectione perceperit. Nam, qui erudiri cupiunt, institutiones; qui errant redargutiones; qui pie & innocenter viuere volunt, monitiones; qui proficere contendunt, correctiones; qui molestijs præmuntur, suauis in quemcunque locum inciderint, consolationes inuenient. Quæ utilitates, quæ commoda deberent vehementer omnes mortales ad diuinarum scripturarum indefessam lectionem vehementer prouocare: cum nemo sit, cui sæpius in dies, in horas, & in momenta, vnum vel alterum, vel etiam omnia hæc auxilia, non sint necessaria. Est itaque hæc doctrina & actiuæ, & domesticæ, & contemplatrici vitæ maxime accommodata, ideoque omnium aliarum artium scientiarumq; perfectiones simplici

plici quadam ac perfecta ratione, in se continet. Atque de primo, quod proposueram, hæcenus: nunc pauca de altero. Longum omnino facerem, si quid singulis hominum statibus ex hac doctrina cognoscendum sit, quod sane huius loci non est, particulatim exponere vellem. Dicam igitur vniuerse: maiores Ecclesiæ prælati & pastores, quorum est oues pascere, lectulum Salomonis ambire & propter nocturnos timores custodire, debent esse fortissimi, & ad bella gerenda aptissimi, & gladio, quod est verbum Dei, accincti, atque, vt Paulus ait, ad docendum idonei, & vt diuus Petrus scribit, parati reddere rationem de ea, quæ in ipsis est, spe & fide. Qui tales sunt futuri, qui his muneribus fungi debent, non sint de numero eorum, qui, vt Gregorius Nazianzenus ait, vno die sapientes eua-  
dunt, & Theologi electione creantur; quibus solum, velle, sufficit, vt docti fiant. Alij vero, qui ad curam animarum tanquam operarij vocantur, tantum in hac christiana philosophia, debent esse versati, vt inter lepram & lepram discernere, spiritales morbos curare, populum instruere, & ne prauis opinionibus inficiatur operâ dare, queant: quæ munera, quantum doctrinæ requirant, qui hoc onus suscipere volunt, ipsi viderint. Illud ego dixerim, grauiora peccata esse permulta, varijs circumstantijs circumsepta & implicata; multos casus, quos vocant conscientię in vna confessione posse occurrere, ex quibus, vel vnum, etiã viro doctissimo, & in hac arte exercitato

1. Tim. 3.

2. Pet. 3.

Orat. de  
statu epi-  
scop.

Basilien.

exercitato sæpissime explicare esset perdifficile, & quoddā Concilium in eo, qui maiorē animarum curam sit suscepturus, tantum Theologiæ requirere, vt in ea sit licentiatus. Et sane, si ad ciuilem administrationem, vbi solum de rebus fortunæ, & ad medicam artem exercendam, vbi tantum de corporis valetudine agitur, non admittuntur, nisi qui aliquot annos suæ arti operam dederunt, & in aliqua vniuersitate fuerunt approbati; cur ad tractandas causas, in quibus de æternis bonis, & de animæ salute agitur, qui sæpenumero vix legere norunt, aut qui tantum quattuor conscientię casus didicerunt, eliguntur? & quod sæpe vsu uenit, non sine meliorum iniuria? Equidem sæpe obseruaui viros doctos, & pios nihil magis fugere, aut saltem timere, quam confessiones audire; quippe qui norunt, quantum scientię, quantum prudentię, quantumque virium, ars artium animarum cura, requirat, onus inquam illud etiam angelicis humeris formidandum: quam sententiam, a sacra Synodo Tridentina & a diuo Bernardo vsurpatam, libenter repeto, vt legentium animis tenacius inhereat. Neque, quod quidam dicere solent, eos qui ad hanc artem exercendam, etiam ignorantes, accedunt, ipso vsu fieri aliquando idoneos, vnquam approbare potui; cum male agendo, vt ij agunt, qui ignoranter agunt, peruerse agendi facultas acquiratur. Et cum hæc ars sit difficillima, ac propterea multa scientia & longa exercitatione egeat, qua nam, bone Deus, ratione

Seff. 6.  
cap. 1.

ratione eos tractabunt isti animarum medici, qui primum in eorum manus inciderint? ea, ut puto, qua, is medicus tractaret ægrotum, qui Galenū, aut Auicennam vidisset nunquam. Quare cū boni doctoris, ut Sixtus tertius scriptum reliquit, sit spiritualium morborū causas præuidere, explorare, cognoscere, perdocere, & ex quibus occasionibus oriantur animaduertere, & tum demum, cognitis omnibus atque compertis, cœlestis curæ adhibere medicinam, hanc diligentiam, qui spiritualis medicinæ artem accurate non didicerit, poterit adhibere nemo. Hæc in eum finem a nobis disputantur, ut eos, qui difficillimum, dignissimū, & in ecclesia Dei maximo necessariū officiū suscipere volunt, ad sacræ doctrinæ studia, eis omnino, aliqua parte, necessaria, animarum quas tractant, & suæ etiam periculo proposito, excitemus. De cæteris vero fidelibus, quantum in hac doctrina proficere debeant, vniuerse etiam dicemus, tantum ex ea eos cognoscere debere, quantum ad plene credendum, & pie viuendum, & ad suæ conditionis statum sine peccato retinendum, est necessarium. Quare, plura vel pauciora, explicatius, & minus explicate vnus, quam alius ex hac doctrina, siue propria industria, siue aliena institutione, percipere debet. Nemini tamen eam facultatem ad explicandas tractandasque diuinas scripturas damus, quam soli Ecclesiæ Pastores, & Doctores habent: sed dū desideramus omnes fideles huic disciplinæ omnibus hominibus ad suam salutē

Epist. de  
malis do-  
cto.



data, aliquam, quantum cuique licet, operam dare, ita ut etiam aratores, ut cum Hieronymo loquar, diuina ad stium resonarent, nec officia peruertere, nec sanctum canibus dare, nec margaritas porcis proterendas proijcere volumus. Quisque igitur fidelis, vel pios libros ex diuina doctrina collectos, vel sacras literas prout sibi fuerit concessum, legendo, hanc sapientiam, quam omnes profitemur, & ex ea viuere debemus, discat, cum sine eius cognitione nemo possit placere Deo: quod de vlla alia affirmare licet nemini.

*Sacra Theologia studium nobilibus ac principibus hominibus dignissimum esse demonstratur.*

*Cap. XX.*

**V**M non pauci sint, qui eam ob causam huic disciplinæ operam dare nolle videntur, quod solum inferioris notæ homines, & quosdam tantum religiosos, & ex ijs magis mendicos, paupertate potius pulsos, quam huius studij præstantia, & amore incitatos, in hanc vnam ab omnibus fere desertam scientiam, incumbere videant, quo fit, ut eam principibus ciuitatis non ita decoram putent: propterea, nunc paucis, hanc doctrinam possessionem nobilibus ac illustribus viris maxime dignam esse, demonstrare conabor: ita ut, non minus hanc sapientiam, quam legum & armorum disciplinam, quas duas artes, qui nobiliores habent.

habentur, & haberi volunt, libentius profiteri solent, sibi amplectendam putent. Qui ergo sunt in aliquo amplissimo gradu in humana rep. constituti, a diuinis scriptoribus, Dij, nominantur; Psal. 81. quod libertate, dignitate, potestateque Dei personam priuata quadam ratione referant, & quasi Dij ceteris hominibus ad ipsorum vtilitatem, sint præpositi. Quo fit, ut eos ea scientia maxime deceat, quæ in Deo reperitur, quæ de rebus est diuinis, quæ ad regendos homines potissimum est accommodata, & valde necessaria, quæ denique est maxime libera, & aliarum domina ac regina. At quæ nam alia talis est, aut esse potest, nisi hæc vera sapientia, quam nos prædicamus, & omnibus cognoscendam proponimus? quam, sicuti & regendi potestatem omnes principes a summo principe Deo priuatim accipere deberent: cum hæc sola inter alias scientias, ut quæ est diuinæ sapientiæ participatio quædam, dicere possit: Per me reges regnant, & legum conditores iusta decernunt. Prou. 8. Per me principes imperant, & potentes decernunt iustitiam. Itaque cum hæc doctrina, tanquam vera sapientia, sola inter scientias sit libera, cum sola sit sui ipsius gratia, non humana, sed diuina possessio, & homine ingenuo ac libero, immo ipsomet Deo, qui solus plena libertate fruitur, & consequenter etiam ijs, qui Dei personam referunt, ut principes & prælati omnes, dignissima iudicanda erit: Arist. lib. 1. Met. c. 2. quibus Deus, cum ab inuidia longissime absit, paratus est liberalissime eam impertire, cum quæ

habent potestatem, pro dignitate exercere, & quam agunt personam sine hac doctrina, recte eos sustinere non posse sciat. Hanc igitur scientiam, quæ in Deo est, quæ de rebus agit diuinis, diuini homines, libera, illustria ac diuina ingenia, sibi sequendam putent, atque indignum esse, se eam non quærere, quæ sibi maxime conuenit, doctrinam, ut his fere uerbis Aristoteles docuit, pro certo habeant. Præterea, cum hæc facultas maxime omnium ingenia viuida, præclara, atq; diuina requirat: multarum præterea rerum, ac omnium fere artium cognitionem, plurimum otij, librorum multitudinem, & ad usum auctoritatem maximam, quod apertissime indicauit Christus Dominus, cum de huius doctrinæ exercitatione hunc in modum apud Dauidem gloriabatur, Ego autem constitutus sum Rex ab eo, prædicans præceptum eius, efflagitet; qui nam debebunt in rep. Christiana, quæ sine hac sapientia consistere nequit, magis in eam operam, cogitationem, & studia collocare, quam nobiles? quorum ingenia esse solent meliora, facultates ampliores, & otium maius, cum minus nobiles, vel ingenio, vel opibus, vel otio non ita abundant. Nobiles igitur & illustres viri nobilem ac illustrem scientiam colant, in ciuitate & rep. retineant, atque conseruent: aut saltem, quod tamen raro fit, eius studiosis faueant. Et qui nobiles non sunt, si veram nancisci nobilitatem volunt, quam secum vera solum affert sapientia, hac se sapientia ornent, scientiam re-

gno

Lib. 1.  
met. c. 2.

Psal. 2.

gno & imperio dignam acquirant, & vere nobi-  
les euadent. Atqui, hoc loco, nobiles & princi-  
pes fortasse dicerent, hanc doctrinam non esse  
sibi ita ad populum regendum necessariam, vt  
legum notitia, nec ad regnum tuendum, vt di-  
sciplina militaris: quorum sententiam facile  
refelleres. Primum, adsciscant, si placet, vtran-  
que artem, & ad suum munus recte gerendum  
vtrisque, quasi ancillis, vtantur: hanc vero tan-  
quam sponsam & reginam, vna cum Salomone  
habeant. Deinde, non minus bene, resp. præfer-  
tim Christiana, hac cœlesti lege, regitur, quam  
armis, & humanis legibus, quod sapiens negaret  
nemo. Quo fit, vt recte Plato vir sapientissimus,  
scriptum reliquerit, tum demum fore beatas  
resp. si, aut docti & sapientes homines eas rege-  
re cœpissent, aut qui regnarent omne suum stu-  
dium in doctrina atque sapientia collocassent.  
Optimi fuerunt, aut saltem cæteris multo me-  
liores illi principes, qui sapientiæ studia colue-  
runt: veluti Numa, Alexander Seuerus, Aure-  
lianus, Gordianus Senior, & Antoninus philoso-  
phus, qui tanto philosophiæ amore tenebatur,  
vt ad Apollonium, discendi causam, sese confer-  
ret. De quo bono principe, illud memoriæ pro-  
ditum est, ex malis hominibus bonos, & ex bo-  
nis optimos fecisse. Ad pacem in rep. conser-  
uandam, ad ciues in officio continendos, nullæ  
humanæ leges, nulla principum decreta suffi-  
ciunt, sed sola religio, aut etiam religionis spe-  
cies: religio autem, sola sapientia, & diuinarum

Cic. lib. i.  
ad Q. Fra.  
Epist. i.

Lampr.  
Iul. cap.

Flau. vo-  
scop. Bap.  
cāpo ful.  
lib. 1. c. 1.

Cicero  
lib. de  
diu.  
Gen. 14.

Franc. Pa-  
tr. lib. 3.  
de rep.  
tit. 9.  
A. 7.

Deut. vlt.  
Cap. 20.

rerum notitia in urbem introducitur, & retine-  
tur. Hac arte longius, quam alij populi suum,  
imperium propagarunt, ac diutius conseruarūt  
Romani, quod religionem colerent, & rerum sa-  
crarum disciplinam magni facerent: & ideo li-  
bros sybillinos, quod eos diuinitus datos fuisse  
existimarent, maxima in veneratione habuerūt:  
quos etiam in dubijs imperij temporibus, sum-  
ma religione, consulebant. Numa Pompilius  
Romanum imperium vix a Romulo constitu-  
tum, sapientia pythagorea, qua erat præditus, &  
religione stabilivit, atque ad illud conseruan-  
dum fundamenta iecit. Olim iidem erant sacer-  
dotes, philosophi, & reges, vt ex profanis, & di-  
uinis cognoscitur historijs. Ex qua triplici di-  
gnitate sapientissimus ille Mercurius, ter maxi-  
mus fuit appellatus. Deus eundem Moysen in  
omni sapientia Aegyptiorum eruditum in po-  
puli sui ducem, & suæ legis promulgatorem ele-  
git: quamuis speciatim librorum sacrorum ex-  
positionem sacerdotibus commiserit. Et ne  
populi duces ab eius studio exclusisse putares,  
Iosue secundum Hebræorum ducem, spiritu sa-  
pientiæ repleuit. Huc faciunt, quæ initio ora-  
tionis pro domo sua ad Pontifices, non minus  
sapienter, quam eleganter M. Tullius literis com-  
mendauit. Vbi inter multa a maioribus diui-  
nitus instituta, nihil præclarius esse dixit, quam  
quod Pontifices & religionis deorum immorta-  
lium, & summæ reip. præesse voluerunt: vt am-  
plissimi & clarissimi ciues remp. bene gerendo,  
Ponti-

Pontifices religiones sapienter interpretando, remp.conseruarent. Ego ita existimo, si principes, si qui reip.gubernacula administrant, essent Christiana philosophia, & vera sapientia bene imbuti, ac fulti, maxima profecto haberent, ad regna & imperia conseruanda præsidia. Quoniam suos populos prudenter, iuste, pieque gubernarent, ac proinde nunquã eos haberent rebelles: religionem vnicum regni fulcimentum conseruarent: bonos præmijs, & malos pœnis afficerent: consilio, auctoritate, ac maiestate flourerent: omnium denique populorum amorem ac beneuolentiam sibi conciliarent: quæ res ad regnum conseruandum, ac propagandum mirum in modum confert. Propterea Alexander ille magnus aliquando interrogatus, quænam haberet sui regni propugnacula, respondit, Amicos. Quare, ni fallor, si superioribus annis, ac hisce calamitosis temporibus multos habuissemus magnæ auctoritatis, potestatis, & integre vitæ viros, qui, non solum armis, quæ parum valere videmus, sed etiam scriptis, nouis hæreticis sese opposuissent, non tantum eorum pestis grassata fuisset, nec tandiu perseuerasset. Nam, si qui, exempli gratia, in Germania principes extitissent, vera sapientia bene eruditi, spiritalibus armis muniti, gladio verbi Dei accincti, vitæ candore illustres, populis maxime cari, ac denique catholicæ religionis amatores; quæ omnia in eum conueniunt, qui sit in christiana philosophia vere versatus, qui paterno quodam studio

librum aliquem de religione conseruanda, de vera fide retinenda, ad suos populos scripsissent, quid, obsecro, non effecissent? quantum ad idem faciendum alios incitassent? cum principis vite ratio, regula sit subditorum? Si magis diuinarum, quam humanarum literarum studia his elapsis annis Germania bonorum ingeniorum, feracissima coluisset, plures religionis & communis pacis propugnatores, & pauciores, quam habet, vel nullos haberet oppugnatores. Propterea, nunquam pro dignitate institutum felicissimæ memoriæ Gregorij XIII. religionis conseruandæ, & amplificandæ studiosissimi, commendari, ac laudari poterit, cum ad hæreses extirpandas, ad hoc sacrum sacre Theologiæ studium dilatandum, & ad oppressam religionem subleuandam, varia Collegia, maxima diligentia, maximis impensis, in Vrbe & extra Urbem in vtilitatem, & commoditatem diuersarum nationum, veluti Græcorum, Anglorum, & Germanorum erigenda curauerit, atque etiam doctissimorum & religiosissimorum Patrum Societatis I E S V, qui hisce temporibus vitæ exemplo, verbo, scriptis, & sanguine etiam ipso sunt maximum religionis propugnaculum, studia mirifice iuuerit, Academicisque Parthenijs, horum Patrum Alumnis, & diuinarum rerum studiosis, sæpenumero fauerit. Pium sane, & sanctum opus, dignum, quod omnium apud omnem posteritatem commendetur, ac celebretur scriptis. Merito igitur regius propheta Dauid,

huius



huius doctrinæ singularis amator & cultor, cum intelligeret hanc possessionem esse regia persona dignam; & ad imperia conseruanda maxime necessariam, diuino actus spiritu, omnes reges ad eam consequendam hisce verbis, hortatus est: Et nunc Reges intelligite, & erudimini qui iudicatis terram: Seruite domino in timore, & exultate ei cum tremore: apprehendite disciplinam ne quando irascatur Dominus, & pereatis de via iusta. Quorum verborum vim ipsis principibus & regibus perpendendam relinquo. Si ergo non esset hæc sapientia regibus digna, Salomon omnium mortalium sapientissimus, homines ad eam hortaturus, orationem suam ad reges priuatim non conuertisset, nec dixisset: Audite ergo reges, & intelligite, discite indices finium terræ. Si non esset regibus necessaria, non iterum repetiuiisset: Ad vos ergo reges sunt hi sermones mei, vt discatis sapientiam, & non excidatis. Si non esset utilis ad regnum conseruandum non ita locutus esset: Si ergo delectamini sedibus & sceptris, o reges populi, diligite sapientiam, vt in perpetuum regnetis: diligite lumen sapientiæ omnes, qui præestis populis. Si non esset maximum vrbs & orbis præsidium, non hæc adiecisset verba: Multitudo autem sapientium sanitas est orbis terrarum: & rex sapiens stabilimentum populi. Si huius sapientiæ studium non esset principe dignum, nec ad regimen accommodatum, suam legem Moyse sui populi duci, non dedisset Deus, nec

Psal. 2.

Sap. 6.

Iosue

Ios. 1.

Iosue dixisset, Non recedat volumen legis huius ab ore tuo: sed meditaberis in eo diebus ac noctibus: ut custodias & facias omnia, quæ scripta sunt in eo: tunc diriges viam tuam, & intelliges eam. Si sua maiestate indignum, & ad rem gerendam hoc studium inutile Iudæorum

1. Mach.

12.

senatus iudicasset, Spartiatis scribens, non dixisset, Nos cum nullo eorum indigeamus, habemus solatio sanctos libros, qui sunt in manibus nostris. Et denique, si res non ita haberet, ut dicimus, nunquam Salomon hunc in modum orasset, nec reges & principes, ut eodem

Sap. 9.

modo orarent, docuisset. Mitte illam de cælis sanctis tuis, & a sede magnitudinis tuæ, ut mecum sit, mecum laboret, ut sciam quid acceptum sit apud te: scit enim illa omnia, & intelligit; & deducet me in operibus meis sobrie, & custodiet me in sua potentia. Et erunt accepta opera mea, & disponam populum tuum iuste, & ero dignus sedium patris mei. Utinam principes quotidie hanc ad Deum opt. max. orationem haberent, atque summo ardore hanc sapientiam magis, quam argentum & aurum concupiscerent; intelligerentque neminem Deum diligere, nisi eum, qui cum sapientia habitat. Et ne hanc disputationem longius producam, de qua amplissimum possem texere sermonem, dicam breuiter, cum magis literarum studia, quam armorum tractatio hominem deceant, cum militaris exercitatio naturam sequatur corruptam, sitque ferocia hominibus cum bestiis

com-

communis, nobiles ac potentes viri bonas artes, veram sapientiam colere deberent, ni uirtutibus ab ijs superari volunt, quibus præesse gaudent. Si vestibus, si equis, si auleis, si seruitio, si omni domestico cultu sibi subiectos populos antecellere volunt, cur non etiam bonis literis, & ijs maxime, quæ principem personam decent? Et incongruum sane est, ut leuissime dicam, pecuniam, tabulas, signa, cælata vasa, lapillos, vestes, equos, famulosque parare; sapientiam vero pulcherrimā, & optimam uitæ, ut ita dicam, supellectilem non parare. Etenim, cetera non sunt nostra, sed fortunæ bona, non in nobis, sed extra nos posita: quæ usu consumuntur: quæ sunt bonis, cum malis, & nobilibus, cum ignobilibus communia: quæ cui parentur sæpe nescitur: sapientia vero semper permanet, in animo hæret, bonorum & vere nobilium hominum est propria, cum nobilitas sine sapientia & uirtute, sit veluti quædam inaurata ouis; & eam quisque sibi tanquam stabilem ac certam possessionem parat: quæ nec erripi, ne surripi potest unquam: quæ nec naufragio, nec incendio amittitur, nec tempestatum, nec temporum permutatione mutatur: qua, qui præditi sunt, soli sunt nobiles, soli sunt diuites: soli enim id, unde natum est inter nobiles & ignobiles discrimen, & rem vere fructuosam & præclaram possident. Ad huius rei acquisitionem, ni fallor, quidam vir sapiens, nos hortabatur, qui dicebat, eas esse parandas diuitias, quæ, fracta naui, nobiscum enatent.

Cic. de amic.

Cic. para. ult.

Aristippus.

enatent. Sed nesciunt mortales, nesciunt, quam magnum vectigal sit sapientia, & quantam nobilitatem secum afferat. Et, vt eo reuertamur, vnde digressi sumus, quid, quæso, faciet princeps, cum quæ ad regimen pertinent, vel per se, vel per suos ministros expediuerit negocia? Num se otio corrumpendum tradet? eritne in cubiculo cum muscis, an cum Musis? muscasne, vt Imperator ille prosequetur, an Musas? Principes qui bonas artes non colunt, qui virtutes non amant, ob licentiam & facultatem, quam habent, facile in grauissima labuntur vitia. Quo enim non se proripiet, & proijciet libido, proposita licentia, & facultate? Exemplo sunt Sardanapali, Neronēs, Comodi, Heliogabali, Dioclitiani, & horum alia similia generis humani monstræ. Si itaque Princeps in studijs versari voluerit, eam potissimum amplexetur doctrinam, quæ est potenti & libero homine digna, quæ ad rectam populorum gubernationem maxime confert, quæ religionem conseruat, quæ vtilitatem, voluptatem, honestatemque maximam secum affert; diuinam videlicet sapientiam, quæ eos maxime decet, qui in terris Dei personam referunt. Quod si qui sunt, qui non possunt ita ad hæc studia, ob negociorum multitudinem, aliasue rationes, adhærescere; saltem rerum diuinarum studiosis faueant, Theologicas scholas sustentent, vt diuinum cultum conseruent intactum; quo violato, nullum regnum, quamuis munitissimum, durabit diu.

Et.

Cicero.

Et si medicos ad mensam adhibent, quos de cibis sumendis, valetudinis causa, consulant; si iudices ad improbos castigandos, si causidicos ad lites extricandas, cur non etiam Theologos ad suos suorumq; mores corrigendos, & informandos, & ad suam suorumq; vitam bene christianecque instituendam? Sequantur igitur christiani principes Salomonis consilium, veram sibi comparent sapientiam, ignorantiam fugiant, qui aliorum sunt constituti iudices, ac duces. Timeant, ne Deus Deorum in eorum cœtu consistat, & eis vere dicat: Nescierunt, neque intellexerunt, in tenebris ambulant: mouebuntur omnia fundamenta terræ, hoc est, vniuersus orbis vacillat, omnes humanæ vitæ rationes, humana & diuina omnia perturbantur, dum, qui ignorant, regimina orbis administrant. Et nequid nouum principibus persuadere velle videar, singulare singularis Imperatoris exemplum breuiter eis ab oculos proponam. Theodosius ergo Romanorum Imperator, referente Lib. 14. Nicephoro, curauit, ne imperialis aula, re vlla c. 3. ab asceterio, hoc est a monasterio differret. Mane consurgens hymnos Deo cum sororibus alternatim canebat: cum episcopis & sacerdotibus habebat congressus: obscuros locos & nodos, haud aliter quam si ipse sacris initiatus esset, explicabat: cogendorum librorum studio fuit: lucernam sua sponte morientem, ac oleum infundentem habuit, ne fatigaret suos: scripsit manu sua libros multos: Aristotelis perplexio-

plexionibus & inuolucris vale dicto, factis philosophiam exercuit. Habent ergo nostri principes, & religionis, & studiorum colendorum Christiani Imperatoris illustre, quod imitentur exemplum. Sed faciam huic loco finem, si prius eas ciuitates felicissimas esse dixerō, quæ nunc sub optima Serenissimi Vrbinatū ducis FRANCISCI MARIAE, huius nominis secundi, procuratione viuunt. Qui, cum non solum armorum tractatione delectetur, omnium artium libros maximis impensis vndique conquirat, bonos ac doctos viros, auitum morem retinendo, (semper enim Roboreia domus studiosos homines, vt benigna mater fouit, & aluit) amplectatur, humanioribus ac politioribus literis incumbat, sed etiam philosophica & diuina studia priuate colat, sibi subiectos populos, iuste, pacate, & religiose gubernat. Hic itaq; sapientissimus, ac religiosissimus Princeps ita suæ vitæ rationem instituit, vt temporis partem religioni, partem suorum regimini, partem bonarum literarum studijs, partem militari exercitationi tribuat: ita vt nemo ad eum veniat, quin honeste occupatum inueniat. Qua optima viuendi ratione, omnium doctissimorum hominum, & principum animos ad sui admirationem, & amorem allicit: & ad suas laudes prædicandas omnium scriptorum linguam, ac manus commouet. Hæc dum agit, & præsentibus præbet, & posteris optimi principis singulare relinquit exemplum. Sed de huius præcelsi Ducis laudibus,

bus, alio oportuniore loco, fauente Deo, a nobis dicetur latius: quem Deus opt. max. mente & corpore incolumem nobis diu conseruet.

*Viris ecclesiasticis rerum diuinarum ignorantiam fugiendam, & in humanis studijs non multum operæ ponendum esse, docetur. Cap. XXI.*

**M** V N C sermonem de rerum diuinarum studio colendo in eum finem suscepimus, vt vniuerse Christi fideles ad Christianam philosophiã discendam excitaremus: sed quoniam proximo capite nominatim docuimus viros, nobiles, & in potestate constitutos hanc rerum cœlestium doctrinam decere; non erit ab re nunc aperire, quanta cura, quantoque studio homines sacris initiati, huic theosophiæ, priuata quadam ratione, operam dare debeant. Et quoniam omnia, quæ in hac tota lucubratione a nobis dicuntur, sacris personis speciatim dixisse volumus; ideo hoc loco solum quasdam canonicæ scripturæ sententias adscribam, quibus quantum Deo opt. max. sacerdotum ignorantia displiceat, palam demonstrabo, eosque a nimia aliorum studiorum tractatione reuocare conabor. Quod ergo ad primum attinet, hisce verbis Isaias eorū, qui alijs præsumunt ignorantiam vehementer damnavit. Speculatores eius cæci omnes, & nesciuerunt vniuersi: canes muti non valentes latrare: viden-

Cap. 56.



Cap. 4.

videntes vana, dormientes, & amantes somnia :  
 Et canes impudentissimi ipsi nescierunt saturi-  
 tatem : ipsi pastores ignorauerunt intelligen-  
 tiam : omnes in viam suam declinauerunt : vnus-  
 quisque ad avaritiam suam, a summo vsque ad  
 vltimum . Oleas hoc modo, Conticuit populus  
 meus, eo quod non habuerit scientiam : quia tu  
 scientiam repulisti, repellam te, ne sacerdotio  
 fungaris mihi : & oblita es legis Dei tui : obliui-  
 scar filiorum tuorum & ego . Item, Misericor-  
 diam volui, & non sacrificium, & scientiam Dei  
 plusquam holocausta . Ipsi autem sicut Adam,  
 transgressi sunt pactum, ibi præuaricati sunt in  
 me . Huc pertinet totum fere secundum Mala-  
 chie caput ; & præcipue hic locus : Labia sa-  
 cerdotis custodient scientiam, & legem requi-  
 rent ex ore eius : quia angelus Domini exerci-  
 tum est . Vos autem recessistis de via, & scan-  
 dalizastis plurimos in lege : irritum fecistis pa-  
 ctum Leui, dicit Dominus exercituum . Propter  
 quod & ego dedi vos contemptibiles, & humi-  
 les omnibus populis, sicut non seruastis vias  
 meas, & accepistis faciem in lege . Sacerdotes  
 faciunt pactum leui irritum, cum sanctitatem,  
 quæ eos decet, non colunt, & Dei legem igno-  
 rant : quoniam ad Leuiticam tribum, cum ex  
 ea sacerdotes crearentur, diuinæ scripturæ pri-  
 uatim operam dare pertinebat . Et Dominus  
 aduersus ignorantes Scribas, & Phariseos hanc  
 grauem sententiam pronuntiavit : Sinite illos,  
 cæci sunt, & duces cæcorum . Cæcus autem si  
 cæco

Mat. 15.

cæco ducatum præstet, ambo in foueam cadūt. Vnde enatum est prouerbium illud: Sicut populus, sic sacerdos; ac si diceretur, nihil potest fieri calamitosius, nihil inconuenientius excogitari, quam ut nihilo sanctior, & doctior sit sacerdos, quam populus: quo fit, ut ambo in foueam cadant. His paucis scripturæ sacræ sententijs, aliquot alias ad hunc locum spectantes ex sanctis patribus depromptas, adiiciamus. Si in laicis, ait Leo, videtur intolerabilis ignorantia, quanto magis in ijs, qui præsent, nec excusatione est digna, nec venia? Si iuxta Apostolum Paulum, scribit Hieronymus, Christus Dei virtus est, & Dei sapientia; & qui nescit scripturas, nescit Dei virtutem, eiusque sapientiam; scripturarum ignorantia Christi est ignorantia. Qui ea, quæ Dei sunt, inquit Gregorius, sapiunt, a Domino sapiuntur: & qui ea, quæ Dei sunt, nesciunt, a Domino nesciuntur: Paulo attestante, qui ait: Si quis ignorat, ignorabitur. Ignorantia, ait Concilium Toletanum, mater cunctorum errorum, maxime sacerdotibus Dei, vitanda est, qui docendi officium in populo Dei susceperunt. Hanc ob causam, quod pauciores sit, qui ignorantia vitio non sint infecti, Clemens Romanus epistola tertia ad Iacobum fratrum scriptum reliquit, Expedire Ecclesiæ Dei paucos habere sacerdotes. Verum, ut idem sanctus Pontifex ait, dum ignorant homines, quantum boni habeat scientia, ignorantia malum de se non patiuntur excludi: propter quod consilium

Osc. 4.

Dist. 38.

In Isa.

2. Cor. 1.

1. Cor. 14.

Clem.  
Rom.

Symma-  
ch. 1. q. 1.  
Vilissi-  
mus.  
Concil.  
Aquisg.

De magi-  
stris cap.  
quoniā.  
quia sup.  
Trident.  
Ses. 5. c. 1.  
Ses. 23.  
cap. 18.

do unicuique, libenter præbere aurem verbo Dei. Et nos hanc ob causam hunc suscepimus laudandæ sapientiæ laborem, vt eius præstantia cognita, homines sacros priuate ad eam amandam inflammaremus. Denique, ne plures auctoritates huc congeram, meminerint perpetuo sacerdotes, eius, quod Symmachus Laurentio Mediolanensi episcopo, scripsit: Vilissimus cõputandus est, nisi præcellat scientia & sanctitate, qui est honore præstantior. Ad hanc ignorantiam a sacerdotibus & viris ecclesiasticis remouendam, sæpe, & œcumenica, & prouincialia concilia de magistris ad clericos, in diuinis præsertim literis, instituendos decreta saluberrima sanxerunt. Et synodus Tridentina, non sine diuino numine, nouam quandam rationem in eūdem finem inuenit, & vbique seruandam mandauit. Quam vtilem & reip. Christianæ necessariam constitutionem, si ij ad quos pertinet diligenter accurateque seruarent, maximos inde fructus omnes fideles caperent. Neque nunc est, cur aliqui se excusent, quod homines non habeant, quibus suos clericos instituendos tradant; cum idem Deus, qui constitutionem illam fieri voluit, curauerit etiam, vt aliqui reperirentur, qui huiusmodi cūram libenter susciperent, idque profiterentur. Extant enim Congregationis Somaſchæ docti & religiosi patres, qui inter alia pia, & Ecclesiæ-maxime vtilia, quæ exercent opera, illud etiam arduum, & apprime laudabile onus priuatim suscipiant, vt Semina-

riorum.

riorum Clericos bonis honestisque literis imbuant, & christiana pietate informent. Opus certe Deo opt. max. gratissimum, & quod ab omnibus laudetur, ac foueatur dignissimum: cum nihil sit, quod magis possit Ecclesiæ prodesse, quam si bonos habuerit ministros: quia vehementer Ecclesiam Dei destruit, meliores laicos esse, quam clericos: & ut præclare Iustinus martyr scripsit, inter omnes conatus, quibus homines Deum demereri student, nullus est ei gratior, quam cum dant operam, ut seipsis meliores euadent, curentque ut & alij proficiant. Quare, ut ad propositum redeam, & hunc locum concludam, grauiissimam Mitylenæi pœnam, socijs qui a se descuerant, imposuerunt, ne liberos suos docerent literas, & artes liberales; omnium suppliciorum hoc grauiissimum, iudicantes, in inscitia, & ignorantia artium liberalium vitam transigere. Sed quoniam omnes filij Adæ sumus, a quo inter alias, eam etiam pœnam contraximus, ut semper, cum aliquid minus placet, excusationes in promptu habeamus, breuiter hoc loco quorundam leues leuium hominum excusationes afferam, & refellam. Sunt igitur non nulli, qui cum iam sacerdotium sint adepti, aut facile se adipisci posse sperent, dicunt, satis esse quantulâcunque doctrinam, qua se suo satis officio facere posse putant: atque hunc in modum viam sibi ad maiores progressus præcludunt. Sed hi meminerint se esse sacerdotes,

8. q. 1.  
Qualis.  
Lib. cōsu.  
dogmat.  
Arist.

Aelian.  
lib. 7.

Malach. 2

Mat. 5.

gem de ipsorum ore requirendam esse. Meminerint se esse mundi lucem, & lucernam super candelabrum positam, quæ omnibus, qui domi sunt, lumen præbere debet: at quo nam modo extincta, aut parum lucens lucerna omnes illuminare poterit? Meminerint se esse sal terræ, & sua sapientia se aliorum insipientiam salire debere: quod sal, si ad hoc non erit utile, ad quid valet ultra, nisi ut conculcetur ab hominibus? Et hæc est una ex præcipuis causis, cur quædam religiosorum nomina, quasi per contemptum (pudet me rem planius explicare) non sine maxima Dei iniuria, usurpentur. Meminerint se se esse iudices terræ, atque quotidie sibi causas maximas, perdifficiles, perplexas, in quibus de æterna animæ salute igitur, extricandas & explicandas, & inter lepram, & lepram internoscendum esse. Meminerint ad se pertinere, alios purgare, illuminare, atque perficere: alijs inquam, viam commostrare & cæcos ducere. Meminerint se tanquam vigilantes canes ad latrandum, contra improbos, contra hæreticos, contra demonem, & ad vulpeculas vineam deuastantes capiendas semper debere esse paratos. Meminerint se esse collocatos ad lectulum Salomonis contra timores nocturnos seruandum. Meminerint denique, ne plura ipsorum munera commemorem, se esse doctores, quorum lingua debet tumidos comprimere, iratos mitigare, pigros excitare, desides succendere, refugientes allicere, asperis blandiri, & desperatos consolari:

Dionys.  
Petr. epist.  
ad Urban.

vt quia doctores dicuntur, viam salutis gradientibus ostendant. Nec memoria excidat, Deum impij sanguinem, ni eum a peccato reuocauerint, de ipsorum manibus requisiturum esse. Alij deinde sunt, qui satis esse credunt, tantum, vel ex humanis literis, didicisse, vt, cum maiores dubitationes inciderint, scriptores consulere possis. Quorum sententiam optimus ille pastor, & bonorum pastorum optimum exemplar, & magister, in suo pastoralis, quod vtinam omnes Ecclesiæ Pastores perpetuo ob oculos haberent, Gregorius inquam, his grauissimis verbis, grauiter refellit. Cum spiritale aliquid a subditis pastor requiritur, valde est ignominiosum, si tunc quærat discere, cum quæstionem debeat enodare. Quid si necessitas urgeat? si statim sententia sit proferenda? Et quos consulat is, qui, quinam sint consulendi ignorat? Et si consuluerit, cum non sit in scriptoribus legendis versatus, quid consilij referet? Nihil ita conuenit, scripsit quidam, quod a beato Petro accepit, sacerdoti Dei, & dogmatibus erudito, quam paratum esse ad satisfactionem omni poscenti rationem de spe, quæ in nobis est, & gratia. Cum ergo nulla ars, vt Gregorius scribit, doceri præsumatur, nisi prius intenta meditatione discatur; qua temeritate ab imperitis pastorale magisterium suscipitur, quando ars artium regimen est animarum? Inquiratur diligenter, ait sexta synodus, cum de Episcopo eligendo verba facit, si in promptu habeat legem scrutabiliter non transi-

Ezech. 3.

Liberat.  
i suo Bre  
uiar.

Dist. 38.

- torie, tam sacros canones, & sanctum euangelium, quam diuini apostoli librum, & omnem diuinam scripturam. Quo etiam loco, de sententia Dionysij ait, substantiam summi sacerdotij, esse eloquia diuinitus tradita, idest veram diuinarum scripturarum disciplinam. Alij maturam ætatem, vel etiam dignitatem in qua sunt constituti, excusant. Verum, ad discendum, quod opus est, Augustinus loquitur, nulla ætas mihi fera videri potest: quia & si senes magis decet docere, quam discere: tamen, magis volo discere, quam, quod doceam, ignorare. Nescire, ait Gregorius, ignorantia est, sed scire noluisse, superbia. Nullus episcopus, vt est apud Clementem, propter opprobrium senectutis, vel nobilitatem generis, a paruulis, vel minimis erudit, si quid forte est vtilitatis, vel salutis, inquirere negligat. Qui enim nequiter viuit, & discere, atq; agere bona recusat, magis Diaboli, quam Christi membrum esse ostenditur: & potius infidelis, quam fidelis esse monstratur. Alij sunt, quos non pudet laborem & difficultatem excusare: sed ij se a Deo in paradiso deliciarum sacræ scripturæ constitutos fuisse meminerint, vt eum custodiant, & ibi laborent. Meminerint se esse conductos ad fodiendum in vinea, ad metendum in agro, & ad triturandum in area. Si quis eis triturantibus os alligaret, querelis replerent omnia, lites essent in promptu; & iure id quidem optimo. At, si voluerint cibum sumere, & non triturare, cur non timebunt, ne  
popul
- Dionys.
- Concil.  
Colon.
- Dist. 30.
- Genes. 3.
- Grego.  
Naz. e-  
pist. ad  
Theod.
1. Cor. 9.



populus, & Deus ipse, cuius sunt operarij de eis conqueratur? Sine labore non excutitur granum e spicis, & ideo sine labore non poteritis vos ipsos, & alios adipe frumenti diuinæ scripturæ satiare. Cedo, vtrum facilius putas, sapientiamne diuinam assequi, an ad ecclesiasticos gradus peruenire? Quam sit facile hanc sapientiam adipisci, postea suo loco docebo: quam vero sit difficile ad honores peruenire, ij norunt, qui ambitione; quæ est doli artifex, liuoris parens, vitiorum origo, criminis fomes, virtutum erugo, sanctitatis tinea, pestis occulta, subtile malum, & secretum virus, torquentur. Ambitiosus ergo multos annos, vt leuem quandam pennam per aerem volitantem comprehendat, insudabit, & tu ad consequendam veram sapientiam, quæ secum veros affert honores, non laborabis? Posses hic late vagari, sed breuiter concludo: lata est sententia: In sudore vultus tui vesceris pane tuo: si igitur pane scripturæ vesci uolumus, desudare oportet. Alij deniq; sunt, quorum magnus est numerus, qui, & ut labores studiorum, maiores subterfugiant, & ut facilius, ac citius ad honores perueniât, Cæsarum leges, ac etiam ius Canonicum, quod tamen, uel nunquam uident, uel longe salutant, per transfennam, audiunt: & uno, uel altero anno, his temporibus, quod alias uix septennio, in utroque iure imberbes iuuenes doctores creantur, qui utrunque ignorant. Magnificant isti hoc suum studium, quod leges, & iurisperiti mundum gubernent: quod iurispru-

Bern.

Gen. 3.

dentia sit rerum humanarum atque diuinarum scientia : atque etiam sæpissime illud inculcant, leges honores & opes parere . Sanctificant etiã, ut ita loquar , quod leges sint diuinitus datæ , quod sint sacris canonibus affines, & ad eos perdiscendos maxime necessariæ . Nolo hic contra istos leguleios longum habere sermonem: quando optime noui, iuris uere peritos, longe præstantius, diuinius, magisque colendum sacræ Theologiæ , quam humanarum legum studium, uere existimare : breuiter ergo istos sciolos urgebo . Quod igitur ad gubernationem attinet, primũ, non minus gubernat mundum religio, quæ hac sacra scientia continetur, & conseruatur, quam legum peritiã : quod sapiens negabit nemo . Et hinc est, ut id obiter dixerim, quod Principes & iudices, cum difficiliores nodi inciderint explicandi, diuinarum rerum eruditos , & sacros homines libenter consulunt : & ut experientia docet, ij religiosi uiri bonos principes in manu habēt, qui fuerint doctrina & pietate conspicui: & olim apud Ægyptios ijdem erant sacerdotes & iudices : & Christus Dominus suos apostolos, eorumq; successores constituit principes super omnem terram . Deinde, quæ nam scientia toti mundo hæcenus imperauit , atque nunc etiam imperat , nisi rerum diuinarum sapientiã : quæ mundum a falsa religione, a malis legibus, a deprauata & corrupta uiuēdi ratione, ad uerũ Deĩ cultum, bonosq; mores colendos traduxit: quod non tam est mundum gubernare, quam inno-

uare,

Aelian.

uare, & instaurare. Hæc Romani imperij monstra debellauit: hæc suam sedem in Vrbe, & in Vaticano posuit, vt toti orbi imperaret, & inde sacra vaticinia redderet: hæc nostris temporibus apud remotas, & penitus incognitas nationes Christianum imperium amplificauit: hæc populos nullis legibus obstrictos, nulla humanitate excultos, ex feris immanibus, & impijs, mites, mansuetos, & religiosos reddidit. In vna ciuitate, in vno oppido, ac etiam in vna villa, vel prælati, vel animarum curatores, vel sacerdotes plures ad omnes cuiusuis conditionis homines nobilissimo & maxime necessario gubernationis genere regendos, & iudicandos sunt constituti: & quod pene exciderat, plures concionatores, qui omnes docent, omnium animos tractant, & quoquo volunt impellunt: qui improbos a corrupta viuendi ratione reuocant, bonos ad maiores progressus incitant. Qui omnes, etiam huius mundi rectoribus, velint, nolint ipsi, imperant. Isti vero, qui dicunt se mundum gubernare, in quosdam tantum improbos homines, qui sua culpa, male agendo sese eis subiecerunt, ius dicunt: nec enim est lex posita iusto; 1. Tim. 1. cum ab amore, & spiritu diuino motus, legem seruet. Quæ igitur scientia dominatur mundo? quæ populos regit? quæ hominem ad veram religionem conuertit, & in eadem conseruat? an militaris ars? aut iuris humani prudentia? an vero ea sapientia, quæ dicere vere potest. Ego in altissimis habitauì, & thronus meus in co- Eccî. 24.

Eccī.24.

lumna nubis. Gyrum cœli circuiui sola, & profundum abyssi penetraui, & in fluctibus maris ambulaui, & in omni terra steti. Ego in omni populo, & in omni gente primatum habui, & omnium excellentium & humilium corda virtute calcaui. Neque ego, rerum diuinarum, scientiam eam artem vere appellari posse existimarem, quæ de actionum formulis, de alluionibus, paludibus, aquis arcendis, ripis munientibus, stillicidijs, & cloacis, de lenonibus, reis postulatis, abiegis, infamibus, seruis fugitiuis, & crimine stellionatus agit: eam inquam artem in qua, de edendo, satisfaciendo, de in ius vocando, de postulando, & ne plures inutiliter istius artis, nō dicam diuinos, sed omni ex parte humanos titulos percenseam de inutilibus stipulationibus, agitur. Ecquid quæso, habet Papinianus cum Matthæo? quid Caius cum Marco? quid Celsus cum Luca? quid Modestinus cum Ioanne? quid Ulpianus cum Iacobo? quid denique vester Paulus cum nostro? Materia itaque uobis subiecta, tota humana, terrestris, & momentanea est: nostra vero diuina, cœlestis, & æterna. Ceterum illud vobis facile concederem, uestra esse vendibilia, & vos velitis, nolitis nostra, esse vberiora, diuiniora, & cognitu digniora nobis concedatis oportet. Quod si vestras leges tandem in Deum, veluti in primum omnium legum auctorem aliquo modo refertis, bene facitis, sed male, vel non ita bene, quod humanarum legum notitiam, quam diuinarum pluries ducitis,

ducitis, aut ducendam putatis rei; publicę magis necessariam esse censeatis. Sed pudet me longius in hac valde dispari comparatione procedere: ne, si coactus desipere fortasse visus sum, nunc prudens insanire velle videar. Concludam igitur, ac illud vere dicam, me plures cognouisse legum doctores, quos valde pœnitebat in eare suam collocasse operam, quæ parum habet veræ utilitatis, parum iucunditatis, multum vero laboris, & curæ; cum non modo suas, sed etiam aliorum de rebus mundanis, & sæpe friuolis & inanibus suscipiat curas, aliorum inquam lites, & contentiones: quæ sæpenumero non sine magno animę detrimento tractatur: in quam pauci essent, qui operam suam collocarent, cum sit ars quædam satis implicata, incerta, dissipata, spinosa, atque insuavis, nisi lucrum & honores, fatendum enim est, qui eam tractant, propositos haberent: at lucrum turpe, sordidum, & honores vani. Noui etiam multos, qui in matura ætate resipiscentes, sed tarde, at melius est tarde, quam nunquam, ad eam artem, relictis legibus, se traduxerunt, quæ de anima lucranda, vt ita loquar, est. Et dum iunior Perusiæ sacram Theologiam profitebar, multi ex legum ciuiliū professoribus me felicem appellabāt, quod hæc diuina, & vtilia, & maxime ad nos pertinentia tractarem studia. Neque hæc a nobis in eum finem disputantur, vt iurisprudentiam vlla ratione vituperare velimus, cuius cognitionem, aliqua ex parte, perfecto Theologo utilem esse

supra

Cap. 9.

supra docuimus, sed ut quorundam imperitorum hominum refelleremus sententiam; qui humanarum legum cognitionem, legis diuinæ studio; aliquo pacto præferri posse & in ea potius uersandum esse arbitrantur; atque eos, qui sacram togam sumere, & ad ecclesiasticos gradus aspirare volunt, ad sacra studia amplexanda incitaremus. Cupimus enim, ut cum sacris decretis loquamur, sacre Theologiæ studium, ampliari, ut dilatato sui tentorij loco, funiculos suos faciat longiores, ut sit fides catholica circum data muro inexpugnabili bellatorum, quibus resistere valeat, ascendentibus ex aduerso. At hoc omisso loco, ad viros sacros nostra reuertatur oratio; atque cum Augustino dicat: Legite ergo fratres mei scripturam sacram, legite eam, ne cæci sitis & duces cæcorum. Legite sacram scripturam, in qua quid tenendum, & quid fugiendum sit, plene inuenietis. Legite eam, quia omni melle dulcior, omni pane suauior, omni vino hilarior inuenitur. Et ideo, o fratres mei, quandiu in hac infirma & vana vita fuerimus, hanc sapientiam discere & sapere tota mente curemus. Quid enim homo sine literis reputatur? quid enim est? nunquid non pecus vel hædus? nunquid non bos vel asinus? nunquid non equus vel mulus, in quibus non est intellectus? Sed, vae nobis, quia debemus esse exemplum correctionis, & ecce iam sumus exemplum erroris. Vnde hoc, nisi quia cæci sumus, & idiotæ, ignorantes legem, & eam legere fastidimus,

& tamen

Honor.  
tertius.  
Cap. sup.  
Ne cleri.  
vel mon.

Ser. 38.  
ad fratres.

Psal. 35.

& tamen cathedram tenere, & animarum curam gerere quotidie procuramus? Quid ergo mirū, si cadit sacerdos? quid mirum, si non subleuat delinquentes? quid mirum, si dux cæcorum est? Ecce legem domini conculcauit, despexit eam ut mortem. Sed quid dilexit? quid procurauit? quid toto affectu concupiuit? Vxorem, vel concubinam caute tenere, equos velut miles in stabulo possidere, canes pro venatione nutrire, accipitres custodire, & tamen velut equus & mulus, in quibus non est intellectus cupit honorari in cœnis, & ab hominibus vocari Rabbi. Eia igitur fratres mei, qui pastores rationalium ouium nuncupamini, festinate rapere, non sophismata paganorum, non carmina poetarum, non fallacias philosophorum, de quibus doctores & auditores reddituri sunt rationem; sed illam dulcissimam sapientiam sapientiarum, quæ hæreditas Dei, & filiorum eius cara possessio nuncupatur: quæ nos docet amare cœlestia, & terrena despiciere.

*Paucis philosophandum, & diuina adepta sapientia, ad humanam redeundum non esse, docetur. Cap. XXII.*



VMANAM philosophiam ad christianam sapientiam perdiscendam vtilem ac necessariam esse, nemo est qui inficias eat, aut ire possit: cum id omnes docti viri affirmant, & ipsa experientia,

Clem.  
Alex. li. i.  
Strom.



rientia doceat. Verum ijdem viri docti, & eadem experientia, volenti rerum diuinarum notitiam consequi paucis philosophandum, ac inutilibus libris reiectis, solum meliores in hoc brevis vitæ curriculo legendos esse, aperte demonstrant. Cum ergo non pauci sint, qui in utroque peccant, dum, vel nimis in humanas literas incumbunt, vel auctores omnino inutiles euoluunt; ideo quibusdam sacrarum literarum, ac sanctorum patrum vocibus, ab hac studendi ratione eos reuocare conabor. Qui igitur diuinam sapientiam sibi comparare uolunt, & nimium in humanis scientijs versantur, illorum similes mihi esse videntur, qui diuersorium, in quo se reficere possent, ingredi vellent, & tamen semper pro foribus starent, & nunquam ianuam inuenirent: ac etiam eorum, qui cuperent sitim extinguere, & circa siccos puteos ad hauriendam aquæ guttulam laborarent. Hos homines diuina sapientia, ut ad se veniant, hisce vocibus inuitat: Transite ad me omnes qui concupiscitis me, & a generationibus, idest a fructibus, & vtilitatibus, voluptatibusq; meis, implemini. Spiritus enim meus super mel dulcis, & hæreditas mea super mel, & fauum. Ingrediamur igitur domum, quam sapientia sibi & nobis ædificauit, ut eius vbertate inebriemur: quoniam de torrente voluptatum suarum potum dabit nobis. Et quid, obsecro te fidelis, qui sapientiæ fontes gustari cupis, nunc tibi vis in via Ægypti, ut diutius bibas aquam turbidam? Et quid tibi

cum.

Paulin.  
Epist. 36.

Eccî. 34.

Psal. 35.

Iere. 2.

cum via Assyriorum, vt bibas aquam fluminis?  
 Adeamus igitur fontē cœlestis aquæ, ut aliquan- Ioan. 4.  
 do fiat in nobis fons aquæ viuæ salietis in vitam  
 æternam: & flumina de ventre nostro, ad alios Ioan. 7.  
 irrigandos, fluant: ne quando de nobis dici pos-  
 sit: Labor stultorum affliget eos, qui nesciunt in Eccle. 10.  
 urbem pergere. Relinquendæ, sunt aliquan-  
 do tenebræ Aegypti, & terra illa, quam turbu- Exo. 10.  
 lentæ humanarum scientiarum riuuli irrigant,  
 & in illam terram cum filiis Israel, in luce eun- Deut. 11.  
 dum est, quæ pluuiam diuinitus expectat: in  
 eam inquam regionem, quæ lacte & melle fluit.  
 Non genibus flexis, & pleno ore, sed canum mo- Iudic. 7.  
 re huius deserti aquæ cito lambendæ sunt. Re-  
 cedat aliquando nox, adueniat dies: versentur Rom. 13.  
 in luce, qui filij sunt lucis, quos esse in tenebris,  
 nequaquam decet: reijcienda est aliquando ancilla Cant. 5.  
 & concubina, & amplexanda est sponsa, cuius  
 facies est decora, oculi, sicut columbæ, genæ  
 pulchræ, vox suavis, collum vt monile, vbera  
 dulciora vino, manus plenæ hyacinthis, odor Sap. 8.  
 super omnia aromata, consuetudoq; sine amari-  
 tudine & tædio: hanc amicam, columbam, im-  
 maculatam, & perfectam nostram vocemus.  
 Quæ est pulchra vt luna, electa vt sol, terribilis Cant. 8.  
 vt castrorum acies ordinata. Quis ergo mihi  
 det, vt te sponsam meam solam foris inueniam,  
 deosculer te, apprehendam te, & inducam in  
 domum meam, seu potius in domum tuam,  
 quam mihi ædificasti? Semper ne hordeaceum Ioan. 9.  
 panem manducabimus? semper glandibus &  
 filiquis

filiquis vescemur? Semper allijs & cēpis dele-  
 ctabimur? semper tanquam lunatici in turbu-  
 lentis aquis nosipfos inuoluemus? Quæramus  
 ergo panem, quo ij abundant, qui in domo sa-  
 pientiæ versantur: adipe frumenti nosipfos sa-  
 tiemus: ad manna de cœlo datum properemus,  
 & ad fontem aquæ viuæ anhelemus. Reperiun-  
 tur quidam, qui, & si ipsam sapientiam sibi iam  
 desponsarint, aut ad eius commercium iam ac-  
 cesserint, libenter tamen, & frequenter ad ancil-  
 lam reuertuntur, & a muliere clamosa & fuca-  
 ta se capi sinunt, & quæ sunt reginæ, cum concu-  
 bina communicant: & ita magis philosophiæ,  
 quàm Theologiæ amatores esse videntur: quo-  
 rum theologandi rationem breuiter hoc loco re-  
 fellendam duxi. In primis, caueant isti, ne dum  
 renunt aquas Silœ, hoc est aquas cum silentio  
 fluentes, vt sunt diuinæ scripturæ aquæ, e cœlo  
 missæ, vel doctrina ipsius Messiæ, siue Christi, &  
 assumunt magis Rasin filium Romeliæ, magi-  
 stros videlicet humanos, qui suis varijs opinio-  
 nibus nos fatigant, & inutilibus laboribus con-  
 ficiunt, Deus adducat super eos aquas fluminis  
 fortes, idest varias molestias, ac pœnas, & eos in  
 reprobum sensum tradat. Christus cœcum illū  
 cuius oculos luto liniuerat, ad notatoriam Silœ,  
 quod interpretatur, Missus, hoc est, ad seipsum,  
 qui e cœlo ad nostram cœcitatē curandam mis-  
 sus fuit, ire iussit: qui abiit, lauit, & venit uidēs.  
 Hunc, nos cœcitate affecti, cœcum sequamur, &  
 ad eum accedamus, qui nostram cœcitatē re-  
 mouere

Isa. 8.

Dion.  
Carth.

mouere, lucemque nobis præbere potest, qui ad Ioan. 9.  
 aquas Silôe nos mittet : quibus, nisi nos laueri-  
 mus, nunquam ab innata cæcitate liberabimur.  
 Populus Hebræus semel exiuit de Aegypto, vn- Exod. 12.  
 de iussu diuino argentea exportauit vasa, & nun-  
 quam eo reuersus est : & quod secum portaue- Exod. 25.  
 rat argentum, id totum conflauit, & Deo obtu-  
 lit : & ij, quibus panis de cælo datus, nauseam  
 mouit, iustas luerunt pœnas. Inueniant ergo,  
 tâquam spiritales homines omnem saporem in  
 spiritali manna, non vnum tantum, vt carnales  
 faciunt. Pudeat eos acidas cêpas e terra natas  
 expetere, & dulci manna, cælo delapso, nolle  
 perpetuo nutriri : & siliquas desiderare, dum- Luc. 15.  
 panibus domi abundant. Pueri sumus, & infan-  
 tes, non longe abeamus, nec diutius absimus a  
 domo paterna. Aquæ viuæ non descendant ad  
 mare mortuum, sed eo redeant, vnde defluxe-  
 runt : non vinum in aquam; sed aqua in vinum  
 conuertatur : azimo vtamur pane, non ferment-  
 tato. Hæc sit nostra domus, hic noster panis : &  
 si cui videretur durus, ac proinde sibi, ob suam  
 culpam, abeundi daretur potestas, Christo huius  
 panis dispensatori dicat : Domine, ad quem ibi- Ioan. 6.  
 mus? verba vitæ æternæ habes. Sed iam qui-  
 busdam sapientissimorum virorum dictis isto-  
 rum aures pulsemus. Sacerdotes Dei, ait Hie- Dist. 37.  
 ronymus, omiſſis euangelijs & prophetis, vide-  
 mus comœdias legere, amatoria bucolicorum  
 versuum verba cantare, tenere Virgilium in ma-  
 nibus, & id, quod in pueris adest causa necessita-

tis, crimen in se facere voluptatis. Idem, Nonne vobis videtur in vanitate sensus & obscuritate mentis ingredi, qui diebus ac noctibus in dialectica arte torquetur, qui physicus perscrutator oculos trans cēlos leuat, & ultra profundum terrarum & abyssi quoddam inane demergitur, qui iambum feruet, qui tantam metrorum syluam in suo studiosius corde distinguit, & congerit. Item, siquando cogimur literatum secularium recordari, & aliqua ex his discere, quæ olim omisimus, non nostræ voluntatis, sed, ut ita dicam, grauissimæ necessitatis. Origenes, per cyniphe & ranas, quibus Aegyptij sunt percussi, vanam dialecticorum garrulitatem, & sophistica argumenta intelligit. Hac facit Aristonis philosophi præclara sententia, qua affirmabat eos, qui Dialecticæ studijs nimium incumbunt, esse edentibus canculos similes, qui propter exiguum alimentum circa crustas plurimum occupantur. Humana philosophia est diuinæ sapientiæ ancilla, ac propterea cum ea non est diutius commorandum, si ad dominæ amplexus peruenire cupimus. Philosophandum itaq; est paucis, ut Neoptolemus apud Ennium ait. Quo loco facere non possum, quodam christiano studio commotus, quin ingenuos & optimos spei adolescentes ad honestas artes capescendas idoneos, & ad bonos mores, pietatemq; colendam natos, moneam, & eos præsertim, qui priuate Dei beneficio, in eius sortem vocati, clerici nominantur, ne nimium temporis & operæ in humanis

Exod. 9.

Cic. lib.  
2. de orat.Hieron.  
epist. ad  
Nepot.

manis literis perdiscendis, in superfluo orationis cultu acquirendo, & in poetis euoluendis, ponant: cum eis latissimus philosophiæ campus aliquando percurrendus, ac in amplissimo & immenso sacre doctrinæ regno, quasi in propria possessione & hereditate, commorandum sit; quo qui, non properant, qui non perueniunt, quam susceperunt personam, eam non satis honeste sustinere queunt. Ecquid, quæso, tanto est opus orationis cultu, tantoque furo, tot tantisque flosculis ac pigmentis? quæ nec ipse eloquentiæ romanæ perfectior M. Tullius ab eis, qui in grauioribus & magis necessarijs studijs versari debent, requireret: quibus satis esset, tantum in lingua latina profecisse, ut quos legunt auctores intelligere, & ita emendate scribere, ut, ni cum magna laude, saltem citra grauem culpam animi sui sensa latino sermone exprimere, ac etiã, si quando casus incideret, oratione numeris cõstricta, aliquid honeste canere possent. Quam facultatem vno, vel altero anno, diligens ac studiosus adolescens, sibi compararet. Adde etiam, quod possumus quotidie legendo, obseruando, & scribendo nostrum sermonem cultiorem, candidioremque reddere. Periculose quisque, aiebat quidam Pater, est delicatus, cum ad Monachos epistolam de elegantiâ sermonis a Monasterio tollenda, scribebat. Et ut nos supra scriptissimus, nemo vnquam veram perfectamque assequetur eloquentiam, nisi rerum cognitionem, unde omnis emanat verborum, & sententiarum

Hidelb.

epist. 63.

Cap. 9.

Horat.

Cic.

copia, fuerit adeptus. Vbi ergo aliqua dicēdi præcepta, & aliquos constituendæ ac conformandæ orationis canones didicerint, ad aliā eloquentiæ partem comparandam, hoc est, ad ipsam sapientiam, se conferant, ni rabulæ, & clamatores, & sophistæ, quod nomen semper odiosum fuit, videri volunt. Debent autem honesti ac pudici adolescentes quorundam præsertim poetarum, lectionem omnino fugere, ne dum linguæ puritatem, sermonis candorem, ac orationis integritatem sibi comparare volunt, animum inficiant, maculent, ac corrumpant. Nam, si, vt quidam

1. Cor. 15. Poeta dixit, quod Paulus comprobauit, corrumpunt bonos mores colloquia praua, cur non etiam corruptorum scriptorum repetita lectio, & euolutio? Feruet in adolescentibus natura, ideo non sunt addendi ignes: facile labuntur adolescentes, ideo non sunt quærenda loca lubrica: natura nostra prona est in malum ab adolescentia sua, ideo non est inflectenda: humani cordis terra ex se spinas & tribulos gignit, & ideo non sunt vitiata superferenda semina. Et quæso, quid vobis qui futuri estis Dei ministri,

Gen. 8. qui doctrinam, quæ omnem turpitudinem dānat, & otiosi etiam verbi rationem reposcit, profiteri debetis, diutius in fictionibus, cantilenis, & nugis, a lutulentis, cœnosis, impurisque poetis scriptis, versatos fuisse prodesse poterit? Quid

Mat. 12. vtilitatis, inde haurietis, si fictorum Deorum genealogias, numerum, nomina, formas, habitus, tempora, ætates, coniugia, & cognationes cognoueritis?



ueritis? Quid emolumenti inde capietis, si omnes Iouis, vel Bacchi appellationes, omnes Herculis labores, omnes omnibus locis, ut fontibus, fluminibus, arboribus, & cloacis præpositos Deos, & singulorum locorum singulos, veluti Carduam, Ianum, Ferculum, Limentinum, quos stulta gentium superstitio foribus affixit; omnia inquam Musarum munera, omnia Nympharum discrimina, & omnes istorum Dæmonum, ne dicam deorum ferinas, & belluinas in varias feras & belluas metamorphoses, memoria tenueritis? Dæmones vocaui, quia, ut uere diuinus uates cecinit, & definiuit, Dij gentium, dæmonia. Quid igitur animos ad imaginem Dei innouatos, ad res tam abiectas, tamque contemptas cognoscendas, ij abijciunt, qui ad res uere diuinas contemplandas erigere deberent? Neque enim ullam diuinitatis umbram in ijs dijs agnosceres, qui non sunt cælestes, sed scelesti: non immortales, sed mortales: non æterni, sed temporanei: non æqui, sed iniqui: non optimi, sed pessimi: non omnipotentes, sed impotentissimi: non denique hominum fabricatores, sed ab hominibus, facti, ficti, fusi, conflati, dolati, & fabricati. Quid quæso uoluptatis & iucunditatis christianus capiet animus, dū istorum Deorum, quos isti Poetæ canunt, & celebrât, fraudes, furta, mendacia, odia, rixas, crudelitates, libidines, stupra, adulteria, & omnis generis scelera teterrima leget? Immo quid fastidij, & indignationis non percipiet? Ad istam sordidam lectio-

Tert. lib.  
de idololat.

Psal. 95.

nem non nauseabit animus? non mouebitur stomachus? ad tantam hominum impietatem, pius non perhorrescet lector? ac etiam lacrymas non fundet? cum viderit illud impollutum, ac sacrosanctum Diuinitatis nomen ad istas spurcicias significandas impie fuisse deflexum. O inanitatem, ne dicam stultitiam admirandam! eorum adolescentum, qui his pascuntur cibis, & ista tam cœnosa & lutulenta sese inficiunt doctrina. Neque hic mihi argutulus adolescens dicat, Poetarum de Dijs gentium fabulas, vtilitatem aliquam afferre posse, si mysticam earum intelligentiam perceperis, si arcana penetraueris, si mythologias intellexeris; quia istum, cum doctis & sanctis viris, tanquam ridiculum, exploderem, vel Atheniensium & Romanorum legibus relegarem, aut ei cicutam propinarem. Antiqui patres istas fabulas, & deos istos dânarunt, vituperarunt, contempserunt: immo philosophi etiam irriserunt, vt fecit ille, qui cum lignis indigeret, ad Herculem ligneum cum securi accessit, eumque hunc in modum allocutus est: Age Hercules, decimum tertium laborem, subiturus adesto, obsonium nobis cocturus: quæ in scandulas dissecuit. Dij quondam nationum, ait Hieronymus, cum bubonibus, & noctuis in solis culminibus remanserunt. Quæ ergo uiri sapientes, & sancti flocci putarunt facienda, nos studiose, & hilariter legemus? memoriæ mandabimus? accuratius explicabimus? & carminibus canemus? & cum quibusdam ineptissi-

Epiphan.  
in Anco-  
rato.

Epist. ad  
Florent.

mis hominibus solum profana carmine idonee tractari posse existimabimus? O mentes hominum stultas! O cœca pectora! Tantum ergo incautus adolescens sibi sumet, tantumque sibi arrogabit, ut speret se posse picem tangere, & ab ea non inquinari? nec timebit, ne quem testa noua odorem contraxerit, eum retineat diu? nec verebitur, dum suam hoc lectionis genere mentem inficit, ne ad veram sapientiam perdiscendam, quæ animum candidum, atque incorruptum requirit, se minus idoneum reddat? Meminerint ij, qui futuri sunt Dei ministri eius, quod olim antiquæ legis sacerdotibus, in quibus non requirebatur tanta castimonia, & puritas, dictum fuit: Mundamini, qui fertis vasa Domini: vos autem non solum vasa ferre debetis, sed etiam vasa mundissima, & purgatissima, in quibus Deus habitaturus est, futuri estis: quorum nō solum manus, sed etiam totum corpus, & tota mens ab omni impura cogitatione debet esse immunis. Neque ego hac munditia eos ornatos esse facile crederem, qui immundos contrectant scriptores, & commaculatas euoluunt paginas. Sed non est hic locus hac de re scribendi latius: cum præsertim capite sequenti, de inutili, & parum honesta librorum tractatione, planius scripturi simus. Solent interdum eo se prætextu adolescentes tueri, quod ideo Poetas minus pueros legant, ut pedum & carminum varietatem perdiscant. Sed, quid, obsecro, ei, qui vir facer est futurus, necesse est, ut omnium pedum

Eccî. 15.

Horat.

Sap. 1.

Isa. 52.

diuerſitatem, & omnium carminum genera, & omnium lyricorum, & iambicorū formas percalleet? Nunquid melius incedet, & ſecurius ambulabit in via Domini, is qui anapeſtos, tribrachos, epitritos, diiambos, ditrocheos, proceleuſmaticos, bacchios, antibachios, & deniq; ne omnes viginti octo pedum varietates recenſeā, moloſſos, in promptu habuerit? Nunquid religioſius Deo canet, ſi hexametro, pentametro, aſclepiadeo, phaleucio, ſaphico, adonico, glyconico, iambico, lyricoq; ſiue monocola, ſiue dicola, ſiue tetraſtopha forma cecinerit? Nunquid melius ſuæ vitæ metietur rationes, ſi monometra, dimetra, trimetra, & tetrametra nouerit, diſcernere? Hæc leuia ſunt, minus neceſſaria ſunt, ac propterea, vel intacta relinquenda, vel leuiter attingenda ab ijs, quibus ſacrę literæ, ſacra concilia, ſacri canones, ſancti patres, ſacri theologi, eccleſiaſtica hiftoriæ, ac caſuum conſcientiæ ſummæ legendæ reſtant: vt tandem aliquando ad eam eruditionem, quę eſt bono clerico neceſſaria, perueniant. Adde etiam, quod iſtam verſuum diuerſitatem ab honeſtis & chriſtianis poetis repetere poſſunt, ita ut nihil eis ſit neceſſe legere fortidos, & cœnoſos Catullos, Tibullos, Propertios, & Martiales. Et vt illud etiam obiter monendi cauſa dixerim, pauci ſunt hodie, vel nulli, qui Poetarum cantilenis delectentur, aut ſi ſunt, non ſunt Mæcenates, qui honoribus illuſtrēt, aut Seueri, qui ſingula cermina inaurēt. Ego multos noui, quos in re poetica nimium

ſtudiij

studij posuisse tēdebat : cum re vera, nec ad pietatem iuuet, nec honores tribuat, nec pecunias pariat. Ad sacra igitur studia properent, ad sacros, & non ad cabalinos fontes anhelent, qui sacram sumpserunt togam, qui sacram profitentur vitam, qui aliorum uolunt esse lux, & duces. Qui accedunt ad Dominum, sanctificentur, **Exo. 19. 30.** ne percutiat eos : manus & pedes suas in labro æneo sacrę scripturę lauent, cum accessuri sint ad tabernaculum & altare, ne forte moriantur : **Leu. 21.** non contaminēt se ista mortua mortuorum hominum lectione. Recedite, recedite, exite inde, **Ias. 52.** pollutum nolite tangere : exite de medio eius, mundamini qui fertis vasa Domini. Ex quibus **2. Cor. 6.** intelligi licet, an recte faciant, qui clericorum instituentium curam susceperunt, dum illud solum curant, ut profanas discant literas ; quas eis per totam vitam pro quotidiano pane, esse uolunt. Quam instituendi rationem diuus Hieronymus, ni fallor, non approbaret ; qui clericum instituens dicebat : Diuinas scripturas sapius lege, immo de manibus tuis nunquam sacra depolatur lectio : & nos, qui non modo clericorum, sed etiam Christianorum omnium sit quotidianus panis, supra docuimus, iugis nimirum per totam vitam legis diuinę meditatio. Qui clerici sunt, aliquando presbyteri fieri debent ; qui non ab ætate, sed a sapientia & doctrina hoc nomen sortiti sunt, ut quidam maximus Pontifex nobis scriptum reliquit. Finis ergo, qui est omnium humanarum actionum regula, ad quem eccle-

Ad Nepot.

Cap.

Anacl. epist. 2.

ecclesiasticæ scholæ sunt institutæ, spectandus  
 est: qui, ni fallor, est, vt Ecclesia bonos, ac ido-  
 neos habeat ministros: & illis disciplinis, &  
 quantum satis est, clerici imbuantur, quibus fa-  
 cile & expedite, quo eis perueniendum est, per-  
 ueniant. Id, si fieret redditus ecclesiastici fru-  
 stra non impenderentur, adolescentes tempus,  
 & ætatem inutiliter non tererent: magistrorum  
 labores non essent vani: ministrorum curæ non  
 essent frustratoriæ: & denique Ecclesia suo non  
 priuaretur fructu, & nihil in re maximi momen-  
 ti peccaretur. Sed iam modum adhibeat huic  
 digressioni oratio, in qua longius, quam voluif-  
 sem, iuuandi studium me protraxit. Et vt ij, qui  
 humanis artibus plus iusto delectantur, & præ-  
 fertim eloquentia, cuius flore & picta facie de-  
 lineiti, sæpe a diuinorum librorum lectione retra-  
 huntur, resipiscant, diui Hieronymi exemplum  
 eis proponam, quod ipsemet aliquando literis  
 cõmendauit. Scribit ergo post lacrymas Plau-  
 tum sumere se solitum fuisse: & si quando in se  
 reuersus prophetas legebat, sermo horrebat in-  
 cultus. Et diuinitus monitus, quod magis Ci-  
 ceronianus, quam Christianus esset, ac cædi ius-  
 sus, obtestans, dicere cæpit: Domine, si vnquam  
 habuero codices seculares, si legero, te negaui.  
 Et affirmât, hanc visionem non fuisse soporem,  
 aut vana insomnia. Hic lectorem moneo, ut  
 hunc locum consulat. Si quis ergo ex Mesopo-  
 tamia idola tulerit, abscondat illa sub stramenta  
 cameli, & sedeat desuper: scrutantiq; omne ten-  
 torium.

Epist. ad  
 Eust. de  
 virg.

Gen. 31.

torium non assurgat, eiq; dicat, Ne irascaris : quia iuxta consuetudinem feminarum nunc accidit mihi: vt sic quærētis deludatur sollicitudo.

Quo fit, vt non omni ex parte placeant ij, qui, cum diuina tractant, nimium rebus ea profanis referciunt, aut etiam, vbi non possunt, nec debent, humanis auctoritatibus comprobare nituntur. Quibus profecto timendum est illud,

Isa. 32.

Væ, væ qui descendunt in Aegyptum ad auxilium, in equis sperantes & habentes fiduciam in quadrigis, quia multæ sunt. Aegyptus homo & nō Deus: equi eorū caro, & nō spiritus. Cuidam prophetæ, quem ad cōcionandū Deus mittebat, dixit: Et audies de ore meo verbum, & annuntiabis eis ex me. Is igitur, qui mulierem captiuam in vxorem ducere voluerit, nī contra mandatum diuinum agere vult, eius cæsariem abra-dat, & vngues refecet: atque cum illo omnium credentium patre Abrahamo Sarra, Agar æmulanti, quod in maiore ipsa existimatione esset, dicat, Ecce ancilla in manibus tuis, vtere ea, vt libet. Quasi diceret, vt perbelle Alexandrinus Clemens exposuit, sæcularem quidem amplector doctrinam, sed vt iuniorem, & seruam: Quod si fieret, & sacra Theologia, & qui eam tractant, suam retinerent dignitatem: nec, vt vsu saepe venit, apud multos male audirent: & eam, quam secum voluptatē, & suauitatem, hæc cœlestis disciplina affert, proculdubio sentirent. Verum, meminerint isti, filios Israel non gustasse manna, nec Angelorum panem.

Ezech. 4.  
Legē  
Greg. in  
hunc lo-  
cum.

Hieron.  
epist. ad  
Mag. ora.  
Deut. 21.

Gen. 16.  
Lib. 3.  
Stro.

Exod. 16.

mandu.



manducasse, quasque ægyptium panem consumperunt.

*Quæ detrimenta ex librorum inutilium lectione  
capiantur. Cap. XXIII.*



**N** U N C, quoniam omnia fere quæ in hoc nostro opusculo a nobis dicuntur, eo potissimum referuntur, ut Christi fideles a librorum inutilium, lectione reuocemus, ne id, quod in hoc brevis vitæ curriculo habetur otij, inutiliter cõteratur; satis nobis erit, si in hoc proposito capite, pauca quædam detrimenta, quæ ex isto inani studio capiuntur, breuiter attigerimus. Principio igitur, si nobis de vno verbo otioso, veritas ipsa dicit, ratio reddenda est, quid putandum erit de longa & vana librorum inutilium lectione, ex qua, quod, vel ad nostram, vel proximi vtilitatem, vel Dei gloriam referri possit, nihil discitur? Reddenda igitur nobis aliquando erit istius vanæ operæ exacta ratio. Videant, ut id monendi gratia dixerim, qui tantum lectione odarum Francisci Petrarchæ delectantur, quibus profecto doctas & aureas eiusdem docti viri de ytraque fortuna sententiâs legere magis expediret, quid in prima ode, versiculo postremo sapienter scriptum reliquerit: Quidquid homini placet, est breue somnium; & hoc sapientissimo versiculo bene percepto, nolint longius in ea lectione progredi, aut sapius versari, in qua in-

nes

Mat. 12.

nes sonis, quos ipse iuuenili furore correptus, fudit, exaudiuntur. Sed nolo hic quicquam seuerius dicere. Sapientius Phœnix illa Mirandulana se gessit; quæ, vbi ab humanis & minus vtilibus studijs, in iuuenili adhuc ætate recessit, & ad diuina se toto animi conatu contulit, quæ de rebus vanis latino & hetrusco sermone canendo luserat, religionis ergo, ignibus tradidit. Quid deinde, si huiusmodi sit lectio, cuiusmodi fere semper istorum librorum esse solet, ut ad aliquam impuram cogitationem, vel appetitionem excitet? ut est poetarum, impudicarum nouellarum, & spurcorum scriptorum euolutio: qua bene multi animi relaxandi gratia delectantur: qui dum animi aberrationem quærunt, potius errorem & corruptelam inueniunt. Natura nostra satis per se incensa est, non sunt quærenda fomenta, non est excitandus ignis: non egemus lectione, quæ sensus titillet, ad cuius pruritus, illabatur voluptas. Ideo, ait Isidorus, prohibetur Christianis legere figmenta poetarum; quia per oblectamenta fabularum nimium mentem excitant ad incentiua libidinum. Non enim thura solum offerendo, dæmonibus immolatur, sed etiam eorum dicta libentius capiendo. Dæmonum cibus, ut alius scripsit pater, est, carmina poetarum, secularis sapientiæ vanitas, rhetoricorum pompa verborum: hæc suæ omnes vanitate delectant; & dum aures uerbis dulci modulatione currentibus capiunt, animam quoque penetrant, & peccatoris interna deuincunt.

Fran. Pic.  
in eius vi-  
ta.

Dist. 37.

cunt. Sed est hic in promptu excusatio quædã : post grauiora studia animus est relaxandus, aliquis liber facilior, & lectu delectabilior legendus. Fateor, studiosis necessariam esse aliquam animi relaxationem : sed tamen eiusmodi esse debet, quæ animum non frangat, non offendat : quæ & si aliunde peti possit ; placet tamen, ut magis ab ijsdem studijs petatur, ut inde sumantur remedia, unde facta sunt uulnera : non secus ac ij faciunt ; qui a scorpione læsi, ab eiusdem scorpionis oleo medicamentum petunt. Verum, libri sumantur honesti & utiles, qui etiam necessario erunt delectabiles : sumantur honestæ & vtilis *Æsopi*, & eius similium fabellæ, honestæ & utiles legantur historiæ, dicta & apophtegmata sapientissimorum hominum, eorundem legantur exempla : & denique, eiusmodi sit lectio, quæ mentem reficiat, & non inficiat. Affert postea secum istorum librorum euolutio illud sapenumero detrimentum, quod si qui in nobis incensus est bene agendi igniculus, ista frigida lectione facile extinguitur, aut certe comprimitur. Quantos, inquit Bernardus, mundi sapientia maledicta supplantat, & conceptum in eis extinguit spiritum, quem uoluerat uehementer Dominus incendi? Item, Sapientia mundi terrena, animalis, diabolica est, inimica salutis, suffocatrix uitæ, mater tepiditatis eius, quæ solet Deo uomitum prouocare. Id, si de mundi sapientia uir sanctissimus, & ob sanctitatem diuinitus edoctus, affirmauit, quid de mundi stultitia

titia & insipientia, immo de mundi spurcitia dixisset? Ad hæc, illud etiam detrimenti ex istorum librorum lectione capitur, quod mens necessario in vanas cogitationes dissipatur: quæ cum ad meliora studia redimus, sese nobis offerunt, ante oculos, non sine magna nostra molestia, obuersantur, & tanquam muscæ morientes vnguenti suauitatem perdunt. Nihil sanius, ait Seraphicus dōctor, quam vt constringantur cogitationes, ne vagentur in malum: & ideo oportet mentem assuescere circa rem aliquam, cuius cogitatio non sit mala; & hæc, vt idem ait, est diuina scriptura: in qua, tanquam in quodam delitioso paradiso, custodiendo, & operando humana cogitatio versari debet. Tandem, ut alia multa detrimenta silentio inuoluam, id damni inanum librorum tractatio necessario affert, quod dum in illis occupamur, eo nos priuamus fructu, quem bonos auctores legendo, perciperemus: & ita temporis iacturam facimus, quam vlla vnquam diligentia cōpensabit nemo. Multi sunt qui conquerantur, quod parum nobis in hac vita detur ad studia colenda temporis, cum aliam eius partem somnus, aliam cibus, aliam vacatio, aliam denique incurrentes casus sibi vendicent: sed fortasse nobis sufficeret, vt quidam doctus & disertus vir scriptum reliquit, si quod datur otij vtiliter transigeretur, nec infructuose, vt fit, contereretur. Quando igitur, vt hæc de nimio humanarum artium studio rescando, ac inutilibus libris abijciendis suscepta

Eccle. 10.

Campanus.

conclu-

- concludatur disputatio, eam sapientiam, quam Deus se perditurum dixit, quam stultam fecit, reijciemus, & ad eam scripturam cognoscendam nos trademus, in qua putamus esse vitam, ad quam scrutandam nos Dominus hortatus est; vt aliquando omni ex parte impleatur vaticiniũ
- Ioan. 5.** illud: Quoniam repleta est terra scientia domini, sicut aquæ maris operientes. Quando Aegypti tenebras discutiemus? quando eiusdem regionis turbulentas aquas relinquemus? quando allia, & cæpas despiciemus? quando ancillas ablegabimus, & dominam amplectemur? quando in terram promissam ingrediemur? Optarem itaque, o Domine, aliquando videre cælos tuos, cœlestes videlicet, & sacros viros, opera digitorum tuorum, a te nimirum formatos, edoctos, & tua sapientia excultos, qui gloriam tuã enarrarent, qui veram scientiam eructarent, ita ut eorum sermones ad omnes permanerent nationes: & splendor, & calor omnes in partes sese diffunderet. Optarem, vt parum honestæ comedix, quarum maximus est numerus, qui quotidie magis magisque augetur, & impuri poetæ a schola Christiana reijcerentur, ne nostra resp. hac in parte, minus videretur perfectæ, quam platonica, quæ hoc genus scriptorum, non sine ratione eiecit. Optarem, o Domine, vt saluberrimum illud decretum, quod non sine tuo diuino numine sacra Tridentina Synodus, tuo spiritu legitime congregata, de tuæ scripturæ in omni prouincia, ciuitate, oppido, ecclesia, gymnasio,

gymnasio, capitulo, monasterio, ac cœnobio, expositione & interpretatione habenda, sancitū, ab omnibus Primatibus, Archiepiscopis, Episcopis, Abbatibus alijsque superioribus omnibus diligenter accurateque observaretur, ut hæc honorifica, & cæterarum omnium maxime necessaria ubique locorum haberetur lectio; & ut ij ad quos pertinet, eos qui in hoc decreto exequēdo negligentes sunt, opportunis remedijs, ut sacra Synodus præcipit, compellerent; ita ut clericorum, & monachorum manibus nunquam, sacer poneretur codex. Et cur illa tempora (te alloquor, qui Christi patrimonio vestiris, nutris, & omnibus ad vitam, & ad studia necessarijs commodis sustentaris) quibus ab ecclesia vacas, sacræ lectioni non impendas? Cur Christum nō reuifas? Christum alloquaris? Christum audias? quem alloqueris, cū oras, & audis cum eius scripturam legis. Optarem denique, ut in ecclesijs benediceretur Domino de fontibus Israël; & ut qui in studijs versantur, essent in librorū lectione & electione prudentes. Qui autē liber nobis eligendus, legendus, & usu terendus sit, ut diuinis verbis hoc concludamus caput, hæc sacræ scripturæ, memoriæ mandanda, ac sæpe repetenda luculenta docet auctoritas. Hic liber Dei, & lex, quæ est in æternum: omnes qui tenent eam, peruenient ad vitam; qui autem dereliquerunt eam, in mortem. Conuertere Iacob, & apprehende eam: ambula per viam ad splendorem eius contra lumen eius. Ne tradas alteri gloriam.

Ambr. de  
offic.

Psal. 67.

Baruch. 4

riam tuam, & dignitatem tuam genti alienæ. Beati sumus Israel; quia quæ Deo placent manifesta sunt nobis. Si igitur in tenebris versamur, si mortem tantopre refugimus, si vitæ perpetuam exoptamus, si beate viuendi cupiditate omnes incensi sumus, conuertamur, & hunc vni cum librum, omnibus inutilibus & minus vtilibus reiectis, apprehendamus, eligamus & perlegamus, vt in libro æternæ vitæ scribi, & sempiterno æuo perfrui mereamur.

*Afferuntur nonnullæ sanctorum patrum sententiæ, quibus diuinarum rerum studium maxime commendatur. Cap. XXIIII.*



**M**ULTIS, varisque locis, sacræ doctrinæ vtilitatem, necessitatem, dignitatemque demonstrando, Christi fideles ad rerum diuinarum cognitionem inflammare hætenus conati sumus. Et quanuis omnia fere, quæ diximus, ex sanctorum scriptis, & ex diuinis oraculis, ex quibus totam nostram orationem cõtexere nitimur sumpta fuerint: tamen, duobus sequentibus capitulis, ijsdem prorsus vocibus lectorum aures personabimus, quibus ad hoc idem suadendum, diuinus spiritus, & viri docti ac sancti vfi fuerunt: vt tandem aliquando tot tantarumque sententiarum momentis, quod peroptamus, quod contendimus, id obtineamus, vt scilicet christiana philosophia magis, quam hætenus fecit, in scho



la Christi floreat. Hæ autem quas afferam sententia, partim dignitatem, partim naturam ac vim, partim vtilitatem & necessitatem, partim hæc omnia simul demonstrabunt. Nec tamen omnia omnium patrum dicta, scripturarumque loca omnia in medium afferam; sed non nulla, quæ illustriora visa fuerint, ea ob legentium oculos proponam. Quidquid, de scriptura loquens, ait Augustinus, homo extra didicerit, si noxium est, hic damnatur; si utile est, hic inuenitur: & cum ibi quisque inuenerit omnia, quæ vtiliter alibi didicit, multo abundantius ibi inueniet ea, quæ nusquam alibi inuenire potuit. Nota scripturarum vtilitatem, & amplitudinem. Sicut stellas cœli, scripsit Hieronymus, non exstinguit nox, sic mentes fidelium in hærentes firmamento sacræ scripturæ, non obscurat mundana nequitia. Euangelij præcepta, inquit Cyprianus, fratres dilectissimi, nihil aliud sunt, quam magisteria diuina, fundamenta ædificandæ spei, firmamenta corroborandæ fidei, nutrimenta fouendi cordis, gubernacula dirigendi itineris, præsidia obtinendæ salutis: quæ dum dociles credentium mentes in terris instruunt, ad cœlestia regna perducunt. Omnem scientiam, atque doctrinam, auctor est Gregorius, sacra scriptura transcendit: vt taceam quod vera prædicat, quod ad cœlestem patriam inuitat, quod a terrenis desiderijs cor legentis reuocat, quod dictis obscurioribus fortes exercet, & paruulis humili sermone blanditur. Nec igitur clausa est, vt pa-

Aug.

De orat.  
dominic.

Greg. in  
mor.

In Mat.  
c. 22.

Lib. de fa-  
cre scrip-  
tinit.

Dionys.

Prou. 9.

uesci debeat: nec sic patet, vt vilescat: sed vsu fastidium tollit, & tanto plus diligitur, quanto plus meditatur. Vide dignitatem, vim, atq; naturam. In scripturis, auctore Chrysostomo, ignorans inuenit, quid discat: contumax, quid timeat, laborans præmia: pusillanimis, mediocris iustitiæ cibos, qui & si pinguem non faciunt, mori tamen non permittunt. Qui autem magni animi est, inuenit ibi spirituales escas, quæ perducant eum prope ad angelorum naturam: qui vero est vulneratus a diabolo, inuenit ibi cibos medicinales & salutem per penitentiam. Considera, vt est omnibus accommodata ac fructuosa. Intuemini, scribit Cassiodorus, sodales egregij, quam mirabilis, quam dulcis sit labor diuinarum scripturarum: desiderium ad cælestia semper erigens: satietas sine fine: esuries gloriosa bonorum. Quid enim in illis literis suauitatis pariter & vtilitatis non inuenietis, si intendatis in eis purissimo lumine veritatis? Modo siquidem caritatem Dei, & proximi monet: modo vt sæculi peritura contemnas, insinuat: modo vt illam patriam recorderis, in qua es perpetuo mansurus, infundit; patientiam prædicat, spem tribuit, humilitatem proficuum laudat, superbiã semper minosam accusat: modo elemosynas creberrime fieri persuadet: quot sunt ibi verba, tot præmia. Magnus ille Dionysius Areopagita epistola ad Titum, cum illum diuinæ scripturæ locum, in quo de mensa nobis a sapientia æterna apposita, tractaret, hæc inter alia,

de

de hoc cœlesti studio literis cōmendauit. Idcirco diuina ac spiritalia eloquia, & rori, & aquæ, & lacti, & vino, ac melli merito assimilantur, quod & viuificandi, atque fœcundādi, veluti in aqua, & ad incrementum perducendi, vt in lacte, & recreandi, vt in vino, & purgandi simul atq; cōseruandi, veluti in melle, habeant vim. Hæc enim sapientia diuina, accedentibus ipsis præstat affluentiam indeficientium dapum, inundantiā largiens, superemanans, atque supereffundens. Istud nempe vere epulari est, atque ideo viuificans simul, & paruulos nutriens & renouans, atque perficiens celebratur. Si hæc verba spiritalem legentis appetitum non excitauerint, vere eum stupiditate esse affectum, & omni sensu carere dicam. Quid enim aliud de eo diceres, qui vino, lacte, & melle proposito nihil gustare vellet? Dulcia igitur suauia, & alentia sunt rerum diuinarum studia. Summatim nunc referam luculentam Ruperti Abbatis sententiam, quam integram in suo loco, qui voluerit, leget. Hic igitur diligens diuinæ paginæ interpres, exponens mystice luctam Iacob, eam pulcherrime ad studium diuinæ scripturæ accommodauit: vbi inter alia, hæc scribit. Luctatur enim cum Deo, quandiu sacræ scripturæ studijs accinctus incūbit, sensumque uerbi Dei fugientem tenere contendit. Dulcis colluctatio, & omni pace iucundior. Grandis quidem spiritus commodo ille vicit; sed magno carnis suæ detrimento: quia is qui victus est, tetigit neruum fœmoris, &

Lib. 7. de  
Trin. c. 11

Gen. 19.

emarcuit. Claudicat, quia altero pede contemplationis ascendit, & a terrenis curis seiungitur. Idem, eos qui scripturas legunt, dixit esse ueluti exploratores terræ sanctæ. Terram ergo uiuentium exploratum admittuntur, quicumque scripturas sanctas in manibus habent. Quibus vere dici potest: Introduxit vos Dominus in terram fluente lacte & melle. Vbi etiam atq; etiā pios lectores meminisse velim, eos solummodo ex ijs, qui ex Ægypto egressi fuere ad illam promissam terram, æternæ vitæ symbolum, peruenisse, qui eius exploratores fuerunt; eos inquā, qui in cœlestem patriam animo ingredienti-  
 eis, qui adhuc in deserto versantur, de fructu terræ illius afferunt, ac botrum humeris suis gestant, alijsque conspiciendum & gustandum proponunt. Si sapiens esse cupis, aiebat Henricus de Hassia, require scholas illius, qui dixit, Beatus homo, quem tu erudiueris Domine: in cuius scholis tibi proponetur sacra scriptura: ubi discas ea, quorum scientia tecum perseverabit in cœlo. Ibi studebis qualiter ad ipsum peruenias, quem semel vidisse, est omnia didicisse. Huc facit etiam id, quod quidam alius, eadem de re, his verbis docuit. Si quis diuinas literas crebro, & cum fide lectiter, huic via salutis, indies magis, magisque aperitur. Sed ne pluras doctissimorum hominum huc sententias congeram cum multis sparsim rota hac tractatione attulerim, cum Aaymone Alberstatense episcopo, hoc caput concludam. Agimus, ait vir doctissimus,

Num. 13.

Greg. Tra-  
pcz.

In com-  
pen. hist.  
eccles.

ctissimus, gratias tantæ patrum diligentia, quorum circa sacras scripturas tam frequentissima occupatio, & tam iugis sollicitudo fuit, vt non solum scriberent libros, vel explanarent, sed etiã scripta quorumlibet virorum illustrium diuinitus inspirata multis laboribus, multis quoque expensis in opus librariorum sibi coaceruarent, ad profectum vniuersalis ecclesiæ. Audiant huius temporis ecclesiasticæ personæ, & rubore confundantur, qui a vestigijs patrum tam impudenter & imprudenter recesserunt; quod serui facti sunt ancillarum, ambitionis & pecuniæ, cum possent facilius scripturas indagare, cum illorū diligentia exemplaribus copiosius abundent. Pro pudor, nunc ad infima rerum & contemptibilia, ad ciuiles causas etiam conuertuntur. O quam vere nostrorum temporum, in quibus tanta est librorum copia, ignauiam damnat, & indignam conditionem vituperat! cum multi repellantur, quorum esset sacras paginas euoluere, qui potius profanas, ne dicam lusorias, dies noctesque volutant, & contrectant. Quis igitur tot grauissimorum ac sanctissimorum hominum sententijs monitus, ad rerum diuinarum notitiam acquirendam, omnibus humanis curis, & negocijs posthabitis, non conuolet? Relinque igitur aliquando, o homo ad contemplationem natus, cum tua vita sit contemplatio, Marthæ solitudines, personamque sume Mariæ: ad sacros Domini pedes sede; diuina uerba a uide auscultata, ab ore Magistri pende, stillantem ab eius la-

Luc. 10.

- bijs rorem, tamquã importuna apicula, collige, & in aluearium cordis tui reconde; atque illud in primis, Porro vnum est necessarium. Et quid nam est hoc vnum, nisi ad hunc aque viue fontem stare? apud quem, qui commoratur, tanquam letissima & felicissima arbor, semper virefcit, optimos fructus producit, nullum folium amittit, & omnia prospere, feliciterque agit. Porro igitur vnum diuinæ sapientiæ studium, & æternarum rerum contemplatio sunt necessaria. Vnum non diuiditur, non distrahitur, non dissipatur: vnum semper permanet semper durat, & quidquid repetitur semper est vnum: in hoc vno, amice lector, insiste, ad hoc vnum immobiliter adhæresce: a quo, si discesseris in diuersas rapieris partes, nullibi certo pede consistes, hac illac disflues, sollicitus semper eris, & turbaberis erga plurima. Cum ergo nulla alia in re requiẽ inuenire queas, in hereditate Domini, tu præfer tim, qui in hanc hereditatem uocatus es, con quiesce: tu qui sacram profiteris vitam, hanc sacram arripe ancoram, ne te huius fluctuosissimi maris agitent procellę. Si igitur hæc est pars optima, & vnica, hanc elige, & ita elige, vt nulla vnquam humana scientia, nulla mundana cura, nulla creata uis eam tibi e manibus extorquere queat. Quã ego, ni vererer Domino contradicere, non partem, sed totum appellarẽ. Est quidem pars in hac uita, in qua ex parte scimus; sed erit totũ in alia, ubi quod ex parte est, euacuabitur. Eligamus ergo, & capiamus nunc hanc partẽ, vt
- ipso
- Psal. 1.**
- Ecc̃. 2. 4.**
- 1. Cor. 13.**

ipſo toto, omni nimirū bono, quod Deus ijs, qui in hac vita ipſum cognoscūt, & colunt, ſe oſtenſurū eſſe pollicitus eſt, aliquādo potiri poſſimus. Exo. 33.

*Varijs ſacræ ſcripturæ ſententijs fideles ad rerum diuinarum ſtudia excitantur. Cap. XXV.*

**G**R A V E s ſane, & ad diuinarum rerum cognitionem lectores excitandos maxime idoneas, ex ſanctis patribus, proximo capite, attulimus ſententias. Sed quoniam multi reperiuntur, qui cum profundius dormiant, maioribus vocibus expergeſaciendi ſunt; ideo ex diuinis oraculis grauiores quaſdam ſententias nunc aſſeram, ut, ni humana, ſaltem diuina uoce, quæ etiam mortuos poteſt ab inferis excitare, commoti, tandem aliquando expergiſcantur, & in vineam, quam Deus nobis locauit ad laborandum veniāt, & ad menſam ſibi paratam, ad quā a diuina ſapientia inuitantur, accedant, vt ſcien- di famem cœleſtibus cibis expleant. Cum itaq; humanæ voces non ita in aures influant, animoſq; commoueant, atque diuinæ faciunt, æternam ſapientiam cauſam ſuam tractantem, atque precibus, monitionibus, pollicitationibus; & minis nobiſcum agentem, audiamus. Prou. 2. Fili mi, ſi ſuſceperis ſermones meos, & mandata mea abſconderis penes te, ut audiat ſapientiam auris tua: inclina cor tuum ad cognoscendam prudentiam. Si enim ſapientiam inuocaueris, & inclinaueris



Cap.3.

naueris cor tuum prudentiæ: si quæsieris eam, quasi pecuniam, & sicut thesauros effoderis illam, tunc intelliges timorem Domini, & scientiam Dei inuenies: & quæ sequuntur. Item, Beatus homo, qui inuenit sapientiam, & qui affluit prudentia. Melior est acquisitio eius auri, & argenti, primi, & purissimi fructus eius. Preciosior est cunctis opibus, & omnia quæ desiderantur, huic non ualent comparari. Longitudo dierum in dextera eius, & in sinistra illius diuitiæ, & gloria. Viæ eius, uia pulchræ, & omnes semitæ illius pacificæ. Lignum uitæ est ijs, qui apprehendunt eam: & qui tenuerint eam, beati. Fili mi, ne effluant hæc ab oculis tuis. Custodi legem meam, atque consilium meum: & erit uita animæ tuæ, & gratia faucibus tuis: tunc ambulabis fiducialiter in uia tua, & pes tuus non impinget. Si dormieris, non timebis, quiesces, & suauis erit somnus tuus. Quem, obsecro, tam suaues & amantes admonitiones, tam magnæ promissiones, tamq; salubria consilia, non excitent, non commoueant, ad ueram sapientiam permiscendam? Item, posside sapientiam, posside prudentiam: ne obliuiscaris, ne declines a uerbis oris mei. Ne demittas eam, & custodiet te: dilige eam & seruabit te: attripe illam, & exaltabit te: glorificaberis ab ea, cum eam fueris amplexatus: dabit capiti tuo augmenta gratiarum, & corona inclyta proteget te. Si circulator aliquis, in foro hæc pronuntiaret, si tot tantaque polliceretur commoda, qui ei fidem non haberet,

Cap.4.

haberet, qui eius fucatas merces, aut incerta medicamenta non emeret, esset nemo. Sapientiæ uero diuinæ hæc promittenti, non credemus? aut si crediderimus, eius dictis non parebimus? ita clementes, ita stupidi erimus, ut rem unam in qua salutem, quietem, uitam & bona omnia contineri affirmat, nobis non acquiramus? O stulti & tardi corde ad credendum! quia si crederemus, utique obediremus; sed ideo non obedimus, quia non credimus. Item, Fili mi attende ad sapientiam meam, & prudentiæ meæ inclina aurem tuam: ut custodias cogitationes, & disciplinam labia tua conseruent, Ne intenderis fallaciæ mulieris. Item, Dic sapientiæ, soror mea es: & prudentiam voca animam tuam: ut custodiat te a muliere extranea; & ab aliena, quæ verba dulcia facit. Et quænam est ista extranea, nisi mundana sapientia a diuina diuulsa? quæ illecebris allicit; ornatu meretricio capit; & blanditijs paruulos, iuuenes, & vecordes detinet? garrula, vaga, impatiens quietis, stulta, clamorosa, nihil omnino sciens; quæ per semitam vitæ non ambulat: quæ vocat transeuntes per viam, & pergentes in itinere suo. Qui est paruulus, declinet ad me: & quis est, qui non sit sensu, & sapientia paruulus? Omnes igitur cum paruuli simus, ad sapientiam, quæ est mater pulchræ dilectionis, & timoris, & agnitionis, & sanctæ spei properemus. O paruulos, & vere paruulos, atque infantes eos, qui inutilium librorum lectione, & humanis scientijs ita se capi sinunt,

Luc. ult.

Cap. 5.

Cap. 7.

Prou. 5.

Prou. 9.

Eccî. 24.

Prou.7.

finunt, vt de diuina sapientia omnium bonorum parente & fonte nihil cogent : & quæ in scholis humanis didicerunt ad ueram sapientiam acquirendam , mulieris fucatæ fallacijs decepti , non referunt . Nunc ergo fili mi, audi me, & attende verbis oris mei . Ne abstrahatur in vijs illius mens tua : neque decipiaris semitis eius : multos enim vulneratos, deiecit , & fortissimi quique interfecti sunt ab ea . Viæ inferni domus eius , penetrantes interiora mortis . Quæ omnia, & si de muliere meretrice, iuxta literam, intelliguntur : tamen, suo etiam modo, & sano modo, de humana sapientia , quæ ad diuinam non refertur, sed potius ei sese contrariam exhibet, explicari queunt . Nam, dum diuinus spiritus ueram sapientiam laudat, & eius commoda proponit, & ad eam amplexandam mirifica quadam ratione excitat , fucatam , & corruptam sapientiam, fugiendam esse admonet . Nunquid non sapientia clamat, & prudentia dat vocem suam ? In summis excelsisque verticibus, supra viam in medijs semitis stans, iuxta portas ciuitatis, in ipsis foribus dicens : O viri ad nos clamito, & vox mea ad filios hominum : Intelligite paruuli estutiam, & insipientes animaduertite . Accipite disciplinam meam, & non pecuniam : doctrinam meam magis , quam aurum eligit . Melior est enim sapientia cunctis opibus pretiosissimis : & omne desiderabile ei non potest cõparari . Mecum sunt diuitiæ & gloria, opes superbæ, & quæ sequuntur . O bonitatem ! o clementiam sapientiae

tiae

tiæ diuinæ ! quæ omni contentione, ex omni loco, omnes homines, non secus ac si eorum indigeret opera, ad se inuitat : & vt trahat, thesauros ingentes, opes maximas, honores supremos liberalissime eis pollicetur : & non est qui commoueat ? & non est qui audiat, nec qui a sapientia sapientissime incantate se excantari sinat ? Aut nos existimamus diuinam sapientiam posse nos decipere, sicuti extranea & aliena mulier potest, quod impium est cogitare, aut nos omnino insipientes sumus ; cum tot saluberrimæ admonitiones, tot efficacissimæ hortationes, tot sapientissimæ incantationes, talis denique ac tantus omnium bonorum cumulus, nos commoueat nihil. Nunquid philosophorum incerta doctrina, Dialecticorum perplexa præcepta, Pœtarum ineptiæ pene aniles, Comicorum impudicæ inuentiones, Romanzorum vana insomnia quicquam tale nobis proponunt ? & tamen istorum scripta, iugiter, suauiter, beneuole, attenteque audimus, legimus, discimus, memoria retinemus, atque repetimus. Inueniuntur qui Petrarchæ odas, Ariosti cantica, Ouidij fabulas, Boccacij nouellas, & quorundam scriptorum impudica, impudice collecta dictoria memoriter recitent ; sed qui diuinam scripturam, aut nemo, aut sanequam pauci. In singulis domibus, officinis, & cubiculis, istorum auctorum libri, obuij, expositi, & ad manum reperiuntur : & in ijs sæpe locis, in quibus solum sacri codices inueniri deberent, qui tamen nusquam apparent. Mul-

tos enim reperies ex ijs, quorum est alios docere, qui sacra biblia non habent, quos apposite, milites sine ense esse diceret: aut si habent, in aliquo angulo puluere cooperta latent. Apud quos tamen, sæpe libros voluptuarios, ad mensam, ad fenestras, ad lectum, vsu quotidiano detritos, inuenires. Sed hos hic amanter obsecro, atque obtestor, vt ad hæc sapientiæ diuinæ verba aures aperiant: Et delitiæ meæ esse cum filiis hominum. At vero qui sapientiæ diuinæ consuetudinem vsuque fugiunt, quid nam dicerent? Id arbitror, delicias suas esse versari cum Virgilio, cum Ouidio, cum Horatio, cum Propertio, cum Catullo, cum Martiali, cum Terentio, & alijs huius generis scriptoribus; quorum consuetudo non facit hominem bonum, immortalem, & amicum Dei, vt vsus & commercium cum hac sapientia, cuius nos encomia celebramus, & vtilitates ostendimus. Sed istos cum istis suis delitijs missos faciamus, & nostra redeat, vnde discessit oratio: ac iterum ipsam sapientiam loquētem introducamus. Nunc ergo filij, audite me: Beati qui custodiunt vias meas. Audite disciplinam, & estote sapientes; & nolite abijcere eam. Beatus homo, qui audit me, qui vigilat ad fores meas quotidie, & obseruat ad postes ostij mei. Qui me inuenerit, inueniet vitam, & hauriet salutem a Domino: qui autem in me peccauerit, lædet animam suā: omnes qui me oderunt, diligunt mortem. Hic diligenter attendant, qui hanc doctrinam contemnunt,

Prou. 9.

Prou. 3.

temnunt, aut parui faciunt. Sapientia itaque  
 ædificauit sibi domum, excidit columnas septē: Prou.9.  
 immolauit victimas suas, miscuit vinum, & po-  
 suit mensam suam. Misit ancillas suas ut voca-  
 ret ad arcem, & ad mœnia ciuitatis: si quis est  
 paruulus, veniet ad me: & insipientibus locuta  
 est: Venite, comedite panem meum, & bibite  
 vinum quod miscui vobis: relinquitte infantiam,  
 & viuite & ambulate per vias prudentiæ. Item,  
 Appropiate ad me indocti, congregate uos in do- Eccī.51.  
 mum disciplinæ: quid ad huc retardatis? & quid  
 dicitis in his? animæ vestræ sitiunt uehementer.  
 Audi fili, & accipe consilium intellectus, & ne Eccī.6.  
 abijcias consilium meum. Inijce pedem tuum  
 in compedes illius, & ni torques illius collum,  
 tuum. Subijce humerum tuum, & porta illā,  
 & ne acedieris vinculis eius. In omni animo tuo  
 accede ad illam & in omni virtute tua conserua  
 vias eius. Inuestiga illam, & manifestabitur ti-  
 bi, & cōtinens factus ne derelinquas eam: in no-  
 uissimis enim inuenies requiem in ea, & conuer-  
 tetur tibi in oblectationem. Et erunt tibi cōpe-  
 des eius in protectionē fortitudinis, & bases vir-  
 tutis, & torques illius in stolam gloriæ: decor. n.  
 vitæ est in illa, & vincula illius alligatura salutis.  
 Stola gloriæ indues eam, & coronā gratulationis  
 superpones tibi. Fili, si attenderis mihi, disces  
 eā, & si accommodaueris animum tuum, sapiēs  
 eris. Si inclinaueris aurem tuam, excipies do-  
 ctrinam: & si dilexeris audire, sapiens eris. In  
 multitudine presbyterorum prudentium sta, &  
 sapientiæ

Isa. 55.

Prou. 1.

sapientiæ illorum ex corde coniungere, vt omnem narrationem Dei possis audire, & proueria laudis non effugiant a te. Et si videris sensatum euigila ad eum, & gradus ostiorum illius exterat pes tuus. Cogitatum tuum habe in præceptis Dei, & in mādatis illius maxime assiduus esto: & ipse dabit tibi cor, & concupiscentia sapientiæ dabitur tibi: Et tandem, quis non exaudiat vocem illam? Omnes sitientes venite ad aquas, & qui non habetis argentum properate, emite, & comedite: venite, emite absque argento & absque vlla commutatione vinum & lac. Quod si tot hortationes, & pollicitationes nos non commouent, moueat saltem hæc terribilis, ac horrida comminatio. Quia vocaui & renuistis: extendi manum meam, & non fuit qui aspiceret. Despexistis omne consilium meum, & increpationes meas neglexistis. Ego quoque in interitu vestro ridebo, & subsannabo, cum vobis id, quod timebatis, aduenerit: Cum irruet repentina calamitas, & interitus quasi tēpestas, ingruerit: quādo venerit super vos tribulatio & angustia. Tunc inuocabunt me, & non exaudia: mane confurgent, & non inuenient me: eo quod exosam habuerint disciplinam & timorem Domini non susceperint, nec acquieuerint consilio meo, & detraxerint uniuersę correctioni. Comedent igitur fructus uiæ suæ, suisque consilijs saturabuntur. Auersio paruulorum interficit eos, & prosperitas stultorum perdet illos. Qui autem me audiuerit, absque terrore requiescet, & abundantia



dantia perfruetur, timore malorum sublato. Ne igitur nos in tam graues incidamus pœnas, ne diuinam sapientiam aliquando nos irridentem, & despicientem videamus, ne auersio a diuinis studijs, & conuersio ad inutiles scientias nos interficiat, salutare excipiamus admonitiones, vera amplectamur bona, dilateinus os nostrum, & Deus sua sapientia implebit illud: eos, qui id nō facient, dimittet Deus secundum desideria cordis eorū, ibunt in adinventionibus suis: ac propterea infelicitate & calamitose viuent. Sapientiam enim & disciplinam qui abiicit, infelix est: & vacua est spes illorum, & labores sine fructu & inutilia opera eorum. Potuerit ergo perennis ille, & humani generis capitalissimus hostis, sub teterrimi serpentis forma, falsa scientiæ, paucissimis verbis comprehensa persuasione, hominem omni scientiarum genere ornatum decipere, & ad transgrediendum Dei mandatum inducere; Deus vero eundem hominem omni vera scientia destitutum, ad veram sapientiam æternis etiam mentibus dignam, tot monitionibus, tot hortationibus, tot pollicitationibus, tot præmijs, tot denique minis, comparandam, quam amissam nobilitatem, & salutem recuperare queat, non poterit perducere? Reuertere igitur aliquando in hunc cœlestem paradysum, quem Deus tibi ad delicias capiendas plantauit, o Adæ fili, te alloquor, qui lutulentis disciplinis delectaris, qui sœces pœctarum contrectas, qui cœnoscas comœdias volutas, qui facietas reip. pestes &

Psal. 80.

Sap. 3.

Gen. 30.

Gen. 2.

lues, aqua & igne dignissimas, perlegis; reuertere ad fluuium purum, pellucidum, alissimū, qui paradisum irrigat: ibi te laua, ibi te munda, ibi te refice, ibi sciendi sitim exple: voluptas te allicit, vtilitas te excitat, necessitas te trahit, sancti te inuitant, Deus te vocat, natura te impellit, & adhuc retardas? Non adest hic Cherubim, cum flammeo, atque versatili gladio, qui te impedit, sed Deus qui te ab exilio reuocat, & ad potadū inuitat. Omnes sitiētes venite ad aquas.

Genes. 3.

Isa. 55.

*Multorum & grauissimorum virorum exemplis ad veram sapientiam acquirendam homines inuitantur. Cap. XXVI.*



**L**A studia libenter homines amplectuntur, aut saltem amplecti deberent, in quibus prudentes, honestos, atque ingenuos viros versatos fuisse norunt: cum ea potiora esse facile existimemus, quæ viri sapientes approbant, & sequuntur. Hoc si spectare voluerimus, nulla profecto disciplina tot nobis illustria poterit proponere exempla, atque Christiana: quæ, si quis intueri uellet, cum exempla magna uim ad persuadendum habeant, omnia alia studia flocci facienda esse putaret, & hoc unum omni animi contentione, cæteris posthabitis, amplecteretur ac retineret studium: cum viri grauissimi, sapientissimi, sanctissimi, humanis relictis disciplinis, in hoc unum toto pectore incubuerint. Ex innumeris

meris autem quæ possem afferre exemplis, pauca quædam in medium proferam; quæ tamen eiusmodi erunt, ut qui hæc studia amplecti nō lunt, quantum errent, ex illis facile intelligere queant. Et ut hinc exordium sumam, olim sophi, & philosophi solum illi appellati fuere, qui rerum maximarum cognitionem assequebātur, qui rebus diuinis operam dabant: in quorum numero etiam antiqui reponuntur poetæ, qui speciatim, res diuinas versibus canebant: ut Pindarus, Orpheus, Hesiodus, Philemon, & alij permulti. Iidem enim aliquando erant Philosophi, Poetæ, & Theologi. Quorum hominum auctoritas maxima, fama illustris olim fuit, atq; nunc etiam viget. Quanto autem studio, quantisque laboribus eam, quam dixi, rerum maximarum, atque diuinarum scientiam, etiam apud exteras longeque remotas nationes multi ex illis persecuti fuerint, certissimæ testātur historiæ. In quibus, Pythagoras, Plato, Democritus, & Apollonius, qui apud omnes nationes literas, quasi toto orbe fugientes infecutus est, quem, ex nostris, imitari voluit Sedulius, numerantur. Anaxagoras amore sapientiæ captus, omnibus suis bonis renunciauit, eaque partim suis ciuibus, partim domesticis donauit. Qui aliquando interrogatus, ad quid esset natus, respondit, ut cœlum spectem: ac si dixisset, ut diuina contempler. Democritus, non modo fortunæ, sed etiā præcipuo corporis bono, luminibus nimirū, se, ut scribitur, priuauit, ut melius corpore cæcus,

Maxim.  
Tyrius.

Diod. Sic.  
lib. 2.  
de gest.  
Aegy.  
Hier. ad  
Paus.  
Cic. li. 5.  
de fin.  
Sabellic.  
lib. 2. c. 1.

Diodo-  
rus.

Iulius ca-  
pit. in c-  
ius vita.

Pfal. 127.

Gen. 49.

Franc.  
Geor.

animi oculis peruideret omnia. Tanto discen-  
di ardore quidam Ethnici flagrant, vt etiam  
sacros Hebræorum libros, quos, tamen homines  
profanos, illi celare solebant, vt de Pythagora, &  
Platone narratur, viderint. Gordianus senior Ro-  
manorum Imperator, semper cum Platone, cum  
Aristotele, cum Tullio, cum Virgilio, cæterisque  
veteribus, agebat. Quod si isti summa animi  
contentione, maximoque ardore vmbra quã-  
dam veræ sapientiæ, in maxima sæpe magistro-  
rum & librorum caritate, sibi comparare conati  
sunt, quanto magis nos veram sapiētiam, quam  
Deus, priuata erga nos beneficentia tradidit (nec  
enim fecit taliter omni nationi, & iudicia sua  
nō manifestauit eis) in maxima codicum & præ-  
ceptorum abundantia perdiscere deberemus?  
Sed externis omissis, ad domestica veniamus  
exempla. Huc pertinet, in primis, exemplum to-  
tius tribus Isachar, quæ, vt quidam scribunt He-  
bræi, studio diuinæ legis priuatim addicta fuit:  
ac proinde de ea dictum esse putant: Isachar  
asinus fortis accubans inter terminos. Vidit  
requiem quod esset bona, & terram quod opti-  
ma, & supposuit humerum suum ad portandū,  
factusque est tributis seruiens. Comparatur au-  
tem huic animali, non equo, vel mulo, vt Zoar  
ait, quia hoc animal non calcitrat contra domi-  
num, nec est gloriosum, neque de strato curat:  
ac proinde, si cum Cabalistis loqui volimus,  
domini memorans, vel vir mercedis, vel merces  
ei, scilicet Deus est, has .n. significationes ex illa

voce colligeres, huius trib. princeps, Isachar, vocatus fuit. Memores ergo Dei sūt, & a Deo mercedem consequentur, qui eius sacrosancta scrutantur eloquia. Quantum Moyses omnium sapientium antiquissimus, & antiquissimorum sapientissimus, diuinarum rerum cognitione delectatus fuerit, vel ex eo perspicitur potest, quod supernaturalem legem a Deo acceperit, cum Deo familiarissime locutus fuerit, & primus legislatorum sit habitus. Daud, & si in maximo populo regendo, & in grauissimis bellis conficiendis esset maxime occupatus: tamen, ita erat erga rerum diuinarum studium affectus, vt eum beatū esse affirmauerit, qui in rebus diuinis tractandis dies noctesque versatur: ita huic sapientie operam dedit, vt dixerit: In labijs meis pronuntiaui omnia iudicia oris tui: super senes intellexi: adhæsi testimonijs tuis Domine: & loquebar de testimonijs tuis in conspectu regum, & non confundebar: quomodo dilexi legem tuam Domine! tota die meditatio mea est. Ita de hac doctrina sentiebat, vt diceret: Bonum mihi lex oris tui super millia auri & argenti: Narrauerunt mihi iniqui fabulationes, sed non vt lex tua: Omnis consummationis vidi finem, latum mandatum tuum nimis: & denique, ita erat erga diuinam legem animatus, vt eius perdiscendæ desiderium, eiusdemque intelligentiā a Deo studiose petiuerit: Inclina cor meum in testimonia tua, & non in avaritiam: Da mihi intellectum, & scrutabor legem tuam: Reuela-

Exod. 19.

Eccī. 45.

Psal. 1.

Psal. 118.

Psal. 118.

oculos meos & considerabo mirabilia de lege tua. Quantum hanc doctrinam amauerit, quantum fecerit, & quibus laudibus dignam existimauerit, psalmo artificiosissimo, & bene longo, eleganter, copioseque exposuit: qui est centesimus decimus octauus: cuius quot sunt versiculi, tot sunt etiam legis diuinæ encomia. Refert Augustinus, se aliquando arborem pulcherrimā vidisse, habentem duos & viginti ramos: quorum singuli octo ramusculos habebant, ex quibus guttæ dulcissimæ rorabant. Et exponens, quæ nam sit arbor ista, ait esse psalmum paulo ante citatum: in quo, iuxta literarum hebraicarum numerum, duo & viginti sunt octonarij: quorum singuli octo habent versiculos, & quisque versiculus, aliquam legis diuinæ laudem, fructumque exponit. Dauidis filius Salomon, hanc sapientiam a puero dilexit, & in sponsam habere desiderauit, hanc omnibus regnis prætulit, hanc summis precibus a Deo contendit, & obtinuit, hanc denique maximis laudibus celebravit, & ad eam amplexandam omnes homines neruosisime hortatus est. Eandem Iesus Filius Sirach amauit, qui renouauit sapientiam de corde suo, & omnibus alijs rebus præferendam esse docuit, vt ex varijs sententijs ex eius libro supra citatis, & præsertim ex eius oratione, quæ est omnino legenda, satis aperte constat: qui dum adhuc iunior esset, & antequam aberraret, quæsiuit sapientiam palam in oratione sua. Ante tempus, ait, postulabam pro illa, & vsque in-

nouis-

Sap. 6. 7.  
8. & 9.

Eccī. vlt.

Eccī. vlt.

nonissimis inquiram eam, & florebit tanquam præcox vva, & quæ sequuntur. Ionathas summus sacerdos, & seniores Iudæorum, quantum diuinis oraculis legendis delectarentur, epistola ad Spartiatas missa his verbis, manifeste indicarunt. Nos enim, cum nullo horum indigeremus, habentes solatio sacros libros, qui sunt in manibus nostris, & quæ sequuntur. Eunuchus etiam ille Candacis Reginæ Aethiopum, de quo in Actis apostolorum scribitur, ita sacrorum librorum lectione delectabatur, vt Ierosolymam proficiscens, secum diuinam scripturam ferret, & in itinere legeret: ideoque ineruit, vt priuata Dei prouidentia ad perfectam fidei cognitionem perueniret, perfectamque iustitiam acquireret: ad quam sese disponunt, ac eam facilius consequuntur, qui sacros lectitant libros, qui est vnus ex maximis huius saluberrimi studij fructibus, quem humanæ sapientiæ lectio præbere minime potest. Nobiliores, qui erant Thesalonicæ, qui susceperunt verbum, cum omni auiditate, quotidie scrutabantur scripturas. Timotheus, vt Paulus testatum reliquit, ab infantia sacras literas didicit: quæ eum poterant instruere ad salutem. Origenes, vsq; a puero, non solum in humanis, sed etiam in diuinis sese occupabat studijs, & multa a patre Leonide acute requirebat: libros profanos, cum summa laboraret inopia, vendidit, & quattuor obolos ab emptore singulis diebus accipiebat: indesinenter meditationibus diuinorum librorum inhærebat: pa-

I. Mach.  
12.

A& 8.

A& 17.

1. Tim. 3.

Euseb.  
in hist.  
eccles.



rum somni capiebat, nullo utebatur strato: non habebat duas tunicas: non cogitabat de crastino: per multos annos abstemius & nudipes vixit: ex cuius schola multi vtriusque sexus fluxere martyres: oportune, importune, per diem, per noctem, publice & private docebat: &, ut quidam scripsit, nunquam cibum sumpsit; sine lectione, nec iniuit somnum, nisi vnus ex fratribus sacris literis personaret: tot denique volumina de rebus diuinis edidit, ut ea vix vnus homo per totam vitam legeret: sex millia nimirum librorum ut Epiphanius refert: & denique viginti & octo annos in scripturarum interpretatione versatus est. Basilii, cum prius mundana philosophia delectaretur, vbi spiritalis scientiæ dulcedinem gustare cepit, illam contempsit, & hanc solam adamauit. Sunt qui referant eum panis, & vini usum sibi interdixisse, donec mysteriorum intelligentiam, plenius perciperet. Sit etiam nobis exemplo Basilij in profanis sacrisque literis socius, Gregorius Nazianzenus, qui tantum in re theologica profecit, ut cognomento Theologus, meruerit appellari. Diuus Bernardinus, cum prius pontificio iuri operam dedisset, huius studij suauitate percepta, & humana studia, & mundum ipsum reliquit, religionemque ingressus est. Equitius Abbas scortearum manticas libris refertas, secum defererebat, ne vnquam, & vspiam deesset quod legeret: oneris vero molestiam, sacre lectionis compensabat suauitas. Præterij, & quidem data opera, Clementes, Iræneos,

Irenæos, Tertullianos, Ambrosios, Augustinos, Hieronymos, Cyrillos, & alios huius ordinis sexcentos, qui quantum hoc studio sint delectati, quantum in eo desudauerint, quantumque profecerint, multitudine, præstantiaq; librorum, quos posteritati tradiderunt, euidenter manifestarunt. Quid etiam memorem Alexandros, Bonauenturas, Albertos, Thomas, Hugones, Rupertos, Guilhelmos, Dionysios, Richardos, & innumerabiles alios, qui quâto ardore Theologiæ studia fuerint profecuti, monumentis, multo studio, multisque vigilijs, elaboratis ad exemplum, & vtilitatem fidelium, Christianæ reip. reliquerunt. Non præteribo tamen singulare exemplum a diuo Gregorio relatum. Seruulus igitur quidam, mendicus & æger, & literarum ignarus ecclesiastica opuscula ex eleemosynis emerat, quæ, quoties lectorem nactus fuisset, ei legenda tradebat: qui, ita assiduitate audiendi eruditus euasit, vt alijs ea memoriter doceret, quæ ipse legere nesciebat. Huc etiam Didimi, & venerabilis Bedæ pertinet exemplum; qui & si essent oculis corporeis capti, tamen huic doctrinæ, quæ mentis oculos illuminat, ita operam dederunt, ut paucos huius doctrinæ studiosos, habuerint pares. Quid hic dicerent, qui maximos ecclesiæ redditus habent? qui multos lectores, & librarios, censibus, quos Christus suo sanguine promeruit, alere possent? qui naturæ donis, & bonis oculis vtuntur? Et tamen Christi doctrinam non attingunt, ne a limine

Psal. 118.

Oref.  
Mona.

Marc.  
Marul.

quidem salutant, sed potius otio ignaviaq; languescunt. Sed isti animaduertant, obsecro, hanc, cuiusdam boni auctoris, sententiam: Dei munera damno sunt otiosis possessoribus: magnus fœnerator est hic Deus noster: impotune vsuras exigit, & durus creditor est. Quantum Deo factorum librorum lectio grata sit, miraculorum testimonijs aliquando declaratum fuit: & e multis vnum, vel alterum referre satis erit. Cum Eadmundum Cantuariensem Episcopum sacros codices legentem sopor inuasisset, candela, qua utebatur super paginas cecidit, quæ consumpta est, sacro codice manente intacto. De eodem etiam scribitur, quod cum inter legendum obdormisset, & a somno excitatus, ob sublatam sibi legēdi facultatem, doleret, beatam Virginem inuocauit, & statim lucerna illuxit. Si quis de me hic aliquod recens requirat exemplum, vnum pro multis afferam, quod qui diligenter inspiceret, facile ad hæc studia sequenda, si modo aliquid Christianæ pietatis in eius pectore resideret, inflammaretur. Et si igitur ab hinc aliquot annos improbi hæretici in Anglia sacros Theologos prosequantur, eorum collegia euertant, & libros comburant: tamen, prouincia illa, quæ innumeros fere rerum diuinarum studiosos & scriptores, & plures fortasse, quam vlla alia reip. Christianæ extulit, his etiam temporibus, quibus malus homo in ea zizaniā superfeminauit, innata soli bonitate, multos horum studiorum cultores produxit. Siquidem, paruo temporis

poris spatio tercenti & amplius iuuenes Anglicani, nobili familia nati, primogeniti, relicta patria, caris parentibus, parentum & amicorum dissuasionibus cōtēptis, nulla spe prēmij, immo cum certo suæ hæreditatis dispendio, certa que expectatione ignominia, & periculi, etiam mortis, ad collegium Belgicum & Romanum conuolarunt, quibus in locis summa contentione sacras literas didicerunt, & religionis amore incensi, ad messē Anglicanam redierunt. Quid hic nostrates dicerent, qui potius sese humanis legibus dedunt? quo factum est, vt externi de nobis dicant, nos solum paragraphos scire: qui cum in ea regione nati simus, quæ bonorum ingeniorum sæcunditate, nulli vnquam prouinciæ cessit, eam meliorum studiorum cultura superari sinimus. Nolo hic sæminarum, veluti Syluiæ, Furiæ, Probae, Ceciliæ, Marcellæ, Demetriadis, Paulæ, quæ non modo latine, sed etiam græce, & hebraice sciuit, sacrasque scripturas memoriter recitabat, & aliarum multarum exemplis, quosdam delicatos, & delitijs emollitos homines vrgere. Illud tamen referam olim Christi fideles solitos fuisse in vnum cœtum, quem collectam appellabant, ad psallendum, vel audiendum verbum Dei cōuenire, mane, hora tertia, sexta, nona, vespere, noctis medio p̄r ordinem, nec licebat ignorare psalmos, & non de scripturis aliquid quotidie discere. Omitto etiam studium ac diligentiam Beatissimæ semper Virginis in legendis, ac diligenter

Hieron.  
in suis  
epist.

Hist. Tri-  
part. li. i.  
Hier. ad  
Eustach.

genter perscrutandis diuinis literis: in qua tantum doctrinæ, tantumque sapientiæ fuisse existimo, quātum in nulla alia pura creatura fuit. Ecquis enim omnium creaturarum ratione vtentium, Mariam nullo sapientissimam fuisse non existimet? cum fuerit Patris luminum filia, æternæ Sapientiæ Mater; & Spiritus sancti sponsa? quam omnium gratiarum genere tantus sibi ornauit sponsus. Si primis carnalibus parentibus a Deo formatis; omnes naturales & supernaturales animi dotes fuerunt tributæ, cur non etiam huic omnium fidelium spiritali matri? huic inquam tabernaculo, quod sibi Deus sanctificauit? Si angelis seruis, & hominibus peccatoribus scientiarum habitus diuinitus tributifuerant, cur non huic Angelorum & hominum Reginæ ab omni labē peccati alienæ? Cur non debuit omnia noscere mysteria, ea per quam debebant impleri? Cur non debuit omnium creaturarū vires atque naturas mente percipere, quæ omnium rerum creatorem debuit mente & corpore concipere? Cur non fuerit omnium creaturatum doctissima, quæ ob optimam animi indolem & corporis habitum fuit maxime omnium ad discendum idonea? quæ pro magistro habuit filium suum totius sapiētiæ fontem: quæ eius verba conseruabat, & conferebat in corde suo: quæ introducta fuit in cellam vinariā: quæ optimam partem elegit: quæ una cum apostolis fuit Spiritu sancto repleta: quæ denique Apostolorum magistra, & nascentis Ecclesiæ magistra.

Psal. 45.

Luc. 2.

Cant. 3.

magistra fuit; vt merito de ea omnes hereses interemisse canat. Omnes itaque fideles huic omnium fideiū Matri hanc laudem tribuant, quod sit omnium creaturarum ratione utentium, sapientissima, & omnium scientiarum genere ornatissima. Gaudeant hoc loco, ac glorientur in Domino Academici mei Parthenij, qui sub tutela huius sapientissimę Partheni, a qua hoc egregium, & illustre nomen acceperunt, verę sapientię operam nauant. Quo fit, vt non sit mirum, si tanto tantę Virginis præsidio fulti, ex ac Academia, tanquam ex equo Troiano, viri doctissimi, ad errores refellendos, & ad veritates defendendas maxime idonei, quotidie prodeunt. Vt merito R. Pater Benedictus Palmius Societatis Iesu, vir & doctrina, & religione conspicuus, sæpe Gregorio XIII. de hac Academia loquens, dixerit, Ecclesiam habere sine vllis suis expensis Seminarium feraçissimum: Sed tamen, vt ego pro meis Academicis loquar, non sine maxima cura ac diligentia, prædictę societatis, patrum. Pergite igitur, Academici studiosissimi, ut hæcenus fecistis sub horum religiosissimorum Patrum disciplina, atque B. Virginis tutela in bonarum, ac sacrarum literarum studijs: vt qui optime nostis quantum ex vestris vigilijs & laboribus Ecclesia catholica, cui nati estis, & ex qua nati estis, vtilitatis capiat. Quo loco, ni ad huius opusculi finem properarem, fusius recenserem, omnes Episcopos, omnes Doctores, omnes animarum curatotes, aliosq; bo-

nos ecclesiæ ministros, ac etiam eos, qui mundi vanitate spreta, ad religionē cōuolarunt, & quotidie conuolant, quorum maximus est numerus: ex quibus, vt a quibusdam Patribus accepi, aliqui, primi extiterunt, qui in amplissimo Chinæ regno Christianæ religionis semina spargere cœperunt. Vestro etiam exemplo, non solum in Italia, sed etiam in Germania, Flandria, Gallia, Hispania, & in omnibus fere locis, vbi dictorum Patrum collegia extant, uariæ Congregationes, a vestra quali enatæ propagines, institutæ sunt: de quarum gestis iam longa scribi posset historia. Vestrum itaque erit, ornatissimi iuuenes, vt quas vestris institutionibus Congregationes informastis, eas veræ sapientiæ, & integræ uitæ exemplis, ut hactenus fecistis, perpetuo iuuetis, pijsque officijs, foveatis. Facile enim ad exemplum trahitur, vt quidam antiquus pater scripsit, quod Romæ viuitur. Id autem vobis facile factu erit, si hæc vestræ Protectoricis verba, perpetuo in memoria hærebunt.

**Prou. 8.** Nunc filij audite me, Beati qui custodiunt vias meas. Audite disciplinam, & estote sapientes, & nolite abijcere eam. Beatus homo qui audit me, qui uigilat ad forēs meas quotidie, & obseruat ad postes ostii mei. Qui me inuenerit, inueniet uitam, & hauriet salutem a Domino: qui autem in me peccauerit, lædet animam suam. Omnes qui me oderunt, diligunt mortem. Hęc, carissimi in Christo fratres, dixi, non uos monendi, cum meis monitionibus uos minime indigere



digere sciam, sed amoris erga uos mei testificandi causa, dixi. Hoc igitur singulari beatissimæ Virginis exemplo, non modo eius Academici Parthenij, sed omnes fideles excitati, diligenter diuinis scripturis operam nauent. Et, ut hunc concludamus locum, ij omnes, quorum exempla attuli, & eorum similes, ideo tam studiose christianæ philosophiæ operam dederunt, quia Christum amabant, ac propterea eius delectabantur doctrina. Nam, unde indefessâ legis meditatio, nisi ex desiderio eius, qui legē tulit? ideo pauci sunt, qui diuinę legi incumbant, quia pauci sunt qui Deum, ut deberent, ament: cōtra uero cum omnes seipfos ament, omnes quæ sua sunt quærunt, & nō quæ sunt Dei. Et quamuis multis uarijsque rationibus, quantum Deus opt. max. nos diligat, & nos tanquā amicos & filios tractet, indicauerit: tamen, ea re maxime, quod maxima, & occulta sapientię suę mysteria nobis reuelare uoluerit: idq; apertissime Christus dominus, qui ad nos docendos in hunc mūdum uenit, tunc demonstrauit, cum Apostolis suis dixit: Iam non dico uos seruos: quia seruus non scit quid faciat dominus eius. Vos autem dixi amicos, quia omnia quæ audiui a Patre meo nota feci uobis. Nos uero, cum Dei legem in nostram utilitatē nobis datam, nō legamus, non tractemus, & Deum, & nosipfos parum diligere haud obscure ostendimus, & nostræ stultitiæ atque ingratitude significationem manifestamus.

Hier. ad  
Eustoc.

Ioan. 15.

*Diuinam*

*Diuinam sapientiam facile acquiri posse, &  
quæ ad eam acquirendam conferant.*

*Cap. XXVII.*



**Q**UOD si qui tãdem tanta rationum  
varietate, ac potestate, tot grauissi-  
morum hominum sententijs, tot  
diuinæ sapientiæ monitionibus, &  
pollicitationibus, tot tantisque exemplis, ad hoc  
saluberrimum, atque egregium sacræ doctrinæ  
studium amplexandum essent excitati; sed ta-  
men difficultrate perterriti, rem aggredi non au-  
derent; nunc breuiter, hanc diuinam sapiẽtiã  
facile acquiri posse demonstrabo: ac etiam, quæ  
ad eam acquirendam sint necessaria, quibusdam  
admonitionibus, paucis explicabo. Et ne quis  
existimet rem, quæ præter opinionem multis vi-  
deri posset, a me esse confictam, ipsam sapientiã,  
id quod propositum fuit docentem introducã.  
In locis igitur supra citatis, vbi omni contentio-  
ne omnes homines ad se cognoscẽdam ipsamet  
hortata est, quasdam sententias pronunciauit,  
quibus pigros & timidos a rei facilitate commo-  
ueret, vt cum dixit: Ego diligentes me diligo,  
& qui mane vigilauerit ad me, inueniet me. Et  
sub sapientis persona, hunc in modum eadem  
de re loquitur: Sapientia filijs suis vitam inspi-  
rat, & suscipit inquirentes se, & præibit in via  
iustitiæ: & qui illam diligit, diligit vitam: &  
qui vigilauerit ad illam, complectetur placorem  
eius.

Prou. 8.

Eccî. 4.

eius . Et alio loco , Clara est, & quæ nunquam marcescit sapientia, & facile videtur ab his, qui diligunt eam, & inuenitur ab his, qui quærunt illam . Præoccupat qui se concupiscunt, vt illis se prior ostendat . Qui de luce vigilauerit ad illam, non laborabit : assidentem illā foribus suis inueniet . Cogitare ergo de illa sensus est consummatus, & qui vigilauerit propter illam, cito securus erit . Quoniam dignos se ipsa circuit, quærens, & in vijs ostendit se illis hilariter, & in omni prouidentia occurret illis . Possẽm diligenter horum locorum singula fere verba perpendere ; sed cum per se satis aperte , quod persuadere volumus, demonstrent, nihil est quamobrem in hac re diutius immorer . Si præoccupat, si prior se ostendit, si in ipsis foribus inuenitur, si circuit quærens diligentem se, non video, cur non sit acquisitu facilis : nisi ab ijs, qui ei terga uertunt, qui ab ea fugiunt . Item alibi, In proximo est enim inuenire eam . Videte oculis uestris, quia modicum laboraui , & inueni mihi multam requiem . Inclinaui modice aurem meam , & inueni illam . Itaque , cum huius sapientiæ acquisitio a munificentia pendeat diuina, & Deus non sit inuidus, nec impotens, & ipsemet ad eam consequendam & petendam inuitet, & petendi rationem præscribat, omni procul dubio ad hoc donum humano generi maxime accommodatum , liberaliter concedendum paratissimus erit . Quod ut facilius a munificentissimo parente obtinere possimus, quæ sint ad

Sap. 6.

Ecc̃i. vii.

Arist. lib.  
i. met. c. 2

Q

illud

- illud consequendum necessaria, in altera huius capitis parte nunc aperiā. Primum igitur, necessarium est maximum quoddam & ardēs huius sapientiæ desiderium: quo, cum multi careant; licet rerum diuinarum notitiā se affe- qui uelle nideantur, cuiusmodi ego multos no- ui: tamen nunquam acquirunt. Nam, ut paulo ante scripsimus, hæc sapientia præoccupat eos; qui ipsam concupiscunt: & cum Sapiens exem- plo suo mortales hortatus fuisset, dixissetque se, esse hominem eiusdem conditionis cum cæte- ris, hæc adiecit verba: Propterea optaui, & datus est mihi sensus; & inuocaui, & venit in me spi- ritus sapientiæ, & præposui illam regnis, & sedi- bus: & diuitias nihil esse duxi in comparatione illius: super salutem & speciem dilexi illam.
- Sap. 7. Item alio loco, Animam meam direxi ad illam, & in agnitione inueni eam. Hanc efficacem vo- luntatem cum multi non habeant; multi frustra, non modo in hoc studio, verum etiam in omni re agenda, inutiliter tempus terunt. Est deinde
- Iob. 28. necessaria animi puritas & candor: quia scriptū est, in animam maleuolam non intrare sapien- tiam, nec habitare in corpore subdito peccatis. Hinc est, quod polluti & improbi homines apud omnes nationes a rerum diuinarum tractatione & cognitione semper fuere repulsi, ut nos alijs
- Eccī. vlt. in locis latius demonstraui. Huc pertinet quædam magna animi summissio, siue humili- tas; per quam homo quodammodo seipsum euacuādo, seipsum magis capacem, & idoneum
- Sap. 1. ad
- Lib. de in- ter. homi- ne.

ad tam grande munus accipiendum reddit, Ideo Eccī. 38.  
scriptum est, Sapientiam scribe in tempore va-  
cuitatis : & qui minoratur, actu sapientiam per-  
cipiet : quia sapientia replebitur. Qui cum hu- Eccī. 11.  
militate hanc doctrinam recipit, maximos inde  
fructus capiet, cum scriptum sit, Sapientia hu-  
miliati, exaltabit caput illius, & in medio ma-  
gnatum confidere illum faciet. Vitæ itaq; inte-  
gritas ad consequendam hanc sapientiam, quæ  
est claritas Dei, & vapor virtutis eius, & incor- Eccī. 43.  
rupta quædam lux, est maxime necessaria : quo-  
niam pie agentibus Deus dedit sapientiam. Et Eccī. 1.  
quia omnis sapientia a domino Deo est, propte-  
rea necesse est vt magna contentione, summisq;  
precibus a Deo petatur : quod si fecerimus, abs-  
que dubio, eam consequemur. Si quis, ait Iaco- Cap. 1.  
bus, indiget sapientia, postulet a Deo, qui dat  
omnibus affluenter, & non impropert, & dabi- Apon. in  
tur ei. Quo sane testimonio, nullum potest ef- cant.  
fe luculentius. Vide, vt nos efficaciter ad pe-  
tendum commoueat, dum ait : Dabitur ei, &  
quidem affluenter, & absque exprobratione.  
Quis igitur postulare nolit, cum tanti boni pos-  
sessio postulatione ipsa potissimum acquiratur?  
Postulet autem in fide, hoc est cum fiducia, nihil  
hæsitans, quin scilicet Deus potens sit, vt queat,  
& misericors, vt quod petitur dare velit. Fili igi-  
tur, vt cum Sapiente concludem, concupiscens  
sapientiam, conserua iustitiam, & Deus præbe-  
bit illam tibi. Hanc acquirendæ sapientiæ ra-  
tionem, is nobis, & verbo & exemplo indicauit,

Sap. 3.

Eccī. 15.

Eccī. ult.

Aug. in  
prolo.  
lib. 1. de  
doctr.  
Christ.

qui maxima sapiētia fuir a Deo repletus: & ideo de se scripſit: Adij Dominū, & deprecatus ſum illum, & dixi ex totis precordijs meis. Mitte illam de cœlis ſanctis tuis, & a ſede magnitudinis tuæ, vt mecum ſit, mecum laboret, & ſciā quid acceptum ſit ante te: ſcit enim illa omnia, & intelligit: & deducet me in operibus meis ſobrie, & cuſtodiet me in ſua potentia, & quæ ſequuntur. Cibatur itaque Deus eum, qui adeptus eſt iuſtitiam, pane vitæ & intellectus, & aqua ſapientię ſalutaris potat illum. Ceterum, & ſi ſapientiam a Deo petendam eſſe dicamus, eamque Deum nobis liberaliter largiri affirmemus: tamen, aliqua etiam contentio ex parte noſtra, vt eadem ſacra pagina docet, adhibēda eſt: ne quis ſoliſ precibus nixus, nihil agens, Deum tentare videatur: qui, ut nobis benefice ſua dona largitur; ita etiam aliquam noſtram diligentiam, atque conatum requirit. Videte, ait Sapiens, oculis veſtris, quia modicum laboraui, & inueni mihi multam requiem. Inclinaui modice aurem meam, & excepi illam. Colluctata eſt anima mea in illa, & in faciendo eam cōfirmatus ſum. Quare, & ſi aliqui ſoliſ precibus maximam rerum diuinarum cognitionem ſint conſecuti: tamen, eam teneamus viam, quam vniuerſe omnes patres ingreſſi ſunt, vt & precibus & labore in hoc ſacroſancto ſtudio progreſſus quotidie faciamus. Hac Baſilius, Chryſoſtomus, Hieronymus, Auguſtinus, Bernardus, Thomas, & alij perrexerunt. Vt ergo ſtudeamus & legamus, discendi

discendi & intelligendi cupiditas faciat: & ut intelligamus, oratio impetret: & ut impetremus, vitæ integritas promereatur. Sic itaque sapientiæ diuinæ amatores cupiant, sic orent, sic uiuant, ut digni sint, qui a Spiritu sancto huius sapientiæ primo præceptore doceantur. Ex quibus colligere licet, eum esse huius doctrinæ idoneum discipulum, ac etiam professorē, qui tam discit, quæ audit, quam facit, quæ didicit: & ostendit scientiam suam ex operibus suis: quod est huius doctrinæ proprium. Hanc theologandi rationem sequebatur Origenes, de quo dici solebat: Qui hic est, qui quale habet verbum, talem habet & vitam? quoniam quæ docet agit, & quæ agit docet. Vis, Gregorius ille loquitur, qui Theologus cognomento est appellatus, aliquando Theologus euadere, ac deitate dignus? leges serua per mandata gradere: actio enim speculationis est fundamentum. Sine fundamento igitur ædificant, qui posthabitis diuinis mandatis, de rebus disputant diuinis. Fili, ait Sapiens, concupiscens sapientiam, conserua iustitiam, & Deus præbebit illam tibi. Sed vide, amice lector, quæ nostra sit insania, amare Deū, dum animus inclusus est in corpore plus possumus, quam, vel eloqui, vel cognoscere: amando plus nobis proficimus, & minus laboramus, illiq; magis obsequimur: & tamen semper malumus per cognitionem nunquam inuenire, quod querimus, quam amando possidere, id quod nō amando, etiam frustra inuenitur. Quod si quis-

Euseb. li.  
6. hist. c. 2.

Orat. de  
statu epī.

Eccī. 1.



Sap.8.

piam nunc quæreret, quam potissimum ætate ad huius diuinæ doctrinæ cognitionem, sese tradere debeat, huic respondeat Sapiens: Hanc amaui, & exquisiui eam a iuuentute mea, & quæsiui sponsam mihi eam assumere, & amator factus sum formæ illius. Et alio loco, Cum adhuc iunior sum, prius quam aberrarem quæsiui sapientiam palam in oratione mea. Ante tempus postulabam pro illa, & usque in nouissimis exquiram eam, & florebit tanquam præcox vua. Lætatum est cor meum in ea: ambulauit cor meum in rectum, & a iuuentute mea inuestigabam eam. Item alibi, Nam & ego filius fui patris mei tenellus, & vnigenitus coram matre mea: & docebat me, & quæ sequuntur. Vbi autem quis eam adeptus fuerit, intelligat eius hanc esse naturam, vt sese communicet, ac liberaliter in aliostransfundat. Cauebit igitur, ne sibi soli sapere velit, ne hac sapientia abutatur. Nam, cum hæc doctrina sit participatio quædam diuinæ bonitatis, cuius est seipsam communicare, eam proculdubio is deprauaret, qui inclusam teneret. Hanc salutarem admonitionem ipsa nos sapientia, non vno in loco præbuit: vt cum dixit: Disciplinam in pace conseruate filij: sapientia enim abscondita, & thesaurus inuisus, quæ utilitas in utrisque? Melior est homo qui abscondit stultitiam suam, quam homo, qui abscondit sapientiam suam. Respicite, ait Sapiens, quoniam non mihi soli laboraui, sed omnibus exquirentibus disciplinam. Et alibi, quid est autem

Ecc. 10.  
24.33. &  
41.

tem sapientia, & quemadmodum facta sit, referam: & non abscondam a vobis sacramenta Dei, sed ab initio natiuitatis inuestigabo: & ponam in lucem scientiam illius, & non præteribo veritatem: neque cum inuidia tabescente, iter habebō: quoniam talis homo non erit particeps sapientiæ. Et alio loco, quoniam doctrinam quasi antelucanum illuminō omnibus, & enarrabo illam vsque ad longinquum. Penetrabo omnes inferiores partes terræ & inspiciam omnes dormientes, & illuminabo omnes sperantes in Domino. Hanc esse sapientiæ, & sapientis, quam diximus naturam, intellexit etiam Seneca, qui hac de re hanc pulcherrimam sententiam pronuntiauit. Cupio omnia quæ scio in alium transfundere: & in hoc aliquid gaudeo discere, vt doceam: nec me ulla res delectabit, licet sit eximia, & salutaris, quam mihi vni sciturus sum. Si cum hac exceptione detur sapientia, vt illam inclusam teneam, nec enuntiem, reiicim. Nullius denique boni, sine socio, iucunda possessio. Quæ precor, ait Anterus Papa, maior caritas, aut quod efficacius pietatis patrocinium potest a quoquam alicui impendi, quam si ignorantia tenebras, & imperitiæ caliginem, ab eo repellat, ac demum veræ fidei pabulo, non ad quæstum, non ad ambitionem, sed ad eruditionem & ædificationem, reficiat? Tanquam enim mutilo sit manus, pes claudus, & oculus cæcus. Et cū hætenus varijs rationibus hominū animos ad rerum diuinarum studium excitare

Sap.6.

Eccī.24.

Senec. epist.6. ad Lucil.

Epist.ad Episc. Beticz.

conati simus, eisque sapientiæ acquirendæ viam indicauerimus; illud in extrema huius nostri opusculi parte restat, vt quæ possent aliquem ab hoc studio reuocare rationes, eas refellamus.

*Refelluntur non nullæ rationes, quibus de diuinæ scripturæ & sacræ Theologiæ studio non multum curandum esse probatur.*

*Cap. XXVIII.*

**S**ED iam tempus est, ne vltra propositum nobis breuitatis scopum, nostra excurrat oratio, & ne hoc quod teximus opusculum in magnum volumen excrescat, vt aduersariorum, & ignauorum hominum diluamus rationes, quibus hoc studium, vel parum humanis ingenijs accommodatum, vel tam difficile, & tam parum utile esse demonstratur, vt in eo opera ponenda non sit: vt omnibus remotis impedimentis, nemo sit, qui hanc salutis viam ingredi, & vbi ingressus fuerit, in eadem ad finem vitæ vsq; perseuerare nolit. Faciam autem earum rationum quas afferam, duo capita, quibus singillatim & breuiter respondebo: neque enim in præsentia ea omnia afferre volo sophismata, quibus aliquando impij homines, vel vniuerse contra totam Christinam philosophiam, & diuinam legem, vel contra singulos sacræ scripturæ libros vsi fuerunt, veluti Celsus, Iulianus, Autolycus, Porphyrius, & alij; sed solum ea, quibus aliqui,  
hoc

hoc studium præclaro versatiliq; ingenio parum accommodatum, uel non satis utile, atque securum esse in eo versari, persuadere nituntur. Qui ergo hoc studium non magni faciendum esse existimant, his fere rationibus suam sententiam tueri consueuere. Primum, esto doctrina ista sit de rebus maximis, & altissimis, & sua natura scitu dignissimis: tamen, omnia quæ in schola christiana traduntur, vel sola fide apprehenduntur, vel ad fidem necessario tandem reuocantur: & idcirco in eorum cognitione ingenium humanum succumbit, & ut cum scriptura loquar, captiuatur in obsequium fidei. Quare, cum locus a fide sumptus sit imbecillus, & nulla arte, aut mentis agitatione tractetur, quod sola fides docet, hæc doctrina non videtur eiusmodi esse, ut in ea cognoscenda præclara ingenia occupati debeant. Cum itaque in hac schola humanæ rationi non concedatur, ut pro sua vi atque natura, noua inueniendo, uetera confutando, meliora eligendo, veritatemq; magis illustrando, ratiocinari possit; cum limites ab huius doctrinæ auctoribus positos transilire, uel addendo, uel diminuendo nemini licere, sanctissime decretum sit, præclaris ingenijs non esse accommodatam affirmare licebit. Fatemur quidem ea, quæ diuinitus a Deo reuelata sunt, fide suscipienda esse: quod, in primis, non est contra hominis naturam; cum & in humanis scientijs, & in ciuili vita multa sola fide & opinione teneantur humana: quæ, si quis reiiceret, iure opti-

1. Cor. 10

Theod. de  
cur. græc.  
affec.

Arnob.  
lib. 1.

Bonau.  
Bessario.  
li. 2. cōtra  
Clūniat.  
Plat. c. 5.

Lib. 2. de  
rhetor.

mo ab omnibus irridendus, ac explodendus esset: cum sine fide, ut latissime & neruosissime demonstrari posset, cōsociatio humana nequeat consistere. Deinde, non ita creduntur, nec credenda proponuntur, ut temere, & absque ulla probabili ratione recipi debeant: cum quæ Christiana schola profitetur, sint ita credibilia, ut nihil magis: &, ut quidam sapienter scripsit, nihil sit auctoritate diuina fortius, quam merito Plato, inter primas uirtutes reponendas censuit. Quoniam, ut uere, eleganterque M. Tullius scripsit, plerunque auctoritate proborum, ratio suæ credulitatis assensum citius exhibet, quam disputatione communi. Postea, ubi fide, diuina mysteria suscepta sunt, restat uiuidis ac floridis ingenijs latissimus in quo possint vagari campus: nimirum in explicandis ijs, quæ fide suscepta fuerint, quod est operosum, & arduum: in veritate defendenda contra aduersarios: in alijs veritatibus ex rebus reuelatis colligendis, quæ sunt tria præcipua theologicæ facultatis munera. In his autem muneribus exequendis, maximæ, ac fere innumeræ oriuntur dubitationes, ut ex longissimis commentarijs sanctorum patrum in pauca diuinæ scripturæ verba, & ex quæstionibus, quas sacri Theologi tractat, cognoscere licet. Felicissimum fuit Origenis ingenium, & propterea magna volumina, in aliquibus huius doctrinæ partibus explicandis, conscripsit: & speciatim in libellum cantorum duos & triginta libros exarauit. Picus

Miran-

Mirādulanus, qui ita felici fuit ingenio, vt Phœnix, cognomento, fuerit appellatus, in pauca capituli primi geneſeos verba ſeptem libros, ſeptem diuerſas expoſitiones afferendo, in lucem dedit. Et omnes fere patres ingentia commentaria in prima eiſdem libri capita nobis reliquerunt. Quidam recentior ſcriptor, in explicando primo Iſaiæ capite, viginti annos verſatus eſt. Ex his itaque plene, ni fallimur, hæc prima diluta eſt argumentatio: ad aliam igitur pergamus. Deinde, non videtur hoc ſtudium humano ingenio accommodatum, quod in eo de ijs rebus agatur, quæ humanam intelligentiam ſuperant; ad quas humana cogitatio peruenire nequit: quippe quæ ſolum ſupernaturali & obſcuro fidei lumine attingantur: non ſecus ac ſiquis diceret, clariffimam ſolis lucem, non eſſe, accommodatam veſpertilionis oculo, qui ita imbecillus eſt, vt diurnam lucem ferre minime queat. Imprudentis igitur hominis eſſe videtur cęcipientibus humanæ mentis oculis maximum rerum diuinarum ſplendorem, intueri velle. Quare, cauendum eſt, ne dum diuinam maiestatem ſcructari volumus, opprimamur a gloria. Habet hæc ratio primo aſpectu quandam probabilitatis ſpeciem: verum, ſi quis acutius eam inſpiciat, ſuco illitam eſſe, facile cognoſcet. Principio, eadem ratione humanam theologiam non eſſe hominum ingenijs accommodatam probare liceret: cum hæc etiam, res diuinas contempletur: quas, licet aliqua tantum parte, cognoſcat, non

Prou. 25.

non propterea id, quod potest cognitionis de illis naturali conatu haberi, despiciendum est: sed, ut sapienter Aristoteles docuit, id parum, quod scitur, maximi fieri debet: & propterea omnis contentio ad eius acquisitionem adhibenda est. Deinde, hæc est humanæ rationis vis atque natura, ut quibusdam datis ac cognitis principiis, ex illis plura colligere ratiocinando queat: qua quidem ratione omnes humanæ inuentæ & auctæ sunt scientiæ, & artes. Cum itaque luce diuinitus concessa, naturæ lumen corroboratum sit, non est mirum si longe plura, & a sensibus humanis remotiora, de rebus diuinis, valeat cognoscere. Non secus ac, si plus luminis vespertilionis infunderetur oculis. Ideo regius propheta aliquando Deo dicebat, Illumina tenebras meas. Postremo, si quid ista ratio probat, id solum euincit, nos non posse, etiam lumine fidei fultos, res diuinas clara cognitione intueri, cum eas ad lucernæ lumen in caliginoso loco cernamus, donèc lucifer, & clara appareat in alia vita dies: quod libenter concedimus. Atq; de ista ratione hætenus. Tertia ratio, qua multi permoti, facile hoc sacrarum literarum studium despiciunt, hæc est, quoniam, ut ipsi arbitrantur, hæc doctrina sine vlla certa ratione ac methodo est digesta; & quæ in ea dicuntur, perturbata quadam ac incerta serie posita esse videntur: ut ex prophetarum, scriptis & psalmorum libro cognoscere licet: quo fit, ut quidam, quod sæpe audiui, dicant, scripturam saltare, hoc est inter se co-

hærea-

*Psal. 17.*

*1. Pet. 1.*



hærentia, & consequentia non dicere. Addunt etiam, sine vlllo oratorio splendore, sine vllis dicendi luminibus, rustice, & inornate exaratam fuisse. Calumniantur præterea, quod interdum multa superflue dicat, & repetat: cum passim in ea reperiantur pleonasmī & tautologiæ: ac etiā interdum verba non omni ex parte honesta. Postremo, quorundam aures dictionis genere, tanquam impuro, & barbaro vehementer offenduntur: cum isti nihil non elegans, non purum, non castum exaudire queant: dicuntque sacrorum librorum lectionem eorum hominum phrasim magnopere corrumpere, qui latina puritate, romanoque candore delectantur. Decolorant itaque istos fucatos, & bellos, ne dicam bellutos homines, sacræ lectionis radij. Fastidiosa sane delicatorem hominum, qui cum fastidio diuina oracula legunt, fastidiose excogitata ratio; quam longa oratione refellerem, ni timerem, pio candidoque lectori me fore fastidio: breuiter igitur diluam. Quod ad methodum & scribendi rationem attinet, intelligant primum Zoili & Momī isti, alias esse Dei, alias hominum vias; ut ipse aliquando per quendam prophetam dixit: propterea non deberet mirum videri, si Deus aliter voluit suam doctrinam disponere, atque homines suam tradunt. Deinde, cum videamus Dei sapientiam, cuius est ordinate omnia efficere, admirabili quadam ratione, hanc rerum pulchritudinem constituisse, & animalia, etiam minima summa quadam arte fabricasse; quid de doctri-

August.  
lib. 3. cōf.

Isa. 55.

Rom. 13.

Ecci. 43.

. . . . .

Rom. 13.

Sap. 7.

doctrina ad hominem rationis capacem docendum data, existimandum erit? cum longe præstantior, sit sacra scriptura, quam cæli ipsi, in quibus maximus perspicitur ordo, & admirabilis series, ut ex his, quæ capite decimo quarto diximus, facile intelligi licet. Cum ergo omnia, quæ a Deo sunt, ut ait Paulus, ordinata sint, & diuina sapientia disponat omnia suauiter, cur potius isti suam ignorantiam non vident? non accusant? quod rationem diuinæ dispositionis in sacris libris ob suam cecitatem non videant? Nunquid, ut egregie scripsit Origenes, hac de re verba faciens, diuinam prouidentiam negaret aliquis, quod eius rationes nequeat perspicere? Vel dicat ignarus rusticus, stellas in cælo non esse recte collocatas, quod vel binæ, uel ternæ, uel quaternæ non incedant. Deum ergo quî tibi rationem dedit, qua humanam scientiam cum ordine tradis, sine ulla ratione tibi suam doctrinam non dedisse, dicere audebis? Postremo, proferant isti librum, uel locum aliquem, quem perturbate scriptum esse putant, & qui est in his studijs uersatus, & qui regulas explicandarum scripturarum nouit, ordinem ac methodum in eo inueniet. Referam, quod aliquando mihi occurrit. Vir quidam non ineruditus, & certe ualde religiosus, ac uitæ monasticæ professor, cum mecum de diuinæ scripturæ studio, & speciatim de psalmorum lectione sermonem haberet, conquerebatur, quod multis in locis, immo passim, in psalmis nulla videretur esse rerum cōnexio,

nexio, ac consequentia. Tunc ego, profer, obsecro reuerende pater, vnum vel alterum locum, vt videamus, an vt existimas, res ita habeat. Attulit psalmum decimum septimum, qui præsertim sub principium, non satis coherere videtur: quem, ita, auxiliante Deo, iuxta literam, quod ipse porissime de me requirebat, exposui, vt nihil congruentius, ac ordinatius fieri potuisse confessus fuerit. Sed audiamus pios viros, qui aliter, de genere scribendi diuinæ scripturæ, atque isti parum pij censores, senserunt. Scriptura, ait Cassiodorus, multis modis genera suæ locutionis exercet: definitionibus succincta, schematibus decorata, verborum proprietatibus signata, syllogismorum complexionibus expedita, disciplinis irrutilans. Apostolus, ait Isidorus, sæpe proponit, assumit, confirmat, atque concludit. Quauis omnem scientiam, Gregorius loquitur, atque doctrinam scriptura sacra absque vlla comparatione transcendat: vt taceam, quod vera prædicat, quod ad cœlestem patriam vocat, quod a terrenis desiderijs ad suprema amplectenda cor legentis immutat, quod dictis obscurioribus exercet fortes, paruulis humili sermone blanditur, quod nec sic clausa, vt pauesci debeat, nec sic aperta, vt vilescat: quod vsu fastidium tollit, quod legentis animum humilibus verbis adiuuat, sublimibus sensibus leuat, quod aliquo modo cum legentibus crescit, quod a rudibus lectoribus semper quasi vetus recognoscitur, & tamen doctis semper noua reperitur. Vt

ergo

Lib. 2.  
Echymo.  
c. 3.  
Lib. 20.  
mor.

ergo de rerum pondere taceam, scientias omnes, atque doctrinas, ipso locutionis suæ more transcendit: quia vno eodemque sermone dum narrat textum, prodit mysterium: & sic scit præterita dicere, ut eo ipso nouerit futura prædicare. Hoc; cum non animaduertant isti morosi censores, scripturarum ordinem non intelligunt, nec vident. **Rabanus.** Procedit, ait Rabanus, narrando, præcipiendo, prohibendo, comminando, promittendo, qui modus potius ad legem, quam ad artem, quæ procedit per modum quæstionis, & disputationis, est accommodatus. Atque hæc de ordine satis, nunc pauca de ornamentis: Nam, ait Augustinus, loquens de sacris scriptoribus, ubi eos intelligo, non solum nihil eis sapientius, verum etiam nihil eloquentius mihi videri potest. Et audeo dicere, omnes qui recte intelligunt, quod illi loquuntur, simul intelligere, non aliter eos loqui debuisse. Sicut enim est quædā eloquentia, quæ magis iuuenilem ætatem decet, est quæ senilem, nec iam dicenda, si personæ non conueniat loquentis: ita est, quæ viros summæ auctoritate dignissimos, planeque diuinos decet: hac illi locuti sunt, nec ipsos decet alia, nec alios ipsa. Possem quidē, si esset hic locus, omnes virtutes & ornamenta eloquentiæ, de quibus inflantur illi, qui linguam suam auctorum nostrorum linguæ præponunt, in literis diuinis ostendere. Hæc Augustinus. Sed isti noui Aristarchi de numero sunt eorum, o Augustine, qui non intelligunt: neque illud isti, qui sanctas scripturas non vident,

Lib. 4. de  
doctr.  
Christ.  
c. 6.

vident, adnotarunt quod tu earum diligens per-  
 scrutator vidisti, & adnotasti, Non multitudi- Sap. 6.  
 nem eloquentium, sed multitudinem sapiētium  
 sanitatem esse orbis terrarum. Qui plura, hac In psal.  
 de re cognoscere cupit, Cassiodorum in psalmos 11. 17. 52.  
 varijs in locis legat. Ego vero, quod alio opere  
 fusius demonstrabo, interim ita iudico, tantam  
 esse in sacris libris dicendi artem, tantumq; splē-  
 dorem, ut nihil artificiosius (vniuerse loquor) ni-  
 hil splendidius fieri posse putem. Itaque dum  
 speciatim librum Iobi, Isaia, Ieremiam, Daudi-  
 dem, & quosdam alios prophetas, ac Paulum le-  
 go, nihil eloquentius, nihil ornati, vnquam a  
 quouis scriptum fuisse statuo. Habet ergo hæc  
 pulcherrima, & grauissima Regina ea ornamen-  
 ta, quæ personam maturam, ac regiam decent,  
 non quæ mulierculæ de prostibulo gestant. Ma-  
 le igitur isti, in diuina scriptura id desiderant,  
 quo maxime abundat: & id in ea requirunt,  
 quod omnes aliæ ab ea acceperunt: ac proinde  
 vna cum Hieronymo dicant: & quia lumen cę- Epist. ad  
 cis oculis nō videbam, non oculorum putabam Eusto.  
 culpam esse, sed solis. Merito igitur Mirandula-  
 na phœnix, cum primum sacras degustauit lite-  
 ras, non tantum veram sapientiam, sed & veram  
 eloquentiam se inuenisse lætabundus exultabat.  
 Quod vero superflue omnino, de superfluitate  
 aiunt, id proculdubio rescuissent, si idiotismos  
 hebraicæ linguæ, si Spiritus sancti propositum  
 in diuinis scripturis intellexissent. Et quid istis Mat. 5.  
 in mentem venit dicere, in ea scriptura aliquid Bonau.

Basil.  
Lib. de sa-  
cr. script.  
instit.

Aug. con-  
tra Faust.  
c. 22.

Raban. in  
Leuit. c.  
18.  
Lib. 16.  
c. 6.

esse superflui, in qua nec apices ipsi, qui literarū  
ambiguitatem distinguunt, sunt otiosi: quo fit,  
vt multo minus vel syllaba, vel dictio, vel sen-  
tentia superuacanea sit. In scripturis sanctis, ait  
Cassiodorus, nimietas non arguitur, sed magis  
importunitas crebra laudatur; & merito: quia  
quanto notitia rerum salutarium plus discitur,  
tanto amplius credentibus atq; operantibus eter-  
na vita præstatur: præterita sine falsitate descri-  
buntur: præsentia priusquam videantur, osten-  
duntur: futura quasi perfecta narrantur: vbiq;  
in eis veritas regnat: vbique diuina virtus irra-  
diat: vbique panduntur humano generi profu-  
tura. Quod vero ad honestatem attinet, quod  
quibusdam in locis de lepra, de scabie, de ani-  
malibus immundis, & alijs rebus huiusmodi  
mentionem faciat, ita respondet Rabanus. Vt  
quid temeraria præsumptione arguimus lucem,  
quæ nos ipsos nobis ostendit? arguimus verbum  
Dei, quod sine vitio vitia nostra reprehendit?  
Quid agis humana superbia? Tantæ sunt sordes  
tuæ, in has fæces deuoluta es, vt sermo Dei, qui  
curam tui suscipit, non aliter tibi subuenire pos-  
sit, nisi in stercora tua quodammodo manus mit-  
teret, vt tibi sordes detrahat, si dici fas est, ipse  
contrahat. Sicut tamen solis radius incontami-  
natus cloacas penetrat: sic stylus spiritus sancti  
attingit vbique propter sui munditiam, & nihil  
inquinatum incurrit in illum: & quæ apud eun-  
dem sequuntur. Immo, si quis scripturarum cō-  
suetudinem animaduertat, obseruabit, ea caste

& pudice dici, quæ in alijs scripturis parum honeste dicuntur. Illud de elegantiâ, & verborum puritate, fatemur in sacris libris, præsertim si de aliquibus priuate loquamur, & de versionibus, maiorem elegantiam esse potuisse: sed multis de causis, quas patres assignât, Deus voluit suam sapientiam sine verborum fūco conscribi: & ne longum hac de re habeam sermonem, quædam viri docti, & pij huc pertinētia verba adscripsisse sufficiat. Horrent verba, iacet oratio; sed si mature discutiantur, nihil eorum præstantia sublimius, auctoritate grauius, traditione verius, præceptione iustius, sensu suauius, pollicitatione felicius. Abest quidem nimis compti eloquij lenociniū, & elaboratæ dictionis ornatus, quoniam sua sinceritate satis nitida veritas, non indigua fūco alieno. Et quod æque ad omnes pertinebat, communi sermone, triuialibusque verbis exponendum fuit. Alioquin, alij non intelligerēt, alijs autem daretur calumniæ locus, qua credentium numerum argutæ potius facundiæ, quam rectæ fidei adscribere conarentur. Denique, vt istis fastidiosis hominibus ex sententia ipsorum magistri, Ciceronis scilicet, satis faciamus; Cicero pluris rerum, quam verborum eloquentiam faciebat: a philosophis ornatum sermonem non requirebat: verba rebus inservire debere, docebat. Repetant igitur isti a latinæ linguæ artificibus verborum elegantiam, & ab hac diuina doctrina rerum cognitionem, quæ basis & fons eloquentiæ verborum est. Hæc ita-

Lib. 9. cō-  
tra Iulia.

Mar. Mar.  
lib. 2. c. 5.

Lib. 1. de  
finib.



Esther. 2.

que pudica & casta Regina, Esther muliebrem mundum non requirit, cum sit ex se formosa, valde, & incredibili pulchritudine ornata: quā qui spiritalibus oculis cernit, ad eam amandam vehementer inflammatur. Postrema ratio: id etiam multorum animos ab hoc diuino studio reuocat, quod videant longe plures, & maioris auctoritatis homines humanis legibus operam dare, & inde ampliores honores & opes referre, & hanc esse certiore viam ad multos gradus in Ecclesia Dei obtinendos, velut Vicarij, Episcopi, & Pontificis: & tandem huiusmodi doctrinam plurimum ad reip. Christianæ gubernationem conferre. Hac itaque potissimum ratione multi persuasi, philosophiæ, Theologiæ, sacræq; scripturæ studia minus colenda esse arbitrantur: illudque libenter vsurpant: Inops, & nuda philosophia incedis. Vt hanc rationem refellam, illud ab aduersarijs postulabo, quod liberaliter concedent, vt fateri, ac prædicare liceat, hoc studium esse, ex se, omnibus alijs dignius, atq; præstantius: tunc dicam, mirum minime videri debere, si pauci sint qui diuinis literis delectentur, cum pauciores sint, qui meliora, & potiora videant, & sequantur: eorum autem qui minus sapiunt, infinitus est numerus. Itaque, non est sapientis id sequi velle, quod multitudo sectatur: a qua illud, de Philosophiæ nuditate, pronuntiatum fuit: in quo, vt in cæteris omnibus, stulta & cæca errat multitudo. Placuit semper mihi, quod vir quidam vere sapiens, de philoso-

Eccles. 1.  
Franc.  
Perr.

phia

phia loquens, sapienter dixit: se non desiderare præmium, vbi res ipsa est præmium: cum nostris animis, nisi sint auaritia deprauati, tantus sit innatus cognitionis amor, vt ad hoc natura, nullo emolumento incitata rapiatur. Quod si hoc loco priuatim philosophiæ causam agere vellem, demonstrarem profecto, quantum a veritate absint, qui legum humanarum professionem philosophiæ studijs anteponere volunt. Quod aiunt de opibus, primum nulla disciplina ex se instituta est ad diuitias parandas, & qui diuitias pro fine habent, apud omnes sapientes, etiam ethnicos, male audiunt; ac scientiarum naturam vsunque peruertunt, & liberales artes in mechanicas conuertunt. Deinde, iam diximus hanc doctrinam esse omni argento & auro præferendam: secum omnia bona afferre: & si Sapiens omnibus regnis & sedibus eam anteposuit, & diuitias nihil esse duxit in comparatione illius, cur non idem nos etiam existimemus? an quia a Sapiente dissentiendo, insipientiæ nostræ claram significationem præbere volumus? At ego potius velim cum Sapiente desipere, quam cum ista insipiente multitudo bene sapere. De honoribus, eadem sapientia diuina me docet, veros honores, & magna nomina, eos adepturos, qui eam sequuntur; qui vero negligunt, & oderunt, mortem diligere. Quod si qui sunt digni, qui ad supremos in Ecclesia Dei vocentur gradus, ij profecto sunt, qui hac diuina sapientia fuerint imbuti, quod sapiens negaret, nemo;

Angel.  
Polit.

Leg. Cic.  
lib. 1. de  
finib. in 5.  
Tusc.  
Sadolet.

Sap. 7.

Iob. 28.

Prou. 8.

Sap. 6.

cum id, is Sapiens affirmauerit, qui id affirmando, errare non potuit: cum reges ad hanc sapientiam cognoscendā speciatim hortatus fuerit, & ad populos regendos esse maxime necessariam docuerit. Et profecto, quis nam erit magis idoneus ad gubernandam Dei Ecclesiam,

Sap. 9.

is ne, qui legibus humanis, an vero, qui diuinis, quas Deus ad curam suæ Ecclesiæ humano generi tradidit, est imbutus? Ex sacræ itaque Theologiæ schola Pontifices, Episcopi, alijsque Ecclesiæ Prælati potissimum eligendi essent, cum Dei populus theologia doctrina præcipue gubernari possit, ac debeat. Quare, & si quis fuerit consummatus inter filios hominum, si ab illo hæc abfuerit sapientia, in nihilum, vt Sapiens ait, computabitur. Habere itaque liceat, vna cum Sapiente, pro nihilo eos omnes, qui hanc veram sapientiam nihili, aut parui faciendam esse insipienter putant. Vt ergo insipientibus, stulta, obscænis, immunda, & vanis, superflua; ita sapientibus sapida, puris, munda, & prudentibus perfecta hæc cœlestis doctrina videtur. Has igitur, & alias huius generis rationes hunc in modum dissolueres. Nunc alterum diluamus cauillationum caput.

*Diluuntur*

*Diluuntur non nullæ aliæ rationes, quibus, tutius esse a rebus diuinis cognoscendis abstinere, quam eas cognoscere velle, probatur. Cap. XXIX.*

**S** V N T igitur alij, qui meliore quadam natura præditi, libentius diuinæ legis, quam humanarum scientiarum amplecterentur studiū; nisi quidam inanis timor, vel potius discendi labor ab hac honestissima provincia eos deterreret: qui quibusdā alijs rationibus suā negligentiam prætexere conantur: quas nunc afferam, & refellam: vt his quoque, quantum in nobis est, consulamus. Primum itaque illo se isti prætextu tumentur, quod videant non nullos, qui huic doctrinæ se totos tradunt, interdū a fide aberrare, & quosdā, qui alijs doctiores vidētur, in graues errores incidere. Quare, tutius istis esse videtur, sacro quodam silētio diuina mysteria venerari, quam ea vlla ratione diligentius scrutari, & examinare velle: cum in hijs rebus cognoscendis modum seruare, & nolle sapere plusquam oportet sapere, sit difficile. Leuis sane cuiusdam supinæ negligentix prætextus. Nam, quod ad errores attinet, mirum videri non debet, si quis interdum, cum non ea animi moderatione, ac pietate, qua deberet, in diuinis scripturis versetur, in errores labatur. Siquidem in ea solum aliquis peccat, quam profitetur artem. Neque

Rom. 12.

enim pharmacopolæ in pingendo, nec pictores in potione conficienda, nec orator in arboribus inferendis, nec agricola in oratione texenda, errat. Quid igitur mirum, si quidam rerum diuinarum professores, interdum, quod ipsorum accidit culpa, rebus diuinis tractandis, offendunt, & inde errandi occasionem sumunt, vnde proficiendi sumere debuissent? Abstineant etiam a studio legum, omnium forrasse periculosissimo, quod sæpe iudices violent iustitiam: abstineant a medicina, quod sæpenumero medici, non ita ad sanandum apposite, vt ad perimendum agāt. Sed cur isti boni, & pij viri, qui sub pietatis specie res sacras silentio venerari uolunt, non animaduertunt hac vna doctrina fidem gigni, nutriri, defendi, & roborari? cum, vt ait Paulus, utilis sit ad docendum, arguendum, corripiendum, & erudiendum in iustitia? non animaduertunt, inquam, innumeros homines hac doctrina ad maximos sanctitatis gradus peruenisse? Athanasios scilicet, Cyrillos, Basilios, Chrysostomos, Hieronymos, Augustinos, Ambrosios, Gregorios, Bernardos, Thomas, Bonauenturas, & alios pene infinitos. Et cur tandem, ut istum leuem prætextum omnino remoueamus, non animaduertunt, hanc disciplinam ex se, dare sapientiam paruulis, illuminare oculos, animas conuertere: esse lucē, qua ambulamus: aquam, qua reficimur: vinum, quo lætificamur, & panem, quo corroboramur? qui panis, quo magis teritur, magis nutrit: quod vinum, quo abundantius,

Aug. lib.  
14. de Tr.  
cap. 1.  
2. Tim. 3.

Psal. 18.

dantius bibitur, magis corroborat: quæ aqua,  
 quo magis potatur, magis refrigerat: quæ lux  
 eo maius præbet lumen, quo magis oculos in  
 eam defixeris. Denique, ubi semel quis obse-  
 quio fidei rationem subiecerit, ac magis aucto-  
 ritati diuinæ, quam humanæ rationi se credere  
 velle semel statuerit, nullum est errandi pericu-  
 lum, omnia tuta sunt. Abijciatur igitur hic le-  
 uis timor, ne ibi timere videamur, ubi nulla est  
 timendi causa. Deinde, sæpe audiui multos, &  
 quidē pios viros, qui ideo a rerū diuinarum co-  
 gnitione, & a theologica disciplina se abstinere  
 dicebant, quod, auctore Paulo, scientia inflat, 2. Cor. 4.  
 hoc est homines superbos reddat. Quare secu-  
 rius esse uidetur, simpliciter credere, & bonis  
 operibus incumbere, quam de multa doctrina  
 acquirenda esse sollicitum. Huius argumenta-  
 tionis expedita est solutio: nam, cum scripturā  
 scripturæ non sit contraria, & certissimum sit si-  
 ne hac doctrina neminem placere Deo, remque  
 Christianam consistere non posse, uel Paulus in-  
 telligendus est de scientia humana, quæ humili-  
 tatis uirtutem non cognoscit, aut si cognoscit,  
 eam ut oportet, assequi non potest: uel, ut ergo  
 arbitror, non de scientia, sed de opinione scien-  
 tiæ, quam quis se habere existimat, & re uera,  
 non habet: quæ sane opinio inflat, & nō nutrit.  
 Is autem, qui uere sapit, quo plus proficit, eo  
 magis se deprimat: quippe qui magis se noscit,  
 sine qua notitia ad ueram sapientiam peruenit  
 nemo. Non quia, ait Irenæus, ueram scientiam  
 de





ma supra sensum hominum ostensa sunt tibi. Itaque diuino lumine fulti, quæ sunt supra nos, ubi per fidem fuerint suscepta, inquirere possumus ad quod faciendum, tot in locis, tot tantisque rationibus, quot diximus, nos diuina sapientia inuitat. Id, si cum animi summissione fecerimus, nihil erit periculi ut opprimamur a gloria, cum maiore simus corroborati lumine. Insuper, videntur sancti Patres sepiissime a rerum diuinarum tractatione, & sacrorum mysteriorum inquisitione, nos deterrere. De Deo, ait Chrysostomus, quæ non oportet opinamur, cum in quæstiones incidimus. Et Theodoretus extremæ dementiæ esse dixit, rationem arcanorum curiose indagare. Cyrillus Alexandrinus, nullum commodum ait afferre, humanis rationibus explorare ea, quæ neque dici, neque cogitari possunt; quæ sola fide oportet venerari, omni curiositate postposita. Hæc, & harum similes Patrum, ac scripturarum auctoritates, ab hæreticis, ad probandum non licere ulla ratione de rebus diuinis disputationem habere, afferri solent: ac propterea a pijs hominibus sine periculo vsurari non possunt: & cum non sit nobis hoc in loco propositum cum hæretico differere, an res diuinæ disputatione tractari queant, quod nos tanquam certissimum posuimus, non est cur latius istas auctoritates explicemus: sed ijs, quibus hæc studia non placeant, eorundem Patrum auctoritatem obijcimus, qui res diuinas humanis rationibus sæpenumero tractarunt. Quare, po-

Hom. 77.  
in epist.  
ad Tim.

Quæst. in  
Genes.  
Li. 3. dial.  
de Trin.

Lege Ro-  
ger. opus.  
de quæst.

tius

tius eorundem patrum exemplo excitati, dies  
 noctesque, ut ipsi fecerunt, in hæc diuina studia  
 roto pectore deberemus incumbere, quam sine  
 ulla ratione ea deferere. Illæ autem auctorita-  
 tes, nihil aliud sibi volunt, quam, quod curiose  
 & solis rationibus humanis, ac præter modum,  
 & necessitatem, non debemus diuina mysteria  
 tractare, & quasi increduli in dubium reuocare.  
 Postremo, ut alias omittamus rationes, ideo  
 quidam hoc studium abhorrent, quod sit nimis  
 longum, nimis laboriosum, ita ut vix ad aliquā  
 imperfectam cognitionem homini etiam dili-  
 genti, per totam vitā non sine valetudinis amit-  
 tendæ periculo aspirare liceat: ut in alijs rebus  
 cognoscendis, & bonis operibus agendis tem-  
 pus collocare præstet. Leuissima sane ratio, &  
 valde imbecilla ad retrahendum hominem a ma-  
 ximarum diuinarumq; rerum cognitione: quæ  
 tamen apud quosdam tantum habet virium, ut  
 multos, quod experientia quotidiana docet, re  
 ipsa, ab hoc præstantissimo studio retrahat. Sed  
 valeat quantum potest, apud eos, qui in otio he-  
 bescere & languescere volunt: qui hilaritate, la-  
 sciuiæ, risu & ioco delectantur: qui ad fruges  
 consumendas, cutem curandam, numerum au-  
 gendum, & abdomini suo potius, quam hone-  
 stæ laudi & gloriæ sunt nati: qui cum natura pu-  
 gnantes, veri inuestigandi animis infixam cupi-  
 ditatem, reuellere volunt; cum potius ignoran-  
 tia tollenda, ac radicitus extrahenda sit: apud  
 eos autem, qui cum lobo, se ad laborem natos  
 esse

Horat.  
 in poet.

Cap. 5.

esse norunt, nihil profecto valebit. Sed nobis  
 omnis oratio est cum virtute, non cum desidia: Cic.  
 cum dignitate, non cum voluptate: cum ijs, qui  
 se Ecclesiæ, qui se suis fratribus, qui Christo,  
 qui Deo, non qui somno, & conuiuijs, & dele-  
 ctationi se in hanc lucē editos esse arbitrantur.  
 Non hæc audiuius de sanctorum patrum fa-  
 ctis, non accepimus, non legimus: qui non es-  
 sent in tanta laude positi, si ita perditæ suæ vitæ  
 rationes instituissent. Sinant igitur isti, qui vo-  
 luptatibus ducuntur, & cupiditatum lenocinijs  
 se dediderunt, viros fortes in negotio versari,  
 in tractanda nimirum diuina scriptura, quæ est Psal. 77.  
 panis Angelorum, siue fortium, non effœmina-  
 torum hominum, dum ipsi in otio esse volunt:  
 nec eos in inuidiam uocent, quod sæpe faciunt,  
 quorum honestos labores imitari nolunt. Sed  
 semper fuit, eritque semper ignorantia infensa,  
 atque inimica scientiæ. Cæterum, ad socordiū  
 hominum ignauiam sugillandam, & ad animos  
 discendi cupidos inflammandos, partem episto-  
 læ diui Hieronymi ad Marcellam, qua, eam ad Hieron.  
 rus Bethlehemiticum inuitat, cum ad rem no-  
 stram maxime faciat, hic adscribere placet: quæ  
 ita habet: Ambrosius (quem ex Marcionite,  
 orthodoxum fecerat Origenes, quo chartas,  
 sumptus, notarios ministrante, tam innumerabi-  
 les libros vere Adamantius, & Chalcenterus no-  
 ster, intelligit Origenem, qui dictus est Ada-  
 mantius, ab adamante lapide, qui nulla vi do-  
 mari, frangi; potest, quod cognomen olim tri-  
 butum.

butū fuit Didymo, Didymi Salsamētarij filio, qui M. Tullij temporibus floruit, ob infatigabilem scribendi instantiam, de quo ter mille, & quingentos libros scripsisse fertur: Chalcenteros vero, quasi prædurus ab intestinis æreis: quem, nostrum vocat, quod eius delectaretur ingenio) explicauit, in quadam epistola, quam ad eūdem Athenis scripserat, refert, nunquā se cibum Origene præsentē, sine lectione sumpsisse: nunquam inisse somnum, nisi unus ex fratribus sacris literis personaret. Hoc diebus egisse vel noctibus, ut & lectio orationem exciperet, & oratio lectionem. Quid nos ventris animalia tale unquam fecimus? Quos, vel si secunda hora legentes inuenerit, oscitamus, manu faciem defricantes, continemus stomachum, & quasi post multum laborem mundialibus rursus negociis occupamur. Prætermitto prandia, quibus mens onerata præmitur. Pudet dicere frequentiam salutandi, qua, aut ipsi quotidie ad alios pergitur; aut ad nos uenientes cæteros expectamus. Deinceps, itur in uerba, sermo teritur, lacerantur absentes, uita aliena describitur, & mordentes inuicem, consumimur ab inuicem. Talis nos cibus occupat, & dimittit. Cum vero amici recesserint, ratiocinia supputamus. Nunc ira personam leonis nobis imponit: nunc cura superflua in annos plurimos duratura præcogitat: & quæ apud eundem sequuntur. Palam ergo tertius Adamantius & alter Chalcenterus Hieronymus, nostras prauitates demonstrat, & cur dulcissi-

dulcissima sacrarum rerum studia nobis videantur insuauia & perdifficilia, plane exponit. Est hoc studium laboriosum, non omnibus, sed delicatulis, languidis, & voluptatibus liquefactis: hominibus inquam sapientiam diuinam non amantibus, quam si amarent, nullum sentirent in ea acquirenda laborem, cum non sint onerosi labores amantium. Est longum otiosis, pigris, & oscitantibus: paruo tempore diuus Hieronymus linguam hebraicam didicit. Et Ioannes Picus, vt ipse de se scripsit, cum per mensem hebraicæ linguæ insudasset, tantum profecit, vt in ea, ni cum laude, saltem citra culpam epistolam dictare posset. Alliciat istos, qui laborem refugiunt, dulcedo illa, quam gustabunt, cum ad sapientiæ amplexus peruenerint: quia tunc cum Hieronymo dicent: Gratias ago Domino, quod de amato semine (loquitur de laboribus in perdiscenda lingua hebraica exhaustis) literarum dulces fructus capio. Audiat hic, qui laborem fugit, suauissimam diuinæ sapientiæ admonitionem: Fili a iuuentute tua excipe doctrinam, & vsque ad canos inuenies sapientiam. Quasi is qui arat, & seminat, accede ad eam, & sustine bonos fructus illius: in opere enim ipsius, exiguum laborabis, & cito edes de generationibus illius. Sed hoc loco cum eadem sapientiā exclamare licet: Quam aspera est nimium sapientia indoctis hominibus! Quod autem de vitæ periculo aiunt, quæ mihi sæpe ratio inculcata, ab amicis fuit, melior est, vt quidam sapienter scripsit,

Inuoluntarius  
liber

liber

Lib. 1.  
epist. 20.

Ecc. 6.

Ludovic.  
Viues.

Aelian.

Cic. li. 2.

Acad. q.

li. de sen:

Epist. ad  
Salu. de  
vergin.

Porph.

Epiſt.

Senec.

Sophoc.

Ecci. 37.

ſcripſit, vnus hominis, etiam vnus diei, vita,  
quam centum annorum, vnus corui. Adhibea-  
tur modus: quiſque pro viribus aliquam ſapien-  
tiæ partem ſibi compareret: & vt ſupra ſcripli, ſa-  
pientia eſt longæ vitæ cauſa. Diu multi viri ſa-  
pientes, cum ſibi temperare ſoleant, vixerunt:  
Gorgias Leontinus, Socrates, Plato, M. Cato,  
qui græcas literas ſenes didicit: quas quidem ſic  
auide arripuit, quaſi diuturnam ſitim explere  
cupiens, & innumeri alij. Diuus Gregorius cu-  
ris vniuerſalis Eccleſiæ gubernandæ oppreſſus,  
& capitis dolore perpetuo affectus, non ſolum  
ſacros libros legit, ſed etiam longiſſimis, & do-  
ctiſſimis commentarijs explanauit. Et denique,  
vt cum Hieronymo concludam, multo melius  
eſt ſtomachum dolere, quam mentem: impera-  
re corpori, quam ſeruire: grefſu vacillare, quam  
animo: præſtat luctari cum Deo, & vincere, quam  
otioſe viuendo paribus pedibus incedere. Quod  
autem de bonis operibus dicunt, fateor vanam  
eſſe omnem ſcientiam, ſi non ſit cum honeſta vi-  
ta coniuncta, quod etiam humanæ ſapientiæ pe-  
riti verè & conſtâter affirmarunt: & eos a choro  
ſapientium reiecerunt, qui ſibiipſis non ſapiunt.  
Vir peritus, ait ſapiens, multos erudiuit, & animę  
ſuæ ſuauiſ eſt: & eſt ſapiens, animimæ ſuę ſa-  
piens. Pium itaque requiro ſacrarum rerum in-  
quiſitorem, qui ſaltem a grauioribus peccatis ab-  
ſtineat: ad quod faciendum ſtudiorum labores,  
& uigilię, & maxime ſi de laboribus in hoc ſtu-  
dio ſuſceptis loquamur, mirifice conferunt: &  
quidem

quidem magis ni fallor, quam flagellorum usus. Hoc posito fundamento, cur non multum apud Deum merebitur, qui dies noctesque, in lege Dei versabitur? cum mandatum Dei seruet? cum in re utili & toti Ecclesiæ necessaria laboret? cum fidei, spei, & caritatis virtutē, mysteria religionis explicando, exerceat? cum in eam doctrinam incumbat, per quam salui facti sunt, quot quot placuerūt Deo a principio? cū deniq; sapiētia beatos Eccī. 24. vocet eos, qui ipsam elucidāt? Et quod de labore, qui ad carnis titillationes cōprimēdas maxime confert, paulo ante dicebam, quid est, cur tam pauci huius studijs delectentur, & tam multi cogitationis scientias refugiunt? cum tamen in rebus cogitandis, ut luculenter Tullius scripsit, hominis vita, posita atque etiam summa voluptas sita sit? An quia hoc studium non est delectabile, utile, & honestum, ac proinde maxime expectandum, & amandum? nequaquam: an vero, Eccle. 1. quia Deus dedit nobis hanc occupationem pessimam, hoc est laboriosam, & difficilem, & idcirco maximi meriti procreatricem? Communis hominum pestis est, laborem fugere, quem ij fugiunt, qui ignorant pulchra esse difficilia: nec animaduertunt laborem honesti causa susceptū recedere, ipsum vero honestum permanere; & captam voluptatem abire, eius vero turpitudinem in animo hærere, sæpeq; maximas pœnitēdi causas relinquere. Præstat ergo aliquando ob præteritos labores gaudere, quam ob dilapsas voluptates cruciari. Vano itaq; timore perterriti ad veræ



Cic. lib.  
de senec.

Iac. 1.

sapientiæ studia nō se conferūt ij, qui nō intelligunt ignorantiam esse omnium malorum ducē, & vt quidam scripsit, infernum quendam, & errore, atq; inscītia omnem uitam perturbari: qui non existimant quærendi defatigationem turpē esse, cum id, quod quæritur, sit pulcherrimū: qui non considerant homini ad laborem, & non ad voluptatem, tanquam languidam, pecudem ad pastum nato, nihil esse indignius, quam voluptatibus deliniri, insidiaq; corrumpi: qui in se non sentiunt innatam illam inuestigandi veri cupiditatem: qui, inquam, non vident ipsam naturam, nos ad maximas res cognoscendas genuisse, & conformasse: qui nunquam legerunt illud, nihil esse in hac vita iucūdius senectute, bonis studijs iuuentutis stipata: qui deniq; non considerant solam sapientiam esse id, vnde nobis sint petenda omnia, eamq; per se, sua ui, suaq; sponte omniū bonorum cumulum nobis afferre. Quis ergo erit ita agrestis moribus imbutus, aut quis ita contra naturæ studia tam vehementer obdurescet, vt a rebus diuinis cognitione dignissimis abhorreat? Dum ergo uiget ætas, dum non adhuc canis spargitur caput, eam acquiramus rem, quæ utilitatem voluptatem, honestatem, omniaq; vt breui dicā, animi & corporis bona secum affert. Et ut eam nos facilius consequi possimus, ipsum omnium bonorum, & ueræ sapientiæ fontem adeamus, at que ab eo, cum fiducia, his uerbis, eam petamus. Omnipotens sempiterne Deus, a quo est omne datum optimum, & omne donum perfectū, qui hominem

hominem tuæ sapientiæ capacem fecisti, da mihi sedium tuarum astitricem sapientiam, & noli Sap. 9.

me reprobare a pueris tuis: quoniam seruus tuus sum ego, & homo exigui temporis, & ad intelligendum infirmus, Mitte illam de cælis sanctis tuis, & a sede magnitudinis tuæ, vt mecum sit, me cum labore, vt sciam quid acceptum sit apud te: scit enim illa omnia, & intelligit, & deducet me in operibus meis sobrie, & custodiet me in sua potentia: & erunt tibi accepta omnia opera mea.

Quoniam si tua sapientia a me absuerit, etiam si consummatus fuero, nec sanari, nec tibi placere potero, & in nihil computabor, vani enim sunt omnes in quibus non est sapientia tua. Illumina Sap. 13.

igitur, o Domine, per Filij tui merita, & eius beatissimæ Matris intercessionem sapientiæ tuæ radijs tenebras meas, & considerabo mirabilia de Psal. 118.

lege tua. His itaque, vel alijs similibus verbis, vir fidelis, sapientiam cum fiducia a Deo petat, & ad eam consequendam aliquam curam atque studium adhibeat, & eam certissime consequetur. Nec enim fieri posse puto; vt tantum bonum tamque nobis necessarium ab illo munificentissimo Parente, a quo in nos omnia proficiscuntur bona, is filius non obtineat, qui cum humilitate,

& fide ad eius gloriam petiuerit. Si quis ergo, vt cum Iacobo apostolo hoc cōcludamus caput, nostrum indiget sapientia, postulet a Deo, qui Cap. 1.

dat omnibus affluenter, & non impropert, & dabitur ei.

*Totius operis peroratio. Cap. XXX.*

**Q**Uæ ergo nullæ sint iustæ causæ, nullæque firmæ argumentationes, quæ nos ab hoc iucundissimo, vtilissimo, nobisque maxime necessario, atq; omnium dignissimo rerum diuinarum studio reuocare debeant, aut possint: immo, cum innumeræ, efficacissimæ, atq; neruosissimæ sint rationes, quæ nos ad verâ sapientiam, quam naturæ impulsu velimus, nolumus, necessario appetimus, consequendam, nos excitent, commouent, pertrahunt; quis erit ita stupidus, ita sibi inimicus, qui cum videat se in tenebris constitutum, nolit cordis sui fenestras aperire, vt hæc diuina lux, hic supramûdanus sol in eius animum ingrediat, vt inde omnibus ignorantix tenebris expulsis illû claro splendore repleat, & summa iucunditate compleat? Quis ita sui parum amans, qui, cum in hoc deserto se siti perire sentiat, nolit ad perennem aquæ cœlestis fontem tanquam sitibundus ceruus accurrere, ibique pleno ore auidius potare? aut in cellâ vinariam sibi patentem, inuitatus, & accitus ingredi, vbi hoc spiritali vino, spiritus instauret, vires reficiat, animumque exhilaret? Quis suæ vitæ tam parum studiosus, qui cum sentiat se fame enecari, nolit in amplissimam opulentissimamq; sapientiæ domum ab ancillis dominæ iussu vocatus, intrare? vbi mensam lautissimam sibi paratam inueniet, vbi omni optimorum ciborum

genere

*Psal. 41.*

*Cant. 2.*

*Prou. 9.*

genere famem explere, vbi lacte suauissimo, mel-  
 le dulcissimo, pane cœlo delapso vesci poterit; ;  
 quem etiam cœlites ad cœlestem mensam su-  
 munt, eoq; æuo sempiterno vescuntur: quo sine  
 vitam illam beatâ traducere nullo modo queût:  
 ac proinde cœlestis Pater hunc panem illis perpe-  
 tuo ministrat. Quando igitur resipiscemus? vt  
 appetamus aquam quæ refrigerat, lac, quod nu-  
 trit, panem, qui corroborat, vinû quod inebriat,  
 manna, quod sapit, mensam quæ exhilarat, veram  
 inquam sapientiam, qua nihil amabilius, nihil  
 suauius, nihil fructuosius, atque diuinius a cœcis  
 miserisq; mortalibus in hac rerum cœcitate atq;  
 calamitate desiderari; aut excogitari potest. Vti-  
 nam hæc mortales saperent, & intelligerēt! Quia  
 nemo esset, qui nollet in paradiso deliciarum ver-  
 sari, in promissam terram proficisci, in ignis colū-  
 nam in obscura nocte sequi, cæcos oculos in a-  
 quis Silœ lauare, citharam & fundam Davidis,  
 Sansonisq; maxillam semper præmanibus habe-  
 re. Si qui in hoc studio versantur in tertium cœ-  
 lum rapiuntur, vbi arcana vident, quæ non licet  
 homini loqui: si ipsi soli in promissam terram  
 ingrediuntur: si ipsi soli ita felices sunt, vt botrû  
 diuinæ legis inde referant, humeris gestent, alijs-  
 que videndum, & gustandum proponant: si cum  
 Deo luctantur, & uincunt, illustreque nomen ex  
 hac pugna reportant: si eam reginam, quam Rex  
 ille omnium sapientissimus quæsiuit, & adama-  
 uit, sibi desponsant, cū eaq; iucundissime viuunt,  
 & in lectulo summa cum quiete recūbunt: quis

Gen. 3.

Sap. 7.

- tanto bonorum cumulo potiri, tantaque voluptatum copia, perfrui non concupiscat. Etenim, qui ad huius sapiëntiæ amplexus, & oscula venit, qui in hoc lectulo cubat, mirum in modum, ultra omnem humanum sensum, cœlestibus gaudijs perfunditur: & nimio amoris æstu sui impotens, seipsum vix sustinet; sed in collum dilectæ languidus relabens, amoris vim vocis ac iubilati testatur magnitudine. Filiæ Ierusalem exclamat, fulcite me floribus, stipate me malis, quia amore langueo. Quem languorem omni suauitate iucundiorē existimo: quem morte ipsa validiorē esse non dubito: quem regnis & sedibus præferendum censeo: in cuius comparatione aurum & lutum, vna cum Sapiente, æqualiter pendo. Ecquis huius præcelsæ reginæ pulchritudine diuinoque aspectu non capiatur? quæ vestibus omnium rerum cognitione variegatis induta, auro, gemmis, ostroque ornata, varijs ancillis circumdata, incedit: quæ omnibus leges imponit, omnia regit, omnia dirigit, omniâq; conseruat: quæ oculos in cœlū tollens in ipsam uim naturâq; diuinâ penetrat, æterna arcana scrutatur, beatorū sedes perlustrat, cœlestes orbes cōtemplatur, & , vt breui dicam, per omnē naturam permeat: vt nihil sit tā remotū, quod non attingat, tam abditum, quod non inueniat, tam occultū quod non patefaciat, tam denique implicatum, quod non explicet. Hæc, hæc est illa vera & sola sapientiâ, quæ potest nos eruditos reddere ad salutem: quæ errores refellit, veritates docet,
- mores

Cant. 2.

Franc.  
Abbas.

Psal. 44.

2. Tim. 3.

mores informat, peccata corrigit; & afflictos  
 consolatur: dum lapsos erigit, labentes susten-  
 tat, progredientes iuuat, animos conciliat, di-  
 scordes pacificat, & omnes in officio continet.  
 Hæc est illa sapientia, quæ in tempestate sæua,  
 quieta est; & lucet in tenebris, & pulsa loco  
 manet tamen, atque hæret in patria, splendetq;  
 per se semper, nec alienis unquam sordibus ob-  
 solescit. Hic uere exclamare licet. O vitæ theo-  
 sophia dux! o ueritatis indagatrix, expultrixq;  
 vitiorum! Quid non modo nos, sed omnino  
 uita hominum sine te esse potuisset? tu uere re-  
 ligionem constituisti: tu dissipatos homines in  
 societatem uitæ conuocasti: tu eos inter se offi-  
 cijs & caritate iunxisti: tu inuentrix legum, ma-  
 gistra morum & disciplina fuisti: ad te confugi-  
 mus, ac te opem petimus: tibi nos penitus to-  
 tosque tradimus, in tuumq; sinum a primis æta-  
 tis temporibus nostram uoluntatem, studiumq;  
 conferimus. Est enim unus dies in te cogno-  
 scenda collocatus, & ex tuis præceptis actus, si-  
 ne dubio anteponendus integræ ætati in alijs stu-  
 dijs consumptæ. Te unicam, te amicam, te di-  
 lectam, te sororem, te sponsam, te delicias no-  
 stras appellamus. Quam dulcis es amica! quam  
 suauis! Fauus distillans labia tua: mel & lac sub  
 lingua tua. Huius ergo pulcherrimæ & integer-  
 rimæ & sacrosanctæ reginæ inflammemini, per  
 ipsam æternam sapientiam vos oro, o carissimi.  
 Accedant ad eam in docti, conferant se in domum  
 disciplinæ ignari: quid adhuc retardatis? ipsa

Cic.lib.5.  
tuf.q.

Cant.4.

Eccî.31.

sapientia loquitur, & quid dicitis in his? animæ  
 Eccī.vlt. vestræ sitiunt vehementer. Hæc sequantur stu-  
 dia, qui veras voluptates, qui veras diuitias, qui  
 veram gloriam, & veram beatitudinem querūt:  
 hæc ampla sunt, hæc diuina, hæc immortalia,  
 hæc fama celebrantur, monumentis mandantur,  
 & posteritati propagantur. Est labor, non nego:  
 abstinere oportet, fateor: multis vigilijs est o-  
 pus, verissime dictum est. Caterum, labores &  
 incommoda, vtilitate, & voluptate compensa-  
 buntur maxima: cum nihil sit quod maiorem  
 oblectationem habeat, & maiore animum iu-  
 cūditate compleat, quam rerum, tum maxima-  
 rum, tum difficillimarū diligens indagatio. Ni-  
 hil amplū, nihil magnificum, nihil præclarum,  
 nihil gloriosum, atque erecto, celsoque animo di-  
 gnum sine labore acquiritur. Est itaque hæc om-  
 nium scientiarum, artiumque domina, præclaris  
 ingenijs, nobilibus viris, principibus, præfuli-  
 bus, regibusque dignissima, cum sit quædam di-  
 uina possessio. Hanc, hanc, omnium scientiarū  
 Arist. lib. amplissimam, antiquissimam, certissimam, om-  
 n. met. c. 2. nes sapientes viri, omni ætate, apud omnes po-  
 pulos, omni studio, omni contentione, dies no-  
 ctesque accuratissime quæsiuerunt: huius amo-  
 re capti, amatam patriam caros parentes, dulces  
 amicos, paternam hæreditatem, omnes opes, &  
 commoda omnia reliquerunt, & ad remota lo-  
 ca se contulerunt, vel in monasteria, vbi vita ab  
 omni corporis voluptate aliena viuitur, sese ab-  
 diderunt. Nos vero delicati & emolliti, & ef-  
 feminati



fœminati quid faciemus? semper cutem curabimus? semper voluptatem pecudum more sectabimur? ad quam qui suas cogitationes abiecerunt, nihil altum, nihil magnificum, nihil diuinum suscipere profecto possunt. Considerabimus aliquando nos esse ad contemplandum natos? abijciemus aliquando impuros, inutiles, & perniciosos libros? stultam & vanam aliquando eam iudicabimus sapientiã, quam Deus stultam fecit, & perdidit? & eam amplexabimur, quam ipse per se, & per illustres & sanctos viros nobis dedit? quæ veras virtutes nos docet, & ad eas consequendas vires præstat: quæ omnia corporis & animi bona delectabilia, vtilia, & honesta, vitamque tendem immortalem tribuit. Nosse enim te, o theosophia, cõsummata iustitia est, & scire iustitiam, & virtutem tuam radix est immortalitatis. Erimus ergo ita stulti, ita erga nos ipsos credeles, vt hanc sapientiam, a qua nostra vita, nostra conseruatio, nostra salus, nostra beatitudo pendet, reijciamus, & cum ea omnium bonorum cumulum? O quam desiderarem, vt aliquando Adæ filij huius cœlestis arboris dulcissimos gustarent fructus supra a nobis fusius recensitos! quoniam, certissime cum Propheta exclamarent: Quam dulcia faucibus meis eloquia tua, super mel ori meo! cum eodemq; dicerent, Dei legem meliorem esse auro & topatio, plurisq; se eam facere, quam millia auri & argenti: beatos eos vocarent, qui in ea dies noctesq; meditantur: eam semper exquirerent, eius obliuiscerentur

Cic. lib.  
de amic.

1. Cor. 1.

Sap. 15.

Psal. 118.

scerentur nunquam. O cæcos hominum ocu-  
 los, qui hæc non vident! O stupidos hominum  
 sensus, qui hæc non gustant! O hominum obtu-  
 sa ingenia, quæ hæc non intelligunt! Cur ego  
 hic non tanto legis diuinæ zelo sum incensus,  
 & tanto amore inflammatus, vt cum eam deser-  
 tam, & derelictam, & ab improbis hominibus  
 despectam, videam, cum eodem propheta dice-  
 re vere possem: Exitus aquarum deduxerunt  
 oculi mei, quia, o Domine, non modo non custo-  
 dierunt legem tuam, sed deriserunt, vitupera-  
 runt, sordidarunt, commacularunt. Et tu,  
 o prodige fili, quando paternam domum repe-  
 tes? ubi, uerus, bonus, & integer editur panis:  
 te alloquor, qui nouorum hominum nouas opi-  
 niones, & errores sequeris: resipisce aliquando,  
 & porcorum despice curâ, filiquas porcis dignas  
 eis relinque: recogita panem illum quo homines  
 & angeli uescuntur, quo serui domi Patris tui  
 abundant. Accurret, mihi crede benignus Pater,  
 in amplexus ruet, osculum pacis porriget, pater-  
 næ nobilitatis insignia, stolam, annulum, & cal-  
 ceamenta tibi restituet. Relinque aliquando eos  
 doctores, uel potius corruptores, quorum opinio-  
 nes in dies permutari, errores confutari, & nomi-  
 na etiam extinguere cernis: eos, inquam, quorum  
 nulli honesti mores, nullæ incorruptæ uitæ ratio-  
 nes, nulla ueræ uirtutis & pietatis extant exem-  
 pla: quorum quot sunt dogmata, totidem sunt  
 mendacia errores, & pestes. Eos doctores seque-  
 re quos, uniuerfa approbavit Ecclesia: & si tibi,  
 qui

qui antiquitatē requiris, cum tamen in dies semper noue uiuas, & noua excogites, nostri iuniores non placent, qui tamen placere deberent, reijce etiā tuos nuper e terra natos, Lutheros in quā Oecolampadios, Melancthones, Zuinglios, Castaliones, & ne plures christianæ religionis pestes, & lues commemorem, impios Caluinos; & repete Gregorios, Augustinos, Ambrosios, Hieronymos, Cyprianos, Basilios, Chrysostomos, Cyrillos, Iustinos, Clementes, & alios pene innumeros, quos in beatorum cœtu, & numero ponimus: qui, quam doctrinam recentiores tradunt, eam te docebunt, ueram, nimirum simplicem, synceram, & catholicam. Hanc igitur, dilecte, quæso te, amplectere, quam ab antiquis patribus intactam catholica conseruauit Ecclesia. Siquidem, natura duce, uera, fidelia, simplicia, & constantia diligimus, falsa uero & fallētia odimus, damnamus, reijcimus. Vos uero catholici, & ecclesiastici uiri nolite, obsecro, pati, ut uestra uinea destruat, uestra mēsa euertatur, uestrū regnum subuertatur: O beatos illos, qui hanc præstantissimam reginam ab improbis eiectam excipient! & eos infelices, qui eiecerint, & miseri, qui amiserint. Pudeat sacros homines, & Dei filios minorem diligentiam se in sacra & pāterna doctrina retinenda, quam impuros diaboli filios in eadē euertenda, adhibere. Pudeat ueros Christianos negligentiores esse in defendenda Christi sapiētia, quam pseudochristianos in eadem euertenda. Pudeat eos qui uanitati & mundo renunciarunt,

vanos

Cic. lib. 1.  
de fin.

vanos & mundanos auctores legere. Pudeat literarū professores lautissimas & exquisitissimas sacræ mensæ epulas deferere, & immundis siliquis, & cæpis os suum polluere. Pudeat denique eos, qui cum in Christi schola versentur & Christi discipuli haberi velint, nihil de eius vera sapientia acquirenda curant. Profani ergo homines, viri alienigenæ, solo naturæ lumine illustrati ad quandam veræ sapientiæ vmbra[m] consequendam, patrimonium neglexerint, caris parentibus se priuauerint, patriam & amicos reliquerint, remotas nationes adierint, varias regiones pedibus lustrauerint, maria periculosissima transauerint, multa vitæ pericula subierint, omnibus corporis voluptatibus renunciauerint, dies noctesque desudauerint, ac oculis etiam ipsis se orbauerint, & Christiani homines supernaturali lumine illustrati, & uiri præsertim sacri, omnibus auxilijs, Christi merito, ad discendum fulti, in magna sæpe magistrorum & librorum copia, intra domesticos parietes, sæpe etiam inuitati, rogati, iussi, & impulsī, ad Christi sapientiam perdiscendam non commouebuntur? se ad laborem & contemplationem in hanc lucem editos essentiorum virorum, quos supra recensuimus exemplis, non intelligunt? Sed vel turpi otio hebescent, & marcescent: vel in plateis & spatijs inambulando totos ipsos dies inutiliter conterent: vel ad circulos, vbi de rebus ad se nihil pertinentibus, & rarissime sine alienæ famæ diminutione, sermonem habeant, conuolabunt: vel denique inutilium

Cic. lib. 5.  
de fin.

Cap. 25.

tilium librorum lectione, & voluptatibus quibuscunque, & vndecunque quæ sitis vescentur, & existimabunt se optime natos, recte institutos, religioseque informatos? nisi christianam sapientiam vitæ parentem, ducem, & perfectricem, quā nos, laudauimus, commendauimus, celebrauimus, cuiusq; suauitatem, vtilitatem, necessitatē, celsitudinem, vtut potuimus, demonstrauius, noluerint, humanis scientijs & curis posthabitis, toto pectore perdiscere? O me infelicem! quoniam hic ob ingenij mei tarditatem, orationis inopiam, spiritusque imbecillitatem, hæreo, balbutio, deficio, nec, vt percuperem, animos commoueo, nec flecto, nec tantæ rei amore inflammo. Sed vna me sustentat consolatio, quod tuo, Sap.8.  
 æterna Sapientia, quæ per nationes in animas sanctas te transfers, quæ attingis a fine vsque ad finem, & disponis omnia suauiter, cum spiritus tuus, sit subtilis, multiplex, mobilis, suauis, & acutus, Sap.7.  
 legentium animos cōmouebis, & ad te quærendam, & amandam excitabis. Ego vero, vt tu, cui omnes intimę hominum cogitationes sunt manifestę, optime nosti, quidquid potui, quidquid habui, quidquid sciui, quantum in me denique fuit, id omne præstiti. Sed, vt finis aliquando sit, te candide lector obsecro, atque obtestor, vt, si forte ex numero eorum es, qui hactenus parum sapientiā diuinam amarunt, te huius cœlestis reginæ amor capiat: quam facile inuenies, cū amatores suos præoccupet, se prius Sap.6.  
 illis ostendat, in foribus inueniatur, & circum-


eat,

Hieron.  
epist.ad  
Demet.

eat, o ineffabilem diuinæ sapientiæ bonitatem !  
quæres diligentes se. Modicum, sapienti credas,  
laborabis, & multam inuenies requiem. Finem  
iungo principio, nec semel monuisse contentus  
sum, ama scripturas sanctas, & amabit te sapien-  
tia: dilige eam, & seruabit te : optimam partem  
elige, Christum te docentem ausculta, eiusque  
doctrinam dies noctesq; meditare : cum vanum  
sit omne quod sine Christo, qui est verus fons vi-  
tæ, & sapientiæ, quod in hoc mundo sapimus, &  
vuiumus.

*Laus Deo opt. max. & Beata Virgini  
Annuntiata.*









# INDEX RERVM NOTABILIVM.



## ✿ A ✿

<b>A</b> CADEMIA Parthenia seminarium feracissimum.	237
Academiae Partheniae insigne.	70
Academia Parthenia viros doctos & bonos ecclesiae ministros profert.	237
Academici Parthenij laudati.	70
Academici Parthenij cur sic dicti.	237
Academicis Parthenijs fauit Gregorius XIII.	168
Adam nimia sciendi cupiditate peccauit.	98
Ad discendum nulla aetas tarda.	182
Adolescentes vitare debent lectionem poetarum impudicorum.	196
Amare, facile est.	105
Amare diuitias est angusti animi.	110
Amantium labores non sunt onerosi.	271
Ambitionis descriptio.	183
Ambitio, per indigna, ad honores ducit.	110
Amoris praestantia, & effectus.	106
Anaxagoras bonis suis renunciauit, vt sapientiae incipere berret.	227
Anglia multos habuit rerum diuinarum studiosos.	234
Anglia feracissima bonorum ingeniorum.	234
Anglorum singulare exemplum ad diuina studia colenda.	238
Animarum curatores quanta doctrina debeant esse praediti.	159.160

T

Anima-

# INDEX R E R V M

Animarum cura, onus humeris, etiam angelicis, formi dandum.	146. 160
Animarum salus negotiatio pretiosa.	42
Animarum cura est ars artium.	160
Animæ pabulum meditatio diuinæ legis.	43
Animi relaxatio qualis esse debeat.	206
Antiquorum patrum diligentia in diuinis studijs.	215
Antonini Imperatoris laus, & discendi studium.	165
Aristotelis vitia.	101
Aristides quoties accusatus.	101
Arma spiritalia quæ sint.	124
Ars poetica parum utilis.	200. 201
Ars nobilior, quæ censeatur.	103
Artes a fine suo præstantiam sumunt.	103
Auaritiæ damnata.	110
Auctorum sacræ scripturæ laus.	100
Auctoris nomen opus illustrat.	93
Auctoritate diuina nihil maius.	250

## B

<b>B</b> ALDYS quantū lucratus fuerit, ex materia Sub- stitutionum.	135
Baptismus sacramētum illuminationū nominatur.	15
Basilius diuinæ scripturæ studiosissimus.	232
Beatitudo hominis in quo sita.	109
Beatitudinis conditiones.	105
Bona opera sunt necessaria fidelibus.	149
Boni ministri, ecclesiæ necessarij.	178
Boni diuisio in varias partes.	136
Boni doctoris manus quod.	161

## C

<b>C</b> ARMELITANA religio quot scholasticos ha- buerit.	73
Carnis fructus qui sint.	134

Chri-

Christiana respu. lege diuina potissimum regitur.

165

Christiana doctrina ab omnibus populis recepta. 81

Christiana philosophia omnia secum affert bona. 109

Christiana doctrina omniū doctrinarū certissima. 87

Christianæ sapientiæ præstantia. 94

Christianæ philosophiæ finis qui sit. 103

Christiani gloriari possunt ob doctrinam a Deo acceptam. 150

Christiani nota, quæ sit. 133

Christiani omnes quantum debeant scire ex doctrina Christiana. 161

Christiani, re philosophantur. 104

Christiani olim memoriter sacras literas discebāt. 235

Christus verus fons uitæ & sapientiæ. 286

Christo sine, quod viuimus & sapimus est vanum. 286

Clerici debent esse mundi. 199

Clericis quatenus dāda sit opera literis humanis. 195

Clericorum panis quotidianus, qui. 201

Clericis, scripturis diuinis incumbendum. 201

Clerici vitare debent lectionem poetarum impudicorum. 196

Clerici, vnde sic dicti. 194

Conciliorū decreta ad clericos instituendos facta. 178

Confessiones audire, est opus ualde difficile, & arduum. 160

Curatoris animarum munus. 161

Cur multi sacris literis non studeant. 4

Cyniphes & ranæ Ægypti quid significant. 194



D



DEORVM falsorum descriptio. 297

Dæmonis insultus diuinis scripturis repelluntur. 125

Dauid propheta quantum fuerit legis diuinæ studiosus. 27

Dauid diuinæ legis studiosissimus. 229

T 2 Dei

# INDEX RERVM

Dei misericordia erga hominē, dando ei <u>scripturas.</u>	<u>96</u>
Delitiæ Dei, esse cum hominibus.	<u>138</u>
Democritus oculis se priuauit, vt melius philosopharetur.	<u>227</u>
Desidia damnata.	<u>269</u>
Deum qualem posuerint philosophi.	<u>104</u>
Deus conqueritur, quod homines suæ legis studium deserant.	<u>2</u>
Deus non est inuidus.	<u>241</u>
Deus a sacerdotibus magis requirit scientiam, quam holocausta.	<u>146</u>
Deus inuitat homines ad scripturarum studia.	<u>3</u>
Deus per sapientiam cognoscendus & per religionem colendus est.	<u>92</u>
Deus loquitur cum ijs, qui eius legem legunt.	<u>129</u>
Deus est noster præceptor.	<u>102</u>
Deus sine inuidia sapientiam communicat.	<u>163</u>
Deus quantum nos amat, scripturarum reuelatione demonstrat.	<u>239</u>
Deus vsuras a nobis exigit.	<u>234</u>
Deus quomodo nos doceat.	<u>103</u>
Dialecticis studijs non est nimis immorandum.	<u>194</u>
Didymus adamantius, qui <u>facrit,</u> & quot libros composuerit.	<u>270</u>
Dij gentium irrisi.	<u>198</u>
Dij foribus affixi, qui.	<u>127</u>
Disciplinæ quomodo inuentæ.	<u>252</u>
Disciplinæ humanæ sunt incertæ.	<u>87</u>
Diuinæ legis luce quæ videantur.	<u>16.17</u>
Diuina possunt disputatione tractari, & quomodo.	<u>267.268</u>
Diuina quomodo sint quærenda.	<u>266.267</u>
Doctor debet esse paratus ad respondendum statim.	<u>181</u>
Doctoris officium.	<u>179</u>
Doctorum præmium.	<u>266</u>
Doctorum ecclesiæ defensio contra hæreticos.	<u>48</u>
Doctrina quæ principes deceat.	<u>172</u>
Doctrina	

# INOTABILIVM.

Doctrina christiana, quam sit necessaria fidelibus. 148.

149

Doctrina christiana est omnibus ingenijs accommo-  
data. 151

Doctrina christiana est a Deo. 94

Dominicana religio quot scholasticos habuerit. 73

Duodecim fructus ex studio diuinæ legis colliguntur,  
& qui sint. 134



E



**E**CCLESIA Dei qualis sit. 17

Ecclesiam Dei, quid destruat. 178

Ecclesiasticæ scholæ quorsum institutæ. 202

Ecclesiasticis gradibus qui sint digni. 261.262

Effectus varij legis diuinæ. 118.119.120

Eloquentia perfecta sine sapientia non acquiritur. 195

Eloquentiæ præcipua pars est sapientia. 67

Episcopus eligendus qualis esse debeat. 181.182

Excusationes eorum qui nolunt proficere in studijs  
tolluntur. 178.179.180.& seq.

Exempla omnibus personis accommodata reperiun-  
tur in scriptura. 158

Exempla varia eorum, qui rerum diuinarum studio  
delectati sunt. 227.& sequent.

Exemplo demonstratur diuina studia esse colenda. 35



F



**F**ABVLÆ poetarum non sunt mystice intelligen-  
dæ. 198

Fama est virtutis ymbra. 110

Fide aliquid credere non est contra hominis natu-  
ram. 149

Fides necessaria in humana vita. 249.250

Fides christiana est certissima. 68

Finis est actionum humanarum regula. 201


Formæ diuersæ scribendi res sacras. 73

T 3


Fœminæ

# INDEX RERVM

Fœminæ rerum diuinarum studiose.	235
Francisci Mariæ Vrbini ducis virtutes.	174
Franciscana religio quot scholasticos habuerit.	73
Fructus varij qui ex studio diuinæ legis capiuntur.	
123. & sequentib.	
Fructus carnis qui sint.	134



<b>G</b> ERMANIA bonorū ingeniorū feracissima.	168
Gloriari licet in sapientia diuina.	92.93
Gravis morbus est non habere gustum diuinæ legis.	5
Græce philosophiæ propriū, philosophari verbis.	104
Gregorij xij diligentia in amplificanda religione & Theologiæ studio.	168
Gregorius xij. laudatus.	168
Gregorius xij fauit Academicis Parthenijs.	168
Gregorius Nazianzenus curam reddituum temporarium non suscipiebat.	42
Gregorius Nazianzenus, cur Theologus dictus.	14




<b>H</b> ÆRETICVS reuocatur ad verā doctrinā.	282
Hæretici nostri temporis, vituperant scripturæ studium.	9
Hæreticorum descriptio.	27.28
Hæretici damnati.	121
Hæretici Theologorum libros comburunt.	10
Hæretici Theologos vituperant.	10
Hæretici scripturam omnibus tractandā	proponunt.9
Hæretici dicunt scripturam esse facilem.	9
Hæretici scripturas corrumpunt.	9
Hæretici quos magistros habeant.	27
Hæreticorum vitia quæ sint.	48
Hæreticorum mores descripti.	82.83
Hieronymus diuinitus cæsus, quod nimium literis humanis delectaretur.	202



## NOTABILIVM.

Homerus ob ignorantiam periit .	101
Homines qñ sapientiæ nomē sibi male vsurparūt .	108
Homines Dei veri cognitione amissa, creaturas adorant .	108
Hominis vita est militiā .	124. 125
Hominis naturæ est, aliorum suscipere curam .	42
Hominis vita est contemplatio .	215
Hominis status post lapsum qualis .	22
Hominis ignorantia quanta .	25
Homo ingratus erga Deum non studēdo eius legi .	26
Homo est animal ad contemplandum natum .	44
Homo insipiens inutilis mundo .	120. 121
Homo scientijs ornatus, si virtutibus careat, est quid imperfectum .	107
Homo est natus ad contemplationem .	2. 15. 44
Homo is solus vere dicitur, qui est sapiens .	109
Homo sua natura ad cognitionem est propensus .	261
Hortatio ad diuina studia .	216
Hortatio pulcherrima Augu. ad studiū scripturæ .	188
Humanę scientiæ natura .	114. 115
Humanę scientiæ non satiant sciendi appetitum .	22
Humanis scientijs non est diutius <u>incumbendum.</u>	190.
	191. 192



<b>I</b> Esus filius Sirach sapientię cupidus .	230
Ignorans qui vere dicatur .	132
Ignorantia est mater cunctorum errorum .	177
Ignorantia inimica scientię .	262
Ignorantia omnium malorum dux .	274
Ignorantia sacerdotum damnata .	175. 176. 177
Ignorantia cur fugienda principibus .	173
Ingratitudo displicet Deo .	I
Ioan. Pici pietas .	205. laus. 25 L.
Ioan. Picius paruo tēpore linguā hebraicā didicit .	271
Italia bonorum ingeniorum fœcunditate nulli prouinciæ cedit .	235

# INDEX RERVM

Ifachar, quid significet.	228
Iuris ciuilis studium non esse Theologiæ studio præferendum.	184.185
Iurisprudentia non est rerum diuinarum sciëntia.	186
Iurisprudentia ars periculosa & parū delectabilis.	187
Iuris prudentiæ studium quale sit.	187

## L

<b>L</b> A E O R E M qui refugiant.	273
Lac quid in scriptura significet.	35
Lac rationale cur scriptura dicatur.	36
Lætitia confert ad valetudinem <u>conseruandā. 138.139</u>	
Legis diuinæ cognitio quib. sit necessaria.	144.145.146
Legis diuinæ scientia sacerdotibus necessaria.	147
Legis diuinæ studiosi non possunt dici ignorantes.	132
Legis diuinæ & solis comparatio.	119
Legis diuinæ prædicatio necessaria.	144
Legis diuinæ fructus apud gentes barbaras.	144
Legis diuinæ varij effectus.	118.119.120
Lex diuina veluti sol omnibus lumen præbet.	122
Lex diuina quos effectus in mundo produxerit.	122
Legum humanarum sciëntia, cur multi delectetur.	155
Liber qui nobis legendus & eligendus sit.	209
Libri inutiles & inhonesti non legendi.	95
Libri profani cur non sint legendi.	205
Libros impudicos nō esse legēdos exēplo probatur.	33
Librorum inutilium lectio, quæ detrimēta afferat.	204
Librorum inutilium scriptores damnati.	23.32
Literarum studia magis hominem decent, quam armorum tractatio.	170
Luce diuinæ legis qui carent, nihil vident.	18
Lux diuinæ scripturæ quas vtilitates nobis afferat.	20


## M

<b>M</b> Cato litteras senes didicit.	272
M. Cato quoties accusatus.	101


M. Cato

# NOTABILIVM.

M. Cato leno.	101
Marcus Euāgelista Academiā instituē Alexādrīę.	145
Maria Virgo sapientissima omnium <u>creaturarum.</u>	235
Maria Virgo diuinarum scripturarum studiosissima.	
<u>235.236</u>	
Maria Virgo ecclesię, & apostolorū magistra.	<u>236.237</u>
Martyrum constantia.	69
Mens in honestis cogitationibus occupanda .	207
Mensa, quid in scriptura significet .	<u>32</u>
Mensa spiritualis qualis sit.	44
Mercurius Trismegistus cur sic dictus.	<u>166</u>
Miraculis demonstratum est quātum Deo placeat studium suę legis .	234
Moyſes diuinę legis studiosissimus.	229



<b>N</b> ATVRA duce veritatem amamus, falsitatem odimus .	<u>283</u>
Nobilitas vera ex sapientia oritur.	171
Nobilitas sine sapientia est inaurata ouis.	<u>171</u>
Nobilitas vera a sapientia petenda .	<u>164</u>
Nobiles, quę scientia deceat.	<u>164</u>
Nulla honesta disciplina habet pro fine opes .	<u>161</u>
Numa Pompilius pythagoreus .	<u>166</u>



<b>O</b> LIM iidem erant reges, sacerdotes, & theologi, siue philosophi.	<u>166</u>
Omnes homines ex lectione scripturę sacrę possunt aliquem fructum capere.	<u>158</u>
Omnes philosophorum scholę aberrarunt a vero hominis fine .	<u>107.108</u>
Omnes fideles sunt obligati scire legē diuinā.	<u>148.149</u>
Omnes humanę scientię acceperunt aliquid sacra doctrina.	81
Omnes volunt esse beati.	110

Oratio

# INDEX RERVM

Oratio ad petendam sapientiam.	170. <u>274.275</u>
Origenes, quæ docebat, faciebat.	<u>245</u>
Origenis quanta diligētia sacris literis <u>incubuerit.</u>	<u>270</u>
Origenes cur adamantius dictus.	<u>269</u>
Origenes quot libros scripserit.	<u>74.232</u>
Origenes diuinæ legis studiosissimus.	<u>231</u>
Origenis vita.	<u>321.232</u>
Otiosi damnati.	<u>269.270</u>



P



<b>P</b> ANIS, quid in scriptura significet.	<u>39</u>
Panis sacre scripturæ quomō sit māducandus.	<u>42</u>
Panis quotidianus est sacra scriptura.	<u>40.41</u>
Pastores ecclesiæ quāta doctrina dēant esse eruditi.	<u>159</u>
Pastorum ecclesiæ mūnera.	<u>159</u>
Patres societatis Iesu laudati.	<u>168</u>
Philosophia humana imperfecta.	<u>105</u>
Philosophiæ studiū nō est postponendum legum hu- manarum studio.	<u>261</u>
Philosophia humana utilis est theologiæ.	<u>189.190</u>
Philosophi, cur sic voluerint appellari.	<u>89</u>
Philosophorum vitia.	<u>101</u>
Philosophi qualem Deum posuerint.	<u>104</u>
Philosophandum esse paucis.	<u>190.191.192.193</u>
Philosophandi ratio apud antiquos <u>philosophos.</u>	<u>104</u>
Poetæ a platonica rep. expulsi.	<u>208</u>
Poetarum fabulæ nullam habent mysticam significa- tionem.	<u>128</u>
Poetarum lectione cur abstinendum.	<u>205</u>
Prelatos, quæ scientia deceat.	<u>163</u>
Presbyteri cur sic dicti.	<u>201</u>
Principes quæ scientia deceat.	<u>163</u>
Principes sapientiæ cultores sunt alijs meliores.	<u>165</u>
Principes sine sapiētia nō possunt suo officio fungi.	<u>164</u>
Principes cur dij nominantur in scriptura.	<u>163</u>
Principes debere dare operam sapientiæ.	<u>172.173</u>
Principis vita est subditorum regula.	<u>163</u>

Prin-

## NOTABILIVM.

Principibus fugienda ignorantia. 173  
 Profana non permiscenda diuinis. 103

### ✠ Q ✠

**Q**UANTA sit Theologiæ dignitas. 70  
 Quanta sit scripturæ sacræ altitudo. 78  
 Quanta doctrina requiratur in sacerdote. 178.179  
 Quanta sit sacræ doctrinæ certitudo. 68  
 Quæ diuitiæ sint parandæ. 171  
 Quæ Salomon de diuina sapientia docuerit. 13  
 Qui delectantur studio diuinæ legis, habent indicium  
 quoddam prædestinationis. 123  
 Qui legi diuinæ studet quotidie spiritualiter innouatur,  
 & illuminatur. 129.130  
 Quinque sacræ scripturæ vtilitates à Paulo numeratæ. 76  
 Qui sciendi studio ad gētes remotas se cōtulerint. 227  
 Qui studio diuinæ legis non delectantur, inermes sunt  
 in spiritali pugna. 126  
 Quattuor scripturæ sensus quid efficiant. 25

### ✠ R ✠

**R**ATIONIS humanæ vis, quæ. 252  
 Regni propugnacula, quæ. 167  
 Regnum cēlorum commissum est sacerdotibus. 148  
 Regibus & principibus rerum diuinarum cognitio est  
 necessaria. 169.170  
 Religione conseruatur, & augetur imperium. 166  
 Religio cur seruanda principibus. 172  
 Romanorum religio. 166  
 Resp. quando bene administrantur. 165

### ✠ S ✠

**S**ACERDOS, vnde sic dictus. 146  
 Sacerdotes sunt Dei nuntij. 147

Sacer-

# INDEX R E R V M

Sacerdotibus quam necessaria sit scientia.	147.148
Sacerdotes sunt Dei vasa.	199
Sacerdotes sine biblijs, sunt veluti milites sine ense.	222
Sacerdotes non debēt legere profanos libros.	193.194
Sacerdotis munera quæ.	148
Sacerdotis pectus quale esse deberet.	146
Sacerdotum <u>munera, &amp; officia</u> quæ.	179
Sacerdotum ignorantia damnata.	175.176.177
Sacerdotij substantia quæ.	182
Sapientia non intrat in animam maleuolam.	242
Sapientia affert secum honores.	139
Sapientia communicanda.	246.247
Sapientia est quædam diuina possessio.	163
Sapientia diuina in omnes sese insinuat, neminemque a se excludit.	156
Sapientia a Deo petenda.	27
Sapientia diuina dat nobis bibere.	34
Sapientia quibus rebus acquiratur.	242.243.244
Sapientia omnia bona secum affert.	136.137.138
Sapientia quas secum vtilitates afferat.	218.219
Sapientia studio, & precibus acquirenda.	244
Sapientia diuina ad se cognoscendam nos inuitat.	31
Sapientia necessaria principibus.	169.170
Sapientiam facile acquiri posse.	240.241
Sacræ doctrinæ certitudo quanta sit.	68
Sacra studia cur a multis parui fiant.	260
Salomonis sapientia quanta.	85
Salomon quæ de diuina sapientia scripserit.	13
Salomon quantum sapientiam desiderauerit.	230
Salomon quanti sapientiam fecerit.	13
Sapientiam certissime assequetur, qui eam a Deo petet, & vt acquirat operam dabit.	275
Sapientiam necessariam esse principibus demonstratur.	165
Sapientix descriptio.	91.89
Sapientix humanæ descriptio.	206
Sapientix varij effectus.	118.119.120
Sapientix	

# NOTABILIVM.

Sapientiz proprietates.	84.85.86.87.88.113
Sapientiz consuetudo delectabilis.	46
Sapientiz natura explicata.	84
Sapientia nihil amabilius & fructuosius.	177
Sapientiz diuinæ effectus & potestas.	26
Sapientiz christianæ finis.	103.105.106
Sapientiz veræ cur danda sit opera.	276. & seq.
Sapientiz christianæ descriptiones.	102
Sapientiz diuinæ bonus discipulus & professor, qui.	245
Sapientiz quanta sit præstantia.	90
Sapientiz studiosi diu viuunt.	218. 272
Sapientes formosissimi, & ditissimi sunt.	141
Sapientis nomen omnes affectant.	84.91.92
Sapientis nomen quam sit præclarum & illustræ.	90
Scholastici quid in ecclesia faciant.	82
Scholastici laudati.	82
Scholasticorum scriptorum numerus.	73
Scientia legis diuinæ sacerdotibus maxime necessaria.	147
Scientia vana, nisi sit cum uirtute coniuncta.	274
Scientia humana qualis sit.	22
Scientia, ex se, non inflat.	269
Scientia acquisita perseverat in cælo.	215
Scientijs humanis quatenus utendum.	203
S. scriptura continet omnes scientias.	156
S. scriptura est panoplia, in qua adseruantur arma spiritalia.	225
S. scriptura est omnibus ingenijs accommodata.	151. 157. 158.
S. scriptura qua ratione scripta.	255. 256
S. scriptura, cur aqua, fons, fluuius & pluuia uocetur.	21
S. scriptura diuina est, veluti quædam mensa.	45
S. scriptura est veluti vinum & lac.	30
S. scriptura nihil habet superflui.	257. 258
S. scriptura est paradysus deliciarum.	182
S. scriptura est nobis pro lucerna.	18. 19
S. scriptura cur uinum & aqua nominetur.	213
S. scri-	



# INDEX RERVM

S. scriptura non est scripta sine ordine & methodo.	
<u>253.254</u>	
S. scriptura comparatur thesauro, puteo, & fonti.	<u>74</u>
S. scriptura referta omnibus figuris & schematib.	<u>154.</u>
<u>256. 257</u>	
S. scriptura omnibus utilis & accommodata.	<u>212</u>
S. scripturæ profunditas.	<u>74</u>
S. scripturæ studij utilitates.	<u>264</u>
S. scripturæ auctores qui fuerint.	<u>100</u>
S. scripturarum ignorantia est Christi ignorantia.	<u>177</u>
S. scriptura cur non sit scripta eleganti sermone.	<u>259</u>
S. scriptura cur lux, lumen & lucerna nominetur.	<u>15.16</u>
S. scripturæ natura, atq; vis descripta.	<u>212.213</u>
S. scripturæ translatōres quot fuerint.	<u>72</u>
S. scripturæ studium omnia bona secum affert.	<u>136.</u>
<u>137.138</u>	
S. scripturæ utilitas & amplitudo.	<u>211</u>
S. scripturæ studium regibus necessarium.	<u>169.170</u>
S. scripturæ vbertas quanta.	<u>77</u>
S. scripturæ antiquitas.	<u>79.80</u>
S. scripturæ studiosi sunt terræ promissæ exploratores.	
<u>214</u>	
S. scripturæ studiosi luctantur cum Deo, dum eam intelligere conantur.	<u>213</u>
<u>S. scripturæ</u> studium est nobilibus hominibus dignum.	
<u>162</u>	
S. scripturæ integritas & perfectio.	<u>79.80</u>
S. scripturæ studium uoluptatem maximam affert.	
<u>127.128</u>	
S. scripturæ natura.	<u>156</u>
S. scripturæ lectio quibus in locis habenda ex synodo Tridentina.	<u>208.209</u>
S. scripturæ variz appellationes.	<u>19</u>
S. scripturæ studium quantum alijs præstet.	<u>155</u>
S. scripturæ studiosi quales sint.	<u>277</u>
S. scripturæ studio quo tempore opera danda.	<u>246</u>
S. scripturæ studium inflammat affectum.	<u>131</u>
S. scripturæ descriptio.	<u>212</u>
S. scri-	

# NOTABILIVM.

S. scripturæ meditatio est hominis beatitudo.	209
S. scripturæ profunditas, vnde nascatur.	74.75
Solis descriptio.	117
Solis varij effectus.	117
Somaſchæ congregationis patres laudati.	179
Studioſi verę ſapientię quanta voluptate repleantur.	278
Studiorum labores conferunt ad vitanda peccata.	272

## ✠ T ✠

<b>T</b> H E O D O S I Imperatoris laus, & vita.	173.174
Theologiæ definitio.	7
Theologiæ elegans descriptio.	278
Theologiæ descriptiones variz.	112.113.114.115
Theologiæ numera.	250
Theologiæ amplitudo maxima.	71.72
Theologiæ antiquitas.	79.80
Theologiæ obiectum, quod nam ſit.	78.79
Theologiæ omnes artes & ſcientiæ tanquam ancillæ inferiunt.	66
Theologiæ utilitas.	264
Theologia, quæ ingenia requirat.	164
Theologos interdum aberrare a veritate catholica, mirum uideri non debet.	263.264
Theologiam principibus & prælatis neceſſariam elle demonſtratur.	165
Theologiam magis gubernare mundum, quam iuri humani prudentiam.	184.185.186
Theologiæ ſtudium quâcum alia ſtudia præcellat.	155
Theologiæ ſtudium quantum antecellat legum humanarum ſtudium.	184.185.186
Theologiæ ſtudium quàm ſit rei p. chriſtianæ neceſſarium.	143
Theologiæ ſtudium eſt nobilibus hominibus dignum.	162
Theologo omnes artes & ſcientiæ interdum ſunt neceſſariæ.	64.65

Theo-

# INDEX RERVM NOTAB.

Theologus qui facile euadere queat.	245
Tres mensæ sunt in diuina scriptura.	45
Tribus Isachar studio diuinæ legis addita.	228

## ✠ V ✠

<b>V</b> ARIA scribendi formæ rerum <u>theologicarū. 73</u>	
Varia de fine hominis opiniones.	<u>106. 107</u>
Varia sanctorum patrum de diuinæ legis studio sententia.	<u>211</u>
Varijs scripturæ diuinæ sententijs homines ad sacra studia & sapientiam acquirendam inuitantur.	<u>217</u>
Virtutes omnes sunt inter se connexæ.	<u>137</u>
Virtutis laus in actione sita est.	<u>104</u>
Vita hominis est contemplatio.	<u>44</u>
Vitia varia philosophorum.	<u>101</u>
Vltimus hominis finis ex Aristotele.	<u>104</u>
Vltimi finis condiciones.	<u>105</u>
Voluntas a solo bono mouetur.	<u>135</u>
Voluptas maxima in rerū maximarū indagatione.	<u>280</u>
Voluptas maxima ex diuinæ legis studio capitur.	<u>126</u>
	<u>127. 128</u>
Voluptates, qui sequuntur nil præclarum efficere possunt.	<u>281</u>
Voluptatibus deliniri est turpe.	<u>274</u>

## Finis Tabulæ.

### Errata, sic corrigito.

Pag. 11. vers. 26. famem. p. 65. u. 14. exponet. p. 67. u. 21. & vacat,  
p. 89. u. 6. alijs. p. 141. u. 12. sitiunt. p. 190. u. 30. gustare. p. 205. u.  
1. sonos. p. 201. u. 8. suos. p. 276. u. 10. excitant. p. 285. u. 15. tu, o.

*Minora errata, qua ad orthographiam & interpungendi rationem pertinent, Lectoris iudicio relinquuntur.*

